



28,918 / B

A x 0.26





Digitized by the Internet Archive  
in 2018 with funding from  
Wellcome Library

<https://archive.org/details/b30536674>

Hippoceras

III De decenti habitu.



65719

*h. Ravef*

TRACTATUS  
DE PHILOSOPHIA MEDICI,  
SIVE

ΙΠΠΟΚΡΑΤΟΥΣ ΚΩΟΥ  
ΠΕΡΙ ΕΥΣΧΗΜΟΣΥΝΗΣ,  
HIPPOCRATIS COI  
LIBER DE HONESTATE:

QVEM RECENSUIT, INTERPRETATIONE LATINA,  
NOTISQVE PERPETVIS, ET COMMENTARIO ILLUSTRAVIT,  
ITEMQVE

PROLEGOMENA

DE STATV ANTIQVAE PHILOSOPHIAE ET MEDICINAE  
GRAECANICAE ETC. PRAEMISIT,

ET, EX COMMUNICATIONE V. EXP.

HENR. CHRISTIANI CRUGERI,

MED. D. ET PHYS. LVNEBURG.

ADHVC INEDITA GRAECA

SCHOLIA ET GNOMAS

MS. BIBLIOTHECAE REG. PARIS.

HVIVSQVE ET EDIT. ALD. VENET. 1526,

VARIETATEM LECTIONIS

ATQVE IPSIVS LAVDATI VIRI

ANIMADVERSIONES

IN EVNDEM LIBRVM

ADIVNKIT

GEORGIVS MATTHIAE

BIBLIOTH. BVLOV. CVSTOS.

ADIECTA EST COMMENTATIO

ΠΕΡΙ ΧΡΕΟΥΣ ΑΔΙΑΔΑΚΤΟΥ,  
EODEM AVCTORE.

---

G O T T I N G A E,

TYPIS ABRAMI VANDENHOECK, ACAD. TYPOGR. ET BIBLIOPOL. clbccc

- 1740.





PROLEGOMENA  
SCHOLIA ET Gnomas  
ADIVC INDITA GRAECA  
ET EX COMMUNICATIS A. EDI.

MS. BIBLIOTHECAE REG. PARIS.  
HAYESOE ET EDI. AID. VENET. 1755.  
ATQVE IPSIS LAVDATI VIRI  
ANIMAS ET HOS TO N E S  
IN EVIDEM LIBRAM

GEORGIUS HATFIELD  
BIBLIOTH. HATFIELD  
ABSTRACT EST GOZ  
DEPT X P E O T E  
EODEM AVOC ORZ

GOTTFRID

ACAD. SCHOOL, ACAD. SCHOOL, ACAD. SCHOOL



ILLVSTRISSIMO DOMINO

DOMINO

RVDOLPHO IOHANNI  
L. B. DE WRISBERG,

DYNASTAE IN WRISBERHOLTZEN, BRVNCKENSEN,  
WESTLEMB, ARMENSVEL, SELLENSTEDT, ETC.

AVG. AC POT. M. BRIT. REGIS ET DVCIS  
ELECTORIS BRVNSVICENSIVM ET LVNE-  
BURGENSIVM A CONSILIIS INTIMIS,  
ET SVPREMI QVOD CELLIS EST,  
APPELLATIONVM TRIBVNALIS PRAESIDI,

DOMINO SVO GRATIOSISSIMO:

ITEMQVE

ILLVSTRISSIMO DOMINO

DOMINO

GERLACO ADOLPHO  
L. B. DE MVNCHHAVSEN,

DYNASTAE IN STRAVSFVRTH, ETC.  
AVG. AC POT. M. BRIT. REGIS ET DVCIS  
ELECTORIS BRVNSVICENSIVM ET LVNE-  
BURGENSIVM A CONSILIIS INTIMIS,  
ET MAGNO PER CELLENSEM  
DVCATVM ADVOCATO,

DOMINO SVO GRATIOSISSIMO,

DEVOTISSIMVM OBSEQVIVM DICIT

AVCTOR.



# ILLVSTRISSIMI ET GRATIOSISSIMI DOMINI!

*Quum* *literarum, & maxime librorum conscribendorum col-*  
*ligendorumque memoriam inde ab origine per succedentes*  
*temporum vices repeto, praecipua quadam admiratione dignum*  
*mibi videtur, quod multi illustres & belli & pacis artibus he-*  
*roës libros quoque in pretio habuerunt, eorumque thesauros*  
*singulari studio condere sibi in laude posuerunt. Notiora plu-*  
*rimorum in hoc genere sunt nomina, quam ut hic referri de-*  
*beant. Simul hoc etiam animaduerto, quo maiora, rebus prae-*  
*clare gestis, regna atque respúblicae ceperint incrementa, quo-*  
*que plus opum ac gloriae gentes consecutae sint, eo fere*  
*magis in Principibus Proceribusque exarsisse amorem literarum*  
*& instruendarum Bibliothecarum studium: ut factorum nobili-*  
*tas & fauor ingeniorum pari passu processerint, una steterint,*  
*una ceciderint. Itaque magni signum esse animi videtur prae-*  
*stantisque virtutis, amare bonas literas, earundem conquirere*  
*monumenta, dignâ collocare sede, sibi que commendata habere.*  
*Atque ipsa profecto bonorum scriptorum natura & conditio tali*  
*cura non indigna est. Sunt enim expressae quasi praestantium*  
*ingeniorum imagines, animorum cogitationumque simulacra,*  
*doctrinae sapientiaeque documenta, utilium praeceptorum ta-*  
*bulae, illustrium exemplorum monumenta; denique, quicquid*  
*in rebus humanis praeclarum, utile, iucundum est, eius me-*  
*moriam conseruant atque reuocant: quae quidem omnia tanto*  
*magis valent, quanto magis libri virtutibus scribendi eminent.*  
*An mirum igitur, si animus, potior hominis pars, aliorum a-*  
*nimorum vel ingeniorum quasi exuias colit, eorumque socie-*  
*tatem inire gestit? si in concilio magnarum animarum versari*  
*affectat, optimorumque consultorum admonitionibus frui? &*  
*praesertim quum earum, quae ad vitam corporis huiusque vi-*  
*ctum*



## E P I S T O L A.

*Hum & cultum pertinent, rerum curis fatigata mens est, libenter in Bibliothecam ad ingeniorum commercia secedit. Huius erga literas & libros voluntatis illustria in Vobis, DOMINI GRATIOSISSIMI, veneror atque suspicio exempla. De Bibliotheca, quam Illustrissimus WRISBERGIUS condidit, celebris fama est: &, quum aliquando Bulouianam suae praesentia personae illustriorem faceret, vidi, quam cupide libros arriperet, audiui, quam perite de iisdem disputaret; qua re cum in admirationem tanti studii tractus sum, tum aliquam pro me quoque talis fauoris fiduciam concepi. Nec minus notum est, quantum MVNCHVSIO Maecenate Bibliotheca Georgiae Augustae Publica subinde magis magisque exsplendescat. Vestrum igitur, DOMINI, beneuolum de libris iudicium mihi addidit animum, ut hoc, quodcunque est, opusculi, saltem Hippocratis, summi in omnem partem viri, auctoritate, & argumenti praestantiâ commendabile, vobis aspiciendum aestimandumque Dare, Dicare, atque Consecrare audeam: quandoquidem maiora aut utiliora conari adhuc fortuna prohibet. Respicite ergo, MAECENATES, benigno, quaeso, vultu hunc libellum, in Publica Academiae Patriae Bibliotheca, aliqua ex parte natum; eiusque auctorem, vestrum iam veterem clientem, quem iam olim ea vultus serenitate sermonisque gratia recreastis, qua diuiniore indolis Procere solent ad tenues humilesque se demittere: Ipsum quidem opusculum non ex sua praestantia, sed pro conatu & conditione scribentis aestimate. Valete, DOMINI, & in publica priuataque commoda diu bene agite!*

ILLVSTRISSIMORVM NOMINVM VESTRORVM

Dab. in Georgia Augusta  
d. 6 Maii, clō Id cc xl.

DEVOTISSIMVS CLIENS  
GEORGIUS MATTHIAE.  
)\*( 3 PRAE-





## PRAEFATIO.

**A**NTEQUAM quae nunc edo, legenda tradam, si cui forte haec legere allibuerit, rationem aliquam instituti video mihi esse reddendam, quam in scribendo secutus sum. Et ad ipsum quidem scribendi ordinem distributionemque partium quod attinet, qua res tractandas in Prolegomena, tractationem libri Philologicam, Commentarium, & Epilegomena distinxī, de ea methodo, quidque in singulis praestandum mihi putauerim, quum causae rationesque sint cum aliis scriptoribus communes, multique multa de iis rebus dicere in Praefationibus consueuerint, nihil afferam, consultius existimans fore, si σύνολον subiiciam; sed aliqua, quae proprius meam causam tangunt, nunc praemonebo. Igitur, quum constituiissem, in illud de Philosophiae ad Medicinalem artem ratione atque habitu argumentum inquirere diligentius; vnaque viderem, Hippocratis quodam in libro de eadem re iam nonnihil dictum esse: optimum iudicaui, hunc potissimum in eo tractatu ducem ad cogitandum sumere, qui & vtriusque, cum Philosophiae tum Medicinae, rationes haberet perspectas; & ipso rerum vñu subactus esset; nec hypothesium studio ductus, errorem communicaret; & morum probitate ac perspicaciae sapientiaeque laude, promeritam inde ab antiquissimis vsque temporibus auctoritatem consecutus esset; eum denique, qui Medicis tantum non sacri scriptoris loco foret. Quem postquam, solo veritatis cognoscendae consilio, euoluissē, quum deinde adhibiti interpretes & commentatores, cum censoribus



## P R A E F A T I O.

bus correctoribusque, nec satis clare sententiam libri proposuisse viderentur; nec veris rerum argumentis explicationes interpretationesque suas confirmasse; tum, mirifice a sese inuicem discrepare, multoque adhuc magis a meo iudicio; adeoque parum afferre, quod ad liquidum & certum sibi per omnia consentientem libri sensum intelligendum conducere: statui novas in hoc genere suscipere curas, & quae ad pleniorum certiorumque cum auctoris tum argumenti intellectum necessaria iudicaui, omnia comportare subsidia; quae nunc expromta comparent. Atque eo quidem audacius in lucem prodeoque, quod alii etiam ipsa praestita opera consilium meum studiumque adiuuarunt. Vnde factum est, ut & Celeb. GERNERVS de nonnullis emendationibus atque interpretationibus monuerit, quae etiam permisit, ut sui nominis praescriptione euulgarentur; qui Vir tot iam & tantis suis meum animum impleuit meritis, ut hoc solum mihi restet officium publica simplici professione significandi, quid ipsi debeam: Et Exper. CRUGERVS sua, quae ad ornandum illustrandumque libellum iam triginta circiter ante annis collegerat atque congererat, omnia mihi, de nomine tantum sibi cognito, liberalissime transmisit, simul relictâ liberrima potestate, iis ab meo arbitrium libitumque utendi fruendi. Optabile quidem fuerat, ut ipse Vir Excellentissimus omnem explicandi edendique praesentis libelli laborem sibi demandari passus esset, ut qui optime ab iis rebus instructus sit, quae ad talem operam requiruntur. Nam postquam inde ab anno huius saeculi sexto, in celeberrimis Germaniae Academiis, Iulia, & utrâque Salana, praestantissimis in omni cum humaniorum tum grauiorum artium ac literarum genere doctoribus esset usus, *Böttcheris, Gakenholziis, Meibomiis, Wedeliis, Slenogtiis, Fickiis, Hambergeris, Richardis, Stollis, Stahlis, Albertis, Wolfis*; non contentus eruditione indigena, peregre quoque ad scientiarum mercatum abiit, & summorum Virorum, in Batavis quidem *Boerhaauiorum Ruyschiorumque*, Parisiis vero *Duvernayorum ac Petitorum*, doctrina & familiaritate gauisus est, opesque collegit, quibus deinde patriam ornaret. Agnouit etiam in reduce ciue suo virtutem & sapientiam patria: talem enim cognitum Hala dignum iudicauit, quem supremis exercendae Medicinae auctoramentis condecoraret; vrbs autem natalis, cui curandos aegros & v-



## P R A E F A T I O.

niuersam pro salute ciuitatis excubandi prouinciam, Physicatum appellant, concederet. Verum enim vero huius Clinicae Praxeos occupationes totum fortassis Viri Hippocraticum ferculum nobis surripuissent, nisi nunc alii mandasset eius apponendi officium. Qua in re duo tamen praeter voluntatem meam acciderunt: alterum, quod serius illorum copiam nactus fui, quam vt opportunis locis inferi potuerint, sed in fine demum mei laboris subnecti; alterum, quod per rationes typographi eiusdemque bibliopolae non licuerit omnia Exper. CRVGERI annotata nunc simul excudere, sicut pro ipsorum dignitate oportuerat. Quae autem hic emittuntur, eorum gratia, quam ipsi equidem sane magnam habeo, omnis debetur Viro huic Excellentissimo: nae ille exemplum *Gratiosi praebuit Medici!* Caeterum cum horum Virorum tum aliorum auctorum librorumue luminibus aut adminiculis vbi vsus sum, nusquam, quod sciam, celaui: nisi forte hoc fuerit plagium, sicubi quid aut ex vetusta lectione vel auditione memoria haeserit, nescio, vnde primum acceptum sit; aut idem aliis quoque ante nos in mentem venerit: cuius vtriusque generis plurima quotidie nemini non occurrere solent. Nec Nouitatis siue laudem siue criminationem commeruisse videor: in ea enim sum sententia, fere vtiliora esse, quae non noua sint. Quanquam tamen hic fortassis quoque inerunt aliis indicta aliqua: mihi certe nunc primum haec omnia dicta scriptaque sunt. Quod saepius placita, dicta, & facta auctorum sapientumque veterum in meliorem sententiam interpretatus sum, quam ab aliis vulgo fieri solet: si propterea excusatione opus foret, esset ea vero magna calamitas. Similiter, vbi ab aliorum opinionibus aut explicationibus auctorum dissensi, plerumque tamen nomina contra sentientium non addidi, mea solum argumenta proposuisse contentus. Neque propter doctrinam atque praecepta hic exposita memet accusari posse puto, si cui haec displicuerint: quum enim Hippocratis hic tantummodo interpretem agam, ad hunc proprie ea causa veritatis pertinet, ad me vero fidei perspicientiaeque in interpretando. Potuerant quidem vtriusque multo plura in textus sententiam proferri, quum hic non minus ac in caeteris scriptis, foecundus & grauis sensibus in breuitate sit Hippocrates: sed partim potiora modo debere dici visa sunt, partim nec officina Typographi plura intra hoc temporis spacium exprimen-



## P R A E F A T I O.

primenda recipiebat; vt, quod non maiore volumine lectorem onerauerim, gratia referenda sit Typographo: nam & eâdem officinae difficultate factum est, vt complura, quae alias editioni destinaram, refecuerim. Tamen quaedam fortassis superflua videbuntur: quae quidem mihi, nouo scriptori, vt cum caeteris erroribus aut peccatis condonentur, peto; praesertim quum nonnunquam mentis quoque impetus stilum rapiat, & sibi aliquid dari postulet. Sic etiam in adumbratione Philosophiae Graecanicae (quam tamen ipsam compendii causa separatim proponere & continuo contexere filo, consultum duxi, ne scilicet deinde in Commentario necesse foret eadem saepius repetere, sed tantum remitti posset) in hac igitur delineatione quaedam erunt, quae ad libellum illustrandum parum faciant, verum eiusmodi, vt a connexa Philosophiae, quae describitur, declaratione abesse non posse videantur. Porro, in Graecis auctorum producendis sententiis testimoniisque, tantum aliqua, nimirum quae maxime ad probationem facere visa sunt, vtrâque lingua expressi, reliquis aut Graece solum aut Latine propositis. Hoc quoque monendum puto, me populari quodam & velut publico orationis genere usum esse, hoc est, vocabulis artium aut scientiarum propriis, technica appellant, fere abstinuissè, & rerum potius ipsas notiones explicasse, quae istis vocabulis significantur: Qui rerum intellectum habent, facile propria rebus imposita nomina recordabuntur, si sciuerint; vt sciant, non arbitror ab omnibus postulari iure posse. Quod aliquot libellum *περὶ εὐσχημοσύνης* particulis truncatum dederam, id eo consilio erat factum, quod ea tantum constitueram afferre, quae ad Philosophiae praecepta, horumque in obeundis medendi muneribus usum propius spectabant, praetermissis quae ad ipsam artem pertinebant. Quae subiecta est *Disertatio de Usu doceri nescio*, (primum honoribus Amici, C. P. GESNERI, destinata illa quidem gratulatio) liberiore quodam modo stiloque scripta, vel propterea commode attexi videbatur, quod plurima in ea latius vberiusque tractata sunt, quae si huc reiecta essent, in Commentariis breuiorem esse liceret. Id quod etiam de interiecta *Disputatione de Terminis Vitae* sciendum.



## P R A E F A T I O.

Plura hic praefanda non opinor, ne, quae in libro ipso commodis locis dicta sunt, hic otiose repetam. Quum autem probe sciam, quanta hanc opellam premat tenuitas, quantis opusculum laboret naevis, & quam parum alicuius saltem imaginem perfectionis referat: veniam mihi postremo rogandam sentio, quod fortunam scribentium tentare ausus sum; Quam etiam hoc magis mihi promitto, quo perfectius lector rationes scribendi intelligit: qui idem nimirum suam ipse quoque imbecillitatem optime perspiciet.

## C O R R I G E N D A.

Pag. 5 leg. 17 leg. ἔτω. p. 11b l. vlt. VI not, 6. p. 15b l. 8 retrogr.  
 ὁμωνύμως. p. 72 l. 13 gloriosae, p. 119 l. 9 auditu. p.  
 138 l. 8 methodum. p. 184 l. 18 exercit. &c. *Graeca deprauata: in*  
*Accentibus Spiritibusue: ut* p. 14a l. 9 a fine, in ὧς. p. 39a n.  
 2 l. 3 σχήματος. p. 50 l. 1 ξκ. - l. 8 εὐστοχοι. p. 125b  
 l. 3 retrogr. δι. p. 135 l. 7 ἐντροπῆς. p. 171 l. 18 τούτου. p.  
 257 l. 2 a fine σώμα &c. *Exciderunt literae,* p. 48 l. 10 a p. 52 l. 3 in  
 καρτερικῶς p. 60 l. vlt. ab in. c. p. 98 \*b l. 3 a fine, Παραλλ. p.  
 182. l. 22 laxior. p. 210 l. 15. μὲν. p. 254b l. 19 inest abundat  
 p. 189 l. 12 retrogr. comma post ἀκορίη. *Omissa:* p. 85 l. 5 neque co-  
 lorum varietatem affectes. p. 146 l. 14 post καθαίρεσθαι, καὶ ἀγνίξεσθαι  
 p. 208 l. 21 3 ἀπαντώμενα] ἀπαντώματα R. & A.





# Σ Υ Ν Ο Ψ Ι Σ

**P**ROLEGOMENA: *Aetas Hippocratis §. I. ortus & usurpatio nominis Philosophi II. Philosophorum studia III. Pythagorica Philosophia caeteris Graecanicis originem dedit, & Medicinam quoque praecipue coluit: quare ea adumbrabitur, addito aliorum veterum consensu IV. Philosophorum Theologia & Daemonologia, cum cultu religioso; item, Philosophia Practica V. Finis & Media huius Philosophiae VI. Physionomia & Ἀσκησις Pythagorica VII. Instituendi ratio s. disciplina VIII. quis fuerit aetate Hippocratis Medicinae status? IX. Scripta veterum Medicorum: Medicinae & Philosophiae coniunctio & separatio X. quomodo intelligenda sit ea separatio? XI. Logica, Physica, Theologia Naturalis, Philosophia Moralis Hippocratis XII. ad quam Sectam Philosophicam hic respexisse putandus sit? XIII. eius studium Naturae XIV. - celebritas suâ aetate, & schola XV. - dicendi genus XVI. praesens libellus utrum genuinus? XVII. eiusdem Argumentum XVIII. Occasio scribendi & Finis XIX. Inscriptionis ratio XX. qua ratione dici possit agere de Philosophia? XXI. Commentatores XXII. GALENI de eodem argumento libri recensio XXIII. Hippocratis libri de Medico principium XXIV.*

HIPPOCRATIS Liber de Honestate, cum Interpretatione Latina & Annotationibus Philologicis p. 44 &c. cuius Lemmata ibidem proposita sunt.

COMMENTARIUS I. Principium iudicandi in causa §. 1. quae nam hic significetur Medicina, quae Philosophia? 2. modus & ratio utramque coniungendi 3. qua ratione utiles fiant contemplationes Philosophicae? Praxeos & Theoriae diuersa ratio 4. quomodo Ignauia consequatur ex solo contemplandi studio? 5. quomodo Philosophia in ipsa Medicinali disciplina addiscatur? 6. quod non fit systematice, sed per partes 7. exemplum Criticorum dierum 8. quomodo artis scientifica forma existat? 9. partes doctrinarum, quae ista ratione in Medicinam assumuntur 10. quae liberales artes, quae sordidae? 11. quomodo gratiosa fiat Medicinalis professio? 12. RIVINI & VERVLAMII iudicium de Polypragmosyne Medicorum 13.



## Σ Υ Ν Ο Ψ Ι Σ.

COMMENTARIUS II. Connexionis ratio: Circumforaneorum erroneum agendi principium §. 1. - fortuna 2. - peruersa Medicinam profectendi factitandique ratio 3. - vestitus cultusque phalerae 4. Hippocratis locus de Circumforaneis ex libro de Morbo Sacro 5.

COMMENTARIUS III: Connexionis ratio, & Sectionis summa §. 1. vestitus cura in Medicis & Philosophis 2. - honestas 3. - simplicitas, generatim 4. - speciatim 5. - εὐδοξία 6. τὸ σύννουν in vultu 7. vestitus ad iter faciendum accommodatus 8. nexus sequentium: ἀδιάχυτοι, ἀπερίεργοι 9. πικροὶ πρὸς τὰς συναντήσιας 10. ἔυθετοι πρὸς τὰς ἀποκρίσιας 11. χαλεποὶ πρὸς τὰς ἀντιπτώσιας 12. ἔυστοχοὶ πρὸς τὰς ὁμοιότητας 13. ὁμιλητικοὶ 14. εὐκρητοὶ πρὸς ἅπαντας 15. σιγητικοὶ πρὸς τὰς ἀναστάσιας 16. πρὸς τὰς ἀποσιγήσιας ἐνθυμηματικοὶ 17. καρτερικοὶ 18. πρὸς τὸν καιρὸν ἔυθετοι καὶ λημματικοὶ 19. ὑπομονητικοὶ πρὸς καιρὸν 20. εὐχρηστοὶ καὶ αὐτάρκες 21. πρὸς λόγους ἀνυστοὶ 22. εὐεπίη χρώμενοι 23. χάριτι διελιθέμενοι 24. δόξῃ διίσχυριζόμενοι 25. ἐς ἀληθείην ἀποτεγμαλιζόμενοι 26.

COMMENTARIUS IV: Connexionis ratio: suprema in arte dux & magistra, Natura? 2. quid, Naturam magistram aut ducem sequi? 3. Imitatio Naturae ex Hippocrate declarata 4. Naturae sequela in comparanda sapientia virtutibusque omnis generis, sec. Hippocratem aliosque veteres, inprimis ex CICERONE 5. prosper rerum successus in sequenda natura 6. Disciplinae & Usus diuersitas, & coniungendi ratio 7. quomodo Institutio conformetur ad naturam, felicemque exercitationis successum spondeat? & contra 8. 9. 10. Rationis & Experientiae notio Hippocratica, & connubium 11. 12. HIPPOCRATICA Fiducia artis 13. peruersa Rationis & Experientiae separatio 14. unde Opinio 15. & infaustus operum successus originem ducit 16. nimia ratiocinatorum opinatorumque confidentia quam infelicem euentum sortiatur 17. productus locus ex I. Παραγγελιών 18.

COMMENTARIUS V: Ratio Connexionis, & argumenti summa §. 1. certae Cognitionis ratio, & ad finem declarandum vis 2. quid Tempus contulerit arti? 3. artem augendi amplificandique modus 4. Finis arti propositus quomodo in curandis morbis cognoscatur obtineaturque? ex libro de



## Σ Υ Ν Ο Ψ Ι Σ.

de Arte 5. Medicinam & Philosophiam coniungendi ratio 6. quatenus Medicus sit ἰσότητος; 7.

COMMENTARIUS VI: quatenus Philosophiae & Medicinae conueniat inter se, §. 1. qua differant? 2. argumentum, quo probationem includit auctor 3. ἀφιλαργυρία 4 - 9. propositum Finem actionum humanarum non posse esse emolumenta vitae 4. Auaritiae vis ad euertenda bonarum artium studia, ex PETRONIO, GALENO, HIPPOCRATE 5. quemadmodum eadem peruertat rationes medendi: quam aliena tamen sit ab huius professionis natura 6. irritamenta malarum cupiditatum in hac professione 7. - an, & quatenus deceat poscere certam curationis mercedem? 8. Medicinae hac in parte conuenientia cum Philosophia 9. ἐντέλειαν, ἐρυθρίαν 10. 11. καλὰ σολὴν 12. δόξα 13. 14. κρίσις 15. ἡσυχίαν 16 - 18. ἀπάντησις 19. καθαρίσθης 20. γνωμολογίαν 21. καθάρσις 21 - 23. de religiosi Purificationibus locus ex l. de Morbo Sacro expositus 22. & cum dictis S. Scripturae collatus, ex DRELINCOURTIO 23. ἀπεμπόλησις 24. ἀδεισιδαιμονία 25 - 29. superstitiosi 25. increduli 26. medi 27. Angelorum opera in gubernandis rebus humanis 28. quomodo Medicum erga Angelos Diuinamque virtutem oporteat affectum esse? 29. ὑπεροχὴν θεῶν 30 - 34. summa dictorum 35. disciplinae, in qua medici ista discant, ratio diuersa ab illa Philosophorum 36. argumenti illatio 27

COMMENTARIUS VII: Sectionis huius & sequentis obscuritas, separatioque, & praesentis praecipua laus §. 1. connexionis ratio 2. Philosophiae de dIs fundamentum 3. cur dicatur εἰδήσις ἐν νῶ 4. quid sibi ista velint, ἐν πᾶσι θεοῖς καὶ συμπλέμασι 5. ipsam exercitationem artis intelligi 6. praecipua in medicina praesentis Numinis argumenta, α) Natura 7. 10. variae de significatione illius verbi hypotheses 7. vera eius apud Hippocratem notio 8. animam quoque rationalem ea comprehendere 9. quomodo haec ad religionem valeant 10. β) Diuinum in morbis 11 - 19. nobilissimus hanc in rem locus Hipp. 11. alius locus, ubi Aëris constitutio epidemica respondere illi Diuino videtur 12. Hippocratis de Aëris in mundum & hominem actione sententia 13. item, de Diuino 14. expositio principii l. de Nat. Mul. 15. applicatio disputatorum ad declarandam sententiam loci ex l. Prognost. propositi, huiusque interpretationis confirmatio



## Σ Υ Ν Ο Ψ Ι Σ.

matio ex aliis auctoribus 16. ratio appellationis Diuini 17. γ) Moriendi necessitas ad certum terminum adstricta 18 & subiuncta Disp. de Termino Vitae: ubi §. I & Mechanicorum & Stahlianorum sententia proponitur; §. II & III in Animae voluntate terminum istum non esse positum, cum Experientiae, tum §. IV Ratiocinii argumentis asseritur; §. V ostenduntur Mechanicae moriendi causae; §. VI recensentur Experientiae phaenomena circa terminum fatalem; §. VII Confectaria ex disputatis proponuntur. δ) Alia diuini in morbis argumenta 19. apologia pro Religione Medicorum 20. delineatio Theologiae Naturalis Hippoc. 21.

COMMENTARIUS VIII: Nexus, & argumentum §. 1. methodus medicinae adaugendae 2. principia demonstrationis medicinalis 3. mutationes & metaschematismi morborum 4. methodi medicinalis summa 5.

EPILEGOMENA: Ratio, cur in reliqua libelli nihil commentariorum subiungatur §. 1. certior de Auctore libri coniectura 2. an Praeceptionum liber pars sit huius de Honestate 3. scopus libelli, & nouum pro eius antiquitate argumentum 4. censura GALENI 5. breuis libri summa, & Hippocratis cum S. Scriptura consensus 6. qua ratione Honestas principium verae virtutis haberi possit 7.

PARALIPOMENA: Reliqua libelli περί ευσυχ. cum noua Versione H. C. Crugeri; itemque Varietas Lectionis MSti Biblioth. Reg. Paris. & Ald. Venet. 1526 p. 207. Scholia antiqua Graeca p. 212. Gnomae Graccas p. 214. H. C. CRUGERI ANNOTATIONES p. 215 &c.

COMMENTATIO περί χρέους ἀδιδάκτου cuius argumentum propositum est p. 225 seqq.



PRO-





# PROLEGOMENA.

## §. I.

**D**E Philosophia, & Hippocrate, huiusque praesente libro tantum allaturus, quantum ad eundem libellum intelligendum praemonitu necessaria videntur, primum obseruo, Vixisse Hippocratem Coum in libera adhuc Graecia eo seculo, quo omnis generis studia, cum quae peculiariter ad ordinandas tuendasque respublicas pace belloue pertinebant, tum quibus liberales artes & scientiae, praesertim quaelibet Philosophiae partes coluntur, denique Medicina Practica, vt cum maxime viguere.

Natum esse communiter statuunt circa Olympiadem LXXX, mortuum circa CVI: quae tempora incidunt in seculum orbis conditi XXXV, quod iam praecipitabat, XXXVI, & XXXVII, quod modo exordium ceperat; regnantibus apud Persas Artaxerxe Longimano cum successoribus ad postremum vsque; Graecorum rebuspublicis primum cum Persis, deinde inter

se, perpetuo fere bello implicitis; Philippo tandem Macedone omnes sub suum vnus imperium redigente. Itaque eo partim maiores, partim aequales, partim iuniores fuere THALES, SOLON, caeterique Graeciae Sapientes κατ' ἐξοχήν dicti; Philosophi, PYTHAGORAS, (quem ferunt Olympiade circiter LXX diem obiisse supremum) eumque secuti ALCMAEON, EMPEDO-



CLES, EPICHRMVS, ARCHYTAS, EVDOXVS, &c. itemque HERACLITVS atque DEMOCRITVS, cum ZAMOLXIDE Scytha; tum SOCRATES, PLATO, ARISTOTELES, &c. & Sophistae, PROTAGORAS, PRODICVS s. HERODICVS, GORGIAS, DIAGORAS Atheus dictus, &c. Oratores, PERICLES, LYSIAS, ISOCRATES, DEMOSTHENES, & reliqui; Poëtae, PINDARVS, ANACREON,

AESCHYLVS, SOPHOCLES, EURIPIDES, ARISTOPHANES, &c. Historici, HERODOTVS, THUCYDIDES, &c. Mathematici, EVDOXVS, EVCLIDES, &c. artifices, APELLES, PHIDIAS, LYSIPPVS, POLYCLETVS, &c. denique Medici DEMOCEDES, cum reliquis PYTHAGOREIS, aliisque philosophis, & sophistis, imprimis HERODICO Gymnasticis inuentore, &c.

## §. II.

Quod attinet ad Philosophiam, qui eam profitebantur, quum antea σοφοὶ vocarentur, post PYTHAGORAM demum φιλόσοφοι appellari coeperunt (1). Vox tamen φιλοσοφίας pro σοφία Hippocratis nostri temporibus nondum peruulgata fuisse videtur (2).

(1) Diogenes LAERTIVS Prooem. Segm. 12 φιλοσοφίαν πρῶτον ὠνόμασε Πυθαγόρας, καὶ ἑαυτὸν ΦΙΛΟΣΟΦΟΝ, ἐν Σικυῶνι διαλεγόμενος Λέοντι, τῷ Σικυωνίων τυράννῳ ἢ Φλιασίων, κατὰ φησιν Ἡρακλείδης ὁ Ποντικός ἐν τῇ περὶ τῆς Αἴτης. μηδένα γὰρ εἶναι σοφὸν ἄνθρωπον, ἀλλ' ἢ θεόν. θάττον δὲ ἐκαλεῖτο ΣΟΦΙΑ καὶ ΣΟΦΟΣ, ὁ ταύτην ἐπαγγελλόμενος, ὃς εἴη ἂν κατὰ ἀκρότητα ψυχῆς ἀπηκριβωμένος. ΦΙΛΟΣΟΦΟΣ δὲ, ὁ σοφίαν ἀσπαζόμενος, οἱ δὲ σοφοὶ, καὶ ΣΟΦΙΣΤΑΙ ἐκαλεῖντο. καὶ ἑ μόνον, ἀλλὰ καὶ οἱ ποιηταί, σοφισαί. Aliorum testimonia affert ad h. l. Aeg. MENAGIVS. CICERO Tusc. V, 7 c. 3 Omnes, qui in rerum contemplatione studia ponebant, Sapientes & habebantur & nominabantur, id-

que eorum nomen usque ad Pythagrae manavit aetatem: quem, ut scribit auditor Platonis, Ponticus Heraclides, vir doctus imprimis, Phliuntem ferunt venisse, eumque cum Leonte, principe Phliasiarum, docte & copiose disseruisse quaedam. Cuius ingenium & eloquentiam quum admiratus esset Leon, quaesivisse ex eo, quae maxime arte confideret? At illum, artem quidem scire se nullam, sed esse PHILOSOPHVM. Admiratum Leontem novitatem nominis &c.

(2) Nam, licet vox φιλόσοφος apud Hippocratem semel reperitur, & quidem in hoc opusculo Sect. V, φιλοσοφίας tamen vocabulum in scriptis eius usquam legi dubito: in praesenti certe libello semper



per σοφία dicitur, sicut etiam alias saepissime. Cuius rei haec quoque afferri potest ratio, quod Hippocrates antiquum vocabulum retinere maluerit: quandoquidem, eum in lingua, sententiis, moribusque admodum studiosum fuisse antiquitatis, multis indiciis apparet.

§. III.

Agitabant autem circa ea tempora Philosophi communiter quidem Mathematicam disciplinam (1); deinde & Logicas Dialecticasque (2) quaestiones; & contemplationes Physicas (3), quarum sublimior pars erat Theologia gentilis s. Metaphysica (4); & Morum philosophiam (5); & Politicam (6). Quarum tamen partium alii alias sibi praecipue excolendas sumebant. (7) Inprimis quoque de multis celeberrimisque, ut praesertim de Pythagora, constat, eos multum peregrinatos fuisse.

(1) Exempli causa sunt Thales, Pythagoras, Plato, Aristoteles &c.

(2) Ante Platonem, Aristotelem, Euclidem Megarenses, aliosque notiores hac in parte, iam Xenophanes, Parmenides, Zeno Eleates, totaque Sophistarum natio hoc studium coluere.

(3) Ut de Thalete, Anaxagora, Anaximandro, Heraclito, Democrito, Empedocle, Timaeo, &c. constat. Sub forma quoque Mythologiae cum res diuinae tum naturales tradebantur.

(4) Vid. Iac. THOMASII *Historia Metaphysices*, Erotematibus Metaphysicis subiecta. Huc pertinet, quod Philosophia finiebatur *γνώσις τῶν ὄντων* qua de re idem Thomaeus in *Originibus Historiae*

*Philosophicae & Eccles. Tralatitium* caeteroquin est, antiquissimis temporibus *Φυσιολογία* appellatos esse, qui de Deo rebusque diuinis philosophabantur: item, complures hac in parte eundem cum Spinoza errorem errasse. Sed tamen Philosophos ante Democritum aut Leucippum non fuisse Atheos, demonstrat CVDWORTHVS in *System. Intellectuali*, cap. I. Summa hoc in genere laus est operis VOSSIANI de *Theologia Gentili & Physiologia Christiana*. Innexa autem huic doctrinae est etiam illa de Anima &c.

(5) Quo referenda Poësis HESIODI, HOMERI,

qui, quid sit pulchrum, quid turpe,  
quid utile, quid non,

A 2

plenius



*plenius ac melius Chrysippo &  
Crantore dicit,*

Horat. Epist. I, 2, 2:

& propiore quodam modo THEO-  
GNIDIS, vt taceam de *Aureis Car-*  
*minibus* PYTHAGORICIS, & PHO-  
CYLIDE *ὑποβολιμαίῳ* maxime au-  
tem huc animum intendit & ad  
proprium communemque vsum  
hanc philosophiae partem transtulit  
SOCRATES.

(6) Haec tribui solet illis SA-  
PIENTIBVS praecipuo quodam modo  
dictis, qui rectores etiam suarum  
urbium aut patriae quisque suae fue-  
re. Eodem referendi SACERDO-  
TES Aegyptiorum, Persarum MA-

GI, SOPHOCLES, & alii. Similiter  
PLATO scripsit de Rep., de Legi-  
bus, &c.

(7) Sic SOCRATES, ὁ τὴν ἠθικὴν  
ἑισαγαγὼν, sec. Laërtium Pro. 14,  
colebat id studium, quod ad vsum  
vitae tendebat, partem Moralem,  
Oeconomicam &c. de aliis inquiring,  
*Quae supra nos, nihil ad nos;* di-  
ctusque est *Philosophiam de caelo de-*  
*uocasse.* Sed in Magnam quidem  
Graeciam primus introduxit Ethic-  
en PYTHAGORAS, sec. Aristote-  
lem Magn. Mor. Lib. I cap. 2.  
conf. Iac. BRUCKER *Hist. Philos.*  
Part. II. f. Lib. III. Cap. X. Qu.  
XXI not. (qq)

#### §. IV.

Etsi vero maxima cum antiquitatis tum posteriorum  
temporum ingenia propriam sibi philosophandi viam  
secuti fuerint, neque accurate huius illiusue priorum  
disciplinae addicti censerī possint; etsi quoque omnibus  
philosophorum sectis plurima fuerint communia, sicut  
nec aliter esse potest: tamen PYTHAGORAE principatus  
tribui fere solet (1), & multorum in reliquis sectis do-  
gmatum origines in Pythagorica disciplina quaeruntur  
(2), omnium licet Graecanicarum apud alias gentes  
quaerendae sint (3). Praeterea Pythagoraei praecipuum  
quoque studium in Medicina collocarunt, multique ex  
hac schola celebres prodire Medici (4). Qua vtraque  
de causa eam paullo propius considerabimus, addita  
tamen etiam commemoratione consentientium philoso-  
phorum aliorum.



(1) Pythagorae & viui & mortui magna admodum fuit gloria & auctoritas. Comati Samii appellatio honestissimo cuique tributa fuit, teste IAMBlichO. Ipso adspectu homines in venerationem sui concitauit: v. PLUTARCH. de discr. adulat. & amici, T. III. Opp. p. 177. A quibusdam pro Apolline Hyperboreo habitus est: v. AELIAN. Var. Hist. Lib. II c. 26. LAERTIVS Lib. VIII f. II Καὶ γὰρ καὶ σεμνοπρεπέσατο λέγεται γενέσθαι. & ibid. f. 36 τὴν δὲ σεμνοπρέπειαν τὸ Πυθαγόρου καὶ Τίμων ἐν τοῖς Σίλλοις, δάκνων αὐτὸν, ὁμῶς ἐπαρέλιπον, εἰπὼν ἔτο,

Πυθαγόρην τε γόντος ἀποκλίναντ',  
ἐπὶ δόξαν,  
Θήρη ἐπ' ἀνδρώπων, σεμνυγορίης  
δαριήν.

Hinc splendida veste & corona aurea ornatus incedebat: vid. AELIAN. XII, 32. Quantam Crotone consecutus fuerit auctoritatem, ex IUSTINO referemus §. VIII not. 1. Discipuli eum velut Deum reueriebantur: ac notum est illud αὐτὸς ἔφα. Ciuitates petebant ab eo leges, quibus viuerent, & reip. suae ordinationem ipsi committebant: vid. IAMBlichVS Cap. 27 n. 130 & Cap. 30 n. 172. Postquam Metaponti decesserat, eius tanta admiratio fuit, vt IUSTINVS XX, 4 extr. narrat, vt ex domo eius templum facerent, eumque pro deo colerent. Nummum in hanc ἀποδέωσιν cufum recentuit HARDVINVS in Chronologia Vet. Test. p. 90 seqq. vt refertur in Recensione Li-

brorum Bibliothecae Thomae. (Nachrichten von in der Thomasischen Bibliothek vorhandenen Büchern) Part. XXII p. 871 Tom. II.

(2) IO. SCHEFFERVVS in Praef. libri de natura & constitutione Philosophiae Italicae, Sic, inquit, persuasum habemus, non plus interesse publico bonisque literis, vt, quid Plato, quid Aristoteles, quid Stoici, quid Epicurei censuerint de Philosophia, sit perspectum, quam, quid Pythagoras: non modo, quia diligenter isthaec reputanti apparebit, pleraque originem habere suam e Sacris literis, siue bene siue perperam intellectis, vel quod ipse illas habuit Pythagoras, vel quod habuerunt ii, quorum disciplina ipse fuit imbutus ac doctrinis; sed &, quia Plato Aristotelesque, capita & quasi coryphaei quidam omnis sapientiae inter paganos atque eruditionis, sua habuerunt a Pythagora. Atque ita tandem scietur, quibus debeantur initiis, quae a gentibus bene Sanctisque doctrinis conuenienter tradita, tantopere apud eas admiramur & extollimus. Quod eius iudicium approbat MORHOF. Polyb. Tom. II Lib. II Cap. II §. 2 his verbis, Recte vero is Pythagoricam ante omnes laudat vt reliquae Philosophiae omnis Gentilis matrem & fontem. Conf. SCHEFFER. c. lib. cap. I. Magn. DAN. OMEISIUS in Praefat. Ethicae Pythagoricae.

(3) Vt apud Hebraeos, Aegyptios, Indos, Chaldaeos, &c. In primis etiam notandum, Pythagoram fere omnes consuetudines ex Mysteriis & Sacris ritibus, in philosophiam suam transsumsisse, quod



monet Io. SCHEFFER. *de Philosophia Italica* Cap. IX p. 74 ed. 1701.

(4) Quorum praecipui Alcmaeon, Empedocles, Epicharmus, Democedes, &c. de quibus Scriptores Historiae Medicinae, SCHVLZIVS, CLERICVS, &c. Ipse Galenus tanti aestimavit Pythagoricum Car-

men Aureum, vt, tanquam remedium contra morbos animi conuenientissimum, consueuerit semel atque iterum perlegere quotidie, deinde etiam clara voce recitare: prout ipse refert in Libro *de cognitione & curatione morborum animi*.

### §. V.

Vt igitur Hippocraticum seruemus morem & tantum, quantum ad argumenti nostri explicationem ex Philosophia pertinet, inde depromamus: principio generatim moneo, *Duo \* esse praecipue capita, quibus rectum sapientiae studium continetur, veram placandi Numinis rationem (1), & honestam vitae morumque disciplinam (2). Nam ad utramque Pythagoras philosophiam traduxit: nec tantum in naturae & mundi inuestigatione conquieuit: sed animum a consuetudine corporis, & a communi hominum, res tantum caducas quaerentium, errore seuocauit.*

\* Sunt verba C. S. SCHVRFLEI-SCHII in Praefatione ad Io. Schefferi librum *de Philosophia Italica*. Addit Idem, *Eadem fuit sententia Socratis, ad Pythagoram proxime accedentis, & animi vitiis simul aptum idoneumque remedium quaerentis. Auctor enim Plato est &c.* Erat autem Pythagorica Philosophia vel καθαρτική ἢ πρακτική, vel τελική ἢ θεωρητική in quam sententiam HIEROCLES dicit de Carmine Aureo, ὅτι περιέχει πάσης φιλοσοφίας πρακτικῆς καὶ θεωρητικῆς τὰ καθόλου δόγματα, δι' ὃν ἅντ' ὅν (ἢ τις) ἑαυτὸν καθαρὸν ἀπολαύσει, καὶ τὴν πρὸς θεὸν ὁμολοσίαν ἐντυχήσει.

(1) De Diuina natura, eiusque religiosa veneratione, haec traditur Pythagorae & eorum, qui eum secuti sunt, sententia.

§. 1. In Deorum cognitionem, vt scribit EVNAPIVS, Pythagoras curas suas maxime conuertit, iique, qui Pythagoram inprimis aemulati sunt, Archytas ille priscus, & Apollonius Tyaneus, quique Apollonium coluerunt. Triplicis autem generis Numen statuebant, sicut hi CARMINIS AVREI versus docent:

Ἀθανάτους μὲν πρῶτα θεῶς, νόμῳ ὥς διακρίται,

Τίμα,



Τίμα· καὶ σέβει ὄρκον· ἔπειθ' ἥρωας  
ἀγαυὸς,

Τὸς τε καταχθονίους σέβει δαίμονας,  
ἔννομα ρέζων.

Principio venerare DEOS immortales, quemadmodum lege constitutum est; & iusiurandum reuerenter habere: deinde illustres HEROAS, & inferos DAEMONAS cole, sic ut legitima sacra facias. Add. LAERT. Lib. VIII Segm. 23; it. de Thalete ATHENAGORAS, in Orat. pro Christianis, p. 244 seq. & de Hesiodi Platonisque consensu Ant. VAN DALE in Dissertt. de Orig. ac Progr. idololatr. & Superstit., Cap. III p. 33 seqq. Voss. de Sectis Philosophorum, Cap. XII §. 5.

§. 2. Diog. LAERT. refert VIII, 32 Pythagoram docuisse, ὅτι πᾶς ὁ αἶρ ψυχῶν ἐμπλέος ἐστὶ, καὶ αὐταὶ δαίμονες τε καὶ ἥρωες νομίζονται, Vniuersum aërem repletum esse animabus, quae Daemones & heroës existimentur. Similia apud LAERT. eund. Thales I, 27 & Heraclitus IX, 7. Vid. plura apud Tob. PFANNERVM System. Theologiae Gentilis Purioris, Cap. VI §. VI p. 176 seq. Ant. VAN DALE, c. l. pag. 32 vsque ad pag. 52 adstruit, antiquissimos cum Poëtas, Homerum, Hesiodum, & Orpheum, tum Philosophos, Empedoclem, Pythagoram, Thaletem, Platonem, aliosque primos, inter Graecos, Daemonum patronos, nullos nisi bonos Daemonas agnouisse, malorumque nullibi meminisse; sensim vero ac paululatim a recentioribus Pythagoricis Platonisque productos fuisse malos Daemonas, Genios, Lemures, &c. Contra,

Aristotelem, cum Peripateticis, item Democritum, pluresque alios non minimae dignationis Philosophos, nittale, quod iam supra nominati senserant, sensisse, imo & omnes Daemonas, iisque patrocinium debentia oracula ac vaticinia, pernegasse, Idem asserit ibid. p. 52 & Voss. de Theol. Gent. Lib. I. Cap. VI.

§. 3. AD IS Daemonibusque morborum significationes animantium hominumque generi immitti siue suggeri prodiue, statuebat cum asseclis Pythagoras. LAERT. VIII, 32 refert, illum in Commentariis suis scriptum reliquisse, totum aërem plenum esse animabus, eosque & Daemonas & Heroas existimari: atque ab his immitti hominibus somnia, & signa morborum, & sanitatis; neque solum hominibus, verum & pecudibus & iumentis reliquis: atque ad hos referri Lustrationes, & Diuinationem omnem, & Vaticinia, & caetera id genus. PLATO in Symposio, p. 202 Tom. III H. Steph. Πᾶν τὸ δαιμόνιον μεταξὺ ἐστὶ Θεῶν τε καὶ θνητῶν. Τίνα, ἦν δ' ἐγώ, δύναμιν ἔχον; Ἑρμινεύον καὶ διαπορθμεύον θεοῖς τὰ παρ' ἀνθρώπων, καὶ ἀνθρώποις τὰ παρὰ τῶν θεῶν· τῶν μὲν τὰς δειήσεις καὶ δυσίας· τῶν δὲ τὰς ἐπιτάξεις τε καὶ ἀμειβάς τῶν θυσιῶν· ἐν μέσῳ δὲ ὄν ἀμφοτέρων, συμπληροῖ, ὥς τὸ πᾶν αὐτὸ αὐτῷ συνδεδέσθαι. διὰ τέττε καὶ ἡ μαντικὴ πᾶσα χωρεῖ, καὶ ἡ τῶν ἱερέων τέχνη, τῶν τε περὶ τὰς δυσίας καὶ τὰς τελετὰς καὶ τὰς ἐπωδὰς καὶ τὴν μαντείαν πᾶσαν καὶ γοντείαν. Θεὸς δὲ ἀνθρώπῳ μὴ μέγισται, ἀλλὰ διὰ τέττε πᾶσά ἐσιν ἡ ὁμιλία καὶ διάλεκτος· θεοῖς πρὸς ἀνθρώπους, καὶ ἐγγρηγοροῖσι καὶ καθεύδουσι.

Kai



Καὶ ὁ μὲν περὶ τὰ τοιαῦτα σοφὸς ,  
 δαίμωνιος ἀνὴρ. ὁ δὲ ἄλλο τι σοφὸς  
 ὢν, ἢ περὶ τὰς τέχνας ἢ χειρουργίας  
 τινὰς, βάνουσθ. Quorum inter-  
 pres est APVLEIVS de Deo Socratis ,  
 his verbis, Sunt quaedam diuinae  
 mediae potestates, inter summum  
 aethera & infimas terras, in isto in-  
 tersitae aëris spacio: per quas & de-  
 sideria nostra, & merita ad deos  
 commeant. Hos Graeco nomine  
 δαίμονας nuncupant, inter mortales  
 caelicolasque vectores hinc precum, in-  
 de donorum: qui vitro citroque por-  
 tant hinc petitiones, inde suppetias,  
 ceu quidam utrinque interpretes &  
 salutigeri: per hos eosdem, ut Plato  
 in Symposio autumat, cuncta denun-  
 ciata, & magorum varia miracula,  
 omnesque praejagiorum species regun-  
 tur. Eorum quippe de numero prae-  
 diti curant, singuli eorum prouide,  
 ut cuique est tributa prouincia, vel  
 somniis confirmandis, vel extis physi-  
 culandis, vel praepetibus gubernan-  
 dis, vel oscinibus erudiendis, vel va-  
 tibus inspirandis, vel fulminibus ia-  
 culandis, vel nubibus coruscandis &c.  
 &c. PLVTARCHVS similiter, in li-  
 bro de Oraculorum defectu, p. 417  
 Tom. II Opp. edit. Francof. 1620  
 fol. Nos autem nec eos audiamus, qui  
 diuinationem aliquam esse censent nu-  
 minis expertem; neque, qui initia aut  
 orgia vlla a diis negligi praedicant,  
 neque tamen in iis Deum versari,  
 interesse, implicari censeamus, sed,  
 quibus ius fasque est, deorum mini-  
 stris ea attribuentes, tanquam ac-  
 census ac scribis, Daemonas quosdam  
 putemus esse arbitros diuinorum sacro-  
 rum, & initiorum auspices & aucto-  
 res; alios scelerum grauium & im-

manium vindices terram lustrare;  
 quosdam etiam Hesiodus perquam  
 magnifice appellauit sanctos, diuitia-  
 rum datores, regale hoc munus ha-  
 bentes, quod regium sit benefacere.  
 Sunt enim, ut in hominibus, sic in  
 Daemonibus, virtutis differentiae.  
 &c.

§. 4. Et ista quidem omnia de Bo-  
 nis Daemonibus accipere decet. Alii  
 vero etiam crediti fuere Mali, ma-  
 larumque actionum operumue effe-  
 ctiores ipsi & suamet operâ patrato-  
 res: de quibus PLVTARCHVM, in  
 libro proxime allegato, p. supra cit.  
 loquentem audiamus. Caeterum fe-  
 rias & sacrificia, tanquam dies ne-  
 fastos & tristes, in quibus epulae  
 crudae, & laniatus, ieiuniaque, &  
 planctus, saepenumero etiam verbo-  
 rum obscenitates inter sacra, ver-  
 santur, & alii furores excitati cum  
 tumultuosa ceruicis iactatione, haec  
 omnia quidem nullius causâ deorum  
 fieri affirmauerim, sed ad depulsio-  
 nem malorum Daemonum, ut hi  
 placentur atque leniantur. Et vero  
 vetusta illa sacrificia humanarum  
 hostiarum, neque a diis expeti aut  
 accipi verosimile est; neque ut bellum  
 auerterent (Graece, μάχην ἀνέ-  
 χονται Xylander, qui vertit,  
 frustra sustinuisse, legisse videtur  
 μάχην) reges & duces, liberos suos  
 tradebant ad immolandum, sacrificia-  
 que auspicabantur ipsi, & hostias  
 mactabant, sed ut iracundiam &  
 acerbiteratorem dirorum geniorum (ἀλα-  
 σόρων) auerruncarent atque satiarent;  
 nonnullorum etiam insanos & tyran-  
 nicos amores explerent, quandoqui-  
 dem illi cum corporibus & per cor-  
 pora consuescere nec possint nec velint:  
 sed



*sed, quemadmodum Hercules propter virginem Oechaliae bellum intulit, sic praepotentes ac violenti Daemones animam hominis sibi dedi exposcant, quae corpore inclusa est; quare, quum per corpora nequeant cum illa versari, & urbibus pestilentias, & agris sterilitates inducunt, & bella seditio- nesque concitant, donec amoribus suis frui potirique liceat.* Plura aliorum dabit VAN DALE c. l. & Voss. *de Idololatr.* L. I C. V & VI. it. Tob. PFANNER. in *System. Theologiae Gentilis* Cap. VI.

§. 5. Ex superioribus apparet, eadem fere Daemonibus suis officia tributa fuisse a Gentium Philosophis, quae Angelis a puriorum sacrorum cultoribus adscribuntur: idemque hoc agit in praeclaro opere *de Theologia Gentili & Physiologia Christiana s. de Origine ac Progressu Idololatriae*, Ger. 10. Vossivs, Lib. I Cap. VII pag. 19 b. seqq. edit. Amstelodam. a. 1700, ut productis testimoniis ostendat, Gentilium hac de re opinionem multis modis consentire cum iis, quae de Angelorum ministerio tradant cum SS. Scripturae, tum Patres veteris ecclesiae Christianae. *Neque Angelorum nomen Platoni ignotum fuisse, uti nec insolitum de diis id apud Poëtas*, VAN DALE auctor est c. l. p. 36, simul aliquem Platonis locum afferens. Copiosius hoc argumentum tractat Tob. PFANNER. *de Theolog. Gent.* Cap. VI §. I & II. Et ipse AVGVSTINVS, *Epist.* 49 p. 129, obseruat, a Gentilibus Deos appellari, quos Christiani Angelos appellant: Idemque hanc in rem verba Longiniani Platonici, in *Epist.* 21

& 22 Tom. II Opp. in medium profert. Alios consentientes vide sis apud PFANNER. c. l. Cap. II §. XI pag. 59 seqq. & 63. Sed & de Domino & gubernatore daemonum deorumque omnis generis, vno summo Deo, quem plurimi Iouem appellauere, ad cuius nutum & imperium reliqui dii & daemones munerum suorum partes administrent, sequentia indidem ex Voss. L. I C. II, excerpere liceat testimonia. Secundum PYTHAGORAM, ut docet apud STOBÆVM Onatus Pythagoricus, *Τοὶ δ' ἄλλοι θεοὶ ποτὶ τὸν πρῶτον θεὸν καὶ νοητὸν ἕως ἔχουσι, ὥσπερ χορευτὴς ποτὶ κορυφαῖον, καὶ στρατιῶται ποτὶ στρατάρχον.* Reliqui dii erga primum summumque, mente cognoscendum, sic se habent, ut chorus ad coryphaeum, & milites ad ducem. LACTANTIUS *de Ira Dei*, Cap. XI Pythagoras unum Deum confitetur, dicens incorporalem esse mentem. Conf. MACROB. in *Somn. Scip.* Lib. I Cap. VI. PLATO in *Epistola ad Hermeam & Coriscum*, apud STOBÆVM. Idem ap. Voss. *de Sect. Philos.* Cap. XII §. 5. Teste CICERONE, *de Nat. Deor.* I, 32 c. 13 pr. Antisthenes in eo libro, qui *Physicus* inscribebatur, populares deos multos, naturalem unum, dixit. SENEC. *de Benef.* IV, 7 Quoties voles, tibi licet, aliter hunc auctorem rerum nostrarum compellare: tot appellationes eius possunt esse, quot munerum. Hunc & Liberum Patrem, & Herculem, ac Mercurium nostri putant: sic hunc Naturam voca, Fatum, Fortunam: omnia eiusdem Dei nomina sunt, varie utentis sua potestate. &c. MAXIMVS, Philosophus



phus gentilis, in *Epistola ad B. Augustinum*, (ap. Augustin. *Epist.* 43) *Equidem, unum esse Deum summum atque magnificum, quis tam demens, tam mente captus, neget esse certissimum? Huius nos virtutes per mundanum opus diffusas multis vocabulis inuocamus, quoniam nomen eius cuncti proprium ignoremus. Nam Deus omnibus religionibus commune nomen est. Ita fit, ut, dum eius quasi quaedam membra carptim variis supplicationibus prosequimur, totum colere profecto videamur.* ARISTOTELES in lib. περὶ κόσμου, cap. 7 princ. pag. 615 Tom. I Du Val. Εἷς δὲ ὢν (ὁ θεός) πολυώνυμός ἐστι, κατοννομαζόμενος τοῖς πάθεσι πάσιν, ἅπ' αὐτὸς κροχμεῖ. Quum Deus unus sit, pluribus tamen nominibus appellatur, ab iis affectionibus denominatus, quarum specimen exhibere solet. LACTANTIUS *Inst. Diuin.* Lib. II cap. I, de ethnicis, Quum iurant, & quum optant, & quum gratias agunt, non Iouem, aut deos multos, sed Deum nominant: adeo ipsa veritas, cogente natura, etiam ab inuitis pectoribus erumpit. &c. Idem Lib. I Cap. II, *Conuicti de uno Deo*, quum id negare non possunt, ipsum se colere affirmant: verum hoc sibi placere, ut Iupiter nominetur. Plurium auctorum sententias contulit PFANNERVS c. I. Cap. II §. X & XI. Adeoque in supplicationibus suis Gentiles vsurpabant eandem, quam Christiani, formulam, Κύριε ἐλέησον. ARRIANVS in *Dissertationibus Epicteti*, Lib. II Cap. VII, Τὸν Θεὸν ὀπιχαλέμενοι, δεόμεθα αὐτῷ, Κύριε ἐλέησον. Deum inuocantes, precamur eum, Domine miserere nostri!

§. 6. Nunc de religioso Numinis cultu. Et generatim de Pythagorica quidem disciplina IAMBLICHVS Lib. I Cap. 18, *Omnia ea praecepta, inquit, quibus, quid faciendum sit aut non sit, definitur, collineant ad numen diuinum, & sunt velut principium aliquod ad vitam omnem instituendam ad Dei sequelam.* Add. CIC. de *Leg.* II, 26 c. 11 post pr. Plurima de religione gentilium Philosophorum erga Deum, congesta videri poterunt, apud PFANNER. VOSSIVM QVE, in libris allegatis.

§. 7. Hunc religiosum cultum monebant Pythagorici requirere puram mentem, purumque corpus, & puram vestem: Quamobrem sacras Purgationes Lustrationesque vsurpandas esse, & ab omni impuro abstinendum. Lustrationes apud antiquissimos, etiam extra veram religionem, communissimo frequentissimoque in vsu erant, ad purgandam omnem rerum, quibus vita & societas humana continetur, varietatem: vt, ad lustrandas aedes, pagos, vrbes, fruges, pecora, &c. praesertim homines in variis negotiis, vt, bello, nuptiis, &c. eorundemque cum corpus, (quod duplicis generis statuebant, alterum crassius illud, in sensus incurrens; alterum subtilius, λεπτὸν ὄχημα, vehiculum animae dictum) tum animam. Erantque & δι καθαρίσται. Peragebantur Lustrationes ab hominibus, qui vel ad eam rem publice constituti erant, vt sacerdotes, καθαρταὶ dicti; Magi, &c. vel eius rei scientiam profitebantur, vt Magorum imitatores, praestigiatores, &c. quemadmodum Melampus & Epimenides, καθαρταὶ vocati



vocati sunt; Empedocles scripsit *ἡθάρμους*. Epicurus puer cum matre sua tali arte victum quaesivisse dicitur.

§. 8. De ipso Pythagora narrat IAMBlichVS in *eius Vita*, Cap. XIX, *Quum ad singula loca appelleret, & lustrationes faciebat, & pestem ventosque noxios ab illis urbibus auerruncabat, quae eum in hoc sibi adiutorem rogare ac vocare dignabantur.* Sic Lacedaemonem accepimus, lustratione ab eo sibi facta, peste laborare desisse, quum ante frequens hoc malo conflictaretur. Habuit hoc ex Orphicis sacris, aliisque: vnde multa in suam disciplinam transtulit. Vid. SCHEFFER. BRVCKER. cc. II. aliique. Tunc quoque adhuc morborum curationes a sacerdotibus in templis, vario lustrationum ac rituum apparatu, instituebantur: id quod vel vna ARISTOPHANIS Comodia, *Plutus*, testatum faciat. Speciatim Insaniam, Epilepsiam s. *ἰσπὰν νόσον*, aut diuinum morbum, Pestemque ac Pestilentiam, expiationibus auertere moris erat. ARISTOPHANES, in *Vespis*, v. 118 εἴτ' αὐτὸν (τὸν μαινόμενον) ἀπέλα, καὶ χάδαιρε, καὶ μάλα μετὰ ταῦτα ἐκορυβάντιζε. Postea illum insanum lauit, & purgavit, & posthaec etiam Corybantica sacra fecit. Ad quem locum haec habentur in veteribus SCHOLIIS, Ἐκορυβάντιζε] Ὡς μαινόμενος καὶ κατεχόμενος ὑπὸ δαίμονος, τὰ τῶν Κορυβάντων ἐποίει αὐτῷ μυσήρια, ὅτι ἡθάρμῳ ἦ μανίας. Vt qui insanus erat, & numine obsessus. quasi dicat, mysteria Corybantica ipsi fecit, in lustrationem insaniae. Sed de toto Lustra-

tionum negotio videndus vnice est eruditissimus liber Ioh. LOMEIERI, *Epimenides dictus, siue, de veterum Gentilium Lustrationibus syntagma.*

§. 9. Obseruat LOMEIER. c. I. Cap. XV paullo post init. p. 178 ed. alterius Zutphan. 1700, *Hoc sub lustralibus caerimoniis latebat μυσήριον, ut mores emendarent, hominumque vitam corrigerent.* Arrianus in *Dissertt. Epicteti*, Lib. III Cap. XX ipsum inducit haec dicentem, Οὕτως ὠφέλιμα γίνεταί τὰ μυσήρια, ὥς τις φαντασίαν ἐρχόμεθα, ὅτε ἐπὶ παιδείᾳ καὶ ἐπανορθώσει τὸ εἰς κατέσθην πάντα ταῦτα ὑπὸ τῶν παλαιῶν. Sic utilia fiunt mysteria: proptereaque ad externam caerimoniae speciem venimus, quod ad institutionem & emendationem vitae omnia ista a veteribus constituta sunt. Conf. Lucian. *Cronosol.* p. 616 Tom. II Ed. Amstelod. 1687. Idem LOMEIER. ib. p. 183, *Pythagorei Purgationibus antecedentibus ad sequentes & perfectiores viam sibi sternebant.* Prima *μεθοδὸς* erat abstinentia ab illis, quae voluptatem animo adferebant, & τὸ θνητὸν σῶμα ad venerem incitabant. Huc praecepta illa symbolica spectabant, quae praeter externum illud abstinentiae officium, aliud μυσικὸν in recessu continebant. Secunda *μεθοδὸς* erat purgatio corporis ψυχικῆ καὶ αὐτοσειδούς: quae fiebat ἡθάρμοις, ἱεροῖς δέσμοις, καὶ ἱεραῖς τέχναις, quibus terrenae ac υλिकाὶ φαντασίαι amputabantur, & anima quasi corporeis vinculis soluebatur. Vnde ait Pythagoras, ἐν τε ἡθάρμοις, ἐν τε λύσει ψυχῆς. Conf. *Prolegomena* infra §. V. HERACLITVS sacrificia nuncupare



cupare solitus erat *animae pharmaca*: quia a morbis animam expurgent.

(2) De studio Virtutis generatim & in vniuersum, sequentia annotare, fini proposito inseruiet.

§. 1. Refert STOBÆVS, *Serm.* I pag. 3, dixisse Pythagoram, ἔτι ἔτι θεῶν νόμος, ἀρετὴν εἶναι τὸ ἰχθυόν μόνον τὰ δ' ἄλλα, λῆρον. Hanc esse Dei legem, ut virtus solum robur in sese habeat & largiatur: caetera vero, vana esse. Et tria quidem praecipua oppugnabat haec Philosophia vitiorum genera. THEAGES Pythagoricus, in libro de Virtutibus, docet, iniuste agere homines vel lucri vel voluptatis vel gloriae causa. Atque ad suffocanda haec tria malorum semina, tota Pythagoreorum ἀσκησις comparata erat: sicut egregie aditruxit b. Io. Franc. BVDDÆVS in peculiari Dissertatione de ἀσκήσει Philosophica, in Eiusdem Analectis Historiae Philosophicae recusa.

§. 2. THEAGES, c. I., Nihil aliud est vera virtus quam habitus decori. ARCHYTAS, in Libro de bono ac beato viro, Virtus decorum pro norma habet, & est τὸ δέον τῶν ἐξ ἑστῶν ἐν τοῖς πρακτοῖς, decori (s. rectius, officiorum) habitus in rebus agendis. Apud IAMBlichVM, de Vita Pythagorae, Cap. 18, Virtus dicitur, quod bonum & honestum est. Add. verba Theagis infra Proleg. §. VII not. 7. De generibus Virtutis, ARCHYTAS, a. 1. Animae bona sunt Prudentia, Fortitudo, Iustitia, Temperantia. Quae diuisio deinde a plerisque omnibus Philosophorum recepta ac propagata est, ut norunt omnes.

§. 3. De Iustitia, THEAGES, c. I. Et inter deos & inter homines magnam vim habet Iustitia: totius enim huius vniuersi, tum inter hos tum inter illos, communionem haec virtus continet. POLVS Pythagoricus, in Lib. de Iustitia, Existimo, Iustitiam reliquarum virtutum matrem ac nutricem esse dicendam: siquidem absque hac nec temperans, nec fortis, nec prudens quisquam potest esse. Est enim haec animi totius cum concinnitate pax & harmonia.

§. 4. Ad Prudentiam pertinent haec ex AVREO CARMINE,

Βελεύε δὲ πρὸς ἔργα, ὅπως μὴ μω-  
ρὰ πέληται.

Δειλὸς τοι πρήσσειν τε λέγειν τ' ἀ-  
νόητα πρὸς ἀνδρὸς.

Ἀλλὰ τὰ δ' ἐκτελέειν, ἃ σε μὴ με-  
τέπειτ' ἀνίησι.

Πρῆσσε δὲ μηδὲν τῶν μὴ ἐπίσασαι  
ἀλλὰ διδάσκειν,

Ὅσσα χρεῶν κ' ἐκτελέεσθαι εἶον  
ἡδὲ διὰ ξείνους.

Priusquam aliquid agas, consultato, ne stulte te geras. Caueto etiam, ne incogitata facias, aut ad quemquam loquaris: Talia vero perficere, operam dato, quae tibi non postea dolorem creent. Sed nullam rem aggredere facere, quam non scias: disce vero, quae eo necessaria sunt. Sic vitam iucundissime transibis. Prudentiae autem THEAGES opponit κακίαν, dicitque, ut prudentia cum arte, ita Malitia cum praua confertur arte, quoniam ad iniuriam dolos excogitat.

§. 5. De Continentia, Pythagoras, apud STOBÆVM *Serm.* XVII,



XVII, ῥῶμην μεγίστην καὶ πλεῖστον, τὴν ἐγκράτειαν κτῆσαι, *Maximum robur atque diuitias in eo esse sitas, ut continentiam instructi simus.* Item, *Satius est mori, quam per incontinentiam animum obnubilare.* Pecuniae cupiditatem Pythagoras maxime in vitio ponebat, & apud STOBÆVM, *Serm. II,* ait, *Vt idem homo voluptatem, corpus, pecuniam, & Deum amet, fieri nullo modo potest: nam, qui voluptatem amat, idem continuo & pecuniam; qui autem pecuniam, idem necessario iniustus, & in Deum quidem impius, in homines iniquus est.* Et apud IAMBlichVM in *Vita*, Cap. 31, *Ex avaritia nasci rapinas, latrocinia, sacrilegia, aliaque vitia his affinia.* Add. ibid. Cap. 17.

§. 6. Quamuis autem nimiam gloriae cupiditatem & ambitionem damnabat, commendabat tamen φιλοτιμίαν: docebatque, perabsurdum esse, omnem existimationem

& gloriam spernere & pro nihilo putare: siquidem indoctum & inemendabilem esse, qui sic sit affectus. Vid. IAMBlichVS, in *Vita*, Cap. 31.

§. 7. Post Deum plurimi faciendos esse Parentes & sanguine iunctos, admonebat: vid. IAMBlich. c. 30. CARMEN AVREVM, v. 4:

Τές τε γονεῖς τίμα, τές τ' ἀγχιστέρας ἐκχευαῶτας.

& Parentes & proxima cognatione iunctos honora.

De Ciuitate librum scripsisse Pythagoram, LAERTIVS auctor est. IAMBlichVS vero, Cap. II, memoriae prodidit, Illum cum vnoquoque eorum, quos in peregrinationibus suis adiit, ita consuetudinem familiaritatemque iunxisse, ut omnes eum amarent. Conf. CARMEN AVREVM, v. 5 seqq.

## §. VI.

Propositus autem huic philosophiae erat vltimus scopus, Deo similem fieri (1); idque efficere intendebat per mortem philosophicam (2); quae veritatis cognitione constet (3). Verum versari statuebat circa ea, quae ita sunt, ut nullis mutationibus obnoxia sint, sed eodem semper modo se habeant, i. e. aeterna & tantummodo intellectu s. mente comprehendenda (4); non autem circa sensuum obiecta (5). Quare haec diuina contemplandi studio teneri Philosophum; contra negligere & nescire humana, i. e. negotia vitae, actionesque ciui-



les (6); praeparari tamen harum ciuiliū humanarumque rerum ac virtutum exercitatione animum ad veram philosophiam (7); quibus qui occupantur, eos appellabant Practicos & Politicos (8). Methodum autem, qua ad hanc sapientiam perueniri possit, contineri cognitione sui (9), καθάρσει (10), conuersione in semet ipsum (11), ἀνόδω (12), cumprimisque etiam inuocatione opis diuinæ (13).

(1) HIEROCLES *sub finem praefationis Commentarii ad Carmina Aurea*, πρὸς τὴν θείαν ὁμοίωσιν ἀνάγει (sc. τὰ χρυσὰ ἔπη) καὶ τῆς Πυθαγορικῆς φιλοσοφίας τὸν τελειότατον σκοπὸν ἐκκαλύπτει. STOBÆVS Ecl. II cap. 3 Σωκράτης, Πλάτων, ταῦτα τῷ Πυθαγόρᾳ, τέλει ὁμοίωσιν θεῷ. σαφέστερον δ' αὐτὸ διήρθρωσε Πλάτων, περὶ τοῦ κατὰ τὸ δυνατόν. De Aristotele tellem citabo nota (2). De Stoicis, CICERO *de Nat. Deor.* 2, 153 c. 61. & SEN. *de Const.* c. 8. Add. Id. *Epist.* 48. & HORATIVS, *Epist.* I, I, 105

*Ad summum, Sapiens uno minor est Ioue.*

Quin & Epicurus in Epistola quadam, ταῦτα καὶ τὰ τέτοις συγγενῇ μελέτῃ διὰ παντὸς ἡμέρας καὶ νυκτὸς πρὸς ἑαυτὸν, καὶ ζῆσιν ὡς θεὸς ἐν ἀνθρώποις. Adeoque talem Philosophum fieri Deum docebant: sicut confirmatur hisce HIEROCLIS verbis in Praef. Oportet prius fieri hominem, & post deum. & cap. 69 Hic finis est Pythagoricae disciplinae, ut toti penitus alati fiamus ad diuinorum bonorum participationem, ut, quum

mortis tempus instat, relicto in terra mortali corpore, eiusque natura exuta, ad caeleste iter expeditiores fiant philosophorum certaminum athletae: τότε γὰρ καὶ τὴν ἀρχαίαν αὐτοῖς ἀποδίδοσθαι εἰσὶν, καὶ θεοποιεῖσθαι, ὅσον οἷον τε ἀνθρώποις θεὸς γενέσθαι. Sic in CARM. AVR. versus fin. dicitur,

Ἔσσεαι ἀθάνατος θεός, ἀμβροτός,  
ἐκ ἐπὶ θνητός.

Fundamentum huius doctrinae esse dicitur, quod Pythagoras statuerit, mentem, νῦν, (quam ab anima, θυμῷ, tanquam ex effluuiis siderum decerpta, diuersam faciebat) ex Deo prodiisse, & in eum redire, quanquam nihilominus res singularis maneat. Vid. Iac. BRUCKER. in *Hist. Philos.* Part. II L. III Cap. X Qu. XXII.

(2) IAMBlichVS Lib. II Cap. 13 *Atque ita quidem puri, liberati nempe ab amentia corporis, cognoscemus ultro ipsi omne, quod est sincerum: id quod nil est aliud quam verum. Purgatio autem in eo consistit, ut separetur quam maxime animus a corpore, assuefiatque per se esse absque corpore*



corpore, in se ipsum versus, liberque a corpore, velut ex vinculis: id quod *Mors* vocatur, solutio scilicet & separatio animi a corpore. Ex mente Aristotelis, EVSTRATIUS ad Nicomachicorum X cap. 7 Quia hoc compositum non est verus homo, sed id, quod in nobis est diuinissimum, mens videlicet: oportet conari sese reddere immortalem, hoc est, a mortalis animalis contagione separare, & immortalem facere, & similem reddere immortalibus, hoc est, intelligibilibus & intellectualibus accedere. Vera enim felicitas, quae homini conuenit, ea est, quum fit deo similis. Similis autem deo redditur, quum & his corporeis abscedit, & in intelligibilibus versatur. Quare omnia oportet facere, quae spectant ad vitam secundum mentem degendam, quae est summum & optimum & diuinissimum omnium, quae in nobis sunt. Viuit autem secundum eam, sicut dictum est, qui diuino fulgore illustratus contemnit omnia externa, seque ipsum separat & liberum facit ab iniqua foedaque procluitate omni in corpus. Hinc est, quod, vt refert HIERONYMVS aduersus Rufinum, Primus Pythagoras dixit, Philosophiam meditationem esse mortis, quotidie de carcere corporis nitentem educere animae libertatem. IAMBLICHVS Lib. II in expositione Symboli 23 Μελέτη θανάτου, καὶ χωρισμὸς ψυχῆς ἀπὸ σώματος ἢ φιλοσοφία. PLATO in Phaedone, Θάνατος ὀνομάζεται λύσις καὶ χωρισμὸς ψυχῆς ἀπὸ σώματος. λύειν δὲ αὐτὴν θεωρουμένηται αἰεὶ μάλιστα καὶ μόνοι οἱ φιλοσοφῶντες ὁρῶσι. καὶ τὸ μελέτημα αὐτὸ τέτο ἐστὶ τῶ φιλοσόφων, λύσις καὶ χωρισμὸς ψυχῆς ἀπὸ τοῦ σώματος.

(3) STOBAEVS Serm. XI Πυθαγόρας ἐρωτηθεὶς, τί ποιοῦσιν ἄνθρωποι θεῶ ὁμοίον; ἔφη, εἰν ἄληθεύσι. Plane similia prodit AELIANVS Var. Hist. Lib. XII Cap. 59. IAMBLICHVS Lib. II in expos. Symboli 15 ἔτως δὲ τὸ φιλοσοφεῖν ὡς ἀληθῶς καὶ ἀνευ αἰσθητικῶν καὶ σωματικῶν ἐνεργειῶν, καθαρῶ τῷ νῷ χρῆσθαι εἰς κατάληψιν τῶ ἐν τοῖς ἔσιν ἀληθείας, ἥπερ ἐπεγνώσασοφία ἔσα. Ita autem philosophamur, quum vere & absque sensuum & corporalium functionum opera, pura mente utimur ad comprehensionem veritatis, quae in rebus ipsis existit, (h. e. vt interpretatur SCHEFFERVVS, conformitatem iudicii nostri cum natura rerum vera: sed vid. huius (4)) quam quidem nouimus esse sapientiam. Conf. HIEROCLES in Praef. Damascenus ap. PHOTIVM Cod. 242.

(4) IAMBLICHVS Lib. I Cap. 29 σοφίαν εἶπεν ὁ Πυθαγόρας εἶναι ὁπισθήμην τῶ ἐν τοῖς ἔσιν ἀληθείας. NICOMACHVS in Arithm. initio, de Pythagora, ὄντα definiebat illa, quae secundum idem ac eodem semper modo sunt perfecta in mundo, & nunquam, ne minimo quidem temporis momento, immutantur. (τὲ εἶναι ἐξισάμενα) Haec vero esse expertia materiae, ac quorum per participationem caetera, quae aequiuoce dicuntur esse, (τὰ ὁμωνύμως ὄντα καὶ λέμενα) aliquid esse dicuntur & sunt. Corpora namque ac materialia in perpetuo fluxu ac mutatione esse per omnia, imitarique naturam & proprietatem αἰδῆς ὕλης καὶ ὑποστάσεως, materiae ac substantiae aeternae. IAMBLICHVS, ὄντα δὲ ἡδὴ καὶ



καὶ ἔλεγε τὰ αὐτὰ καὶ αἰδία καὶ  
 μονοδρασικά, ἅπερ ἐστὶ τὰ ἀσώματα.  
 ὁμωνύμως δὲ λοιπὸν ὄντα, κατὰ με-  
 τοχὴν αὐτῶν ἑταυχάλεμένα. De Par-  
 menide, Pythagorae discipulo; PLV-  
 TARCHVS aduersus Colotem, *Hic*  
*omnibus aliis, ipso etiam Socrate prior*  
*sensit, naturam habere aliquid δοξα-*  
*σδόν, opinione comprehendendum, aliquid*  
*νοητὸν, mente comprehendendum. Est*  
*autem δοξασδόν, opinabile illud, in-*  
*constans, vagum, & variis motioni-*  
*bus ac mutationibus obnoxium, &*  
*quod ob incrementa ac decrements*  
*aliud atque aliud respectum habens,*  
*non semper eodem modo sensum affi-*  
*ciat. νοητὸν, intelligibile vero, alia*  
*species, quod est, ut ipse (Parmeni-*  
*des) cecinit, aeternum, integrum*  
*semper, semperque quiescens, sui que*  
*simile, & constanter suam naturam*  
*conseruans (μόνιμον ἐν τῷ εἶναι.) Hic*  
*cauillans Colotes, ac de rebus ad ver-*  
*ba disputationem trahens, simpliciter*  
*ait, Parmenidem, quia unum ens*  
*ponit, omnes res abolere. Ille vero*  
*neutram abolet naturam, sed utrique*  
*id, quod ei conuenit, tribuens, in*  
*forma unius & entis ponit intelligibi-*  
*le; ens quidem, ut aeternum est &*  
*interitus securum; unum autem, ob*  
*similitudinem sui ipsius, & quia nul-*  
*lam admittat differentiam, appellans.*  
*In forma vero inordinata & in motu*  
*versante, collocat τὸ αἰσθητὸν, sensi-*  
*bile. Add. Perictiones, antiquissimus*  
*Pythagoricus, ap. STOB. Serm. I.*  
*Mercurius Trismeg. ap. eundem*  
*Serm. XI. ALEXANDER APHRO-*  
*DISAEVS, Peripateticus, de Fato*  
*cap. 7. BOETHIVS in Arithm. Lib.*  
*I Cap. 1. Hoc respectu Philoso-*  
*phia plerumque finiebatur γνῶσις*

τῶν ὄντων. vid. supra §. III. not 4.  
 Eodem huc referendae PLATONIS  
 Ideae.

(5) Praeter ea, quae n. praecedente  
 iam allata sunt, add. Mercurius  
 Trismeg. l. c. & ipse Pythagoras  
 apud IAMBlichVM ad Sym-  
 bol. 36.

(6) IAMBlichVS in Protreptico  
 cap. 14 Oportet nos a vita moribus-  
 que illorum virorum, qui quasi duces  
 philosophiae fuerunt, ad Pythagorae  
 sententias progressum facere. Atque  
 illi quidem viam ducentem in forum  
 ignorabant, nec, ubi ius diceretur,  
 nouerant, aut ubi deliberationes pu-  
 blicae haberentur, aut alii ciuium  
 conuentus celebrarentur. &c. &c. in-  
 terque alia, Qui reuera talis est  
 philosophus, is vicinum proximumque  
 suum ignorat, non modo quid ab eo  
 agatur, sed & parum est, ut nesciat,  
 homone sit an aliud quodpiam brutum.  
 ARISTOTELES Nicomach. Lib. VI  
 Cap. 3 Ex his, quae diximus, per-  
 spicuum est, sapientiam esse earum  
 rerum, quae sunt honore dignissimae  
 naturâ, scientiam & mentem s. in-  
 telligentiam (νῆν.) Quocirca Anaxa-  
 goram, Thaletem, caeterosque tales  
 viros, sapientes quidem esse dicunt,  
 prudentes vero nequaquam: quum  
 videant, eos, quae sibi utilia sint,  
 ignorare; atque eos fatentur recondi-  
 ta atque eximia quaedam, & admi-  
 rabilia, & difficilia, & diuina te-  
 nere, sed inutilia, quia humana bo-  
 na non quaerunt. PLATO saepe in  
 eandem sententiam loquitur, e. gr.  
 in Theaeteto, Et saepe quidem alias,  
 mi Theodore, animaduerti, nunc ve-  
 ro maxime, eos, qui in philosophiae  
 studiis longo tempore fuerunt versati,  
 ubi



ad forum accesserunt, ridiculos esse oratores. Hinc CICERO Off. I, 69 c. 23 *Multi & sunt & fuerunt, qui eam, quam dico, tranquillitatem expetentes, a negotiis publicis se remouerunt, ad otiumque confugerunt: in his & nobilissimi philosophi & longe principes.* Add. SENECA Ep. 56 & de Breu. Vit. c. 14. Anaxagoras ap. Tyrium MAXIMUM Dissert. VI.

(7) Vid. infra §. VIII n. 1. Huc pertinet illa vulgatissima apud veteres definitio philosophiae, γνῶσις θεῶν τε καὶ ἀνθρωπίνων πραγμάτων.

(8) ANONYMVS de vita Pythagorae, οἱ δὲ περὶ τὰ ἀνθρώπινα, οἱ περὶ ἐκτὸς Πολιτικοί. Conf. IAMBlichVS Lib. I Cap. 28. De Practica philosophia vid. not. 10. huius.

(9) HIEROCLES ad Carm. Aur. cap. 14 τὸ τοῦ θεοῦ ἀγγέλημα θεωρεῖσθαι ἐν ἑαυτῷ τὸ, σαυτὸν γινώσκειν ὁ πασῶν μὲν σπουδαίων πράξεων, πασῶν δὲ θεωρητικῶν γνώσεων προεκολληθῆναι δεῖ. Et sunt, qui hoc effectum, γινώσκειν σαυτὸν, ad Pythagoram tanquam auctorem referant: ut videri potest apud Schefferum Cap. IX. Eadem omnium deinde Philosophorum communis fuit praeceptio. Et PLATO quidem ipse hac de re tradit in Alcibiade per tot. & in Philebo. De Stoicis CICERO de Fin. 5, 41 c. 15 & de Academicis Id. Fin. 4, 25 c. 10. Conf. PERS. 2, 67 cum Comment. Casaub. De Cynicis IULIANVS in Oratione VII. Ex Indorum philosophis, Iarchas ap. PHILOSTR. de vita Apollon. Lib. III Cap. 6. Denique plane his consentanea sunt verba AGAPETI Dia-

coni, Christiani hominis, in Ser-mone ad Iustinianum, cap. 3. HIP-PARCHVS Pythagoreus de Animi Tranquillitate, Optimum homines in vita iter instituent, si animi tranquillitatem sectabuntur. Hoc autem maxime assequuntur, si se ipsos diligenter cognouerint. ANONYMVS de Vita Pythagorae, apud Photium, Nosse se ipsum, nihil aliud est, quam totius mundi naturam nosse. Add. SARESBERIENSIS in Policrat. Lib. III Cap. 2 ex Pythagoreorum placitis, Est primum hominis sapientiam affectantis, quid ipse sit, quid intra se, quid extra se, quid infra, quid supra, quid contra, quid antea vel postea sit, contemplari. Haec enim contemplatio quadripartitum parit fructum, vilitatem sui, charitatem proximi, contemptum mundi, amorem Dei. - Certe non superbit, qui paruus est in oculis suis: dum quisque, quae adsunt vel absunt, expetibilem numerum cogitat, quis non de sua paupertate erubescit? add. Timon apud LIBANIVM in Declam. IX. ANONYMVS de Vita Pythagorae, ὁ γινώσκει δ' ἑμῶν, (illud de cognitione sui praeceptum) γινώσκει τὴν ἑαυτῶν δύναμιν. CICERO ad Qu. Fratrem Lib. III Epist. 6 Illud γινώσκει σεαυτὸν noli putare ad arrogantiam minuendam solum esse dictum, verum etiam ut bona nostra norimus. Idem explicatius, de Legib. Lib. I, 58 c. 22 Docuit, ut nosmet ipsos nosceremus. Cuius praecepti tanta vis, tanta sententia est, ut ea non homini cuipiam, sed Delphico deo tribueretur. Nam qui se ipse norit, primum aliquid se habere sentiet diuinum, ingeniumque in se suum sicut



*simulacrum aliquod dedicatum putabit, tantoque munere deorum semper dignum aliquid & faciet & sentiet; & quum se ipse perspexerit, totumque tentarit, intelliget, quemadmodum a natura subornatus in vitam venerit, quantaque instrumenta habeat ad obtinendam adipiscendamque sapientiam. &c. &c. MACROBIUS in Somn. Scip. l. cap. 9. Homini una est cognitio sui, si originis natalisque principia atque exordia prima respexerit, nec se quaesiverit extra. Sic enim anima virtutes ipsas conscientia nobilitatis induitur, quibus post corpus euecta, eo, unde descenderat, reportatur. IULIANUS in Orat. VI. Qui se ipsum norit, primum animam suam, deinde corpus suum cognoscet. Neque hoc satis habebit discere, hominem esse animam corpore utentem: verum etiam anima naturam ipsius, tum eius vires ac facultates indagabit. &c. &c.*

(10) PORPHYRIUS in II Parte Sentent. cap. 34 ἔστι μὲν γὰρ ἡ καθάρσις, ἀπόσαςις σώματ' & τ' ἀλόγῃ παθητικῆς κινήσε'. Conf. Id. in Sentent. p. 239. IAMBlichVS supra not. 2 huius. Secundum Hieroclem haec purgatio res talis est, qua quis mundatur ἀπὸ τ' υλικῆς ἀλογίας & τῆ θνητῶδ' ὄντος σώματ'. Eandem cap. 67 vocat τὴν τ' υλικῶν μολυσμῶν ἀπόδεσιν. HIPPARCHVS Pythagoricus in Lib. de Tranqu. Animi, Debemus omnibus modis inueteratas maculas abluentes & repurgantes philosophica doctrina detergere. STOBÆUS in Ecl. p. 144 ex Pythagoreorum placitis, καὶ μὴν τ' γενε-  
δάσσεως τέλ', ἀφαίρεσις τ' ἀλλο-  
τείων, ἀπόδοσις τ' οἰκείας ἐσίας, τε-

λειότης, ἀποπλήρωσις, αὐτάρκεια, ἀνοδ' & ἐπὶ τὴν γεννησαμένην αἰτίαν. Hanc καθάρσιν curabat Philolophia Practica: v. §. V not. \*

(11) Quae appellabatur ὁπισθοφῆ εἰς ἑαυτὸν it. ἀναχωρεῖν εἰς ἑαυτὸν aut ἐσκόπτειν. SIMPLICIO autem, συννεύειν εἰς ἑαυτὸν & φεύγειν ἀπὸ τ' φυσικῶν παθῶν. IULIANUS in Orat. VII ἀρχὴ μὲν ἔν (τ' φιλοσοφίας) ἑαυτὸν γνῶναι, τέλ' δὲ ἡ πρὸς τὰς κρείττονας ὁμοιότης ὅσῃς ἔν Κυνικὸς εἶναι ἐθέλει, πάντων ὑπεριδὼν τ' νομισμάτων & τ' ἀνθρωπίνων δόξων, εἰς ἑαυτὸν & τὸν θεὸν ἐπίσρεπται πρῶτερον. Conf. SENEC. de Otio Sap. cap. 20. Hinc explicandum illud Pythagoricum, λάδε βιώσας: quod deinde plures suum fecerunt, vt Zenocum Stoicis, Epicurus, it. Apollonius Tyaneus ap. PHILOSTRATVM in eius Vita, Lib. VIII Cap. XI. De Proclo MAXIMVS in Vita eius, Vsque adeo latebat; quantum ne Pythagoraei quidem, qui praeceptum hoc auctoris sui, λάδε βιώσας, inconcussum seruant. Eodem tendebat decantata illa Pythagoreorum Echemythia. SVIDAS, ἐχεμυθεῖ. ἔχει ἑν ἑαυτῷ τὸν λόγον. SIMPLICIUS in Comm. ad Epictetum, Cap. 42 ἡ ὅλη σπερδὴ τ' παιδευτικῶν λόγων ἐστίν, ὁπισρέψαι τὴν ψυχὴν εἰς ἑαυτήν, ἀπὸ τε τ' ἐκτὸς, & ἀπὸ τ' ἀλόγων ἐν αὐτῇ παθῶν, & τῆ σώματ'. ὥς τὴν ἑαυτῆς ζῶν τὴν αὐτὴν αἰεὶ ζῆν. πρὸς δὲ τὸτο ἡ σιωπὴ τὰ μέγιστα συντελεῖ. διὸ & οἱ Πυθαγόρειοι τ' καθ' ἑαυτῆς διασωγῆς ἀρχὴν ἀνυσιμωτάτην συνέταττον τὴν πενταετὴ σιωπὴν. CLEMENS Alexandrinus Stromat. Hoc sibi vult etiam Pythagorae quinque annorum silentium, quod praecipit discipulis, vt scilicet auersi a rebus



bus sensilibus, nuda mente Deum contemplarentur. Hanc in rem institutum quoque erat & mane & vesperi apud animum suum reputare, quid agendum foret vel quid egissent. IAMBlichvs Lib. I Cap. 29. Πυθαγόρειος ἄνθρωπος ὁ πρῶτον ἐκ τῆς κοίτης ἀνίστατο ἢ τὰ χεῖρες γενόμενα πρῶτον ἀναμνηθεῖν. Qua de re quoque versus exstant apud PORPHYRIUM :

Πρῶτα μὲν ἐξ ὕπνου μελίφρονος  
ἐξυπανιστάς,

Ἐν μάλα ποιπνεύειν, ὅς ἐν ἡματι  
ἔργα τελέσσεις.

HIEROCLES, πρὸς ἐσπέραν δὲ καὶ εἰς ὕπνον τρεπομένους, ὅπως ἂν πέρασῃ μεθ' ἡμερινῶν πράξεων τὸ τῆς συνειδήσεως καθέζοιμεν δικαστήριον, ὅπῃ οἰτιον ἄσμα θεῶν τὴν τῆς διαθέσεων ἀνάκρισιν ποιέμενοι, πῇ παρέβην; τί δ' ἔρεξα; τί μοι δέον ἐκ ἐτελέσθην; Quae spectant ad hosce Carminis Aurei versus,

Μηδ' ὕπνον μαλακοῖσιν ἐπ' ὄμμασι  
προσδέξασθαι,

Πρὶν τῇ ἡμερινῶν ἔργων τρεῖς ἕκαστον  
ἐπελθεῖν.

Πῇ παρέβην; τί δ' ἔρεξα; τί μοι  
δέον ἐκ ἐτελέσθην;

Ἀρξάμενος δ' ἀπὸ πρῶτου, ἐπέξιθι  
καὶ μετέπειτα.

Δειλὰ μὲν ἐκπρήξας, ὅπῃ πλήσσο  
χρησὰ δὲ, τέρπε.

Ταῦτα πόνει, ταῦτ' ἐκμελέτα· τέ-  
των χρηῶν ἔρα' ἄν σε.

Ταῦτά σε τῇ θεῆς ἀρετῆς εἰς ἵχνη  
θήσει.

Quorum versuum interpres est AV-  
SONIVS in Eidyll. XVI, ( quod in-

scribitur, De Viro Bono Πυθαγο-  
ρικὴ ἀκρόασις ) vbi postquam de tali  
viro dictum est v. 3

Iudex ipse sui, totum se explorat  
ad unguem,

& v. 9

Cogitat, ἔ' iusto trutinæ se exa-  
mine pendit,

hoc modo pergit v. 14

Non prius in dulcem declinat lumi-  
na somnum,

Omnia quam longi reputauerit  
acta diei:

Quae praetergressus? quid gestum  
in tempore? quid non?

Cur isti facto decus afuit, aut  
ratio illi?

Quid mihi praeteritum? cur haec  
sententia sedit,

Quam melius mutare fuit? mise-  
ratus egentem,

Cur aliquem fracta persensi mente  
dolorem?

Quid volui, quod nolle bonum fo-  
ret? utile honesto

Cur malus antetuli? num dicto aut  
denique vultu

Perstrictus quisquam? cur me na-  
tura magis quam

Disciplina trahit? Sic dicta ἔ'  
facta per omnia

Ingrediens, ortoque a vespere cun-  
cta reuoluens,

Offensus prauis, dat palmam ἔ'  
praemia rectis.

CICERO de Senect. Cap. XI Pytha-  
goreorum more, quid quoque die dixe-  
rim



rim, audierim, egerim, commemoro vesperi. Similiter & alii vitam instituerunt, vt Horatius de se, Sat. I, 4. Sextius apud SENEC. de Ira 3, 36 vbi Idem de semet ipso, Quum sublatum e conspectu lumen est, & conticuit uxor, moris iam mei conscia, totum diem mecum scrutor, facta ac dicta mea remetior. &c.

(12) Vid. locus STOBÆI N. IO huius. IAMBlichVS in Protreptico, cap. 3 ἀφ' ἧ (post purgationem) δὴ πρώτῃ μὲν ἔσαι χακῶν παῦλα τὴν συμπεφυκότων ἡμῖν ἀπὸ τῆς γενέσεως. ἔπειτα γνῶσις ἡμῖν ἀληθινὴ παρέσαι τὴν δαιμονίαν καὶ μακαρίαν ζωὴν, ὅσην ἐστὶ καὶ ὁποῖα. μετ' ἧς ἀνιόντες, τὸ ἀρχηγὸν θεῖον γένος τῶν ἀνθρώπων κατὰ λόγον, καὶ εἰς αὐτὸ ἐνιδρυθέντες, τέλος ἔχομεν τὸ προοριζόμενον ὑπὸ τῶν θεῶν μακαριωτάτου βίου. De eodem Adscensu multa passim in Dialogis PLATO. Conf. SENECA, Quæst. Nat. Lib. I præf. post med.

(13) IAMBlichVS de Vita Pythagoræ, cap. 18 hunc docuisse tra-

dit, Quicquid bonum & honestum est, ab ipso deo petendum esse: hunc namque in eos, quos amore complectatur, sapientiam & alia eiusmodi bona conferre. Idem in Protreptico, cap. 3 ad illos τῶν χρυσοῦν ἐπέων versus, Ζεῦ πάτερ, ἢ πολλῶν &c. In his versibus una omnino continetur, eaque optima ad diuinam felicitatem adhortatio, ea nempe quæ fit admittis precibus & inuocationibus cum caeterorum deorum, tum eorum principis, hoc est, Iouis. Altera ostendit, datum nobis, & quasi sortito collatum genium, per quem ad deos reducimur. Alioquin namque fieri nequit, vt quis ad diuinam substantiam, quæ reuera talis est, perueniat, nisi tali genio, velut duce quopiam utatur; aut purgare se vllatenus, ac sicut decet, qui deos amant, nisi adminiculo alicuius ex daemonibus. CARMINA AVREA,

Ἐρχεῖν ἐπ' ἔργον  
Θεοῖσιν ἐπευξάμεν τελέσαι.

## §. VII.

Disciplina igitur fere talis erat: Qui in eam admitti cupiebant, prius explorabantur, an apti forent. Quamobrem Naturam eorum, qui accedebant, speculabatur Pythagoras, obseruabatque, quomodo se gererent in risu, silentio, sermone, cupiditatibus atque animi perturbationibus, &c. simul considerabat externam oris corporisque speciem, ac motum incessumque, & vniuersum habitum (1). Quum hoc modo aliquis dignus iudi-



iudicatus erat, ad ἄσκησιν veniebatur: vbi primum facultates suas in commune quasi aerarium conferre cogebatur (2); tum sustinendus erat per sat longum temporis interuallum contemptus (3), & silentium (4), & abstinentia quarundam rerum (5), &c. Inprimis luxus omnis & ad voluptatem comparata viuendi ratio interdicta erat, &c. (6) vultumque semper eundem seruire (7) contendebant. Vestitu utebantur candido ac mundo (8), &c. Amicitiam inter se & consuetudinem sanctissime colebant (9); & bona habebant communia (10).

(1) GELLIVS Lib. I, 9 *Iam a principio Pythagoras adolescentes, qui sese ad discendum obtulerant, φυσιογνωμόναι id verbum significat, mores naturasque hominum coniectatione quadam de oris & vultus ingenio, deque totius corporis filo atque habitu sciscitari.* MALCHVS s. PORPHYRIVS de Pythagora, ἔτ' ἂν φίλον, ἔτε γνώριμον ἐποίησατο ἑδένα, πρὶν ὡς ἄλλοι φυσιογνωμονῆσαι τὸν ἄνδρα, ὁποῖός ποτ' ἐστίν. Idem refert exempla, probati quidem Astraei, reiecti vero Cylonis) his verbis, ὁ δὲ (Pythagoras) λαβὼν (Astraeum) καὶ φυσιογνωμονήσας, καὶ τὰς κινήσεις καὶ τὰς ἡρεμίας τῶ σώματι ἐπεσκεψάμενοι, ἐπαίδευσεν αὐτήν γὰρ ἡκρίβε πρῶτος τὴν περὶ ἀνθρώπων ὁπσιμήν, ὁποῖος τὴν φύσιν ἔχας, ἐκμανθάνων. &c. IAMBlichVS Lib. I Cap. 17 ἔπειτα δεωρῶν αὐτῶν τὰς γέλωτας τὰς ἀκαίρους, καὶ τὴν σιωπὴν, καὶ τὴν λαλιὰν ὡς τὸ δέον. ἔτι δὲ τὰς ὀπθυμίας, τίνες εἰσὶ καὶ τὰς γνώριμους, οἷς ἐχρῶντο, καὶ τὴν ὡς τέρας ὁμιλίαν καὶ τὴν χαρὰν, καὶ τὴν λύπην ἐπὶ τισὶ τυγχάνουσι ποιέμενοι.

(2) GELLIVS Lib. I, 9 *Omnes simul, qui a Pythagora in cohortem illam discipulorum recepti erant, quod quisque familiae pecuniaeque habebant, in medium dabant.* IAMBlichVS l cap. 17 ἐν δὲ τῷ χρόνῳ τῷ τῷ (τῆς ἐχεμυθίας) τὰ μὲν ἐκάστου ὑπάρχοντα, τετέστιν αἱ εἰσὶαί, ἐκοινονῶντο.

(3) IAMBlichVS Lib. I Cap. 17 ὄντινα δοκιμάσειεν ἑτῶς, ἐφίει τριῶν ἑτῶν ὑπεροῦσθαι. it. δοκιμάζων, πῶς ἔχει βεβαιότητι καὶ ἀληθείᾳ φιλομαθίας, καὶ εἰ ὡς δόξαν ἱκανῶς ὡσαύτως ἀδελφύς, ὡς καταφρονεῖν τιμῆς. ALEXIS apud Athenaeum, Lib. IV Cap. 17 *Sordes oportuit ferre, ieiunium, coeli rigorem, silentium, tristitiam, illuuiem.* CRATINVS de Pythagoreis, apud Diog. Laërtium, *Eis consuetudo est, si quem simplicem undecunque nacti fuerint ingressum, experimentum facturum, quantum dicendi viribus valeant, perturbare illum, obiectionibusque versare, conclusionibus, inaequalitatibus, fallaciis, magnitudinibus, callidissime.*



(4) PLUTARCHVS *de Curiositate*, Πυθαγόρας ἔταξε τοῖς νέοις πενταετῇ σιωπῇ, ἐχεμυδίαν προσαγορεύσας. De quinquennali tempore, velut ordinario, conueniunt auctores, vt IAMBlichVS, LYSIS Pythagoricus in *Epistola ad Hipparchum*, Diogenes LAERTIVS, SIMPLICIVS ad *Epictetum* Cap. 42, CLEMENS Alexandrinus *Stromat.* LVCIANVS in *Auctione vitarum*, HIERONYMVS in *Eccles.* cap. 3, SERVIUS ad *Virg. Aen.* X, &c. Nunquam tamen exceptio obtinuit: vid. GELLIVS I, 9. APVLEIVS in *Floridis*, Non in totum tamen vocem desuescebant, nec omnes pari tempore elingues magistrum sectabantur; sed grauioribus viris breui spacio satis videbatur taciturnitas modificata: loquaciores enim uero ferme in quinquennium, velut in exilium vocis mittebantur. IAMBlichVS Lib. I Cap. 32. Ea quae propria maxime essent ac potissimum continerent praecepta sectae, inter se custodiebant omnes omni tempore accurata echemythia, nec ad externos efferebant, quae proferri nefas reputabant. Add. ib. c. 31. Ipsius Pythagorae praeceptum est apud Diog. LAERTIVM, μὴ εἶναι πρὸς πάντας πάντα ῥητά. Pythagoras aliquando interrogatus ab aliquo, quomodo in sapientium discipulorum numerum adscribi posset? respondisse fertur, Si serues silentium, donec loqui sit necessarium: si nihil dixeris, nisi quod bene sciueris: si feceris optima, & locutus fueris paucissima.

(5) IAMBlichVS Lib. I Cap. 24 ἀπεδοκίμαζεν (Pythagoras) τὰ πνευματώδη καὶ παραχρῆς αἰτία. it. τὰ

τοῖς θεοῖς ἀλλότρεια, ἢ ἱερά. it. τὰ πρὸς τὴν καθαρότητα τῆς ψυχῆς, καὶ ἀγνείαν, καὶ σοφροσύνης ἢ ἀρετῆς ἔξιν, καὶ εὐάγειαν, ἐναντίως ἔχοντα.

(6) CARMINA AVREA,

Ἄλλὰ ποτὲ τε μέτρον καὶ σίτη γυμνασίων τε  
Ποιεῖσθαι μέτρον δὲ λέγω τόδ', ὅ  
μὴ σ' ἀνιήσει.

HIEROCLES in *Comm.* Omnem fugiet philosophus corporis faciendi curam, quippe quae repugnat intelligenti animae luci.

CARM. AVR.

κρατεῖν δὲ ἐδίξετο  
τῶνδε,  
Γαστρός μὲν πρώτιστα, καὶ ὕπνου, λα-  
γνείης τε.

ALEXIS apud *Athenaeum*, Lib. IV cap. 17

οἱ (Pythagorici) δὲ  
ἡμέρας  
Δειπνῶσι πέμπτῃς ἀλφίτων κοτύ-  
λῃν μίαν.

Quod Casaubonus ita explicat, Hoc dicit, quarto quoque die solum edere; & nihil edere nisi mazam factam ex cotyla farinae hordeaceae: erat autem cotyla, octaua pars choenice, qui censebatur legitimus modus diurni alimenti personae unius. Conf. IAMBlichVS Lib. I cap. 31.

(7) Vid. LAERTIVS in *Pythago-  
ra*. THEAGES in *Fragm. de Vir-  
tutibus*, Debet virtus, quum decori sit habitus & affectuum mediocritas, nec stupida esse nec immodice affici: ut enim stupor immotum & languidum

ad



ad honestatem reddit animum, ita confusum & imperitum immodica perturbatio. ARCHYTAS de Morum doctrina, Mediocritatem affectuum sectari debemus: siquidem stuporem aequae ac immodicam perturbationem fugimus. IAMBLICHVS Lib. I cap. 31 Quoad animum, eodem semper modo se habebant, non ut nunc quidem essent hilares, nunc vero tristes, sed eodem modo leniter laeti. Iras quoque omnesque animi perturbationes expellebant. CICERO de Officiis I c. 26 pr. Praeclara est aequabilitas in omni vita, & idem semper vultus eademque frons: ut de Socrate, item de C. Laelio accepimus. Sic & Animi totius cum concinnitate pacem & harmoniam, praecipit POLVS in Fragm. Libri de Iustitia. Hinc ducenda ratio Symboli Pythagorici, Ne stateram transilias.

(8) IAMBLICHVS Lib. I cap. 21 εὐνῆτι δὲ χρῆσθαι λευκῇ καὶ καὶ θαρῇ, praecipiebat Pythagoras. SOSICRATES apud Athenaeum, Lib. IV cap. 18 de veteribus Pythagoricis dicit, eos fuisse λαμπρὰ τε εὐνῆτι ἀμεινυμένους. MELISSA Pythagorica, in Epistola ad Claretam, Oportet modestam & liberam coniugem veste candida esse amictam, mundamque & simplicem, at non sumtuosam ac luxuriantem.

(9) IAMBLICHVS Lib. I cap. 35 refert, Pythagoreos dicere consuevisse de magistro suo,

Τὸς μὲν ἑταίρους ἦγεν ἴσον μακάρεσσι θεοῖσι.

CICERO de Officiis Lib. I, 56 c. 17 Pythagoras vult in amicitia, ut unus

fiat ex pluribus. Idem ibid. Lib. III, 9 extr. Damonem & Phintiam, Pythagoreos, ferunt hoc animo inter se fuisse, ut, quum eorum alteri Dionysius tyrannus diem necis destinauisset, & is, qui morti addictus esset, paucos sibi dies commendandorum suorum causa postulauisset, vas factus sit alter, eius sistendi, ut, si ille non reuertisset, moriendum esset ipsi. Qui quum ad diem se recepisset, admiratus eorum fidem tyrannus, petiuit, ut se ad amicitiam tertium adscribe- rent. Multa hanc in rem IAMBLICHVS de vita Pythagorae cap. XVI n. 69. Cap. XXII n. 102. Cap. XXX n. 181. Cap. XXXIII n. 229. 230. 234. 237. Exempla plura enarrat Idem Cap. XXVII n. 162. AV- SONIVS, Eidyll. XV, 31

*Viue & amicitias semper cole! crimen ob istud*

*Pythagoreorum periit schola tota sophorum:*

*Hoc metuens igitur, nullas cole! crimen ob istud*

*Timon Palladiis olim lapidatus Athenis.*

(10) IAMBLICHVS Lib. I Cap. 6 Habuit Pythagoras permultos sectatores, non modo traductos ab ipso ad philosophiae studia, sed & congregatos in coenobium, ut vocant, ex eius instituto: erantque hi philosophi. GELLIVS Lib. I Cap. 9 Coibatur societas inseparabilis, tanquam illud fuerit antiquum consortium, quod in iure, absque verbo Romano, appellatur κοινότης. Inde profluxit Platonica rerum communio: idemque mos ad monasteria transiit. Vid. HOLSTENIVS ad Porphyrium, n. 20. §. VIII.



## §. VIII.

Institutio pro diuersitate profectuum varia erat: *Exoterica* enim de iis rebus praecipiebat, quae pertinent ad vitam communem atque ciuilem recte prudenterque agendam (1), *Acusmatica* vero s. *Acroamatica* de iis, quibus vitam philosophicam contineri putabant (2); vtrique simplici praeceptionum genere comprehensa erat, nec rationes demonstrationesue traditorum adiunctas habebat (3). Contra fiebat in sublimiori philosophandi ratione, quae *Esoterica* dicebatur: cuius prima pars, *Mathematica* (4); altior, *Physica* (5); suprema, *Theologia* (6). In inferiore discendi ordine adhibebantur Sententiae, Aenigmata s. Problemata, Oracula, Similitudines, Sym-bola (7): in *Esoterica* autem tractabatur Numerorum ac Geometriae scientia, ad quam doctrinam deinde reliqua omnia exigebantur (8).

(1) Vid. Io. SCHEFFER. de *Philosophia Ital.* Cap. X post initium: qui appellationis rationem hanc reddit, quod *Exoterica* quidem spectauerit ad τὰς ἑξω, id est eos, qui essent extra scholam *Pythagoricam*; qui audiebant quidem *Pythagoram* & *Pythagoricos*, sed tamen in sectam & societatem eorum non transierant, verum pristinum viuendi genus seruabant, suaque in ciuili vita obibant munia. - At vero *Esotericam* vocabant eam, quae pertinebat ad τὰς ἑσω, id est eos, qui subduxerant se a vulgo vitaeque ciuili, ac concesserant in scholam *Pythagoricorum*, philosophi futuri, victurique ex decretis regulisque sectae, posthabita communi illa

& in ciuitate recepta consuetudine. Iac. autem BRVCKERVS, in *Hist. Philos.* Part. II s. Lib. III Cap. X Qu. XII n. III & IV propterea sic appellatas esse putat has diuersas docendi vias, quod, quum *Pythagoras* intra velum docuerit, illi qui extra velum praecepta viuendi accipiebant, nec dum ipsum *Pythagoram* audire poterant, *Exoterici* vocati fuerint, h. e. extra velum constituti; contra illi, quibus iam permissum erat ad ipsum *Pythagoram* intro accedere, *Esoterici*. Conf. SCHEFFER. pag. 100 & 126 seq. qui priore loco disertis verbis, Non, inquit, *Pythagoram*, quum adhuc viuus esset, audiebant ipsum, sed



sed ab uno seniorum ex discipulis ipsius dogmata accipiebant: ipse discretus ab eis post sindonem versabatur, sicuti Iamblichus testatur. Quod autem antea Idem dixit, Exotericos audisse etiam Pythagoram, id intelligendum de auditoribus, quum publice verba faceret Pythagoras; non de discipulis scholae. Caeterum, quemadmodum Idem pag. 84 ait, Exoterica continebat & praecepta de rep. & de vita priuata: illa ostendebant officia cum magistratuum erga ciues, tum ciuium erga magistratus; haec officia parentum erga liberos, ac vicissim, coniugum erga maritos, iuniorum erga seniores, ac vicissim. Habenturque eximia exempla apud Iamblichum Pythagorae ipsius, talia tradentis, Lib. I Cap. 8 & seq. Neque scio satis, an non ad philosophiae huius partem spectent pleraque ea scripta, quae ex Pythagoricis supersunt, ut Archytæ de doctrina morali, viro bono, lege ac iustitia: Hipparchi de tranquillitate animi: Euryphami de vita: Metopi de virtute: Perictionis de mulieris concinnitate: Pempeli de parentibus: Damippi de prudentia & bona fortuna, &c. Sic ipse Pythagoras, referente IUSTINO Lib. XX Cap. IV n. 5 seqq. Populum Crotoniensem, in luxuriam lapsum, auctoritate sua ad usum frugalitatis reuocauit. Laudabat quotidie virtutem: & vitia luxuriae, casusque ciuitatum ea peste perditarum enumerabat, tantumque studium ad frugalitatem multitudinis prouocauit, ut aliquos ex his luxuriatos incredibile videretur. Matronarum quoque separatam a viris doctrinam, & puerorum a parentibus frequenter habuit.

Docebat nunc has pudicitiam, & obsequia in viros: nunc illos modestiam & literarum studium. Inter haec velut genitricem virtutum, frugalitatem omnibus ingerebat, consecutusque disputationum assiduitate erat, ut matronae auratas vestes, caeteraque dignitatis suae ornamenta, velut instrumenta luxuriae deponerent, eaque omnia, delata in Iunonis aedem, ipsi deae consecrarent, prae se ferentes, vera ornamenta matronarum pudicitiam, non vestes esse. In iuuentute quoque quantum profligatum sit, vitii feminarum contumaces animi manifestant.

(2) SCHEFFER. Cap. X p. 82 Acroamatica continebat ea, quae ad vitam pertinebant philosophicam, & spectabant tantum ad eos, qui futuri essent Pythagorici. IAMBlichVS Lib. I Cap. 18 Omnia haec Acusmatica diuidebantur in tres species: una continebat ea, quae, quid quidque sit, significant; altera, quae, quid sit maxime; tertia, quae, quid faciendum sit aut non sit.

(3) IAMBlichVS Lib. I Cap. 18 Consistit Acusmaticorum philosophia in auscultationibus nudis, absque ullis demonstrationibus rationibusue: e. g. ita faciendum est, & sic deinceps. SCHEFFER. p. 80 In Exotericis trahebantur omnia absque subtilibus & abstrusis speculationibus philosophicis, & rationibus: quas si quando adhibebant, sicut adhibebant saepe, eas desumebant ex communi vita vsuque quotidiano, ex euentu exemplisque; atque ita de his talibus non philosophice, sed praëctice ac populariter diserebant.

(4) GELLIVS Lib. I, 9 Dicebantur



tur μαθηματικοὶ ab eis artibus, quas iam discere atque meditari inceptauerant, quoniam geometriam, gnomonicam, musicam, caeterasque item disciplinas altiores μαθήματα veteres Graeci appellabant. IUSTINVS in Dial. cum Tryphone, Ad Pythagoricum quendam magni nominis, multique in sapientia supercilii virum, accessi, & cum eo, auditor eius & discipulus esse volens, egi. Ibi, quid? inquit ille; versatusne es in musica, & astronomia, & geometria? An existimas, quidpiam te perspicere eorum posse, quae ad beatitudinem conducunt, nisi haec prius cognoueris, quae animum a sensibilibus ad intelligibilia percipienda aptum commodumque reddunt, ut id ipsum, quod pulchrum & quod bonum est, contemplari queas? Inde est, quod PLATO foribus Academiae inscripsit, ἰδεὶς ἀγεωμέτρητος εἰσὶτω qui & mathesin appellauit μαθηματικά, itemque κατὰ παιδείου ὁδὸν XENOCRATES vero, λαβὰς φιλοσοφίας.

(5) GELLIVS l. c. Exinde his (mathematicis) scientiae studiis ornati, ad perspicienda mundi opera, & principia naturae adscendebant; ac tunc denique nominabantur φυσικοί. SCHEFFER. pag. 94 Agebant in hac parte de principiis rerum, de corporibus & elementis, & id genus aliis: sicut ex Ocello Pythagorico cognoscimus.

(6) SCHEFFER. pag. 92 Ultima & praestantissima Esotericae philosophiae pars, de Deo & diuinis, quam Theologiam vulgo appellabant. IAMBLICHVS Lib. I Cap. 29 Hanc igitur ab initio circa intelligibilia & quae pertinent ad deos, scientiam

prodit, (philosophia Pythagorae) postea docet omnia physica & naturalia. Huc referenda Metaphysica ARISTOTELIS.

(7) Exemplo sint γνώμαι Secundi philosophi, ab Holstenio editae; itemque Demophili, & Aristoxeni, ipsiusque Pythagorae, a STOBAEO relatae; Democratis χρυσᾷ γνώμαι, cum illis Demophili coniunctim editae; ipsa χρυσᾷ ἔπη. SIMPLICIUS, de Epicteti praeceptis, κομματικοὶ δὲ εἰσὶν οἱ λόγοι, καὶ γνωμικοὶ, κατὰ τὸ ἥ υποδηκῶν καλεμένων, ὡς τῶν Πυθαγορείοις εἶδος. SENECA Epist. 94 quum de eiusmodi institutione loquitur, appellat oracula, & praecepta carmini intexta, aut in sententiam coarctata. Pertinent huc illa sic dicta γνωμικά ὁμοιώματα, ap. IAMBlichVM Lib. II Cap. XX in fine: item liber Demophili, quem inscripsit ὁμοία. De Aenigmatis vid. SCHEFFER. pag. 85 seqq. De Symbolis peruulgata res est.

(8) IAMBlichVS, Pulchram quidem Pythagoras aiebat esse faciem huius vniuersi, & siderum, quae in eo feruntur, si quis velit contueri, ordinem: sed hoc secundum communicationem eius, quod est primum, atque intelligibile tale. Primum autem Pythagorae dicebatur natura numerorum rationumque, quae in omnibus cernitur, & secundum quam haec omnia sunt composita scite, & ornata conuenienter. Idem Lib. I Cap. 18 Naturam numerorum, quae eorum indoles naturaue definitur, didicit ab Orphicis. SEXTVS Empiricus contra Mathematicos, Doctissimi ex physicis magnam vim tri-



tribuerunt numeris: ii autem sunt sectatores Samii Pythagorae. Philosophabantur autem e. c. hunc fere in modum: Omnium rerum principium & origo Monas est: cui si alterum accedit, Dyas existit indefinita: ex hac deinde Monade & Dyade omnia facta & procreata sunt: Monas autem est principium actuum, Dyas vero passivum s. materia: Corpus existit ex puncto, linea, & superficie; corpus respondet Tetracty, punctum Monadi, linea Dyadi, superficies Triadi, &c.v. BRVCKER. l. c. Quaest. XXII n. XVIII seqq.

§. IX.

Et ista quidem sufficiant ad declarandum, qualis tempore Hippocratis fuerit philosophiae status, quantum ille praesenti libello lucem afferre videtur. Nunc quoque nonnihil de conditione, quam Medicina illis temporibus subierit. Iam autem *superstitioni* (1) *in medicina derogauerat Philosophiae exortus: ex quo tempore sui iuris fieri, & a templis abstrahi coepit: quemadmodum loquitur Io. Henr. SCHVLZE in Historia Medic. Period. I Sect. II Cap. IV. §. III.* Neque tamen adeo felix iisdem temporibus erat artis medicinalis status (2), vt non complures artem facere & profiteri aggressi fuerint, qui neque legitima ratione eam didicerant, neque aliis naturae & eruditionis praesidiis necessariis instructi erant (3): quorum etiam culpa factum est, vt cum ipsis ars quoque minus honesta & gloriosa vulgo haberetur (4). Legitimus autem addiscendae medicinae mos erat, vt disciplinae alumni magistros in faciendis artis operibus comitarentur, praecepta cum communiora tum magis recondita perciperent, ipsisque rerum documentis experimentisque comprobata & quasi repraesentata cognoscerent; sed & ad administranda quaecunque medicinae negotia pro modo profectuum adhiberentur (5). Medici munus, omne officiorum genus continebat, quae eius nominis amplitudinem implent (6): quare nec dum in partes medicina diducta erat (7);



ministrorum (8) tamen opera utebantur medici, quum non omnia ipsi per se agere possent. Praeterea Medici illorum temporum peregrinationes instituere consueverant artis exercendae gratia (9).

(1) Vid. supra §. V not. i §. 8.

(2) Conf. Celeb. SCHVLZIVS all. libro, Per. I Sect. III Cap. VI.

(3) Loca apud Hippocratem iam adduxi in Comm. de Eo in Medico quod nec dici nec scribi potest, §. XXI n. 9. it. ibid. §. III & §. VI extr. & alibi subinde. Vid. HIPPOCRATIS Νόμος & Ὀρκος & praesertim in praesente lib. Sect. II & IV cum Commentar. Idem legitimum medicum vocat ὁμότεχνον μεμεληκότα τὰ τῆ τέχνης ἀνυπεύδυνα, ἐφ' οἷς ἀν' ἡτρὸς ἀγαθὸς ἀκμάζοι, ὁμότεχνον καλούμενον. Παραγγελ. VI Lind.

(4) HIPPOCRATES in Νόμῳ pr. Ἱητρικῇ τεχνῶν μὲν πασῶν ἐστὶν ἐπιφανεσάτη· διὰ δὲ ἀμαθίῃν τῶν τε χρεωμένων αὐτῇ, καὶ τῇ εἰκῇ τὸς τοιέσδε κρινόντων, πολὺ τι πασῶν ἥδη τῶν τεχνῶν ἀπολείπεται.

(5) Testatum hoc faciunt complura apud HIPPOCRATEM loca in libellis περὶ ἡτρῆς, περὶ εὐχημοσύνης, παραγγελιῶν, &c. praesertim Νόμος, & Ὀρκος, in quod Commentarius Io. Henr. MEIBOMII conferendus est: vbi Cap. XI speciatim tractatur de duplici medicinalis institutionis genere, παραγγελία & ἀκρόασις.

(6) Hoc vel inde pateat, quod in Hippocraticis libris omnis generis morborum curationes & praecepta proponuntur.

(7) Id quod demum paullo post Hippocratem accidit, quando, referente CELSO in Praef. in tres par-

tes medicina diducta est, ut una esset, quae victu; altera, quae medicamentis; tertia, quae manu mederetur: primam, διαιτητικὴν secundam, φαρμακευτικὴν tertiam, χειρουργικὴν Graeci nominauerunt. Illam tamen Chirurgiae partem, qua calculi curatio sectione peragitur, singulari proprioque studio a nonnullis iam circa tempora Hippocratis fuisse excultam & exercitam, probant illa Iurisiurandi verba, οὐ τὴν μὲν δὲ καὶ μὴν λιθιῶντας ἐκχωρήσω δὲ ἐργάτησιν ἀνδράσι πρήξιός τῆςδε. Vid. in h. l. Commentarius Ol. Henr. MEIBOMII. Loquor autem nunc tantum de Graecanica medicina: nam apud Aegyptios, Malabares, &c. constat aliter comparatum fuisse, & officium medici ita diuisum, ut particularia morborum genera suam sibi quaeque medicorum classem attributam haberent, & una v. c. medicorum familia curaret oculi solius morbos, alia dentium, aurium alia, &c. Cic. de Orat. III c. 33 An tu existimas, quum esset Hippocrates ille Cous, fuisse tum alios medicos, qui morbis; alios, qui vulneribus; alios, qui oculis mederentur?

(8) Hi erant, praeter filios cum ipsius medici Magistri, tum huius Praeceptorum, οἱ μαθητὰς συγγεγραμμένοι τε καὶ ὠρτισμένοι νόμῳ ἡτρικῷ, ut dicitur in Ὀρκῳ. Idem erant vel liberi vel serui: vid. PLATO de Legib.



gib. Lib. IV non longe ante finem , pag. 602 Laemar. it. ibid. lib. I & 9, citante Zuingero p. 80 & 87. Io. Henr. SCHVLZIVS in Hist. Medic. Period. I Sect. III Cap. VI § XLVII.

(9) Quo pertinet, quod in Νόμῳ dicuntur medici ἀνὰ τὰς πόλεις ποι-

τεύειν. Conf. GALEN. in l. ὅτι ἀρι-  
στοτελεῖς καὶ φιλόσοφοι, de Hippo-  
crate ipso. Dan. Wilh. TRILLER.  
in Epistola ad Ioh. Freind, pag. 18.  
Io. Henr. SCHVLZ. in Hist. Medic.  
Period. I Sect. II Cap. VII § XLVII  
vbi exemplum Democedis affert.

§. X.

*Multa Medicorum scripta exstitisse suo tempore, testatur Socrates apud XENOPHONTEM Memorabil. Lib. IV. \* Neque illud forte quisquam negauerit, torporem Asclepiadis primum excussisse Philosophos, quum se rei medicae dedere & sanitatis, morborum, vitae, mortisque causas scrutari, sua industria dignum laborem existimare inciperent; & non solum de his frequentius inter homines differere, verum etiam meditationes suas scriptis libris propagare instituerent: vt scribit Io. Henr. SCHVLZE in Hist. Medic. Period. I Sect. II Cap. V §. XI. Adeoque, auctore CELSO in Praefatione, Primo medendi scientia, sapientiae pars habebatur; & paullo post, Ideoque multos ex sapientiae professoribus peritos eius (medicinae) fuisse accepimus, clarissimos vero ex his Pythagoram, & Empedoclem, & Democritum. Sed pergit Idem CELSVS, Huius autem, (Democriti) vt quidam crediderunt, discipulus Hippocrates Cous, primus quidem ex omnibus memoria dignis, ab studio sapientiae disciplinam hanc separauit.*

\* Ipse hoc passim significat HIP-  
POCRATES, e. c. περὶ Ἀρχῶν pr. περὶ Ἀρχαίων Ἰντεκ. passim, περὶ  
Διαίτ. I pr. περὶ Κρίσεων pr.

§. XI.

Quanam vero ratione Hippocrates separasse a Philo-  
phia Medicinam intelligendus sit, declaraturus Celeb.



SCHVLZIVS, in *Historia Medicinae*, Period. I Sect. III Cap. I §. vlt. ita scribit, *Hippocrates a Philosophia Medicinam separavit hoc sensu, ut nihil voluerit ex philosophia ad medicinam a priori (1) discendam adferri: rationalis autem medicinae diaeteticæ auctor illo dicitur intuitu, quod ex ipsis phaenomenis, quæ praxis quotidiana suppeditat, colligendam esse philosophiam naturalem, medico utilem & necessariam, suos admonuerit, & exemplo optimo in hoc studio praeiuerit. Atque adeo physica (2) Hippocratis doctrina nihil fuit præter collectionem observationum, per experientiam cognitarum, de effectibus rerum extra nos positarum, corpus nostrum, si vel intro sumta sunt, vel quocunque modo nos affecerunt, iuuandi vel laedendi viribus instructarum. Omnem autem speculationem, hos fines excedentem, inutilem medicinae censuit, & ad sophistas amandavit. Denique, ait Idem Period. II Cap. IV §. II, Separavit a medicina philosophiam, non ut disiungeret & philosophiam excluderet; sed ut seorsim eam colendo, incrementa artis promoueret. Aliter tamen hac de re sentit Auctor Disp. de Fortuna Medica, Praef. III. HEISTERO habitæ 1722, §. II. Si quid ego vero hic iudico, simplicissimum mihi & historiae illorum temporum maxime consentaneum videtur, eam separationem ita interpretari, ut, quum adhuc sophistæ aut philosophi praecepta quoque medicinae contemplando, disserendo, ratiocinando explicuerint atque tradiderint, Hippocrates ab eorum scholis abstraxisse medicinalem artem dicatur, & defendisse, eam a Medicis, inter ipsam operum exercitationem, tradi discipulis debere (3).*

(1) HIPPOCRATES in Παρηγγραφαῖς pr. Δεῖ γὰρ μὴν ταῦτα εἰδόντα μὴ λογισμῷ πρῶτον πιδανῶ πρῶτον ἔχοντα ἰντρέψαι, ἀλλὰ τριβῇ μετὰ λόγῳ. Ὁ γὰρ λογισμὸς, μνήμη τις ἐστὶ ξυμμετρικὴ τῷ μετ' αἰσθήσεως ληφθέντων. Ἐφαντασιώδη γὰρ ἐναργέως ἢ τε αἰσθήσεις, περπαθήσεις, καὶ ἀναπομπὰς ἔχοντα εἰς διάνοιαν τῶν ὑποκειμένων ἢ δὲ, ὡς ἀδεξάμενη πολλάκις, οἷς, ὅτε, καὶ ὁμοίως, ταῦτα τηρήσασα, καὶ ἐς ἐαυτὴν καταδεμένη, συνημιόνησεν.



σε. Ευχαταίνεω μὲν εἶναι καὶ τὸν λογισμὸν, ἥνπερ ἐκ περιπτώσεως ποιεῖται τὴν ἀρχὴν, καὶ τὴν καταφορὴν ἐκ τῶν φαινομένων μεθοδεύει. κ. τ. λ. h. e. Qui igitur haec de temporis & opportunitatum ratione ad curationem morborum nouerit, illum decet ipsius artis exercitationibus frequenter interesse in iisque ipsum versari, & attentum ad ea, quae circa hoc opus accidunt, inde rationem suam veris medendi praeceptis instruere; non autem antea ad probabiles ratiocinationes animum aduertere, & methodo ex istis sibi fabricata, ad medicinam faciendam aggredi. Nam & ipsa ratiocinatio nihil aliud esse debet quam talis mentis operatio, qua ea, quae per sensuum ministerium percepit mens, memoriā comprehendit, & tum inter se componit. Sensus enim ab obiectis antea perculsi, rerum imagines clare recipiunt, unde sensatio; & ab hac referuntur percepta ad intellectum, ut hic quoque obiecta cognoscat. Intellectus autem, postquam hoc modo saepius, quae sensus obtulerunt, suscepit, & inprimis quoque diligenter animaduertit, quibus si-

gillatim hominibus, quo item tempore, & quali denique modo phaenomena circa corpus sanum aegrumue contingunt; haec custodit obseruata, & quum apud se eadem velut deposuerit, postea quandocunque opus est, recordatur. Quare laudandam equidem esse ratiocinationem consentio, siquidem ea initium capiat ab obseruatione earum rerum, quae reuera in natura accidunt, & tum ad ea, quae prona inde consecutione manant, secundum phaenomena, legitima via atque ordine progrediatur.

(2) HIPPOCR. de Sterilibus, XVIII ab init. p. 635 T. II Lind. Πειρῶ δὲ φυσικὸς εἶναι, πρὸς τῆς ἀνδρώπε τὴν ἐξιν καὶ τὴν ἰσχὺν ὁρῶν. Caeterum, conare, ut physicus sis, ad hominis habitum ac robur respiciens. Et de Vet. Medicina, XXXVI 18 Μοὶ δοκεῖ ἀναγκαῖον εἶναι παντὶ ἰντρῶ, περὶ φύσεως εἰδέναι, καὶ πάνυ σπουδάζειν, ὥς εἴσῃται, εἴπερ τι μέλλει τῶν δέοντων ποιήσειν. Conf. Celeb. SCHVLZII Diss. de Medico Physico, §. X & XI.

(3) Hac de re pluribus in Commentario I.

## §. XII.

Speciatim, de Logica\* Hippocratis iudicari quodammodo potest ex ipsius verbis, ad §. praecedentem in Annotatione (1) productis. De Physica iam vidimus eodem §. Theologiam eius Naturalem cum Psychologia &c. commodius in Commentar. ad Sect. VII vbi praecipuus hac de re locus exstat, me tractaturum existimo. Moralem Philosophiam eum ipsa viuendi resque suas agendi ratione, maxime coluisse, cum illi libelli, quibus Medicum format,



mat, sunt testimonio, tum hoc, quod Celeb. SCHVLZIVS in *Historia Medic.* Period. I Sect. III Cap. I §. XXV affirmat, *Non meminisse se quicquam legere apud veteres auctores, quo vitiorum insimularetur Hippocrates.* Conf. G. C. SCHELHAMMERI Progr. cum Aphorismorum Hippocratis publicam interpretationem aggredieretur, P.P. 1685.

\* Formulas Hippocratis, quas haut raro non absimili Geometrarum more, re ex causis demonstrata, apposuit, prolatis scriptorum locis videre licet in *Theologia Hippocratis Naturali*, praefide Io. And. SCHMIDT disputata Ienae 1691, Cap. I §. 2 p. 4. De ea praxis Logicae parte, qua de scriptis iudicare informamur, affertur ib. locus ex pr. libri de diebus Iudicatoriis, Μέγα μέρ<sup>ος</sup> ἡγέομαι τ<sup>ὴν</sup> τέχνης εἶναι. τὸ δύνασθαι κατασκοπέεσθαι περὶ τῶν γεγραμμένων ὁρθῶς. ὁ γὰρ

γνῆς καὶ χρεόμενος τέτοιον, ἐκ αὐτοῦ μοι δοκεῖ μέγα σφάλλεσθαι κατὰ τὴν τέχνην. Atque adeo Logicam medicinam inuenisse perhibetur Hippocrates: vid. ISIDOR. *Orig.* IV, 3. 4. SORANVS Ephesius, praef. in *Art. Med. Isagog.* GALEN. *de Humorib.* I, 1 & I, 7. De Heuristica, lib. de *Arte*, post pr. Ἐμοὶ τὸ μὲν τι τῶν μὴ ἐυρημένων ἐξευρίσκειν, ὅ, τε καὶ ἐυρεθὲν κρέσσον ἢ ἀνεξεύρετον, ξυνέσι<sup>ς</sup> δοκεῖ ἐπιθύμημά τε καὶ ἔργον εἶναι καὶ τὸ τὰ ἡμέτερα ἐς τέλος ἐξεργάζεσθαι, ὡσαύτως.

### §. XIII.

Ex quibus omnibus satis arbitror intelligi, & ex praesentis libelli perlectione subiunctoque Commentario adhuc manifestius intellectum iri, Hippocratem nulli quidem proprie Philosophorum sectae nomen dedisse; nihilo tamen minus, quum ad artem suam quam optime rectissimeque exercitandam acri cura studioque incumbere, omnia, quae eo faciunt, praesidia solícite diligenterque circumspexisse, & ad medicinam bene ac sapienter faciendam traduxisse: cuius generis quum plurima quoque in quibuslibet Philosophorum disciplinis atque Sectis deprehendantur, eatenus cum istis convenire Hippocrati dicendum est; quumque ex Pythagorica potissimum



num schola reliquae tunc temporis in Philosophia agitatae quaestiones, decreta, ac praecepta promanasse putentur; eademque schola Medicinam quoque prae caeteris coluerit, (vid. §. X & IV) igitur Hippocratem potiori iure dici posse censeo, Pythagoricae disciplinae praecepta respexisse, vbi de rebus ad Philosophiam pertinentibus loquitur, quam cuiuscunque alterius disciplinae \*.

\* HIPPOCRATES de se ipso, *περὶ ἀρχῶν* ab initio, *Ego ad hunc usque sermonem communibus sententiis utor, tum aliorum, qui me praecesserunt, tum etiam meis. Necessesse enim est, commune principium sententiis supponere eum, qui velit hanc de arte medica tractationem componere.* - Nunc autem ipse meas sententias profero. Porro, ne ego solus Hippocratem inter Pythagoristas vel quasi retulisse videar, praeter V. Cel. Io. Matthi. GESNERVM, cui propter editam Diff. de *Ἰουχαῖς* Hippocratis eandem sententiam tribuit Exc. HALLERVS, in *Annot. ad Boerhaavii Prael. in proprias Inst. Med.* Προλεγ. §. XIII not [1]: iam CELSVS, Lib. III, 4 p. 134 ed. Ien. 1713, vbi de Hippocratis observatione dierum Criticorum agit, diserte pronunciat, *Verum in his quidem antiquos, tunc celebres admodum Pythagorici numeri fefellerunt. Communiter quidem Heracliteum faciunt Hippocratem.* Sed, vt taceam, Heraclitum ipsum sua accepisse a Pythagoreis, sicut ostendit BRVCKERVS, vbi de Heraclito agit: constat, illum virum medicis admodum infensum fuisse, & inter alia dixisse, *Ni Grammatici essent, Medicos omnium mortalium stultissi-*

*mos haberi posse.* Vid. le CLERC, dans l'*Hist. de la Medec.* I Part. Liv. II Chap. VI & Liv. III Chap. XIX not. 7. Idem quam diuersus ingenio moribusque fuerit ab Hippocrate, docet M. Ioh. Christi. RABE in Diff. qua *Hippocratem Barbaris operam negantem sistit*, hab. Lips. 1722, §. VIII: ibidemque, Nescio, ait, *quid factum sit, vt Hippocratem Heracliti sectatorem perhibuerint: reuera fabulae instar traditum est & propagatur*; quod deinde productis sententiarum documentis demonstrare intendit. Contra, G. C. SCHELHAMMER. in Diff. de *Medico Philosopho ἰσοδῶν*, Thes. VI, *De Philosophia illius temporis*, inquit, *constat, Pythagoricam quidem tum iam interuisse: Socraticam vero, utpote moralis doctrinae potius sectatricem, minus ad artem fuisse accommodatam, cum de causis rerum naturalium scire se vnum id diceret Socrates, quod nihil sciret.* & Thes. VII, *Fuit Hippocrates Platoni quidem coaeuus, sed ab illo diuersissimam coluit philosophiam. Nam is a Deo ad creaturas descendebat: noster vero contrario modo per opera naturae cognoscebat & τὸν θεὸν & τὸ θεῖον*, id est, *naturae limites egrediens; non enim*



enim aliunde de eo quam ex observationibus, ipsi constitit. (Thes. VIII) In quo, ut in plerisque aliis, cum Peripato ita consentit, ut non iniuria forte dixerim, Aristotelem non modo hanc methodum, sed & sua principia, tam in arte ratiocinandi, quam in naturali philosophia, magnam partem vel ex ipso Hippocrate hausisse, vel alioqui cum Hippocrate idem sensit. Nam & quatuor Qualitates primae, & Analytica argumentandi ratio, & Moralis doctrinae principia Aristotelica, tam clare in eius libris exstant, ut ex eo esse confecta, vix liceat dubitare: quicquid etiam de libro de Prisca Medicina fiat.

## §. XIV.

Illud adhuc peculiari animaduersione dignum videtur, quod Hippocrates in omnibus rebus potissimum ad Naturam cognoscendam atque sequendam sibi respiciendum existimauit: id quod cum ex innumeris ipsius scriptorum locis manifestum est, ubi ad Naturam prouocat; tum hoc PLATONIS testimonio confirmatur, in Phaedro, pag. 354 E Laemar. p. 270 C Tom. III H. Steph. Σωκρ. Ψυχῆς οὖν φύσιν ἀξίως λόγου κατανοῆσαι οἷε δυνατόν εἶναι ἄνευ τῆς τοῦ ὅλου φύσεως; Φαιδρ. εἰ μὲν Ἱπποκράτει τε τῷ τῶν Ἀσκληπιαδῶν δεῖ τι πείθεσθαι, οὐδὲ περὶ σώματος ἄνευ τῆς μεθόδου ταύτης. Σω. καλῶς γὰρ, ὦ ἑταῖρε, λέγει. χρὴ μέντοι, πρὸς τῷ Ἱπποκράτει τὸν λόγον ἐξετάζοντα, σκοπεῖν, εἰ συμφωνεῖ. Φαι. Φημί. Σω. τὸ τοίνυν περὶ φύσεως σκόπει τί ποτε λέγει Ἱπποκράτης τε καὶ ὁ ἀληθὴς λόγος. ἄρ' οὐχ' ὧδε χρὴ διανοεῖσθαι περὶ ὅτου οὖν φύσεως; κ. τ. λ. So. Naturamne animae absque vniuersi Natura, sicuti consentaneum est, cognosci posse arbitraris? Ph. Si Hippocrati, ex Asclepiadarum genere oriundo, fides est adhibenda, neque etiam corporum Natura cognosci poterit sine huiusmodi doctrina atque ordine. So. Recte quidem ille: sed praeter illam etiam Hippocratis sententiam considerandum est, utrum nobis huius dicti constet ratio. Ph. Equidem ita disquirendum esse aio. So. De Natura igitur quidnam Hippocrates & vera ipsa rei ratio dicat, velim animaduertas. &c.\*

\* Haec



\* Haec de Methodo Hippocratis Logica intelligit ZVINGER. in Praef. libri §. XXII not. [1] recensendi, & Hippocratem ait a diuino Platone, methodi nomine potissimum celebrari. Caeterum, GALENVS

quoque similiter, in *Method. Med.* tradit, Κατὰ τὸν Πλάτωνα, καὶ κατὰ τὰς ἐκ τῆς Περιπάτου, καὶ κατὰ τὰς ἐκ τῆς Στωᾶς, ἢ Ἱπποκράτους νικᾶ φύσιολογία.

§. XV.

Alius PLATONIS \* locus fidem facit, Hippocrati iam suo tempore palmam in artis medicinalis gloria tributam fuisse, & medicinae studiosos in disciplinam datos. Sed satis quoque liquido ex ipsius libris constat, eum discipulos, famulos, ministros secum habuisse, quos in arte institueret, quorumque opera in curationibus obeundis vteretur. Praeterea, tam ipsius natura rei hoc ostendere videtur, siquidem non omnia ipse per se agere potuit; quam ea, quae illis temporibus fuit, addiscendae factitandaeque medicinae ratio: de qua supra §. IX.

\* In *Protagora*, non longe post pr. T. I p. 311 B H. Steph. Σωκρ. εἰπέ μοι, ὦ Ἱπποκράτης, παρὰ Πρωταγόραν νῦν ἐπιχειρεῖς ἵεναι, ἀργύριον τελεῶν ἐκείνῳ μισθὸν ὑπὲρ σεαυτῆ· ὥς παρὰ τίνα ἀφιζόμεν; καὶ τίς γενησόμεν; ὥσπερ ἂν εἰ ἐπενόεις, παρὰ τὸν σεαυτῆ ὁμώνυμον ἐλθὼν Ἱπποκράτη, τὸν Κῶον, τὸν τῶν Ἀτληπιαδῶν, ἀργύριον τελεῖν ὑπὲρ σεαυτῆ μισθὸν ἐκείνῳ, εἴ τις σε ἤρετο, εἰπέ μοι, μέλλεις τελεῖν, ὦ Ἱπποκράτης, Ἱπποκράτει μισθὸν ὥς τίνι ὄντι; τί ἂν ἀπεκρίνω; Εἶπον ἂν, (ἔφη) ὅτι ὥς ἱατρῶ. ὥς τίς γενησόμεν; ὥς ἱατρὸς, ἔφη. Εἰ δὲ ᾤσθαι Πολύκλειτον, ἢ Φειδίαν, κ. τ. λ. Dic mihi, Hippocrates, nunc ad Protagoram instituis proficisci, & illi argentum tui edocendi mercedem de-

ire arbitraris? ecquem vero, illius opera, te euasurum existimas? Quemadmodum, si cogitares, ad Hippocratem Coum, Aesculapii genere natum, (& Asclepiadarum summum) tuum cognominem, proficisci, ut tui caussa disciplinae mercedem pecuniam dependeres; aliquis vero te hoc modo rogaret, Dic mihi, Hippocrates, Hippocratine mercedem tributurus es, tanquam ei qui aliquis sit? ecquid responderes? Dicerem, (inquit ille) me eo consilio pecuniam depensurum, tanquam Medico. Ecquem vero te euasurum existimares? Medicum, inquit. Quod si vel Polycletum, aut Phidiam, &c. Caeterum, Scuticis dignos censet ZVINGER. in praef. qui Hippocratem sugillare, reprehendere, ignorantiae singularem accusare audent, &c.



## §. XVI.

De Hippocratis genere dicendi iudicat EROTIANVS, in Προοιμίῳ τῆς τῶν παρ' Ἱπποκράτους λέξεων συναγωγῆς, ὅτι γέγονεν ἀνὴρ Ὀμηρικὸς (1) τὴν φράσιν, καὶ τὴν ὀνοματοποιίαν εὐχερὲς περιγράφαι καὶ διάνοιαν ἱκανὸς, καὶ τῆς κοινῆς καὶ εἰς πολλοὺς πιπτούσης λέξεως ἐκλέξασθαι τὴν κυριωτέραν. *Eum fuisse virum in dicendi genere Homericum, & in effingendis nominibus felicem: qui & cogitata mentis aptis verbis enunciare potuerit, & ex communi vulgarique sermone vocabula quam maxime propria deligere.* Quapropter etiam, praeter ERO-  
TIANVM, GALENVS quoque vocum singularium Hippo-  
cratis explicationem edidit, siue, vt titulus habet, τῶν Ἱπποκράτους γλωσσῶν ἐξήγησιν. Sed neuter huius περὶ εὐσχημοσύνης libri vocabula minus nota, propria, inter-  
pretationem requirentia, in censum retulit; quanquam complura eius generis occurrant. Hoc quoque scien-  
dum, Hippocratem tanta breuiloquentia vsum esse, vt plura lectoribus subintelligenda reliquerit (2).

(1) Exemplum huius rei affert Celeb. SCHVLZIVS in *Hist. Medic.* Period. I Sect. III Cap. IV §. LX in nota \*. Versus quoque nonnunquam & sententias ex Homero alle-  
gasse Hippocratem, obseruat Dan. Wilh. TRILLER. in *Epistola Medico-Critica ad Ioh. Freind*, pag. 21. Laudari Homerum ab Hippocrate semel in Lib. de Articulis, T. II pag. 763 Lind. indicat b. Io. Alb. FABRICIVS in *Biblioth. Gr.* Vol. XIII pag. 248. Attamen intempe-  
stium testimonii poëtici vsum dam-  
nat in medico ipse Hippocrates, Παροργεσίαις Τμήμ. IX Lind.

(2) Ioh. STEPHANVS in *Theologia Hippocratis*, Cap. VI, 8 in.

*Perinde accidit in Hippocratis senten-  
tiis atque in Timanthiis opellis, in  
quibus plusculum semper aliquid in-  
telligebatur, quam pingeretur.* Exi-  
mio hoc exemplo illustrari potest  
ex I. A. FABRICII nota b) ad  
Cap. I eiusdem libri Stephaniani.  
Caeterum de Stilo viri haec habet  
ZVINGER. in praef. *Hippocratem*,  
*pro sui seculi moribus, proprietati no-  
minum minime studuisse, magisque re-  
rum cognitioni, quam sermonis elegan-  
tiae incubuisse, saepe etiam soloecismos  
commisisse, ex Galeno constat. Frequens  
illi synchysis, casuum quin etiam, &  
generum, & modorum enallage. Stili  
praeterea, nunc pleno veluti aluco  
decurrentis, nunc in aestuaria quae-  
dam*



*dam exundantis, nunc Alhei in soletarum, ut quidem nobis videtur, id morem occultos sinus subeuntis, inaequalitas, ut fastidium delicatis mouere, sic Criticorum ungues atque dentes acuere potest. Sed & vocum ob-*

§. XVII.

Vtrum genuinus sit nec ne hic *περί ευσχημοσύνης* libellus, statui probabilius tum demum poterit, postquam totum hunc propositum librum atque argumentum pertractauerimus excusserimusque.

§. XVIII.

*Argumentum* tale est: vt ars Medicinalis honeste exerceatur, Sect. I, 3. III, 1. XVIII, 1. (quae honesta medicinam facitandi ratio proposita cum bonorum medicorum propopographia, III, tum contraria malorum inhonestorumque, II, declaratur) oportet id facere eodem modo, quo Philosophia colitur, VI, 1 & 4. XVIII, 1: Quamobrem  $\alpha$ ) & iis doctrinae praeceptis animus instruendus est, quae in disciplinis Philosophicis ad vsum Medicum comparata sunt, I. V. XVIII, 1, idque methodo arti propria, i. e. ad ductum Naturae, IV;  $\beta$ ) & vita ad omnium virtutum officiorumque, tam erga homines, VI, quam erga Deum, VII, normam componenda atque agenda: Qualis medicinam exercendi ratio deinde, exempli causa, figillatim in partium medicinae complexu & connexione, VIII, in modo quo conuersandum & agendum est medico cum aegrotantibus & qui circa eos sunt, IX. XII. XVI; in instruendo remediorum apparatu, IX, 4. X. XII, 1, ostenditur.



## §. XIX.

*Occasio scribendi* fuerit: Quum forte videret Hippocrates, Medicos & medicinam ab aliis vulgo contemni tanquam artifices & artem minus honestam & gloriosam, (Proleg. §. IX not. 4) praesertim quum & Chirurgicen &c. agitarent medici, (ibid. not. 6. 7) inprimisque animadverteret, quod ita contemptui haberetur medicina, partim culpam esse in ipsis medicis, qui eam indignis modis exercerent, (ibid. not. 3) partim a Philosophis, tum maxime florentibus, (Proleg. §. I & X) requiri in medicis, ut Philosophiam quoque addiscerent & ex praeceptis, rationibus, institutisque philosophiae medicinam adornarent atque exercerent, denique apud se in suis scholis artis praecepta addiscerent, non autem, quod Hippocrates, medicorum illis temporibus celebratissimus, fecerat, medicinam a philosophia separarent, (Proleg. §. X. XI) igitur, quo & sui instituti rationem redderet Hippocrates, & arti suum decus legitimamque formam ac docendae exercendaeque methodum assereret, & inprimis moneret discipulos suos, quid ipsi hac in quaestione sequi deberent, quid cauere; praesentem conscripsit librum. Ex quibus simul apparet, quinam praecipuus libri *Finis* ac *scopus* sit,

## §. XX.

Inscriptio Graeca, *περὶ εὐσχημοσύνης*, "varie ab interpretibus Latine reddita est (1): mihi vis vocabuli, quam conuenientissime cum sententia libelli, videtur exprimi, si simpliciter *de Honestate* (2) praecipere dicatur.

(1) Ut, *de Elegancia*, *de decenti coro*, &c. conf. AN. FOESIVS in *Oe-babitu*, *de decenti ornatu*, *de De-conomia*, sub hac voce. Similiter, prout



prout in Commentario annotat Theod. ZVINGERVUS, eiusmodi medicus a Platone, de Leg. I & 9, appellatur ἐλευθέριος, καὶ τὸ φιλοσοφεῖν ἐγὼς, it. in 3 de Rep. κομῆδος Ἀσκληπιάδης & ab Aristotele passim χαρίεις. (Add. CONRING. *Introd. in Art. Med.* Cap. I §. XVIII.) Idemque hoc significare voluisse veteres, quando Apollinem, medicum, proposuere, manu dextra ternas gestantem Gratias, Aglaiam, cum maiestate venerandam; Thaliā, cum humanitate amabilem; Euphrosynē, cum decore prudentem: quo ternario vniuersam εὐχημοσύνην medicam videntur antiqui expressisse.

(2) Vt ex argumento libelli, §. XVIII proposito, & ex usu vocabuli σχηματῶ III, 2 apparet, εὐχημοσύνη ponitur & in recta praeceptorum philosophiae pariter ac medicinae cognitione, & in prudenti eorundem praeceptorum usu s. exercitatione, & in omnis virtutis studio, quo etiam honestorum morum disciplina exteriorisque cultus atque decori cura continetur. Quod omne quorumlibet officiorum genus si vno vocabulo Latino comprehendere velis, quo quidem tanquam in concreto, sicut loquuntur Philosophi, ille habitus morum externus, quem haec virtutum in animo cultura omnibus vitae actionibus inducit, sub sensuum perceptionem cadens, & ipsa velut forma ac species virtutum oculis cernenda, exprimatur: nullum aptius & significantius occurret, quam illud *Honestatis*. Nam & CICERO in Libris *de Officiis*, generale Honesti s. Honestatis nomen de omnibus officii partibus virtutis-

que speciebus, saepius adhibet: sicut e. c. Lib. I Cap. 2 *in officio colendo*, inquit, *sita vitae est honestas omnis, & in negligendo turpitudine*. it. Cap. 5 *Omne, quod honestum est, id quatuor partium oritur ex aliqua: & has partes deinde declarat esse Sapientiam Prudentiamque, Iustitiam, Fortitudinem, Temperantiam; de quibus conf. Proleg. §. V not. (2) §. 2* Idem M. Tullius eodem Lib. Cap. 27, vbi de Decoro praecipere incipit, *Huius*, ait, *vis ea est, ut ab honesto non queat separari: nam &, quod decet, honestum est; &, quod honestum est, decet. Qualis autem differentia sit honesti & decori, facilius intelligi quam explanari potest: quicquid est enim, quod deceat, id tum apparet, quum antegressa est honestas, &c.* Haec est latior huius vocis significatio: arctior illa, quando diuersum statuitur Honestum a Iusto & Decoro & Pio, sicut a recentioribus factum est; similiter in peruulgato usu vocis Gallicae *Honnêteté*. Verumtamen, ego nolim confundi notiones vocum officii, virtutis, honestatis: honestatem enim utique in exteriori, qui ex animi virtutibus officiorumque cultura oritur, actionum habitu & specie colloco, quemadmodum iam paullo superius significavi. Et sic proxime mihi conuenit cum illis, qui libellum Latine inscribunt *de decenti habitu*. Caeterum, ista tituli expositio, *de Decoro* &c. omnino quidem similis videtur illi Pythagoricae virtutis definitioni, qua eam in *Decori habitu* collocabant, vid. *Proleg. §. V not. (2) §. 2*: verum, ex usu Latinae linguae, vocis *Decori* longe minor vis est quam *Honestatis*.



## §. XXI.

Quandoquidem autem honesta vitae morumque disciplina s. de officiis traditio, praecipuum sit & generale omnis Philosophiae argumentum \*: apparet, quo iure hic *περί εὐσχημοσύνης* libellus dici queat agere *de Philosophia Medici* s. *de Medico Philosopho*.

\* CICERO de Officiis Lib. I cap. 2 *quis est enim, qui nullis officii praeceptis tradendis philosophum se audeat communis est omnium philosophorum: dicere?*

## §. XXII.

Inter Commentatores maximam laudem adeptus est Theodorus ZVINGERS (1). Post quem similem laborem suscepit Ioh. HEVRNIVS (2). In illum locum, ubi *Medicus Philosophus* dicitur *ισόθεος*, praeclaram Dissertationem publice disputandam proposuit, magnum in literis & medicina nomen, Guntherus Christophorus SCHELHAMMERVS (3). Gallice hunc libellum vertit Andr. DACERIVS (4).

(1) Titulus voluminis, quo huius etiam libelli expositio continetur, hic est: *Hippocratis Coi viginti duo Commentarii, Tabulis illustrati: Graecus contextus ex doctiss. VV. codicibus emendatus, Latina versio Iani Cornarii innumeris locis correctâ, Sententiae insignes per Locos Communes methodice digestae. Basil. 1579 fol.* Liber in raris habendus, fec. Fabricium, Schelhammerum, Praefationem Hippocrati Lindeniano praefixam: mihi eius usus beniuole concessus a V. Celeb. Io. Matthi. Gesnero. Vt in Praef. scribit Auctor, ad hunc in Hippocratem commentandi laborem indu-

ctus fuit a Conr. GESNERO, qui in tanta opinionum medicarum diuersitate unum Hippocratem cynosurae instar sequendum, aut saltem intuentum, censuerit: confirmatus a Io. CRATONE a Crafsheim, qui acciuerit, cui Hippocrates placeat, eum de medicinae possessione saltem aliqua gloriari posse. Hunc autem plusquam undecimestrem (per plusquam XI annos elaboratum) partum edere maluit, quam, dum totum Hippocratem absoluere parat, morte praeventiri. In iis, quae illustrauit, esse quidem, quae mole videntur exigua, eadem vero Hippocratis ingenio esse maxima, a nemine praesentium



tium haecenus, quod quidem sciat, *tañta: qualis sit Commentarius de Elegantia & Praeceptionum*. Omnem autem Tabularum laborem in dichotomias perpetuas concidit; vt Rami discipulum possis agnoscere. Caeterum, Io. Ant. van der LINDEN auctori propter hoc opus iudiciosissimi viri laudem tribuit, in *Physiolog. Med.* p. 781 §. 139. Eidem Lindeno auro contra aestimandus hic liber visus est: vid. *Praef. Hippocratis Lind.* Valde etiam laudatur Prosp. MARTIANO in princ. suarum in Hipp. *Notationum*.

(2) In opere, quod inscribitur: *Hippocratis Coi Prolegomena, & Prognosticorum libri tres: cum paraphrastica versione & breuibus commentariis*. Lugd. Bat., 1597 in 4. Exstat etiam in Eiusdem Operibus,

editis Lugd. B. 1609, 4 & Lugd. 1658 fol.

(3) Titulus est: *Dissertatio Medica, qua Medicus Philosophus ἰσοθεῶς delineatus, publico examini exponitur*. Ien. 1690. Expositionem suam incipit a verbis, ἐς ἀληθείην πρὸς τὸ ὑποδειχθὲν ἀποτελεσματίζόμενοι, (Sect. III extr.) & definit in hisce, οἱ δὲ ἰντερὶ θεοῖσι ᾤσανεχωρήσιν. (Sect. VII, 2) *Elegans, & quae tota legatur, dignissima* audit Io. Melchiori VERDRIES in *vera ad veram Medicinam Via*, p. 43 not. \*\* Giesl. 1714.

(4) Qui a. 1700, 12 edidit duos Tomos selectorum Hippocratis librorum Gallice conuersorum: quorum in priore praesens liber exstat p. 179. Vid. b. FABRICII B. G. Lib. II Cap. XXIV p. 851 & 360.

### §. XXIII.

Argumentum de Philosophia Medici tractauit etiam GALENUS in libello, ὅτι ἄριστος ἰατρός καὶ φιλόσοφος. *Optimum Medicum esse quoque Philosophum.* \*

\* Exstat Opp. Graece edit. Basil. 1538 f. Tomo I p. 8 seq. Quum animaduerneret Galenus, suae aetatis Medicos, quauquam Hippocratem communiter laudent, tamen ab eius praestantia tam longo intervallo abesse; causam huius diuersitatis inquirens, quum Naturam humanam & huius vniuersi non immutatam aut deteriore factam deprehenderet: illam in hoc sibi reperisse visus est, quod non, vt Hippocrates, facultates spernant medici, nisi

quantum naturae necessitas requirit; nec laboris amantes sint, nec sobrietatis; porro & inprimis Logicam methodum negligent in inquirenda veritate corporumque natura: quibus partibus Philosophia continetur, & Physica, & Logica, & Ethica. Haec igitur praesidia Medico prius esse comparanda; tum artis opera diligenter exercenda: & sic nihil impedire, quo minus Hippocrati similes, quin adeo praestantiores fiamus.

F

§. XXIV.



## §. XXIV.

Quia in libello Hippocratico περὶ ἰητροῦ, paullo post principium, aliquammulta reperiuntur, quae ad praesentem περὶ εὐσχημοσύνης librum illustrandum apprime faciunt: illa huc transcribere non alienum existimo. Sunt autem haec: Τὰ περὶ αὐτὸν (ἰητρὸν) καθαρῶς ἔχειν (χρῆ), ἐσθῆτι χρηστῇ, καὶ κρίσμασιν εὐόδοις, ὁδμὴν ἔχουσιν ἀνυπόπτως πρὸς ἅπαντα· τοῦτο γὰρ ἡδέως ἔχειν συμβαίνει τοὺς νοσέοντας. <sup>2</sup> Δεῖ δὲ τοῦτον σκοπεῖν τάδε περὶ ψυχὴν σώφρονα, μὴ μόνον τὸ σιγαῖν, ἀλλὰ καὶ περὶ τὸν βίον πάνυ εὐτακτον· μέγιστα γὰρ ἔχει πρὸς δόξαν ἀγαθὰ. <sup>3</sup> Τὸ δὲ ἦθος εἶναι καλὸν καὶ ἀγαθόν. τοιοῦτον δ' ὄντα, πᾶσι καὶ σεμνὸν καὶ φιλάνθρωπον· τὸ γὰρ προπετές καὶ τὸ πρόχειρον καταφρονεῖται, καὶ πάνυ χρησίμον ἢ. σκοπὸν δὲ, ἐπὶ τῆς ἐξουσίας· τὰ γὰρ αὐτὰ παρὰ τοῖς αὐτέοις σπανίως ἔχουσιν, ἀγαπᾶται. <sup>4</sup> Σχήμασι δὲ, ἀπὸ μὲν προσώπου σύννου, μὴ πικρῶς· αὐθάδης γὰρ δοκεῖ εἶναι, καὶ μισάνθρωπος. ὁ δὲ εἰς γέλωτα ἀνιέμενος, καὶ λίην ἰλαρὸς, φορτικὸς ὑπολαμβάνεται. Φυλακτέον δὲ τὸ τοιοῦτον οὐχ' ἥκιστα. <sup>5</sup> Δίκαιον δὲ πρὸς πᾶσαν ὁμιλίην εἶναι· χρῆ γὰρ πολλὰ ἐπικουρέειν δικαιοσύνην. πρὸς δὲ ἰητρὸν οὐ μικρὰ συναλλάγματα τοῖσι νοσοῦσιν ἐστίν· καὶ γὰρ αὐτοὺς ὑποχειρίους ποιέουσιν τοῖς ἰητροῖς, καὶ πᾶσαν ὥρην ἐντυγχάνουσι γυναῖξιν, παρθένοις, καὶ τοῖς ἀξίοις πλείστου κλήμασιν. ἐγκρατέως οὖν δεῖ πρὸς ἅπαντα ἔχειν ταῦτα. Τὴν μὲν οὖν ψυχὴν καὶ τὸ σῶμα οὕτω διακεῖσθαι. Quae FOESIVS ita Latine reddidit: *Cultus Medici mundus esto, vestis sit decora, & unguentis utatur bene olentibus, citra omnem odoris suspicionem. Istud enim iucundum esse aegrotantibus solet.* <sup>2</sup> *Eum quoque spectare oportet, ut animi temperantiam excolat, non taciturnitate solum, verum etiam reliqua totius vitae moderatione. Quod ad illi comparandam gloriam (existimationem) plurimum adfert adiumenti.* <sup>3</sup> *Bonis etiam ac honestis sit*



*sit moribus, unaque gravitatem cum humanitate coniunctam habeat. Temeraria namque procliuitas & promptitudo, quamvis valde sit utilis, despectui est. At considerandum, quando his uti liceat. Eadem enim apud eosdem, quum rara sunt, aestimantur. 4 Quod ad gestum attinet, vultu sit ad prudentiam composito, non aspero tamen, ne superbus & inhumanus videatur. Qui vero in risum effusus est & supra modum hilaris, molestus habetur: quod vel inprimis vitandum est. 5 Aequum autem in omni vitae consuetudine se praestare debet. Nam, quum omnibus in rebus multum sit in iustitia praesidii, tum vero Medico cum aegris non parum est commercii. Ii enim se huic tractandos submitunt, isque nunquam non fere cum mulieribus, (&) virginibus conuersatur, resque magni pretii contrectat: a quibus omnibus sibi temperare debet. Atque his tum animi tum corporis virtutibus eum praestare oportet.*





# ΙΠΠΟΚΡΑΤΟΥΣ

Κ Ω Ο Υ

## ΠΕΡΙ ΕΥΣΧΗΜΟΣΤΗΣ.

A R G V M E N T V M.

Conf. PROLEG. §. XVIII.

*Medicinalis artis & Philosophiae commercium I. Quo neglecto, mali existunt artifices s. Circumforanei II. Bonorum Medicorum character III. Quem Natura, in mediis artis operibus, formare debet IV. Inueniendi ratio in Medicina, huiusque & Philosophiae ad*

T M H M A I.

Οὐκ ἀλόγως οἱ προβαλλόμενοι, τὴν σοφίην<sup>a</sup> πρὸς πολλὰ εἶναι χρησίμην ταύτην δὲ\*, τὴν ἐν τῷ βίῳ. Αἱ γὰρ πολλαὶ<sup>b</sup> πρὸς περιεργίην<sup>c</sup> φαίνονται γεγενημέναι, λέγω

<sup>a</sup> Videri alicui posset, cum hic tum aliis huius libelli locis agi de σοφία siue Sapientia speciatim ita dicta, vna quatuor Virtutum cardinalium; vt ita theoretica Philosophiae pars a practica intelligatur esse separata. Verum, collatis locis, Sect. IV, 2. V, 2. VI, 1 & 4. XVIII, 1 apparet, σοφίην hoc in libro vocari illud cognitionis humanae siue disciplinae genus, aut, vt alii loquuntur, illum habitum mentis complexum, professionem, aut institutum vitae, quod postea Philosophia proprio nomine appellari consuevit, & ab artibus, cum

aliis, tum Medicinali distinguitur; quam non eo ambitu, quo hodie sumitur de Ordine siue Facultate Philosophica, hic sumenda sit. Conf. Prolegomena §. II & III. Itaque etiam Galenus in libello, ὅτι ἀριστὸς ἰατρὸς καὶ φιλόσοφος, quum eandem rem tractet, quam praesens libellus, tamen vsitato tum vocabulo φιλοσοφίαν semper appellat: conf. Proleg. §. XXIII not.\*

† Quamquam Sapientiae vocabulum postea quoque, quam Philosophiae nomen communi vsu receptum erat, de hac



# HIPPOCRATIS

COI

## DE HONESTATE LIBER.

*ad sese mutua relatio V. Quatenam sint Medicinae communia cum Philosophia? VI. Quomodo se habeat ad Religionem? VII. Methodi Medicinalis usus & assertio VIII. Aliquot regulae prudentiae in facienda medicina IX. Praecipua, quae ad faciendam medicinam sciri debent X. Quid in accessu ad aegrum observandum sit? XII. Quomodo in imperando significandoque versandum? XVI. Conclusio XVIII.*

### SECTIO I.

**N**on sine ratione fecerunt illi, qui statuerunt, Philosophiam † ad multas res esse utilem: intelligo autem eam Philosophiam, quae in communi vita virtutem suam exserit. Multae enim in hac professione sunt disputationes, quae tantummodo ad otiosam luxuriantis

hac disciplina usurpatum fuit, & e. c., apud M. Fabium QVINCTILIANVM in *Instit. Orat.* hoc sensu saepius occurrit, quin apud CELSUM, Latinum quasi Hippocratis interpretem, in *Praefatione*, ubi, *Primo*, inquit, *medendi scientia Sapientiae pars habebatur*; item, *Hippocrates ab studio Sapientiae disciplinam hanc separavit*: tamen malui ego in versione adhibere vocabulum, quod & multo magis celebre, & quasi publicum ac solemne est, & huic nostro praesertim instituto quam maxime convenit.

\* ZVINGER. δῆ.

<sup>b</sup> Intelligo, *διαλέξεις*, disputationes, aut *θεωρίαι*, contemplationes; sicut ipse sermonis contextus innuere videtur. Prius tamen magis placet, quia & statim postea verbum *διαλέγονται* adhibetur, & in fine commatis 2 ipsum illud *διαλέξιων* vocabulum occurrit.

<sup>c</sup> *Περίεργον* vocat operam & studium eiusmodi, quo scopus operis propositi recte perficiendi tantisper omittitur, & diuertit animus ad talia agenda meditandaue, quae sibi propter alias quascunque causas placent, quamvis ad exsequendum



γὰρ δὲ, αὐται, αἱ μὴδὲν χρέος<sup>d</sup> τῶν πρὸς αὐτὰ διαλέγονται.

2 Ληφθεὶς δ' ἂν τούτων μέρη εἰς ἐκείνα<sup>e</sup>. ἢ ὅτι οὐκ ἀργίη<sup>\*\*</sup>, οὐδὲ μὴν κακίη.<sup>f</sup> τὸ γὰρ σχολάζον καὶ ἀπρηκτον ζητέει εἰς κακίην καὶ ἀφέλκεται· τὸ δ' ἐγρηγορὸς, καὶ πρὸς τὴν διάνοιαν ἐντετακὸς, ἐφειλκύσατό τε<sup>g</sup> τῶν πρὸς καλλονὴν βίου τεινόντων ἑαυτοῦ τούτων τὰς μὴδὲν εἰς χρέος πιπτούσας διαλέξιας<sup>h</sup>.

3 Χαριεστέρη<sup>i</sup> γὰρ καὶ πρὸς ἕτερον<sup>k</sup> μὲν τι εἰς τέχνην πεποιημένη· τέχνην δὲ, πρὸς εὐσχημοσύνην καὶ δόξαν<sup>l</sup>. Πᾶσαι<sup>m</sup> γὰρ, αἱ μὴ μετ' αἰσχροκερδείης καὶ ἀσχημοσύνης, κακίνοισι μέθοδος<sup>n</sup> τις εὖσα τεχνικὴ, ἐργάζεται.

## II.

negotium nihil conferant. Cui quidem χρέος<sup>o</sup> opponitur. Vid. infra Sect. III, 1 & 2. it. IX, 3. Conf. FOESII *Oeconomia*, h.v.

<sup>d</sup> Hoc est, peragendum negotium, opus propositum, res ipsa, debitum officium. Add. comm. 2 huius Sect. it. IV, 2. IX, 4. Ita, v. c., variae Syllogismorum figurae nullum in ipsa veritatis inquisitione vsum in communi vita praestare, multis videntur, quem tamen in finem proponuntur.

<sup>e</sup> Ex istis Philosophicis quaestionibus aut disputationibus vult Auctor tantum ab homine quoddam vitae munus obeunte, in suam professionem assumi, quantum ad illud munus melius administrandum facere liquido apparet. Sic fere etiam Socratis apud Xenophontem, ait

ZVINGER. p. 81, eo usque Geometriae incumbendum putabat, dum quis posset suos a vicini agris distinguere. Vox ἐκείνα, referri potest ad illam πολλὰ<sup>o</sup> vel, πρὸς αὐτὰ.

<sup>\*\*</sup> ZVINGER. ἀργείη.

<sup>f</sup> Κακίην appellat illam ignaviam siue inertiam ad obeunda communis vitae negotia, quae consequitur ex studio scholasticarum, theoreticarum &c. disputationum aut contemplationum, coniuncto cum intermissione operis siue exercitationis.

<sup>g</sup> T<sup>i</sup> legere malit FOESIVS, in *Oecon.* v. Καλλονὴ βίου & sic etiam ZVINGER. in margine adscripsit. Verum ita contextus minus cohaerere videtur.

<sup>h</sup> Tota



riantis ingenii contemplationem comparatae esse videntur: cuiusmodi quidem illas esse dico, quae nullum praestant vsum in peragendis iis rebus, quarum causa tamen instituuntur.

2 Veruntamen conuenit, harum disputationum partes assumere in suam cuiusque vitae professionem: sic enim, si non per otium peraguntur, neque ignaua erit opera. Contra, quatenus aliquis inter contemplandum vacat ab opere & actione, tendit in ignauiam eoque abripitur: qui vero excitato ad agendum animo est, & mentem ad certum aliquem vitae vsum intendit, ille ex disciplinis, quae ad vitam honestiorem melioremque reddendam comparatae sunt, eas sibi adiungit disceptationes, quae alias nihil ad negotiorum administrationem conferrent.

3 Atque hoc modo etiam gratiosior est ars Medicinalis, si adscito aliarum disciplinarum consortio in artem redacta sit: qualis quidem ars honestatem atque gloriam sibi adiunctam habet. Quemadmodum omnes adeo artes, quae non in sordido quaestu versantur, neque inhonestis rationibus exercentur, secundum Methodum aliquam, qualis arti conuenit, opus suum efficiunt.

## II.

<sup>a</sup> Tota fere tunc temporis Philosophiae professio probabilibus in vtramque partem disputationibus, quas *Διαλέξεις* appellat, peragebatur: vid. *Proleg.* §. III & *Commentarius* VI §. 18.

<sup>i</sup> Subaud. ἡ ἱππική. De hac enim arte nunc institui sermonem, sequentia declarant. Et notum est, Medicinalem professionem communiter ab ipsius inde Hippocratis temporibus appellari *χαρίσσαν*, facultatem siue ordinem *Gratiosum*, &c. qua de re alibi. Praeterea, loquitur Auctor de methodica artium tractatione siue constitutione, eamque inde esse docet, quod in iisdem artibus Philosophia quoque, siue potius multa ex Philosophia iusint. Quamobrem mihi quidem videtur melius conuenire haec expositio, quam si cum aliis subintelligatur ἡ σοφία & tum quoque legendum foret non *πεποιημένη*, quae communior

est lectio, sed *πεποιημένην*, sicut etiam aliqui ediderunt.

<sup>k</sup> Ἐτερον illud intelligo *σοφίαν* quod apertum videtur ex *Seet.* XVIII, 1 vbi dicitur, Medicum esse debere *περιεννύμενον πάντοτε τὴν ἑτέραν*, scilicet τὴν *σοφίαν*.

<sup>l</sup> De vocabulo *εὐσχημοσύνη*, item *δόξα* conf. *Prolegom.* §. XX & XIX. it. XXIV, 2. Add. *Index*.

<sup>m</sup> Videlicet *τέχναι*.

<sup>n</sup> Vid. *Seet.* IV ibidemque inprimis comma 5. Alias ab Hippocrate plerumque vocari solet *ὁδός*, vt eadem *Seet.* IV, 4 & V, 1: & praesertim plenius appellatur *ὁδός τῆς ἱππικῆς ἐν σοφίᾳ*, *Seet.* VIII, 1. Conf. *FOESII Oecon.* v. Μέθοδος.



II. Ἄλλ' εἶγε μὴ πρὸς ἀναιτίην <sup>a</sup>, δημευταί <sup>b</sup>. Νέοι τε γὰρ αὐτέοισιν ἐμπίπτουσιν· ἀκμάζοντες δὲ, δι' ἐντροπίνην <sup>c</sup> ἰδρώτας <sup>d</sup> τίθενται βλέποντες· πρεσβύται δὲ, διὰ πικρίην <sup>e</sup> νομοθεσίην τίθενται, ἀναίρεσιν ἐκ τῶν πόλεων.

2 Καὶ γὰρ ἀγορὴν ἐργαζόμενοι οὗτοι, μετὰ βαναυσίης <sup>f</sup> ἀπατέοντες, καὶ ἐν πόλεσιν ἀνακυκλέοντες οἱ αὐτοί.

3 (II Lind.) Ἴδοι δέ τις ἂν καὶ ἐπ' ἐσθῆτος καὶ τῆσιν ἄλλῃσι περιγραφῇσι <sup>g</sup>. κῆν γὰρ ἔωσιν ὑπερηφανέως κεκοσμημένοι, πολὺ μᾶλλον φευκτέοι καὶ μισητέοι τοῖσι θεωμένοισιν εἰσι.

III. Τὴν δὲ ἐναντίην, χρεῖῳδες σκοπῶειν, οἷς οὐ διδακτὴ κα-  
τα-

<sup>a</sup> Ἀιτίην tribuitur malis artificibus, *Seet.* IV, 6 qui non rite didicerunt artem, *ibid.* neque eam legitima artique propria methodo exercent, *ibid. comm.* 5. Ἀναιτίην itaque, ex aduerso, dicitur recta & reprehensione vacans medicinam facien- di ratio. Quare etiam laudatissimus ille Medicus, Aug. Quirin. Rivinus, alicui Disputationi Academicæ, qua totum officium Medici delineauit, hunc dedit titulum, *De Medico Inculpato*: ex qua sane perquam sapiente dissertatione specimen opportunitis locis excerpta dabo in *Commentariis*. Interim, quia peculiaris quasi character circumforaneorum ponitur in ἀισχροκεῖδῃ καὶ ἀσχημοσύνῃ, paullo ante *Seet.* I, 3. itemque in ἀναιδέῃ, *Seet.* VI, 3: posset aliquis suspicari, legendum esse hoc loco ἀναιδέην, eiecta particula μὴ. Caeterum Zvingerivs ἀναιτίην exponit de vitæ

innocentia in rebus venereis, *f.* in impuro masculorum amore.

<sup>b</sup> Sic in MSS. omnibus legi, testatur Foesivs: quapropter ita retinendum videtur, quum & commodam interpretationem admittat, & sic etiam sequens vocabulum, αὐτέοισιν, habeat ad quod referatur. Alii, & ipsemet Foesivs, legere iubent δημεύεται.

<sup>c</sup> Magis vulgaris vox est ἐντροπή· significat autem vtraque, vi etymi, talem affectionem, qua quis prae pudore simul & indignatione vultum auertit. Ἐντροπίνην non nemo emendare voluit.

<sup>d</sup> Quid si legatur, εἰς ἰδρώτας; aut ἰδιώτας; Et iam interpretes, CORNARIUM & CALVUM, ita vertisse, ac si legeretur ἰδιώτας, docet Foesivs in *Oecon.* v. Ἐντροπή.  
<sup>e</sup> Πι-



II. E contrario, qui non ita recta cum ratione Medicinam exercent, sunt Circumforanei: quorum longe diuersum vitae institutum est. Nam iuniores quidem ex populo, quum sint leuioris animi, ruunt ad eos videndos atque audiendos: adultae vero aetatis ac prudentiae viri, qui propter verecundiam ac modestiam cum eiusmodi impudentibus hominibus contendere nolunt, prae indignitate tamen rei commouentur animo, quum illos deblaterantes viderint: senes autem, quia seueriores sunt, leges constituunt, quibus isti nugatores cum omni sua arte ex vrbibus proscribuntur.

2 Nisi enim hoc fiat, per fora quaestum faciunt hi homines, & illiberali arte sua decipiunt imprudentes, dum in ciuitatibus circulos populi congregant.

3 Nolle autem eos aliquis poterit, vel si vestitum ipsorum, caeterosque exteriores, corpori superinductos, ornatus intueatur. Nam quo speciosiore cultu se efferunt, eo magis fugiendi sunt spectatori- bus atque odio habendi.

III. Diuersa autem ratione conducit, eos propius considerare, qui non ostendunt exquisitum apparatus aut superfluum cul-  
tum

\* Πικρὴν, πικρὸν εἶναι, pro re nata, virtus habetur ab Auctore & in laude ponitur. conf. *Señ.* III, 2 & XVI, 2. Dicitur autem de seueritate, grauitate, qua saepe ad coercendam petulantiam & improbitatem opus est. Alias reprehensionem meretur: vt in libello *πρὸς Ἰν-τροῦ*, vid. *Proleg.* §. XXIV, 4.

† De hoc verbo in *Commentario* I §. II.

‡ Aptum vocabulum ad significandum exteriorem corporis & apparatus siue instrumentorum artis speciem, cultum, ornatumque, longe ab interiore animi cultura remotum atque diuersum; sed cui homines eo magis studere solent, & phaleras (*φαντασίην*, *Señ.* IX, 3) ad populum sibi circumdare, quo minus ad veram animi honestatem & elegan-

tiam, aut, verbo Auctoris, *εὐσχημοσύνην* incumbunt. Caeterum, notabile est, quum post praepositionem *ἐπὶ* prius secutus sit genitiuus, *ἐδῆτο*, deinde subiici datiuum s. ablatiuum, *περιγυρῆσι*. Monuit autem Celeb. GESNERVS, genitiuum illum *ἐδῆτο* non pendere a particula *ἐπὶ*, sed a *περιγυρῆσι*.

a Vis huius vocis esse videtur in denotando nimium quaesito corporis & supellectilis ornatu: qua quidem in re sic a multis elaborari, vt reuera ars sit siue potius artes, non feminas tantum, sed etiam iuuenes virosque, caeterasque adeo res omnes, multiplici decoraminum specie adornandi exornandique, quotidianis experimentis licet deprehendere. Displicet tamen haec lectio Viro Celebrissimo, Dan. Wilh. TRILLERO, in



τασκευή, οὐδὲ περιεργίη. ἐκ τε γὰρ περιβολῆς<sup>b</sup>, καὶ τῆς ἐν ταύτῃ εὐσχημοσύνης καὶ ἀφελίης, οὐ πρὸς περιεργίην πεφυκυίης<sup>c</sup>, ἀλλὰ μᾶλλον πρὸς εὐδοξίην, τό, τε σύννου<sup>d</sup>, καὶ τὸ ἐν νῶ πρὸς ἐωυτοὺς διακεῖσθαι<sup>e</sup>, πρὸς τε τὴν πορείην<sup>f</sup>.

2 Ὅτε ἐκάστῳ σχήματι ἑ τοιοῦτοι ἀδιάχυτοι<sup>h</sup>. ἀπερίεργοι<sup>i</sup> πικροὶ πρὸς τὰς συναντήσιας<sup>i</sup>. ἔυθετοι πρὸς τὰς ἀποκρίσιας<sup>j</sup>. χαλεποὶ πρὸς τὰς ἀντιπτώσιας<sup>k</sup>.

3 πρὸς τὰς ὁμοιότητας<sup>l</sup> ἔυστοχοι<sup>l</sup> καὶ ὁμιλητικοὶ<sup>m</sup>. ἔυκρη-  
τοι

*Epistola Medico-Critica ad Iob. Freind, pag. 14, & malit rescribere διατάκῃ, i. e. ornatus aut apparatus non affectatus ἔσ' supra modum concinnus, sicut ipse explicat.*

*vero eo semper sunt habitu, minime diffluentes aut superflui, &c.*

<sup>g</sup> Vid. *Proleg.* §. XX not. 2 & §. XXIV, 4. Conf. *Commentar.*

<sup>b</sup> Infra *Seet.* XII, 3 περιβολῆς. Alii qui hic legunt ἐπιβολῆς. Apparet autem, in huius commatis contextu quaedam verba deesse, mente supplenda: quae ego quidem repetam ex *Seet.* praecedente II comm. 3, ἴδοι τις; ἂν αὐτῆς.

<sup>c</sup> Referatur ad περιβολῆς.

<sup>d</sup> Conf. *Prolegom.* §. XXIV, 4.

<sup>e</sup> *Seet.* XII, 3 dicitur εὐσαδίη ἢ ἐν ἑαυτῷ. Alibi Hippocrates de simili re formulam adhibet Ἄυτὸν ἐωυτῷ γενέσθαι, item, Ἐχειν ἐαυτὸν, it. Παρ' ἐαυτοῖσιν, παρὰ σφῖσιν εἶναι de quibus locutionibus vid. FOESIVS in *Oeconomia*, sub indicatis vocibus.

<sup>f</sup> Conf. infra *Seet.* IX, in fine. Caeterum FOESIVS non eodem modo distinguit, & ita interpretatur, *Ad incessum*

<sup>h</sup> Potest dupliciter accipi: vel de vestitu, qua notione significat talem amictum, qui non diffluit, neque magnitudine, ambitu, laciniiis, &c. impedimento est faciendis artis operibus; sed qui ita concinnatus & compositus est, ut cum eo libere & expedite, promte parateque liceat tum prodire ad visendos aegros quocunque tempore, & peregre abire, tum artis opera, praesertim manuum ope peragenda, perficere. Vel posset intelligi de talibus, qui non sunt nimium προπετεῖς ἢ πρὸ χειρὸς, neque εἰς γέλωτα ἀνέμενοι, λήν ἱλαροὶ, φορτικοὶ vid. *Proleg.* §. XXIV, 4. Prior explicatio videtur esse conuenientior. Vid. *Commentarius*.

<sup>i</sup> Id est, congressus, in coetibus hominum celebrandis, in accipiendis reddendisque amicitiae, honoris, obseruantiae officiis, &c. Quidam interpretantur perinde, ac si scriptum esset συναντῶντας tanquam, per tropum synecdoches vel



tum corporis. Etenim hi agnoscuntur etiam ex amictu, &, quae in hoc conspicua est, honestate ac simplicitate: quum non ita comparatus sit, vt superfluus cultus appareat, sed potius ita, vt bonam apud homines existimationem conciliet, & cogitabundus vultus, ea-que animi affectio qua quis in mente apud semet ipsum constitutus est, eluceat; vtque ad iter faciendum expeditus sit.

2 Cuius quidem generis Medici similiter in omni vitae habitu se gerunt, ita, vt non diffluant eorum vestimenta: neque ipsi curent superuacua: in congressibus grauitatem adhibeant: ad interrogata promte parateque respondeant: contra oppositiones obnixi:

3 ad deprehendendas & declarandas similitudines, sagaces: frequenter libenterque cum aliis versentur; facile cum omnibus con-

sue-

vel metonymiae, (nam dissensus est) abstractum pro concreto, vel adiunctum pro subiecto positum esset; id quod etiam de aliis similibus deinde sequentibus appellationibus generatim monendum est, v. c. *ὁμοιότητος* pro *ὁμοίως*, &c. Sed quam hoc in aliquibus bene procedere fortassis largiendum esset: tamen in aliis officere rectae interpretationi videtur.

<sup>k</sup> *Ἀντίπρωσις* Grammaticis dicitur casus vnus pro altero positio: cuiusmodi permutatio casuum tametsi in omni vita, arte, aut disciplina, adeoque speciatim etiam in Medicina, frequenter accidat, verum alio quodam intellectu; non tamen simplicitatem Hippocraticam sapere videtur talis interpretatio, praesertim *τῶ, χαλεποί*. Quare de contentionibus dissidentium, impredientium, &c. intelligere liceat. Vid. *Commentarius* III §. 8. Posset autem hic alicui in mentem venire, vt velit legere *ἀντιλογίας*.

1 Difficilis, perplexa, longeque petita videtur expositio, & ipsi natiuae vocum, *ὁμοιότης* & *ἔυσοχος*, significationi vim afferre, si de consuetudine cum iis, qui nostri similes, aut eiusdem nobiscum siue

vitae generis siue sententiae & voluntatis sint, accipiatur: sicut etiam a *Zv. pag. 84* accipi video. Nam quanquam ita plerumque fieri soleat, idemque naturale sit, tamen Medico versandum est inter omnis generis homines, bonos, malos, *ὁμοτέχνες* & idiotas, consentientes, dissidentientes, &c. Adeoque proxime sequentibus verbis, *ὁμιλητικοί καὶ ἔυκριτοι πρὸς ἅπαντας*, idem hoc praecipitur. Quodsi tamen illa altera interpretatio recipienda vtique foret, directa haec videri possent contra peruersos Medicastro: quibus obistere iubet Auctor *Παραγγε-λιῶν*, inprimis *Τμήμ. XI pr. Lind.* Sed ego magis conueniens iudico haec interpretari de Analogica cognoscendi medendique ratione, deque rerum medicarum per similitudines declaratione.

<sup>m</sup> Alii vulgo legunt & interpretantur sine distinctione, *ἔυσοχοι καὶ ὁμιλητικοί*. Et posset quidem haec hisce verbis tribui sententia, vt illi Medici, qui per similitudines incognita morborum explicare norunt, propter hoc ipsum ad conuersandum & colloquendum aptiores & gratiores esse dicantur: quemadmodum *VIL-LANO VANVS* ait, *Doctor graciosus ἔστι εὐ-φίκατος*



τοι † πρὸς ἅπαντας· πρὸς τὰς ἀναστάσις <sup>n</sup> σιγητικοί· πρὸς τὰς ἀποσιγήσις <sup>o</sup> ἐνδυμηματικοί· καὶ καρτερικοί P·

4 πρὸς τὸν καιρὸν εὐθετοὶ καὶ λημματικοί q· πρὸς τὰς τροφὰς εὐχρηστοί, καὶ αὐτάρκες r· ὑπομονητικοί πρὸς καιρὸν πρὸς ὑπομονήν s·

5 πρὸς λόγους ἀνυστοί, πᾶν τὸ ὑποδειχθὲν <sup>t</sup> ἐκφέροντες· εὐεπίη χρώμενοι· χάριτι διατιθέμενοι· δόξῃ τῇ ἐκ τούτων διίσχυρίζομενοι <sup>u</sup>· ἐς ἀληθείην πρὸς τὸ ὑποδειχθὲν ἀποτελματιζόμενοι <sup>x</sup>·

## IV.

*ficax parabolis utitur ad occulta per sensibilia declaranda.* At enimvero mihi longe melius, adeoque licitum videtur, ita distinguere, sicut edidi; aut certe sic transponere verba, ὁμιλητικοὶ καὶ εὐκρ. vel, εὐκρ. καὶ ὁμιλ.

† Huius vocis interpretationem debeo Celeb. GESNERO, qui significatum illum in Plutarcho saepius se observasse ait.

<sup>n</sup> Accipio simpliciter & proprie de surrectione ad aggrediendum negotium: rationem in *Commentario* reddam. Si quis autem eum huic verbo tribuere velit significatum, quem habet nonnunquam nostrum Teutonicum, *Aufstand*, quo significat seditiosum tumultum. possit ita exponere, ut dicantur Medici, ubi seditio, rixae, contentiones, cum conuiciis & contumeliosis dictis cooriuntur, *saevitque animis ignobile vulgus*, tum auersari istum immoderatorum sui que impotentium hominum morem, nec velle cum quoquam contentione ferram reciprocare, dum in ita affectis impedit ira animum, ne possit cernere verum; sed vel tantisper secedere, vel silendo prae se ferre compositum animum, quo sic ad si-

milem affectuum quietem reducat animos, eosque sedatiores redditos, accipiendis admonitionibus aptos faciat.

<sup>o</sup> Vocabulum, quod fortasse nusquam alibi reperitur: sicut etiam sequens illud λημματικοί. Et Hippocratem noua, rebusque significandis aptissima vocabula frequenter effinxisse, iam in *Prolegomenis* §. XVI annotatum est. Neque significatus eorundem obscurus esse poterit ei, cui origines non ignotae sunt.

<sup>p</sup> Hunc characterem, τῶν καρτερικῶν, iterum per τελείαν σιγμήν separavi a praecedentibus, πρὸς τὰς ἀποσιγήσις ἐνδυμηματικοί. Vid. *Commentarius*.

<sup>q</sup> Caue, characterem τῆς λημματικῆς ponas in animo munerum appetente aut mercedi inhiente, manuque ad accipiendum composita. Quanquam, si cupiditatis affectus absit, nec ipse tibi sumas aut rapias, tum, ut QVINCTILIANI de *Inst. Or.* Lib. XII, 7, 9 verbis utar, si res familiaris aliquid ad usus necessarios exiget, secundum omnes sapientium leges patietur sibi gratiam referri: cum & Socrati collatum sit ad victum; & Zeno, Clean-



fuetudine coalescant: cum silentio surgant ad rem aggrediendam: vbi loquendum est, cogitata verba proferant: tolerantes:

4 ad occasionem agenda rei captandam compositi, eamque arripiant: victu cultuque tenui & frugali parabilique contenti: vbi legitimum tempus nondum adest, patienter expectent:

5 in sermonibus efficaces, edisserendo quicquid sub apparente rerum specie, tanquam signis, sibi indicatum est: felici facundia proloquantur: sese ita gerant, vt gratia eos comitetur: eximiam his rebus & dotibus existimationem consecuti, multum auctoritate valeant: ad veritatem per observationem phaenomenorum euadant.

## IV.

*Cleantes, Chrysippus mercedes a discipulis acceptauerint.*

† Praestat fortassis interpungere post *εὐχρηστοί* & τὴν αὐτάρκειαν exponere de moderato facultatum omnis generis studio; quae moderatio originem ducit ex animo sorte sua contento.

† Ὑπομονὴν eam arbitror intelligendam esse, qua legitimum curationis morborum, coctione & crisi peragenda, tempus expectatur, neque hic salutarium naturae motuum ordo turbatur. Caeterum, postrema duo verba, πρὸς ὑπομονὴν, fortassis pro glossemate habenda sunt. *Zv. An ὑπομονήτικοι ὀμίσσῃ, πρὸς κ. πρ. ὑπ. cum ἀνυσοὶ construenda? An πρὸς ὑπομονὴν εὐκαιροὶ subintelligendum? Expectant opportunitatem, nec importuni sunt expectando.*

† Quod sub occulto morborum schemate per certa signaprehendunt, (vid. lib. περὶ τέχνης XVI seqq. Lind.) hoc dilucide explicant aegrotis aut eorum propinquis, scire cupientibus; & hinc rationes cum symptomatum tum suorum factorum diserte norunt reddere.

† Quia istis virtutum ornamentis eximiam apud homines opinionem, existimationem, & gloriam consecuti sunt, ideo auctoritate tantum valent, vt hac sola aegros ad omne obsequium paratos habeant; eademque sapienter vtuntur, quando argumentis allatis vel non possunt demonstrari facienda, vel hoc non consultum est.

\* Τέλμα est palus, locus coenosus, vbi non datur firmo stabilique gradu insistere, sed haeret pes, & in emergendo euadendoque laboratur; quemadmodum proverbialiter dici solet, *in luto haerere*. Ἀποτελματίζεσθαι igitur vi etymologica significat, ex abdita & profunda morborum implicatione, lubrico turbidoque rerum statu, tandem, diligenti observatione & inquisitione, ad liquidam veritatem, quae antea velut in Democriti puteo delituerat, (adeoque τέλμα significat etiam puteum) ad veri perspicientiam, & ad certam curandi methodum peruenire. Simili sub imagine dicitur in Παραγγελίαις VI. pr. Lind. de malis medicis, ὅτι ἔοντες ἐν βυθῷ ἀτεχνίης, τῶν προλελεγμένων ἐκ ἀναιδάνοιγτο & paullo post, n. 17, de aegrotis, ὅτι ἀνιώμενοι νήχονται ἐπὶ ἐλα.



IV. (III Lind.) Ἡγεμονικώτατον μὲν οὖν τούτων ἀπάντων τῶν προειρημένων ἡ φύσις <sup>a</sup>. καὶ γὰρ οἱ ἐν τέχναισιν, ἣν προσῆν αὐτέοις τούτο, διὰ πάντων τούτων προσπορεύονται τῶν προειρημένων.

2 Ἀδίδακτον γὰρ τὸ χρέος ἐν τε <sup>b</sup> σοφίῃ καὶ ἐν τῇ τέχνῃ προσδεμένη, διδαχθῆναι εἰς τὸ ἀρχὴν λαβεῖν <sup>c</sup>. ἡ δὲ φύσις <sup>d</sup> κατεργύη καὶ κέχυται τῇδε σοφίῃ, εἰς τὸ εἰδῆσαι τὰ ἀπ' αὐτῆς τῆς φύσεως ποιούμενα.

3 Καὶ γὰρ ἐν ἀμφοτέροισι λόγοισι <sup>dd</sup> πολλοὶ κρατηθέντες, οὐδαμῇ σὺν ἀμφοτέροισιν ἐχρήσαντο τοῖσι πράγμασιν εἰς δεῖξιν. ἐπὶ οὖν τις αὐτέων <sup>e</sup> ἐξετάζη <sup>†</sup> τε πρὸς ἀληθείην τῶν ἐν

ἐκείνῃ μοχθηρίῃ. Eiusdem generis sunt PERSII *crassi dies, & lux palustris*, Sat. V, 60. Et cum hac quidem expositione conuenit Zuingeriana pag. 83. Verum enimvero, tota hac disputatione nihil opus foret, si legeremus, mutatione leuissima, ἀποτερματιζόμενοι, ad determinatum finem prouecti, perducti: quam emendationem forsitan aliquis audacior non dubitasset statim in textum recipere, reiecto illo, quod nunc obsedit exemplaria, vocabulo cum aliis inaudito, tum lutulento.

<sup>a</sup> Naturam hic, quod sciam, omnes interpretantur de hominis medicinalem artem percepturi & exercituri natura: vnde SCHELHAMMERVS Thef. XV Est, inquit, ἡ φύσις Hippocratis decantata illa Aristotelis ἀγχινοία, quae in subita causae inuentione spectatur. Idem deinde Th. XXIV Manum Philosophiae esse illam ἀγχινοίαν. Verum enim vero, ex toto sequentis sermonis

contextu, liquido patere existimo, οὐσίαν hic non adhiberi de sola artificis natura, siue apta ad discendam & exercendam artem indole; neque de sola corporis aegrotantis natura: sed de vniuersa rerum natura, quae si recte cognoscatur, prout in singulis rerum tractandarum speciebus se exserit & comparata est, & haec cuiusque rei natura in consilium adhibeatur, vbi humana sapientia, arte, aut prudentia quicquam in aut cum illa re efficere, siue mutando siue conferuando velimus; non potest non optimam ad cognoscendam persequendamque agendi methodum viam pandere. Pluribus haec declarabo atque confirmabo in *Commentariis*.

<sup>b</sup> Fortasse legendum, ἐν τῇ. In Lindeniana expressum est, ἐν τε τῇ.

<sup>c</sup> Qui sapientiam aut artem aliquam profiteri velit, &, quae vsum in communis vitae negotiis praestant, exercere:



IV. Istorum igitur, quae adhuc dicta sunt, omnium suprema dux ac magistra est Natura. Nam si illi, qui in artium operibus versantur, Naturam ducem ac magistram sequantur, per ista modo commemorata omnia ad scopum arti propositum licet perueniant.

2 Et ipse quidem rerum usus, cum in Philosophia, tum in ipsa, quae cum illa coniungitur, Arte, institutione aliorum addisci non potest; nihilo tamen minus licet tradatur de eodem institutio, quemadmodum necesse est ad initium artis profitendae capiendum: Verum, ut ea disciplina recte formata sit, ipsa Natura debuit influere s. in medium adhiberi & permisceri cum Philosophia, quo sic cognosci possit, quid & quomodo ipsa Natura in effectis suis agat.

3 Contra ea, quoniam multi, qui de rebus ad artem pertinentibus in utramque partem disputare aggressi sunt, non ipsa simul artis opera ad demonstrandam veritatem adhibuerunt inter disputandum, propterea superati sunt in disputationibus & erroris conuicti. Quod  
fi

re; ordiri sane debet ab institutione quadam & operis propositi praeformata notitia, quo tantum scientiae sibi comparet, quantum requiritur ad initium gerendi negotii faciendum. SCHELHAMMER. c. l. Th. XVI legit, quo auctore nescio, διδαχῇ pro διδασκαλίᾳ & hunc esse sensum existimat. Usus enim in Philosophia & in arte ad principia (demonstrationis) inde accipienda, doctrinā adiunctā doceri nequit. Defluit igitur natura & infunditur, (id est, sese adiungit arti & doctrinae,) & facit, ut, quomodo ex natura (phaenomenis naturae) principia sumenda sint, cognoscatur. Multi enim (natura destituti scilicet) in ambobus (Philosophia scilicet & arte) succumbentes, nunquam in utrisque ad demonstrationem operationibus (phaenomenis) vsi sunt.

a Quatenus Natura artificis pendet ex vniuersa rerum Natura, huc applicari poterunt illa ex Νόμῳ ἐπὶ δὲ φιλο-

πονίην προσενέγκασθαι (δεῖ) εἰς χρόνον πέλυν, ὅπως ἡ μάθησις ἐμφυσιωθεῖσα δεξιῶς τε καὶ εὐαλδέως τὰς καρπὺς ἐξενέγκηται.

da Ἀμφοτέρω λόγῳ videntur dici disputationes philosophicae, quae δεῖ. I, 2 not. h vocatae sunt διαλέξεις.

e Ἀυτίων vel potest referri ad τὰς πολλὰς κερτιθέντας vel, quod aptius videtur, construendum est cum τῶν ἐν ῥήσει τιθεμένων.

† Pro τε, post ἐξετάζη, SCHELHAMMER. Th. XXXIII legit τὶ, quod idem in margine apposuerat ZVINGERS. Idem SCHELHAMMER. sic interpretatur: Si quis igitur aliquid ad veritatem eorum, quae a ratione ponantur, expendit, nequaquam ea, quae secundum naturam sunt, intelliget. GESNER. legi iubet ἐξετάζεται.



ἐν ῥήσει τιθεμένων, οὐδαμῇ τὰ πρὸς φύσιν αὐτέοισι χωρήσει.

4 Εὐρίσκονται γοῦν οὗτοι <sup>f</sup> παραπλησίην ὁδὸν ἐκείνοισι <sup>g</sup> πεπορευμένοι. διόπερ ἀπογυμνούμενοι, τὴν πᾶσαν ἀμφιέννυνται <sup>h</sup> κακίην <sup>i</sup> καὶ ἀτιμίην.

5 Καλὸν γάρ, ἐκ τοῦ διδαχθέντος ἔργου λόγος <sup>k</sup>. πᾶν γὰρ τὸ ποιηθὲν τεχνικῶς, ἐκ λόγου ἀνιένεχθῇ· τὸ δὲ ῥηθὲν τεχνικῶς, μὴ ποιηθὲν δὲ, μεθόδου ἀτέχνου δεικτικὸν ἐγνήθῃ.

6 Τὸ γὰρ οἶεσθαι μὲν, μὴ πρήσσειν δὲ, ἀμαθείας καὶ ἀτεχνίης σημεῖόν ἐστιν. (IV Lind.) οἷσις γὰρ, μάλιστα ἐν ἱητρικῇ, αἰτίην <sup>l</sup> μὲν τοῖσι κεχρημένοισιν <sup>m</sup>, ὀλεθρον δὲ τοῖσι χρεομένοισιν ἐπιφέρει.

7 Καὶ γὰρ ἦν ἐωυτοὺς ἐν λόγοισι πείσαντες, οἰηθῶσιν εἰδέναι

<sup>f</sup> Hic ẽ necessario assumendum videtur ZVINGERO, qui in margine ex MSS. apposuit, & CORNARIO: quamvis FOESIVS in textu omittat, nec tamen improbet illam restitutionem. Conf. infra ad Sect. VI not. a. At Celeb. GESNERVS nil opus esse censet, quum hic intelligat eiusmodi malos artifices, qui similes sint istis Sect. II notatis.

<sup>g</sup> Nimirum, οἷς προσῆν τὸ ἡγεμονικώτατον τῆς φύσεως, comm. i huius, fec. vulgarem intellectum: sed v. notam praec. f.

<sup>h</sup> Eadem metaphora recurrit Sect. XVIII, 1; sed in meliorem partem. Et conueniens quidem est haec metaphora, quum totus adeo libellus simili tropo, περὶ εὐσχημοσύνης inscriptus sit.

<sup>i</sup> Vid. Sect. I not. f.

<sup>k</sup> Λόγος hic, originali quadam & exquisita significatione, notat sermonem eum, qui rationis, vnde proficiscitur, ideas siue notiones ratiociniaque, tanquam in typo, sincere exprimit: siquidem oratio est ratio extra animum, ad sensuum perceptionem prodiens; siue, vt legitur apud PLATONEM in *Sophista*, ἡ διάνοια καὶ ὁ λόγος ταυτὸν· πλὴν ὁ μὲν ἐντὸς τῆς ψυχῆς πρὸς αὐτὴν διάλογος, ἀνευ φωνῆς γιννόμενος, τὸ δὲ αὐτὸ ἡμῖν ἐπωνομάσθῃ διάνοια· τὸ δὲ γ' ἄπ' ἐκείνης ῥεῦμα, διὰ τῆς σωματος ἰὸν μετὰ φθόγγου, κέκληται λόγος. Similiter HIPPOCRATES περὶ τέχνης, post pr. ait, τὰ ὀνόματα, φύσις νομοθετήματα ἐστὶ. Haec igitur appellatio



si igitur quis ex illis inquisiuerit in veritatem eorum, quae sermone exposita sunt, Naturae opera & effectus nequaquam ipsis succedent.

4 Quare videre licet, huiusmodi professores artium affini cum istis via in colendis artibus procedere. Quapropter etiam, destituti exutique falsa sua scientiae persuasione, nudi apparent; vicissim vero omnimodam induunt ignauiam atque contemptum.

5 Enimuero, pulchra est ratio & oratio, quae proficiscitur ex ipsius operis disciplina. Quicquid enim ex rationibus artis fit, id ex legitimo rationis usu translatum est: e diuerso autem, si quid secundum praecepta quidem artis disseratur, sed non opere ipso demonstrari possit, indicium est methodi a veris artis rationibus alieni.

6 Etenim, ex opinionum commentis disputare de rebus, non autem facere posse, signum est peruersae disciplinae & ruditatis in artis operibus. Eiusmodi vero opinatio, cum in artibus reliquis omnibus, tum maxime in Medicina, cum eos, qui secundum illam res suas agunt, reos facit culpaе, si quid mali euenerit; tum iis, qui istiusmodi artificibus se committunt, perniciem affert.

7 Quodsi isti homines propter probabilis sermonis nexum, sibi ipsi eam induerint persuasionem, ut putent, se scire rationem opus ipsum

pellatio esset exemplo, Auctorem libelli fuisse πρὸς τὰς ἀποσιγήσας ἐνδυμηματικὸν, item, πρὸς λόγους ἀνυσὸν, sicut in medico supra Sect. III, 3 & 5 requisitum: &, ὅτι γέγονεν ἀνὴρ τὴν ὀνοματοποιίαν εὐχερὴς, περιγράφαι καὶ διάνοιαν ἱκανὸς, καὶ τὴν κοινὴν καὶ εἰς πολλοὺς πιπτέσης λέξεως ἐκλέξασθαι τὴν κυριότεραν, uti iudicauit de Hippocrate EROTIANVS, vid. *Proleg.* §. XVI. Caeterum, eximius, quo sensus horum verborum declaratur, locus ex pr. Παραγγελιών, in *Commentario* exhibebitur.

1 Conf. Sect. II not. a. Eodem modo loquitur Auctor libri περὶ τέχνης, paullo

ante medium, Τὰς δὲ ἐν τῇσι τῶν ἀποδνησκόντων συμφορῇσι τὴν τέχνην ἀφανίζοντας θαυμάζω, ὅτῳ ἐπαίρεόμενοι ἀξιοχρῶ λόγῳ, τὴν μὲν τῶν ἀποδνησκόντων ἀκρησίην, οὐκ αἰτίνην καθεύδουσιν τὴν δὲ ἰατρικὴν μελετησάντων σύνεσιν, αἰτίνην. Et paullo post, Ὡν οἱ μὴ ὀρθῶς λογιζόμενοι, τὰς αἰτίας τοῖς οὐδὲν αἰτίαις ἀνατιθέασιν τὰς αἰτίας ἐλευθεροῦντες. Conf. Προγνωσικ. l. extr.

m Conf. Lex pr. Ἀν κεκτημένοισιν; quemadmodum in pr libri περὶ φυσῶν. Εἰσὶ τινες τῶν τεχνέων, αἱ τοῖσι μὲν κεκτημένοισιν εἰσιν ἐπίπονοι, τοῖσι δὲ χρεωμένοισιν ὀνήσοι.



ναι ἔργον τὸ ἐκ μαθήσιος, καθάπερ χρυσὸς φαῦλος ἐν πυρὶ κρη-  
δεῖς, τοιούτους αὐτοὺς ἀπέδειξε.<sup>n</sup>

8 Καί τοι γε τοιαύτη ἡ πρόρρησις ἀπαρηγόρητον εἰς σύνεσιν  
ὁμογενέσιν. <sup>o</sup>

V. Ὡς <sup>a</sup> ἔστιν εὐθύ τὸ πέρας, ἐδήλωσε γνῶσις. τῶν δ' ὁ  
χρόνος <sup>b</sup> καὶ τὴν τέχνην εὐοδέα κατέστησεν, ἢ τοῖσιν ἐς τὴν πα-  
ραπλησίην ὅμιον ἐμπίπτουσιν τὰς ἀφορμὰς <sup>c</sup> δήλους ἐποίησε.

2 Διὸ δεῖ ἀναλαμβάνοντα <sup>d</sup> τούτων τῶν προειρημένων ἑκα-  
στα, μετὰγειν <sup>e</sup> τὴν σοφίην ἐς τὴν ἰητρικὴν, καὶ τὴν ἰητρικὴν ἐς  
τὴν σοφίην. (V. Lind.) ἸΗΤΡΟΣ γὰρ ΦΙΛΟΣΟΦΟΣ,  
ΙΣΟΘΕΟΣ <sup>f</sup>.

## VI.

<sup>n</sup> Scilicet, τὸ ἔργον sub figura au-  
tem τῆ χρυσῆ φαύλης, ὁμοίως, falsa  
scientiae persuasio intelligenda est.

<sup>o</sup> Hic nodus admodum perplexus est.  
Tentaui, an sic declarari haec verba  
possent: Hi opinatores, si alios institue-  
rint, opinionumque suarum commenta  
pro praeceptis tradiderint, & probabili  
tantum sermone, sine ipsa artis exercita-  
tione verius operis demonstratione, do-  
cuerint: eos quidem sui similes faciunt;  
sed nihil iisdem solatii, hoc est, opis,  
adiumenti, ad vtilem artis cognitionem  
afferunt. Sic Germani dicunt, *wenig  
Trost bey einem Scribenten, in einem Bu-  
che, &c. finden, i. e. Unterricht.* Πρόρ-  
ρησις autem, hac interpretatione, signi-  
ficaret praecedentem institutionem, prae-  
formatam disciplinam, &c. Sed, quum  
haec aliquo modo inuita & detorta vi-  
deantur, forte sic facilius fuerit intelle-

ctus, Similiter euenturum esse praedico  
illis, qui eadem ratione, qua isti opi-  
natores, hanc artem addidicerint atque  
tractauerint: qualis quidem praedictio  
& mala ominatio nihil ipsos aliud nisi  
triste, & infelicem rerum successum spe-  
rare iubet. Et ita fere interpretatur  
FOESIVS, cum CORNARIO: Denique  
simplicissimum fortasse foret, legere,  
ἀπαρὰ χάριτον, & ita exponere, At  
hoc si praedicetur istiusmodi cultoribus  
artis, illud ne capere quidem intellectu  
possunt; multo minus sibi persuadere.  
Nam hoc non nisi experientia magistra  
cognosci potest, estque aliquid eiusmodi,  
quod nec dici possit nec scribi, qua de  
re alibi. Multum cum mea interpreta-  
tione conuenire video hanc SCHEL-  
HAMMERI in all. Diff. Thesi LX,  
Quaquam quod ego haec praedico,  
nihil apud eos, qui similiter affecti nati-  
que sunt, proficio ad intelligentiam.

Sub.



ipsum peragendi, id quod in legitima disciplina addiscitur: sane, quemadmodum adulterinum aurum, dum igne examinatur, falsum deprehenditur, sic istos opus ipsum & vera pericula inertes demonstrant.

8 At talis quidem haec praedictio aliis eiusdem generis cultoribus artium nihil solatii vel usus ad intelligendum veras artis rationes praestat.

V. Iam, quatenus recta via processum sit ad terminum aut finem artis, certa rerum medicarum cognitio manifestum fecit: in aliquibus autem rebus tempus quoque partim in expedita via artem constituit, partim iis, qui similem viam ingressi sunt, ostendit, unde ulterius progredi debeant.

2 Quapropter Medicum oportet ista, de quibus adhuc dictum est, omnia & singula assumere, & tali modo transferre Philosophiam ad Medicinam, & vicissim Medicinam ad Philosophiam. Etenim **MEDICVS PHILOSOPHVS, est DEO SIMILIS.**

VI.

Subiungit: *Quodsi Mosen & Prophetas non audiunt, quid aliis spei posset superesse?* Caeterum, hoc loco longe alia aliorum est & distinctio & explicatio, siue potius implicatio: legunt enim una serie, *Καί τοι γε τοιαύτη ἡ πρόρρησις ἀπαρηγόρητον εἰς σύνεσιν ὁμογενέσιν ὥς εἰν εὐθύ τὸ πέρας, ἐδήλωσε γνώσις.* Aliqui pro ὁμογενέσιν, exhibent ὁμογένεσιν.

<sup>a</sup> Sensus, quem in Interpretatione expressi, adductus, & quia sequens, τῶν δὲ, indicio est, hic duo membra facta esse, fere persuadeor, excidisse ab initio τῶν μὲν, & ita restituendum esse contextum, Τῶν μὲν, ὥς εἰν κ. τ. λ. aut, Τῶν μὲν εἶν, ὥς κ. τ. λ. Zv. in margine, δ' inter ὥς & εἰν.

<sup>b</sup> Haec cum sequentibus clarissimam lucem accipiunt ex loco quodam libelli

περὶ ἀρχαῖς ἰατρικῆς, quem ad Commentarium referuo.

<sup>c</sup> Hoc est, τὰ ἐνρῆμένα, ἐξ ὧν ὁρμώμεν. Ζητέη ὁ εἰδὼς. ficut in loco proxime citato haec explicantur.

<sup>d</sup> Quemadmodum supra, Sect. I, 2 dixit, ληφθεὶν τετέων μέρεα εἰς ἐκείνα & inferius, Sect. XVIII, 1 διειληφότεα τὰ μέρεα, περὶ ὧν εἰρήκαμεν.

<sup>e</sup> Supra Sect. I, 2 ἐφελκύνειν & comm. 3 ibidem, πρὸς ἑτέρον τι εἰς τέχνην ποιεῖν item, Sect. IV, 2 ἡ φύσις κατεργύη κὶ κέχυται τῇ σοφίᾳ. Zv. p. 87 alteram in alterius agros quasdam veluti colonias ducere.

<sup>f</sup> Φιλόσοφος, & ἰσόθεος, sunt voces Pythagoricae disciplinae: de quibus in Prolegomenis, & Commentario.



VI. 'Ου <sup>a</sup> πολλὴ γὰρ διαφορὴ ἐπὶ τὰ ἕτερα <sup>b</sup>. καὶ γὰρ ἐνὶ τὰ πρὸς σοφίην ἐν ἱητρικῇ πάντα.

2. ἀφιλαργυρίη· ἐντροπὴ\* ἐρυθρίσις· καταστολή <sup>c</sup>. δόξα <sup>d</sup>. κρίσις <sup>e</sup>. ἡσυχίη· ἀπάντησις <sup>f</sup>. καθαριότης· γνωμολογίη· εἶδησις τῶν πρὸς βίον χρητῶν καὶ ἀναγκαίων καθαροσίων· ἀπεμπόλησις <sup>g</sup>. ἀδαισιδαιμονίη· ὑπεροχὴ θεία.

3. Ἐχουσι γὰρ, <sup>a</sup> ἔχουσι, πρὸς ἀκολασίην, πρὸς βαναυσίην <sup>b</sup>, πρὸς ἀπλησίην, πρὸς ἐπιθυμίην, πρὸς ἀφαίρεσιν, πρὸς ἀναιδείην <sup>i</sup> ἐνιδεῖν.

4. Ἀυτὴ γὰρ ἡ\*\* γνώσις τῶν προσιόντων, καὶ χρῆσις τῶν πρὸς Φιλίην, καὶ ὡς, καὶ ὁκοίως τε <sup>k</sup> πρὸς τέκνα, πρὸς χρήματα <sup>l</sup>.

5. Ταύτῃ μὲν οὖν ἐπικοινωνὸς, σοφίη τις, (VI Lind.) ὅτι καὶ ταῦτα τὰ πλεῖστα ὁ ἱητρὸς ἔχει.

## VII.

<sup>a</sup> Necessarium utique videtur hoc & tametsi in MSS. deficere moneat Foesivs. Simile exemplum supra occurrit, *Seet.* IV, 4 not. f. SCHELHAMMER. Thes. LXVI & non assumit, & sic interpretandum opinatur: Est autem huius alia longe quam aliarum artium ratio &c. *Zv.* tamen etiam illud & expressit.

<sup>b</sup> Infra *Seet.* XVI, 3 similiter ἐφ' ἑκτέρῃ.

\* SCHELHAMMER. bis εὐτροπὴ, Thes. LXV & LXVIII.

Conf. *Seet.* IX, 5 & XII, 3.

<sup>d</sup> Parum abest, quin rescribam δόξαι. Vid. *Commentarius*.

<sup>e</sup> Accipienda haec vox eo fere sensu, quo dicitur in *Aphorismo* omnium primo, ἡ κρίσις χαλεπή.

<sup>f</sup> Quemadmodum *Seet.* XII, 3 dicitur ἀντίλεξις πρὸς τὰ ἀπαντῶμενα.

<sup>g</sup> Hoc verbum & inusitatum est, nec commodam interpretationem, quae tam ad Philosophiam quam ad Medicinam applicari possit, admittit. Quare cogitavi, an ita reformari possit, ut aliquid



VI. Neque enim multum vtrunque discriminis intercedit. Nam, quaecunque ad Philosophiam pertinent, ea etiam in Medicinali professione inuenire licet:

2 veluti sunt, Vacuitas ab habendi cupiditate, Verecundia, Erubescencia, Modestia, Axiomata, Iudicium, Tranquillitas, Responsio, Mundities, Sententiosa oratio, cognitio Purgationum ad vitam recte honesteque agendam vtilium & necessariarum, Peregrinatio in ciuitatibus, Vacuitas a metu daemonum, Excelsitas animi diuina.

3 Possunt enim Medici ex iis, quibus vsus & scientia medendi constat, perspicere, hanc artem non posse recte honesteque exerceri cum Intemperantia, cum Illiberali quaestus studio, cum inextinguibili Cupiditate habendi, cum Libidine, cum Ablatione rerum alienarum, cum Impudentia.

4 Hoc enim ipsos docet Notitia accedentium, & Vsus eorum officiorum quae pertinent ad Amicitiam colendam, & praecipunt, cum gnatis & inter alienarum facultatum vsus Medico versandum esse, & quomodo in istis sese gerere debeat.

5 Quatenus igitur haec Medicinae sunt communia, eatenus est quaedam Philosophia: quoniam Medicus quoque plurimum illarum virtutum & officiorum vsus habet.

## VII.

quid in MSS. excidisse dicatur, quod reliquae corruptioni ansam dederit: breuiter, sic restitui posse putauit, ἈΠΟΔΗΜΟΙΣ (aut simile vocabulum) ΕΝ ΠΟΛΕΣΙ. Nam & de Philosophis & Medicis illorum temporum constat, eos multum peregrinatos fuisse: vid. *Proleg.* §. III extr, & §. IX extr.

1 Vid. *Seç.* II not. f.

2 Opponitur τῇ ἐντροπῇ καὶ ἐρυθρίσει, comm. 2 huius *Seç.* VI. Alii legunt, ἀνείδειν quod esset ab εἶδος, & interpretandum foret deformitas, ἀχρημοσύνη (*Seç.* I, 3.)

\*\* Τὸ ἡ ap. ZVING. in textu omittitur, in margine licet adscriptum.

3 Παρεγγελιῶν principio similia leguntur, οἷς, ὅτε, καὶ ὁμοίως vnde suspicio nasci posset, hic eodem modo reponendum esse, καὶ οἷς, ὅτε, καὶ ὁμοίως praesertim, quum in vulgari lectione illud τε inutile sit.

4 Supplendum, δεῖ ἔχειν τὸν ἱντρον quemadmodum *Proleg.* §. XXIV, 5 ἐγκρατεῖας δεῖ πρὸς ἅπαντα ἔχειν ταῦτα.



VII. Καὶ γὰρ μάλιστα ἡ περὶ Θεῶν εἰδησις ἐν νῶ, αὐτῇ<sup>a</sup> ἐμπλέκεται. ἐν γὰρ τοῖσιν ἄλλοισι<sup>b</sup> πάθεσι καὶ ἐν συμπτώμασιν<sup>c</sup> εὐρίσκεται τὰ πολλὰ πρὸς Θεῶν ἐντίμως κειμένη ἡ ἰητρικὴ.

2 Ὅι δὲ ἰητροὶ Θεοῖσι παρακεχωρήκασιν<sup>d</sup>, οὐ γὰρ ἐνι<sup>e</sup> περιττόν<sup>f</sup> ἐν αὐτέῃ<sup>g</sup> τὸ δυναστεύον.

3 Καὶ γὰρ οὗτοι<sup>h</sup> πολλὰ μὲν μεταχειρόνται· πολλὰ δὲ καὶ κεκράτηται αὐτέοισι δι' ἐωυτέων.

VIII. Ἄ δὲ καταπλεονεκτεῖ<sup>a</sup> νῦν ἡ ἰητρικὴ, ἐντεῦθεν<sup>b</sup> παρέρξει. τίς γὰρ ὁδὸς τῆς<sup>c</sup> ἐν σοφίῃ, ᾧδε. καὶ γὰρ αὐτέοισιν<sup>d</sup> ἐκείνοισιν.

2 Οὕτω

† Quamquam ex verae religionis scitis haec ad vnum verum Deum referenda sint: tamen, quum Hippocratis sententia reddi debeat, non nostra Christianorum, religioni mihi non duco, numerum plurium adhibere; quod quidem aliqui prohibent. vid. Iac. THOMASII *Disp. de Stili Ethnicismo circa iurandi aduerbia*, §. III. not. d. item, Car. ROLLIN dans la *Maniere d'enseigner & d'etudier les Belles Lettres*, [Liv. II Chap. I Art. IV T. I p. 311 sqq. Nam & in Bibliis, gentium dī plus simplici vice nominantur.

<sup>a</sup> Scilicet ἰητρικῇ nec video necessitatem emendandi αὐτῆς· nimirum vt subaudiatur ἰητρῆς· quam emendationem ii susceperunt, qui illa verba ἐν νῶ proxime construxerunt cum αὐτῆς. Mecum facit I. A. SCHMIDT de *Theol. Hippoc. Nat.* p. 13. V. Cl. Car. Philipp. GERNERVS in *Diff. de Diuino Hippocratis* §.

IV-not. (d) legit *accentu mutato αὐτῇ*, & refert ad εἰδῆσιν.

<sup>b</sup> Quid si legatur ὅλοισι; vel αὐτοῖσι;

<sup>c</sup> A morbis ipsis distinguuntur ea, quae circa morbos variis modis accidunt, & vt effectus testantur de conditione morbi vel causae vel ipsorum aliorum symptomatum morbi.

<sup>d</sup> Imperium sibi non arrogant Medici in vitae, sanitatis, ac valetudinis negotio, non putant se Dominos esse Naturae, si genuina significatione vocabula sumi debent; sed summum rerum omnium Arbitrum ac Moderatorem ipsi quoque in operibus artis vbique deprehendunt & agnoscunt, eiusque auxilium aduocant, & plurimum eidem tribuunt.

Vulgo



VII. Nam inprimis etiam Deorum † cognitio in mente, intime cum Medicina connexa est: siquidem deprehenditur, Medicinam ita comparatam esse, vt, dum tractat cum ipsos morbos, tum eorundem symptomata, singularem erga Deos reuerentiam multis modis inducat atque praecipiat.

2 Itaque DIS imperium concedunt Medici: non enim in suae artis effectum inueniunt exsuperantem illam potentiam, quae omnia continet & efficit.

3 Nam vtuntur quidem DI in plurimis ministerio Medicorum: sed tamen plurima etiam ipsi per se in superandis morbis administrant.

VIII. Iam, quodcunque incrementum Medicina in praesente rei conditione habitura est, id indidem consequetur. Etenim Medicinae cum Philosophia copulatae quasi quaedam via est, quae huc conducit. Et nota quidem haec methodus est istis Medicis Philosophis.

2 Neque

e Vulgo hunc locum explicari video, ac si legeretur ἐστὶ.

f Omnes, quos vidi, interpretantur otiosum, superfluum, &c.

g Subintelligitur ἰντρινῆς.

h Scilicet ὁ θεός. Deus multa quidem in curanda valetudine, manu & ministerio Medicorum peragit, in quos suam medendi virtutem velut de manu in manum transfert & communicat: quemadmodum Medici & ipsi saepe ministrorum opera vtuntur. Sed tamen etiam saepe numero accidit, vt Medici suam artem deficere agnoscant, & ipse Deus arcano consilio & admirabili sapientiae moderamine, negotium humanae valetudinis administret, nonnunquam Naturae vires ad eum scopum dirigendo, nonnunquam vel Miraculis editis.

a Est Futuri temporis, sicut ex sequente παρέξει apparet. Hoc autem monere visum fuit, quia interpretes fere pro Praesente accipiunt.

b Id est, rationibus adhuc propositis, transferendo Philosophiam ad Medicinam, virtutem colendo, Naturam duces ac magistras sequendo, Deum auctorem atque adiutorem agnoscendo; verbo, φύσει καὶ θεοῖς, vt Hippocrates alibi loquitur.

c Subaud. ἰντρινῆς.

d Fatendum est, hic grauiorem mendam subesse, nec intelligi haec satis commode posse, si vel maxime suppleueris, τοῖς ἰντροῖς. Liceat igitur coniecturam proponere: Nimirum, venit mihi in mentem, sic reconcinnari haec verba posse, τὴν γὰρ ὁδὸν τῆς ἐν σοφίᾳ, ὁ δὲ



2 Ὅτι οὐκ οἰονται <sup>c</sup>. ὁμολογέουσιν ὥδε τὰ περὶ σώματα <sup>f</sup> παραγενόμενα <sup>g</sup>, ἃ δὴ διὰ πάσης αὐτῆς <sup>h</sup> πεπόμεναι, μετασχηματιζόμενα ἢ μεταποιούμενα· ἃ δὲ, μετὰ χειρουργίης ἰώμενα· ἃ δὲ, βοηθούμενα θεραπευόμενα <sup>i</sup>, ἢ διαιτώμενα.

3 Τὸ δὲ κεφαλαιωδέστατον ἔστω, εἰς τὴν τουτέων <sup>k</sup> εἰδήσιν.

IX. (VII Lind.) Ὅντων οὖν τοιούτων τῶν προειρημένων ἀπάντων, χρὴ τὸν ἰητρὸν ἔχειν τινὰ εὐτραπελίην <sup>a</sup> παρακειμένην. τὸ γὰρ αὐστηρὸν <sup>b</sup>, δυσπρόσιτον καὶ τοῖσι ὑγιαίνουσι καὶ τοῖσι νοσέουσιν.

2 Τηρεῖν δὲ χρὴ ἑαυτὸν ὅτι μάλιστα μὴ πολλὰ φαίνοντα τῶν τοῦ σώματος μερέων <sup>c</sup> μηδὲ πολλὰ λεσχηνεύμενον τοῖσιν ιδιώτησιν <sup>d</sup>, ἀλλὰ τ' ἀναγκαῖα νομίζει γὰρ τοῦτο βίη εἶναι ἐς πρόσκλησιν <sup>e</sup> θεραπευήης.

3 Ποιέειν

δηγεῖ αὐτέους (sc. τοὺς ἰητροὺς) ἐν ἐκείνοισιν, scil. ἃ καταπλεονεκτεῖ ἢ ἰητρικῇ· vt ὁδηγεῖ sit futuri temporis. Zv. p. 89 *An ὁδε legendum?* (pro ὥδε, scil.)

<sup>c</sup> Οἰήσεις non est bonorum artificum, Sect. IV, 6 & 7.

<sup>f</sup> Videlicet, ἀνθρώπινα.

<sup>g</sup> Nimirum, πᾶσι καὶ συμπτώματα, Sect. VII, 1.

<sup>h</sup> Scilicet, τῇ ἰητρικῇ.

<sup>i</sup> Scil. remediis Pharmaceuticis.

<sup>k</sup> Sic quoque Zv. Alii & ipse Foesivs ediderunt, τοιούτων. Quidam interpretati sunt perinde, ac si legissent τῶν θεῶν. Et ita Zv. quoque pag. 89.

<sup>a</sup> Vox εὐτραπελίας hic comitatem inprimis in alloquiis responsionibusque significat. Apud CICERONEM, *ad Familiares Epist.* VII, 32 adhibetur de iocorum saliumque vrbantate, facetiis, & elegantia. Christianis quidem a S. PAVLO Apostolo, *ad Ephesios* V, 4 interdicitur εὐτραπελία, coniungiturque cum ἀισχροτητι & μωρολογίᾳ, & ἐκ ἀγῆκον vocatur: vbi intelligenda videtur de studio iaciendi faceta & iocosa dicta. Zv. p. 90 *Aristoteles* εὐτραπελίαν proprie in ludicra conuersatione ponit, ὥς εὐτροπίαν quandam, quod omnium moribus quouis loco & tempore se norit accommodare: quam Latini Vrbantatem, quod vrbanos maxime deceat, & fortassis ἀπὸ τῶν κωμῶν. Comitatem dixere, unde Comoedia quoque nomen traxit. In conuersatione vero seria (qualis est quam maxime inter medicum & aegrotos) virtutem auonymon, amicitiae similem, statuit, quam Latini, feliciores hac in parte



2 Neque vero haec apud ipsos mera opinatio est: sed consentanea hisce sunt ea, quae circa corpora humana euenire obseruantur, cum illa, quae omnem Medicinam pertranseunt, quatenus transfigurantur aut transmutantur; tum illa, quae ope Chirurgiae sanantur; tum illa, quae auxilium a Therapeutica, vel a Diaetetica accipiunt.

3 Et ad harum quidem rerum scientiam vt perueniatur, summa sit totius Medicinalis disciplinae.

IX. Quandoquidem igitur omnia huc vsque dicta se ita habent. Medicum oportet comitatem quandam prae se ferre. Austeritas enim & sanos & aegros absterret ab adeundo compellandoue.

2 Maxime etiam ipsi cauendum est, ne multa sui corporis membra nuda appareant. Neque decet multum confabulari cum idiotis; sed ea tantum ad ipsos loqui, quae necessaria sunt. Aliter enim putat haec turba, id fieri studio, quo te iis obtrudere velis, vt ad curationem sibi adhibendam te aduocent.

3 In

te Graecis, Popularitatem & Familiaritatem, a civili & domestico conuictu, appellarunt, in uniuersum vero Humanitatem & Facilitatem. Eam hoc loco Hippoc. εὐτραπέλιν vocat: in Παραγγελίαις vero εὐχαρίσιν. Conf. Epid. VI, 4, 24 seqq.

<sup>b</sup> Conf. Proleg. §. XXIV, 3 & 4.

<sup>c</sup> Hic respiciendum ad antiquorum amiciendi vestiendique rationem, quae neque braccis, neque tibialibus nostris, neque manicis utebantur veteres Graeci pariter ac Romani. Vid. CASAVBONVS ad Theophrasti Charact. ad caput περὶ βδελυείας, voc. ἀνασυράμενον, p. m. 242; itemque ad Sueton. August. c. 82 pr.

<sup>d</sup> Ἰδιώτας ab Hippocrate vocari,

qui CELSO dicuntur esse suae spontis, ponit Vir Celeb. Io. Henr. SCHVLZE, in Historia Medicinae, Period. I. Sect. III Cap. IV §. II Not. \* Sed non credo ita hoc accipiendum esse, quasi semper & vbique hoc sensu vsurpet hoc vocabulum Hippocrates; saepissime enim οἱ ἰδιῶται opponuntur discipulis & ministris medicorum. Vid. e. c. infra Sect. XVII. Conf. FOESIVS in Oeconomia, h. v.

<sup>e</sup> Alii πρόκλησιν vid. FOESIVS in Annotationibus, & in Oeconomia h. v. Res ipsa apertius proposita videri potest Prolegom. §. XXIV, 2 & 3: vbi ad illustranda praesentia praecipue conducunt illa, Τὸ γὰρ προπετὲς καὶ τὸ πρὸ χειρὸν καταφρονεῖται, καὶ ἂν πάνυ χρήσιμον ᾖ· item, Τὰ αὐτὰ παρὰ τοῖς αὐτοῖς σπανίως ἔχουσιν, ἀγαπᾶται.



3 Ποίειν δὲ κάρτα μηδὲν περιέργως αὐτέων, μηδὲ μετὰ φαντασίης.

4 Ἐσκέψω δὲ, ταῦτα πάντα ὅπως ἢ σοι προκατηρτισμένα<sup>†</sup> εἰς τὴν εὐπορίην, ὡς δέοι. εἰ δὲ μὴ, ἐπὶ τοῦ χρέους ἀπορίη αἰεὶ δῆ.

5 Μελετᾶν δὲ χρὴ ἐν ἰητρικῇ ταῦτα μετὰ πάσης καταστολῆς περὶ ψηλαφίης καὶ ἐγχερίσιος, κ. τ. λ. Enumerantur enim complura remedium instrumentorumque Chirurgicorum genera, quae Medicum oportet in promptu habere: sed duplicem eum esse debere apparatus, alterum maiorem, alterum simpliciozem, quem in obeundis peregrinationibus secum ferre possit. Deinde pergit:

X. (VIII, 4 Lind.) Ἡ δ' εὐχερεστάτη (παρέξοδος<sup>α</sup>) διὰ μεθόδων<sup>β</sup>. οὐ γὰρ οἶόν τε διέρχεσθαι πάντα τὸν ἰητρὸν.

2 Ἔστω δέ σοι εὐμνημόνευτα φάρμακά τε καὶ δυνάμεις ἀπλαῖ, καὶ ἀναγεγραμμένα, εἰπερ ἄρα ἐστὶν ἐν νόῳ καὶ τὰ περὶ νούσων ἰήσιος, καὶ οἱ τοιούτων τρόποι, ὅσα χῶς, καὶ ὃν τρόπον περὶ ἐκάστων ἔχουσιν.

3 Ἀυτὴ γὰρ ἀρχὴ ἐν ἰητρικῇ, καὶ μέσα, καὶ τέλος.

XI. Recensentur aliqua medicamentorum genera, quae praeparata esse debent, antequam morbi curatio suscipiatur; additis monitis de conditionibus illorum medicamentorum.

XII. Ἐπὴν δὲ ἐσίης πρὸς τὸν νοσέοντα, τουτέων σοι ἀπηρτισμένων, ἵνα μὴ ἀπορῆς, εὐθέτως ἔχων ἕκαστα πρὸς τὸ ποιησόμενον.

2 (IX. Lind.) Ἵστι δὲ γινώσκων, ὃ χρὴ ποίειν, πρὶν ἐσθλαθεῖν. πολλὰ γὰρ οὐδὲ συλλογισμοῦ, ἀλλὰ βοηθείης δεῖται τῶν πραγμάτων. προδιαστέλλεσθαι οὖν χρὴ τὸ ἐκβησόμενον ἐκ τῆς ἐμπειρίας<sup>α</sup>. ἐνδοξον γὰρ καὶ εὐμαθές.

3 Ἐν

<sup>†</sup> Hoc monitum saepius inculcat Auctor: vid infra in eadem hac Sect. it. X, 2. & XI. & XII, 1 & 2.

ad exeundum iterue faciendum.

<sup>β</sup> Methodi dicuntur hoc loco compendia quaedam rei medicamentariae, cum necessariis instrumentis, siue ad Phar-

<sup>α</sup> q. d. apparatus ὡς τὴν ἔξοδον,



3 In administratione autem eorum, quae sunt Medici, sane nihil superuacanea opera agendum est, neque etiam ad vanam speciem.

4 Prouideas autem, ut omnia ea, quibus opus habebis, antea tibi parata & in promptu sint, prout decet. Quod nisi fiat, deinde, quum ad ipsum opus peruentum fuerit, semper haerebis.

5 Oportet autem in Medicina procurare ista cum omnimoda modestia in contrectatione & inunctione, &c.

X. Expeditissime vero apparatus, quo in curationibus obeundis utaris, instruitur per quaedam compendia: neque enim omnia in singulis casibus percensere animo potest Medicus.

2 Propterea in promptu habeto eiusmodi medicamenta, quae, & quorum facultates simplices facile recorderis; quem in finem ea quoque descripta habeto. Verum simul necesse est, ut probe teneas praecepta de curatione morborum, itemque horum modos ac mores, quotupliciter & quem ad modum in singulis sese habeant.

3 Hoc enim est in Medicina principium, & medium, & finis.

XII. Quum vero ad aegrotum introiturus es, ne postea haesites, ista tibi parata sunt, & ita disposita, ut statim ad id, quod faciendum est, adhibere possis.

2 Quod autem facere oportebit, id apud animum tuum ante reputato, quam introeas. Etenim postea in plurimis, quae obueniunt, non licet diu secum deliberare, sed auxilium ipsa opera ferendum est. Oportet igitur ea, quae euentura sunt, praeuisa habere ex experientia: hoc enim cum ad gloriam facit, tum haud difficulter discitur.

3 In

maceuticam, siue ad Chirurgicam, siue ad Diaeticam partem pertineant. Eiusdem generis sunt quorundam Methodiae Practicae, Euporista, &c.

a Id est, ex historia decursus morborum, & curationum: quam notitiam tibi vel ex praesentibus operum in disciplina medicinali demonstrationibus, vel



3 Ἐν δὲ τῇ εἰσόδῳ μεμνήσθαι καὶ καθέδρης <sup>b</sup>, καὶ καταστολῆς, περιστολῆς <sup>c</sup>, ἀνακυρώσεως <sup>d</sup>, βραχυλογίης <sup>e</sup>, ἀταρακτοποιήσεως <sup>f</sup>, προσεδρίης <sup>g</sup>, ἐπιμελείης <sup>h</sup>, ἀντιλέξιος πρὸς τὰ ἀπαντῶμένα, πρὸς τοὺς ὄχλους τοὺς ἐπιγινομένους εὐσταθείης τῆς ἐν ἑαυτῷ <sup>i</sup>, πρὸς τοὺς δορύβους ἐπιπλήξιος <sup>k</sup>, πρὸς τὰς ὑπουργίας <sup>l</sup> ἐτοιμασίης.

XIII. XIV. XV. (IX extr. X. XI pr. Lind.) Continent praecepta egregia de frequenti ad aegrum accessu & exploratione conditionum aegritudinis, de cautionibus aduersus errores aegrotantium, de regimine variarum rerum circumstantium.

XVI. (XI, II Lind.) Πρήσσειν δ' ἅπαντα ταῦτα ἡσυχῶς, εὐσταλέως <sup>a</sup>, μετ' ὑπουργίης <sup>b</sup>, τὰ πολλὰ τὸν νοσέοντα ὑποκρυπτόμενον· ἃ δὲ χρὴ, παρὰ κελεύοντα ἱλαρῶς καὶ εὐδαιμόνως.

2 σφέτερά <sup>c</sup> δὲ ἀποτρεπόμενον, ἅμα μὲν ἐπιπλήσσειν μετὰ

ex traditione, vel ex descriptione denique comparaueris. Vt haec, & quam ἐνδοξόν sit, magis declarentur, vnice profuerit adscribere principium libri Prognostici, ex interpretatione FOESII: Operae pretium mihi facturum Medicus videtur, si ad prouidentiam sibi comparandam omne studium adhibeat. Quum namque praesenserit ὁ praedixerit abud aegrotos tum praesentia, tum praeterita, tum futura, quaeque aegri omittunt, exposuerit, res utique aegrotantium magis agnoscere credetur, adeo ut maiore cum fiducia sese homines medico committere audeant. Curandi vero rationem optime molietur, si ex praesentibus affectionibus futura praenouerit. Neque enim fieri potest, ut omnes aegroti sanitatem assequantur. Hoc nempe longe praestantius foret, quam futurorum consecutionem praenosce-  
re ὁ.

<sup>b</sup> Vt resideat. CELSVS Lib. III Cap.

6 Periti Medici est, non protinus, ut venit, apprehendere manū brachium; sed primum residere hilari vultu, percunctarique, quemadmodum se habeat; ὅ, si quis eius metus est, eum probabili sermone lenire: tum deinde eius carpo manum ad-mouere.

<sup>c</sup> Vt scilicet sedeat εὐχαρμόνως. Id quod etiam ad τὴν καθέδρην pertinet.

<sup>d</sup> Σεμνότης, ἐξουσία vid. Proleg. §. XXIV, 3.

<sup>e</sup> Cuius quidem Hippocrates in libris ipsi vulgo tributis, satis exemplorum dedit, & vel maxime hoc ipso loco, itemque supra Sect. III.

<sup>f</sup> Vt sit animo intrepidus, quemadmodum ait CELSVS in praefatione Libri VII. Potest etiam accipi de aegrotis eorumque necessariis, quorum animos, per-tur-



3 In ipso autem ingressu animum aduertere oportet ad sessum, modestiam, amictum, grauitatem, breuiloquentiam, imperterritam animi fortitudinem, confessum, diligentiam, responsionem contra obiecta, animi praesentiam atque constantiam erga turbam superuenientem, increpationem tumultuantium, promptam facilitatem in subministrandis iis, quae opus sunt.

XVI. Haec autem omnia facere oportet tranquille, decore, cum blando subministratu, & ita vt de multis caueas ne aeger animaduertat. Quae vero imperare necesse est, ea imperanda sunt comiter & serena fronte.

2 A propriis autem ipsorummet aegrorum erroribus & curandi

turbatos plerumque & perculsos & prostratos & abiectos, sedare, erigere, ad tranquillitatem reducere sua constantia, fiducia, verborumque grauitate, aut lenitate, iubeatur Medicus. Vid. locus CELSI supra not. b productus.

g Vt affideat aegro: vid. CELSVS III, 4 circa med. Idem eodem Libro, Capite 6 Medicus, inquit, neque in tenebris, neque a capite aegri debet residere: sed illustri loco, aduersus eum, vt omnes notas ex vultu quoque cubantis perspiciat. Zv. p. 92 vt aegro affideat, neque vel foetorem, l. fordes, l. contagium declinet.

h Inprimis in faciendis interrogationibus: qua de re vid. classicus Hippocratis locus in Commentatione nostra de χρέω ἀνιδάκτω, §. V not. 4.

i Conf. Sect. III not. e. & add. FOESIVS in Έυσάφεις.

\* Vid. Sect. XVI, 2.

1 Vid. FOESIVS in Oecon. v. Ὑποπυλῆν. Zv. Ὑποπυλῆν ἔστι hic ἔστι paullo post ipsam aggressionem, s. ἐγχειρῆσιν medicam vocat, oppositam medicae methodo, vt singulare vniuersali. Pro instrumenti autem varietate rursus Ὑποπυλῆν ista, in χειρουργίαν, διάσταν, & φαρμακείαν subdiuidi potest, vt supra (Sect. VIII.)

a Vt vestis & omnis amictus decenter & ad agendum expedite compositus sit. Conf. FOESII Oecon. h. v. Zv. p. 93 de agilitate exponit, vt expedite agat, quaecunque agenda sunt, potissimum in opere chirurgico.

b Vid. Sect. XII. not. l.

c Quaecunque aeger, & qui ei in morbo, praeter Medicum, adsunt, suo proprio



πικρίας <sup>d</sup> καὶ ἐντάσεων \*, ἅμα δὲ παραμυθέσθαι μετ' ἐπιστροφῆς καὶ ὑποδέξιος <sup>e</sup>.

3 μηδὲν ὑποδεικνύντα τῶν ἐσομένων ἢ ἐνεσώτων αὐτέοισι. πολλοὶ γὰρ δι' αἰτίην ταύτην ἐφ' ἐκάτερα ἀπεώθησαν <sup>f</sup>, διὰ τὴν πρόρρησιν τὴν προειρημένην τῶν ἐνεσώτων ἢ ἐπεσομένων.

XVII. (XII Lind.) De cura aegri, dum ipse Medicus abest, per ministrum aliquem discipulum, qui iam calleat artis praecepta, non autem per idiotas administranda.

XVIII. Τουτέων οὖν ἐόντων τῶν πρὸς εὐδοξίην καὶ εὐσχημοσύνην τῶν ἐν τῇ σοφίᾳ καὶ ἰητρικῇ, καὶ ἐν τῇσιν ἄλλησι τέχνησι <sup>a</sup>, χρὴ τὸν ἰητρὸν, διειληφότα τὰ μέρεα <sup>b</sup>, περὶ ὧν εἰρήκαμεν, περιεννύμενον <sup>c</sup> πάντοτε τὴν ἐτέρην <sup>d</sup>, διατηρέοντα φυλάσσειν, καὶ παραδιδόντα <sup>e</sup> ποιεέσθαι.

2 Εὐκλεέα γὰρ ἐόντα πᾶσιν ἀνθρώποισιν διαφυλάσσεται <sup>f</sup>. οἷτε δι' αὐτέων ὁδεύσαντες, δοξατοὶ πρὸς γονέων καὶ τέκνων.

3 Κῆν τινες αὐτέων μὴ πολλὰ γινώσκωσιν, ὑπ' αὐτέων τῶν πρηγμάτων ἐς σύνεσιν καθίστανται.

prio consilio; iudicio, opinione, consuetudine, &c. ducti, ad medicandum adhibent, aut proponunt, veluti remedia domestica, superstitiosa, &c. item, huc pertinent errores & peruersi mores in victu totoque vitae genere aegrotantium.

<sup>d</sup> Vid. Sect. II not. e.

\* GESNER. malit ἐντάσεως.

<sup>e</sup> Vid. FOESIVS in Oeconomia, h. v.

<sup>f</sup> Vt aut propter praenunciatum periculum, afflictiones, aerumnas, animo cadant, eaque re morbum ipsum & aegritudinem grauiorem, curationem vero

difficiliorem reddant: aut, propter offensa laeta omnia, concepta nimia spe, quod reliquum est ad integram sanationem, negligenter obseruent & administrent, & inde in graues errores atque pericula incurrant. Huc conuenient illa ex Praeceptionum libello, circa med. <sup>a</sup>Οἱ νοσέοντες ἀνιώμενοι, (legendum videtur, ἀνιέμενοι, νήχονται ἐπὶ ἐκάτερῃ μοχθηρίᾳ, μὴ ἐγκχεχειρικότες ἑαυτοὺς ἕως τέλους τῇ ἐν τῇ τέχνῃ πλείονι θεραπήῃ. <sup>b</sup>Ἀνεσις γὰρ νέσετινὸς κάμνοντι παρέχει μεγάλην ἀλεωρήν. διὸ, δέόμενοι τὴν ὑγίειαν διάθεσιν, ἐκ ἐδελέεσι τὴν αὐτὴν χρῆσιν αἰεὶ προσδέχεσθαι, ὁμοῖοντες ἰητρὲ ποικίλῃ. Ex versione FOESII, Aegroti dolore confictati (relaxati) in utraque

ΤΕΛΟΣ.



rationibus dehortandi sunt, ita vt eos aut seuerè & acriter increpes, aut leniter appellando & paululum condonando flectas.

3 Praeterea nihil eorum, quae euentura sunt aut imminēt, ipsis significare oportet. Multi enim hanc ob causam, quod illa instantia aut superuentura sibi praedicta fuerant, in vnam alteramue partem modum exceſſerunt.

XVIII. Quum igitur ea, quae tam in Philosophia, quam in Medicina, caeterisque artibus ad bonam existimationem atque honestatem faciunt, ita sese habeant: Medicum oportet, iis, de quibus diximus, particulatim sibi adiunctis, vndique circumdatum alterius disciplinae praeceptis, haec tam ipsum per omnem vitam obseruare diligenterque custodire, quam aliis, potissimum quidem praebendo exemplum ipsarum virtutum, tradere.

2 Haec enim ei veram gloriae laudem apud omnes homines conciliabunt atque conseruabunt: &, qui hac via incedunt, illi & parentibus, & liberis honorem ac decus afferunt.

3 Quod si qui ex illis multarum rerum scientiam non habeant, tamen sub ipsorum operum tractatione intelligentiam consequuntur.

*traque improbitate natant, quum sese pleniori in arte curationi ad finem usque non commiserint. Morbi nempe cuiusdam remissio magnum affert aegro solatium. Quapropter quum sanitatem maxime cupiant, eundem semper remediorum usum recipere recusant, Medici varietatem imitantes. Et deinde ibidem monet Auctor, Τίς καλῶς ἰντρεύων, προσαγορεύσει τοιαύτης μὴ ἀποσαίν, κελεύων τοῖσι νοσέεσι, μὴδὲν ὀχλεῖσθαι τὴν διαβολαν, ἐν τῷ σπεύδειν ἀφικέσθαι εἰς καιρὸν σωτηρίας. Rectam curationem instituens aliquis, compellendo aegros cohortari non desinat, ne nimium animo perturbentur, dum salutis tempus praeuertere student.*

<sup>a</sup> Vid. Sect. I, 3.

<sup>b</sup> Conf. Sect. I, 2 not. e. it. V, 2 not. d.

<sup>c</sup> Vid. Sect. IV not. h.

<sup>d</sup> Subaud. σοφίην. conf. Sect. I, 3 not. k.

<sup>e</sup> Nimirum discipulis, sic vt exemplum ipsorum operum praebeat. Zv. pag. 80 haec, διατ. φυλ. καὶ παραδ. ποιέ. posita esse vult pro φυλάττοντα διατηρεῖν, καὶ ποιέμενον παραδίδου.

<sup>f</sup> Scilicet αὐτὰ πάντα, περὶ ὧν ἐξηκαμεν & hinc quoque pendet, quod sequitur, δι' αὐτέων. Zv. sic vertit, Haec enim sunt, quae propter sui splendorem ab omnibus hominibus coluntur.

FINIS,



# COMMENTARIUS

## AD SECT. I.

§. 1. Quaestionem, An & quatenus Philosophia ad artem Medicam adhibenda sit? explicaturus Auctor, statim significat, quod principium aut quis finis sit, hac in re semper prae oculis habendus, si ad propositam quaestionem recte respondere, in eaque solvenda rite versari velimus: nimirum, supremam regulam, ad cuius conuenientiam omnis haec disputatio exigi debeat & diiudicari, ponit usum, quem Philosophia in efficiendis ipsis artis operibus, in ipsa vitae medicinalis actione, praestat. Licet enim quaelibet philosophiae praeceptiones, contemplationes, disputationes per se satis apte, belle, recte, vereque se habere possint, iucundae etiam, decorae, gloriosae, vtilis denique esse: tamen in medicina ex ea parte locum habent, quatenus ad bene obeunda medicinae munera negotiaque aliquid conferunt; nec proinde, si quid in philosophia occurrat, quod aliarum intuitu rerum quantiuis pretii sit, statim etiam medico necessarium aut vtile putandum est; neque qualiscunque alicuius disciplinae, scientiae, praeceptionum, disquisitionum, praestantia satis est argumenti, eas quoque ad medicinam faciendam aliquid adiumenti allaturas esse aut necessario afferre debere. Principium enim & quasi suprema lex, ad quam iudicium de utilitate aliarum doctrinarum in medicina formari debet, est ipsa medicinalis artis natura atque conditio: siquidem, quum de usu in medicina quaeratur, non potest aliud ferendi hac in causa iudicii principium esse praeter relationem, quam habent illae doctrinae partes ad medicinam.

§. 2. Ipsam porro quoque medicinalem professionem totam vult esse practicam, i. e. in efficiendis artis operibus occupatam. Medicinam itaque hactenus proprie & simpliciter intelligit, artem curandi valetudinem: ut cognito morbo cognitum remedium adhibeas. Quae facultas sola quum Hippocrati illud sit, ex quo medicus & medicina censeatur, deinde princeps eius pars fuit appellata, postquam iis quoque disciplinarum partibus, quae ad discendam ac  
fa-



faciendam medicinam propiore quodam modo faciunt, in complexum studiorum medicinalium receptis, fines huius artis aliter constituti sunt: quarum ex numero est Anatome cum Physiologia, cultior Botanica, &c. Et has quidem partes, pariter ac illas, quae remotius medicum instruunt atque perficiunt, nunc ad Philosophiam refert Auctor: ac docet, decere & utile esse, ut eadem ad Medicinam proprie sic dictam adiungantur, modo recte fiat haec assumptio & applicatio.

§. 3. Ut igitur aliquis rite in coniungendis cum medicina praeceptis institutisque philosophiae versetur, primum oportet ipsa artis opera diligenter factitare, ad eamque, prout decet, exercendam, i. e. ad usum medendi, acre studium operamque conferre; tum, si huc intendat omnem curam, aciem, industriamque mentis, sub ipsa medicarum rerum tractatione, in mediis artis operibus curisque, dum in re praesenti versatur, manifesto, reuera, ipsis rerum experimentis deprehendet atque perspiciet, quibus aliarum artium ac scientiarum adiumentis praesidiisque medicina indigeat, atque constet, & bene commodeque uti possit; haec igitur sibi adiungat & in ipsum opus transferat.

§. 4. Quo quidem in negotio operae pretium est animadvertere nobilem viri candorem atque modestiam, cautamque simul prudentiam. Etenim omnino non, aliquas philosophiae partes inutiles in medicina, pronunciat, quod alius fortasse fecisset; sed ultro potius largitur, philosophiam in uniuersum esse utilem, modo in actionibus vitae versetur, non autem in nuda speculatione subsistat. Et hactenus tantum philosophiam usu carere ait, quatenus in solo contemplandi studio per otium peragitur: quae vero philosophicae disputationes inutiles sint, si non cum actione coniungantur, easdem utiles fieri, si in mediis rerum actibus instituantur. Quo argumento significat, licet praecepta disciplinae recta per se veraque sint, ut tamen in administrandis vitae muneribus atque negotiis usum praestare possint, aliquid adhuc praeterea accedere debere, nimirum actum & exercitationem. Quid autem illud sit, quod praxis addat theoriae, quod demum exercitatione praeceptorum ipsoque rerum usu consequi liceat, id in medicina quidem aliqua ex parte, quatenus natura  
K rei



rei permittit, ostendere conatus sum in *Diff. de Usu in Medicina doceri nescio*: sed euidencia demonstrationis aliter obtineri non potest, nisi in rem praesentem veniatur, hoc est, actus aliquis repraesentetur; id quod tamen vniuscuiusvis aut experimento aut recordationi permittere necesse est. Interim, si verum est, quod neminem dubitare credo, praecepta disciplinarum versari tantummodo circa generalia & vniuersalia, neque singularium rerum varietatem tractare, praeter quorundam exemplorum propositionem atque declarationem, & generalem demonstrationem modi quo quid sigillatim propositum effici possit: certe hoc meditationis addi ab exercitatione manifestum est, quod peculiarem propriamque rerum singularium naturam, indolem, conditiones, multiplicemque varietatem cognoscendam atque obseruandam sistit; id quod sane multum est, praesertim in negotiis vitae.

§. 5. Dicit autem Hippocrates, otiosum contemplandi studium tendere s. ducere ad ignauiam s. inertiam. Nam quum inter contemplandum organa illa corporis, quorum ministerio cogitata mentis in actum procedere solent, quiescant: vtique & tantisper inertia sunt membra corporis, neque tali modo vnquam habitum agendi consequentur, qui frequentiore demum exercitio acquiritur. Neque ipsi diffitentur philosophi, se talem vitam agendo ineptos fieri ad gerenda ciuilis communisque vitae negotia: vid. *Prolegom.* §. VI not. 6. Contra ea, si quis ad actiones rerum applicat animum, & in aliquo agendi proposito mentem simul ad circumspicienda meditandaque negotiorum gerendorum praesidia doctrinarum intendit: tum omnia aliter accidunt; & quanquam circa easdem res aut veritates occupata sit illorum contemplatio & horum cum meditatione coniuncta exercitatio, tamen pro diuerso proposito in eaque re versandi modo diuersus effectus consequitur.

§. 6. Dum autem suadet Hippocrates, philosophicas res in ipsis medicorum scholis s. medicinali disciplina tractare, facile perspicitur, primo, hoc intelligendum esse secundum eam, quae tunc adhuc erat, medicinam discendi rationem, de qua *Prolegom.* §. IX: in qua quidem vtrumque simul agi melius commodiusque poterat, quam nostris temporibus per praesentem medicinae conditionem constitutamque



tamque formam & discendae docendaeque viam licet; quanquam sic tamen etiam nunc multiplici ratione ad antiquam methodum studium medicinale conformari possit. Sed his persequendis nunc non est locus. Deinde, apparet, hanc esse auctoris sententiam, ut asserat, philosophiam proprie non esse separatam a medicina, (vid. *Prolegom.* §. X. XI. XIX) sed in ipsa legitima rerum medicarum tractatione atque exercitatione inesse quoque ea, quae philosophia de cognitione veritatis & virtute doceat atque praecipiat: id quod clarius eloquitur *Sect.* VI.

§. 7. Haec nihilo tamen minus intercedit differentia, quod tum non ita systematica, ut dicitur, methodo philosophia tradatur intra medicorum parietes aut palaestras: quod etiam praeuidens Hippocrates ait, per partes adhibenda esse dogmata aut praecepta demonstrationesque philosophiae in medicina, non autem totam vno ductu philosophiam pertractandam esse. Conf. *Sect.* ult. Nam quum ad usum artis omnes huius generis praeceptiones dirigendae sint; in ipsis autem morborum curationibus & omni actione rerum non systema aliquod eiusue nexus reuocari in memoriam possit, sed e contrario hoc multo magis obesset actioni, siquidem in singularibus rerum exemplis semper alio modo verum cum principiis vniuersalibus conexum est, nec vni systemati suam innumerabilem rerum varietatem alligat Natura: propterea ad usum accommodatius est, in partibus ostendere nexum veritatis cum principiis iis, quae in sua cuiusque arte fundamentum demonstrationis continent. Quod si saepius & frequentibus exemplis factum fuerit, & nascuntur generalium affectionum proprietatumque notiones, & habitus inducitur peruidendi in rebus singularibus veritatem, nec tamen systematis alicuius vinculis mens addicitur; sed, quum tantam eorum, quae accidunt, diuersitatem animaduertat, nullosque casus sibi perfecte similes obseruet, abstrahitur potius ab illo detrimentoso in exercendis artibus studio condendi systematis. Quae forsitan fuerit causa, cur Hippocrates systema non reliquerit, neque eatenus medicinae rationalis systematicae auctor factus sit. Hoc tamen non impedit, quo minus generalia vniuersaliaque disciplinarum axiomata, principia, & quae sunt similia, cognosci possint.



§. 8. Vt exemplum, quo adhuc proposita illustrentur, afferam, sit illud de Numeris. Quam subtiliter in hac doctrina philosophatum sit praesertim a Pythagoreis in altiori Esoterica disciplina, inter omnes constat, & dictum aliquid in hanc rem est supra in *Proleg.* §. VIII not. 8. Hippocrates autem noster factitando medicinam obseruauit, certis dierum interuallis mutationes morborum criticas accidere; haec igitur interualla numeris designauit atque descripsit, & haecenus philosophiam numerorum in medicinalis artis professionem assumpsit: neque ego crediderim, prudentissimum virum hac hypothese passum fuisse se decipi, & aliquid hac in causa decreuisse, antequam obseruatis suis exacte respondere deprehenderit; quanquam ita iudicasse videtur Corn. Celsus, v. *Proleg.* §. XIII not. \*. Quid autem fuerit causae, cur illa statuta criticorum dierum tempora alii non aequae obseruauerint, hic disputari non debet.

§. 9. Quodsi igitur isto modo in addiscenda exercendaque medicina aut quacunque demum arte procedatur, h. e. si, proposito certo, qui efficiendus est, artis scopo, ad hunc obtinendum omnia quaelibet obseruationis, & hinc proficiscentis ratiocinationis subsidia solite conquirantur: non possunt non intelligi physicae effectuum causae, principia cognitionis actionisque, rerum casuumque similitudines ac dissimilitudines, &c. indeque nasci generales atque vniuersales agendi regulae, cum prudentia iisdem in exemplis singularibus vtendi; qua ipsa ratione scientifice, sicut dicitur, ars exercetur, & in animo artificis forma artis constituta est coniuncto eius exercendae habitu. Neque alia ratione natae sunt verae quarumuis artium ac disciplinarum descriptiones, institutiones, systemata, compendia, methodi, & quae sunt alia praeceptorum in vnum syntagma certo ordine collectorum nomina. Nam, comprehensa prius animo artis eiusque partium formâ, facile fuit eam literis exprimere: quemadmodum ex diligenti auctorum alicuius linguae lectione & obseruatione loquentium non difficile fuit construere Grammaticam. Praebent autem tales artium deformationes, vt ita dicam, aut delineationes, simul exempla huius rei: nec potest obscurum esse, quibus notis earundem veritas praestantiaque censeretur.

§. 10. Tali modo autem vtique complures tum partes aliarum disciplinarum



sciplinarum tum integrae scientiae in professionem medicinalem inferuntur, ut partes doctrinaeque physicae, anatomicae, physiologicae, botanicae, chemicae, cet. logicae, theologicae, morales, cet. v. *Proleg.* §. XII. Quales quidem scientiae quum in ipso proposito artis opere, curatione morborum, proprie non versentur, eatenus aliarum disciplinarum classibus nominibusque continentur; nec distincta medicinae notione comprehenduntur. Conf. §. 2 huius *Comment.* I.

§. 11. Et potest quidem morbis fieri medicina absque tali philosophiae connubio: sed istiusmodi puri puti medici erant Hippocratis aetate serui, liberorum honestiorumque artis professorum famuli, ad illorum imperata subeuntes ministeria: v. *Proleg.* §. IX not. 8. Verum hanc faciendae artis rationem, sordidam, inhonestam, atque ingloriam dicit Hippocrates, itaque remouet a legitima artis professione contemptum, quo iam suo tempore solebat affici: v. *Proleg.* §. IX not. 4. Porro, de artificibus & quaestibus, qui liberales habendi, qui sordidi sint, haec tradit M. TULLIUS, de *Offic.* I, 150 seq. c. 42. *Il-liberales & sordidi quaestus mercenariorum, omniumque quorum operae, non quorum artes emuntur: est enim illis merces auctoramentum seruitutis. Sordidi etiam putandi, qui mercantur a mercatoribus, quod statim vendant: nihil enim proficiunt, nisi admodum mentiantur; nec vero quidquam est turpius vanitate. Opificesque omnes in sordida arte versantur: nec enim quidquam ingenuum potest habere officina. Minimeque artes hae probandae, quae ministrae sunt voluptatum, cetarii, lanii, coqui, fartores, piscatores, ut ait Terentius. Adde huc, si placet, vnguentarios, saltatores, totumque ludum talarium. Quibus autem artibus aut prudentia maior inest, aut non mediocris utilitas quaeritur, ut Medicina, ut architectura, ut doctrina rerum honestarum, hae sunt iis, quorum ordini conueniunt, honestae. Mercatura autem, si tenuis est, sordida putanda est: sin magna &c. Omnium autem rerum, ex quibus aliquid acquiritur, nihil est agricultura melius, nihil uberius, nihil dulcius, nihil homine, nihil libero dignius.* Hippocrates deinde *Sect.* II, 2 & VI, 2 vocabulum βαυασις usurpat de sordida artis exercendae ratione.\*

\* Zv. p. 87 βαυασις (*Sect.* VI, 2) Conf. HIPPOCR. de *Morbo Sac.* extr. interpretatur *Sophisticam Garrulitatem.* PLATO supra *Proleg.* §. V not. [1] §. 3.



§. 12. Qui igitur Medicinam ita colunt, vt in eam assumant variarum doctrinarum siue philosophiae subsidia, h. e. scientifice atque methodice, sapienter atque prudenter eam exercitant, ii decus huic arti, honorem ac gloriam conciliant, & eadem ipsi vicissim ex eiusmodi artis professione consequuntur. Et quanquam vere dixerit Hippocrates, in *Praeceptionibus* §. IX, 30 Linden. ὅτι ἐν ἐωυτῇ μόνῃ εἰρεσί (ἢ ἡτρικῇ) ἐστὶ χάριεσσα tamen multo gratior eadem, venustior, suauior, iucundior, atque acceptior est hominibus, pluris aestimatur, colitur, remuneratur, vbi simul eruditionis copia, facundiae felicitas, morum suauitas, probitas, honestas, vno verbo omnis philosophia coniuncta est, eamque commendabilem reddit; quemadmodum

*Gratior est pulchro veniens in corpore virtus;*

quemadmodum venusta forma ex vestium nitore, elegancia, ac decore illustrior apparet ac magis exsplendescit. Praeterquam enim quod haec doctrinae atque virtutis ornamenta per se sola propter suam ipsorum praestantiam & vtilitatem iucunditatemque laude ac fauore dignissima iudicantur, & in iis, quibus adsunt, adamantur: ille, qui ex philosophica rerum medicinalium tractatione causas rationesque eorum, quae eueniunt, perspicit, quoad eius fieri potest, & reliqua sapientiae praesidia adiuncta habet, potest iis, quibuscum versandum atque agendum est, melius, certius, vberius explicare ea, quae ipsis aut cognitu necessaria vtiliaque sunt, aut auditu iucunda, aut ad persuadendum flectendosque ac moderandos animos accommodata; qua ex re non exiguam existimationem, gratiam & amorem adipiscitur artifex. Plura quidem de commendatione virtutis, eruditionis, eloquentiae, gratiaque medicorum disputavi in Commentatione de *Χρῆσι ἀδιδάκτω*, §. XVII & seqq. Add. infra Commentarius III §. 21.

§. 13. Liceat hic apponere Celeb. RIVINI de aliarum disciplinarum aut studiorum cum Medicina coniunctione iudicium, ex *Disp. de Medico Inculpato*, Cap. 2 §. 6: *Quinto, commemoranda Polypragmosyne itidem venit, quae saepius impedimento est, quo minus debitam in meden-*



*medendo industriam adhibere quis valeat. Meretur hic transcribi elegans locus* Baconis de Verulamio, de Augm. Scient. l. 4 p. m. 249 Equidem Medicis minus succenseo, si saepenumero vacent alicui alteri studio, quod adamant magis, quam arti suae propriae. Inuenies enim inter eos Poëtas, Antiquarios, Criticos, Rhetores, Politicos, Theologos; atque in iis artibus magis, quam in professione propria eruditos. Neque hoc fit, vti arbitror, quia habeant, quae sibi obuersentur, obiecta tam foeda & tristia, vt animum ad alia abducere iis omnino sit opus; sed, quod arbitrentur, parum ipsis interesse vel ad existimationem vel ad lucrum, vtrum artis suae mediocritatem, an perfectionem in ea maiorem assequantur. Morbi enim taedia, vitae dulcedo, spei fallacia, & amicorum commendatio efficiunt, vt homines facile in Medicis qualibuscunque fiduciam collocent. Verum, si quis haec attentius perpendat, ea potius ad culpam Medicorum, quam ad culpae excusationem spectant.

## C O M M E N T A R I V S II

## A D S E C T. II.

§. 1. Ostenso, quibus rationibus legitima medicinae professio gratiam ab hominibus, honorem, ac gloriam commereatur, si non sordide & inhoneste se gerat: nunc in exemplo Circumforaneorum declarat illegitimam, sordidam, atque inhonestam faciendae medicinae rationem. Quorum hominum quum nulla sit vera medicinae & caeterarum rerum, quibus ea opus habet & tanquam subsidiis vtitur, scientia peritiaque, & ipsi sibimet suae satis ignorantiae imperitiaeque conscii sint, quamobrem nullam bonae legitimaeque artis fiduciam habere possunt; quum tamen emolumenta medicinae, fauorem, opes, honorem, quae in probis artificibus conspiciunt, ipsi quoque vehementer appetant: quod rectis honestisque rationibus consequi non licet, id quibuscunque improbis artibus adipisci contendunt. Omnis igitur eorum error in eo versatur, quod veras, solidas, & interiores artis medicinalis, eiusque exercendae, & hac exercitatione fortunae munera comparandi, (s. potius consequendi,) ratio-



rationes partim non intelligunt atque perspiciunt, partim earum ordine ac legibus adstringi nolunt. Quia tamen, per legem & necessitatem, quam Deus Naturae indidit, fortunae munera sunt consequens virtutum merces, neque quicquam hoc in studio sperare licet, nisi saltem simulacra virtutum appareant: igitur operam dant illi medicastri, ut, opera, mores, exterioremque habitum bonorum artis professorum imitando, speciem similem opinionemque consequantur, & sub hac persona, malas suas artes tegendo, minus prudentes decipiant; quia in re tamen ipsi saepius contra rationes suas peccant & spe proposita excidunt.

§. 2. Sic, pueri, adolescentes, & quotquot hisce leuitate animi imprudentiaque similes sunt, quique phaleratarum vestium splendore, volubilitate linguae, circulatoriaque iactatione capiuntur, hi quidem sibi imponi ab illis fraudum artificibus patiuntur, ipsos sectantur, magni faciunt, laudibus efferunt, tum sese iis curandos committunt; qua quidem stultitia, miserandum in modum, tanquam in latrones raptoresque ac percussores incidunt, qui totam suam faciendae medicinae artem nullo alio consilio, methodo, ac scopo instruuunt & tractant, nisi ut homines argento emungant \*. Contra ea vero periti rerum iudices, ut viri prudentes, grauesque senes, longe aliter se gerunt aduersum eos. Et viri quidem, qui non tantum auctoritate valent nec magistratus gerunt, quo illos coercere possint: nihilominus detestantur eos, & bilem sibi commoueri sentiunt in ipsorum conspectu; admonendo quoque iuniores & incautos abstrahere ab illis satagunt; quumque non ignorent, quantum damni rei publicae ac priuatae ab illis immineat, optarent, idque etiam opera consiliisque efficere laborant, ut talis improbitas poena & exilio afficiatur; quanquam ipsos coram arguere & contra eos disputare detrectent, idque non solum inutile fore sentiant, sed adeo bonae legitimae professionis existimationi detrimentum allaturum esse. Nam, quum sit genus hominum impudentissimum, qui salutem & valetudinem hominum, rem pretiosissimam & merito religioni habendam, ex  
sua

\* Plato in Sophista, venatorem ait esse sophistam stultorum & opulentorum adolescentum. ZVINGER.



sua pecuniae, vilissimae rei, cupiditate aestimant: sane contra eos disputando nec quicquam proficies, &, nisi eadem fronte similique oris improbitate contendere velis, verborum stropharumque strepitu ac clamoribus victus e certamine discedes; quod quum stolidum vulgus viderit, eius peiorem causam iudicabunt, qui verecundior in obloquendo fuerit. At senes, qui potestate magistratus pollent, promulgatis edictis ex ciuitate eiiciunt hosce circulatores, nec concedunt, vt artem suam exerceant, nisi proba eius documenta dederint, & sibi coram exhibuerint, quo facto facultatem profitendi nanciscantur. Huc conuenit, quod Celeb. SCHVLZIUS, in *Hist. Medic. Period. I Sect. III Cap. VI §. IV* seqq. putat, Hippocratis aeuo constitutum ac solenne fuisse, vt, quando medici in urbem aliquam venerint, necesse fuerit oratione coram magistratu habita facultatem profitendi medicinam impetrare: quam in rem accipit ista in *Praeceptionibus* verba, Τμήμ. IX ἢν δὲ εἵνεκα ὁμίλου θέλῃς ἀκρόασιν ποιήσασθαι, οὐκ ἀγακλεῶς ἐπιθυμέεις, μὴ μὲν τοι γε μετὰ μαρτυρίας ποιητικῆς. Indignatur autem Hippocrates in Νόμῳ post pr. ὅτι πρόστιμον ἱητρικῆς μούνης ἐν τῇσι πόλεσιν οὐδὲν ὄριται, πλὴν ἀδοξίης. αὕτη δὲ οὐ τιτρώσκει τοὺς ἐξ αὐτῆς συγκειμένους. Illam igitur ἀναίρεσιν ἐκ τῶν πόλεων, quam hoc loco sub ἀδοξίης nomine comprehendit, non sufficere ad poenam existimat, sed grauiore animaduersione dignos iudicat malos artifices: quanquam hic de omnibus in vniuersum φήμη μὲν ἱητροῖς, vt deinde loquitur, ἔργῳ δὲ οὐ, non autem de solo circulatorum genere moneat.

§. 3. Nisi vero ita ciuitate expellantur hi circumforanei malarum artium professores, non illi quidem paullatim in notitiam hominum peruenire student, aut versando inter homines artisque suae experimenta, sicubi occasio ferat, edendo, dant operam, vt, quid in se sit scientiae peritiaeque, cognoscatur & appareat: sed statim in fora se conferunt, vbi hominum maxima solet esse celebritas, ibique altiore sibi supra caeteros gradu facto, vnde conspici circumquaue & audiri possint, (quam ad rem nostris temporibus vel equo insident vel theatra exstruunt) publice res suas proponunt, ostentant, iactant, proque parata pecunia vendunt, partim etiam aegros ad se priuatim



domi adeundos inuitant, vel ipsi ad illos ire promittunt rogati. Et si vero fraudum suarum artificia, quibus circumuenire credulos consueuerunt, studiose occultare soleant, quandoquidem illis reuelatis omnis eorum ars denudata publico contemptui, odio, ac ludibrio exponeretur: tamen aliquibus contigit, eorum nonnulla detegere, quae deinde editis quoque libris propalarunt; inprimisque, quantum ad dentium medicos attinet, iuuat legere dexterrimi prudentissimique viri, Petri FAVCHARD, Galli, librum de Chirurgia Dentium, quem Gallice inscripsit *Le Chirurgien Dentiste*, Tomo II Cap. XII, pag. 173 & seqq. versionis Germanicae.

§. 4. Praecipuum autem, & quod maxime in oculos incurrat, signum, quo agnoscantur, est cultus & ornatus exterior vestium, corporis, & apparatus. Hoc enim maxime ad ostentationem comparatum est: hoc primum percellit oculos, hinc animum ferit, & quum videat populus vestes purpura aut holoserico insignes, auro & argento fulgentes, digitos annulis gemmisque obductos\*, auream supellectilem, ministrorum turbam similiter exornatam, &c. nimium quam prouisi sunt homines primum, ut credant, ita cultos reuera a diuitiis opibusque instructos esse; tum, ut eximiam de talibus opinionem concipiant artis, scientiae, dexteritatis, quibus illas sibi facultates comparauerint, scilicet. Monet autem Hippocrates, quo superbior cultu emineant, eo magis auersandos, & ab iis cauendum esse: nam quo plus ornatui, pompae, ostentationi, luxui student, eo plus sumtum requiritur, eaque propter improbius insidias faciunt aliorum marsupiiis.

§. 5. Caeterum non possum hic praetermittere insignem locum Hippocratis de istiusmodi circumforaneis medicis, qui exstat in libro *de Morbo Sacro*, non longe post init. Cap. II seq. unde haec ex versione Foessii excerpam: *Mihi certe, qui primi hunc morbum ad deos retulerunt, tales esse videntur, quales etiam nunc sunt, Magi, Expiatores, Circulatores, atque arrogantes Ostentatores, qui se valde pios esse, plurimumque (& aliquid plus) scire simulant. Hi quippe diuinitatis* (τὰ

\* Aristophanes propterea, voce dithyrambica, medicos σφαγιδουχαργος κομῆτας per ludibrium vocauit. ZVINGER.



(τὸ θεῖον, 'diuini) obtentu ac praetextu, quum nulla ope prodesse possent, ne inscitiam suam proderent, sacram hanc esse affectionem censuerunt; & additis idoneis rationibus, tutam sibi curationis viam proposuerunt, oblati expiationibus, & incantationibus, balneisque interdictis, & multis cibis ad laborantium usum minime accommodatis. - - Quae omnia diuinitatis (τοῦ θεοῦ) gratia addunt, velut amplius quiddam scientes, & alia in specie praetexentes, ut, si conualescat aeger, istud eorum gloriae & solertiae attribuat; sin vero moriatur, tutam sibi proponant defensionem, & occasionem nanciscantur, quo minus ii (ipsi) in caussa, sed dī esse videantur: quum nullum quidem medicamentum edendum aut bibendum exhibuerint, neque balneis excoxerint, ut in eos caussa reiici possit. - - Hac oratione & molitione multam scientiam prae se ferunt, hominesque decipiunt, his lustrationes & purificationes proponendo, quum multum faciant de diuinitate & numine (τὸ θεῖον καὶ τὸ δαιμόνιον) sermonem. Quanquam mihi quidem non de pietate, ut rentur, verum de impietate potius verba facere videntur, & deos non esse, profiteri; eorumque pietas & diuinitas in impietatem & nefarium scelus vertitur. Si enim lunam deducere & solem obscurare, tempestatemque ac serenitatem inducere, & imbres ac siccitates, mareque sterile & terram facere, caeteraque id genus se scire profitentur, siue ex sacrorum mysteriis, siue ex alio quouis consilio aut cura hanc sibi potentiam vendicent; qui his rebus operam nauant, mihi quidem impii esse videntur, neque deos esse existimare, neque, si sint, quicquam posse, neque aliquod summum malum propulsare posse. - - Morbo detentos expiant - - quos contra facere decuerat, sacra facere nimirum, & precari, ad templa deducere, & diis supplicare &c. Conf. Proleg. §. IX not. 3.

## C O M M E N T A R I V S III.

## AD SECT. III.

§. 1. Nunc contrario modo Auctor legitimorum Medicorum externam speciem & illum agendi viuendique morem, qui hodie communiter Gallica voce *Conduite* appellari consuevit, describere aggreditur; & particulatim quidem ostendit, quomodo eos in omni sin-



gularium professionis medicinalis actionum varietate, sese gerere, obseruetur; generatim vero indicat illam animi affectionem s. habitum, vnde istae speciales in singulis negotiis obeundis proprietates morum, characteres, Graeco vocabulo ἥθη, originem ducant: quae omnia mirā verborum exquisitaque significantia atque emphasi graphice explicat, parique orationis breuitate complectitur, & velut depicta imagine formam quasi coram intuendam proponit; ita vt non minorem se hic artificem ostenderit, quam aut ARISTOTELES, aut THEOPHRASTVS, aut HORATIVS denique, in denotandis hominum varii generis, aetatis, instituti moribus. Sed & simul suum ipsius ingenium, mentis habitum, & cum hominibus agendi conuerfandique rationem prodere videtur, praesertim si conferatur Sectio XII: non enim solet Hippocrates nisi ex sua experientia loqui.

§. 2. Primum igitur in bonis quoque medicis signum indolis ac morum petitur ex habitu cultuque externo, qui praecipue haeret in vestibus cuiuslibet generis. Iam, relatum est in *Proleg.* §. IV not. 1 & §. VII not. 8 & ipsum Pythagoram &, qui disciplinam eius secuti sunt, inprimis etiam vestium decori, munditiei, ac simplicitati, sine luxu, studuisse; nec dubitandum est, reliquos quoque tum sapientiae studiosos honesto atque decenti habitu corpus circumdeditisse, fortassis etiam aliquos hac in re nimios fuisse, praesertim Sophistas peculiariter ita vocatos: nec dum enim illa Cynicorum secta, ἀσχημοσύνης in externo habitu magistra, & hactenus inprimis ab aliis se Philosophis segregare studens, exorta erat. Fit quoque verisimile, propter Chirurgicam potissimum medicinae partem, (vid. *Proleg.* § IX not. 6. 7.) εὐσχημοσύνην ab Hippocrate discipulis commendatam fuisse: nam Chirurgorum officina facile in decori neglectum labitur; quapropter etiam hodie in Institutionibus mundities illis & elegantia praecipui solet. Vid. e. c. Ill. HEISTERI *Institutiones Chirurgicae*, Introduct. §. XIX Operis Germanici, §. XLI Operis Latini. Conf. *Proleg.* §. XXIV, 1.

§. 3. In vestibus autem residere dicit εὐσχημοσύνην s. *honestatem*: cuius vocabuli quae sit vis, in *Proleg.* §. XX not. 2 expositum est. Hoc igitur vult, Honestatem illam animi, quae in coniuncto vniuersae virtutis studio habituque posita est, etiam extra conspiciendam se prae-



praebere, sibi que conuenientem amictum corpori induere. Sic puritas mentis apparet in vestium munditie; animi moderatio modestiaque, si eum in pretio modum serues, quem facultates & muneris dignitas definiunt; constantia, tranquillitas, contentus animus, & eadem semper animi constitutio, si non mutes vestium speciem, neque nunc hac nunc illa indutus prodeas; liberalitas, si non nimis circumscripta vestimentorum mensura sit; grauitas, si color vestium sit paullo austerior; laetitia & serena mens, si amoenus nitor resplendeat; &c. Similiter, color candidus significare dicitur candorem animi; ruber, indolem procliuem ad amorem; caeruleus, patientiam atque tolerantiam; viridis, sperandi fiduciam, &c. quae distinctio num aut quatenus naturae respondeat, nunc in medio relinquo. Admittit autem in singularibus rebus varietatem illa conuenientia, & aliquatenus censeretur debet ex rationibus vitae generis, & personae, moribusque locorum ac temporum; in quibus rebus indifferenter se habet, & utique valet illud Cornelii NEPOTIS in *Praef. non eadem omnibus honesta esse & turpia*. Virtus enim in actionibus vitae se componit ad rerum circumstantium varietatem: de quo postea pluribus.

§. 4. Sed & ἀφέλεια, *simplicitatem* in externo proborum Medicorum habitu apparere dicit. Simplicitas est, quum res ipsa, sicut est, sine aliarum rerum admixtione exhibetur. Haec a natura quidem in nullis non rebus est, si sigillatim considerantur: neque aliud natura, suâ sponte, praebet cognitionis, praeter simplicem rerum apprehensionem; eadem & compositorum indolem, conditiones, rationes perspicere prohibet, nisi in simpliciores partes resoluantur. Ita & in actionibus suis & efficiendis operum finibus simili instrumentorum methodique simplicitate procedere cognoscitur, neque quicquam alieni admiscet, h. e. ad actus suos perficiendos nihil adhibet subsidiorum praeter ea, quae secundum veram propositi operis aut actionis ideam eo omnino requiruntur. Eodem modo ea, quae natura ad victum elargitur hominibus, simplicissima sunt, aqua simplex, fruges, herbae, caet. Quapropter etiam homines, quo magis tam vniuersae singulariumque rerum naturae, quam suae propriae obsequuntur, & naturalem suam libertatem tuentur, eo simplicius



plicius actiones suas administrant: quae humanae actiones sunt tantum aut esse debent imitamenta naturae. Exempla praebeant infantes, & quotquot a commercio perplexorum hominum aut technarum, vel vitae generis beneficio, vel animi praestantia, se immunes conseruant. Consentire haec videntur illi sacrorum Bibliorum, *Ecclesiastae VII, 30* oraculo, *Cognoui, a Deo quidem hominem factum esse simplicem* (probum, rectum); *verum ipsi multas artes quaerunt*: cuius effati, non potest dici, quanta vis sit. Quandoquidem porro sic totam vitam instituis, vt in dictis factisque nihil respicias aliud, quam quo rerum ipsarum naturae conuenienter agas aut loquaris, h. e. simplex sis: hanc simplicitatem necessario comitabuntur veracitas, probitas, sinceritas, ingenuitas, integritas, candor, animus apertus, caet. Quod si non vna prudentiam abhibeas in consilium, h. e. consideres, quo modo se res agenda habeat ad alias res circumstantes connexas, s. iam existant s. consecuturae sint: tum simplicitas tibi tua in vitium stultitiamque imputabitur. Quapropter sanctissimus Seruator commonet, *Matth. X, 16* vt simus & *prudentes veluti angues, & simplices velut columbae*. Quanquam in moderamine prudentiae nullatenus errores vulgi sequi debeas: vtpote quod plerumque sibi regulas actionum ex opinionis errore comminiscitur, verae sapientiae praeceptis aduersas, neque legibus naturae, quibus obseruandis humanae praesentis vitae felicitas constat, multoque minus sacrarum literarum admonitionibus respondentes; vnde fit, vt, licet pios probosque habeant pro stolidis, tamen ipsi potius in perplexam & perpetuam aduersorum seriem, peruersa sua prudentia inducantur, & a Deo *deprehendantur in sua calliditate*, quemadmodum scriptum est *Iob. V, 13* & *I Corinth. III, 19*. Haec aliquanto longius exsequutus sum, quia simplicitatis passim sinistra & aliena traditur notio. Eo magis autem medicos natura ducit ad simplicitatem sequendam, quo plus ipsis cum natura intercedit commercii.

§. 5. Simplicitas igitur in vestitu Medici, illi animi consentiens & inde ortum ducens, est studium eum corpori cultum vestium adhibendi, qui ad solum vsum in amiciendo corpore propositum, cum communem illum tum proprium in faciendis artis medicinalis operibus



bis, sit accommodatus, nec plurium colorum permixtione variegatus. Modus autem hoc in negotio sigillatim adhibendus variat pro diuersitate regionum, personae, ac temporum; praeterea hoc quoque considerandum est, veterum Graecorum ac Romanorum vestitum fuisse multo simpliciorem, quam nostrum gentium versus occidentem sitarum, quod ex Antiquitatum scriptoribus satis constat. \* Simul autem ac simplicitas illa intelligitur, quicquid est superuacuum, h. e. in assequendo communi proprioque vestitus fini nullum usum praestat, quo περιεργίη continetur, excluditur.

§. 6. Quodsi tali modo honestus & simplex amictus, quem auctor in l. περὶ ἱντροῦ vocat ἐσθῆτα χρηστὴν, (vid. Proleg. §. XXIV, 1) similem declaret animum, (neque haec significatio obscura aut remota est, quandoquidem vulgo quoque homines ex vestitu, sicut auiculae ex plumis, agnosci dicuntur, quanquam eius rei ratio plerumque lateat) sequitur, vt propter hanc de virtute & probitate talis viri opinionem, ipsum alii amore, beneuolentia, cultuque pro-

se-

\* D. BERCKLEY in libro, cuius inscriptio, *Alciphron, or the Minut Philosopher*, Dial. III §. IX p. 186 seq. Tom. I vers. Gall. Euphr. Quel Air, croyez-vous, qu'un Courtisan, ou un Magistrat Anglois, avec son Habit Gothique, court & plissé; ou une de nos Dames, avec ses Habits, imaginez en dépit de la Nature, & ses Jupes d'une extravagante largeur, auroit parmi ces Figures, (quelques Copies de Raphaël & du Guide) dont les Draperies sont jettées d'une manière si aisée & si Naturelle, ont en même temps tant de Dignité & tant de Simplicité, couvrent le Corps sans l'embarasser, & l'ornent sans en alterer la figure? Alciph. Je crois, comme vous, que nos Compatriotes auroient un air assez ridicule. Euphr. Et à quoi en attribuez-vous la cause? d'où vient, que les peuples Orientaux, les Grecs & les Romains, ont attrapé Naturellement l'Habillement le

plus convenable, pendant que nous autres Goths, après nous être appliqués durant un si grand nombre de siècles, à changer, à amplifier, à rogner nos Habits, n'avons pas eu le bonheur de saisir une seule Mode de s'Habiller, qui ne fut pas impertinente? N'est-ce pas à cause, qu'au lieu de consulter la raison, l'utilité, & la convenance, nous nous abandonnons à de Fantaisies irregulieres, qui ne sçauroient produire que des monstres? Au lieu que les Anciens, considerant la Fin, qu'on se propose en s'Habillant, faisoient servir les Habits à l'utilité & à la commodité du corps, & n'ayant pas le moindre dessein d'en ameliorer ou d'en changer la figure Naturelle, se proposoient seulement de représenter cette figure d'une manière decente & avantageuse. Et, cela étant ainsi, n'avons nous pas droit de conclurre, que la Beauté de l'Habillement depend des usages, auxquels il sert? &c.



sequantur, id quod εὐδοξίαν appellat Auctor: laudant enim homines naturaliter & amant in aliis virtutem, non solum boni, sed ipsi quoque mali.

§. 7. Porro, quum quis, animo ita comparato, cultui corporis non nisi necessariam curam impendit, non poterit non etiam in vultu apparere σχῆμα illud σύννου· conf. *Proleg.* §. XXIV, 4. Nam qui sincero virtutis studio tenetur medicus, ei nihil magis curae cordique est, quam quomodo opus sibi propositum recte exsequatur, & rem agendam bene agat: quam ad rem quum magna solertia, & acerrima mentis ad obseruandum & hinc concludendum intentione, circumspectaque prudentia omnino opus sit, certe, qui hoc praesentit, & de grauitate negotii persuasus est, & hoc animo rem aggredditur, eum necesse est mentem tantisper ab aliarum rerum consideratione abducere, sese colligere, aliena quaelibet serio omittere, & cogitationibus praesentis negotii solum occupari; quem meditabundum mentis statum vultus maxime manifestat, in quo nimirum seuera quaedam oris inprimis & oculorum quies ac fixus obtutus tum conspicitur. Atque hac quidem in re Hippocrati nostro perquam bene & manifesto conuenire cum Pythagorica disciplina, patebit ex *Proleg.* §. VI not. 11: hoc nihilominus intercedente discrimine, quod philosophica illa conuersio in semet ipsum in sola contemplatione substituerit, haec autem medica circa rerum actionem versetur eoque tendat. Huc conuenire videtur locus ex Epistola tributa Hippocrati ad Damagetum p. 912 T. II Lind. λέγε τοῖσιν ἐν Ῥόδῳ Φίλοισιν, μετριάζειν αἰεὶ, καὶ μὴ πολλὰ γελῆν, μηδὲ πολλὰ σκυθρωπάζειν, ἀλλὰ τουτέων ἀμφοῖν τὸ μέτριον κτήσασθαι· ἵνα τοῖς μὲν χαριέστατος εἶναι δοξείας, τοῖς δὲ φροντιστῆς, περὶ ἀρετῆς μερμηρίζων. *Amicis Rhodiis dicito, moderate semper se gerant, & neque multum rideant, nec admodum tristem vultum prae se ferant; sed inter haec duo modum teneant: quo & aliis quam iucundissimus videaris, & aliis cogitabundus, qui de virtute sollicitus sit.*

§. 8. Denique, talis in vestitu habitus, qui non diffluit & redundat, nec quicquam superuacui, aut quod in administrandis artis operibus impedimento esse possit, adiectum habet, etiam ad peregrinationes obeundas utilis est: conf. *Proleg.* §. IX not. 9.



§. 9. Iam accedit auctor ad ostendendum particulatim, quae σχήματα Medicus in omni actionum humanarum varietate prae se ferat, quaque externa, sub sensuum perceptionem cadente, specie in singularibus cuiuscunque generis officiis & communis vitae negotiis illa generalis ευσχημοσύνη & ἀφέλεια se exserat. Primum igitur illa officio fungendi cura, & in faciendum opus intentio, non permittit, laxa, redundante, & fluitante veste, qualis mollium & delicatiorum hominum esse solet, uti; nec pariter, aliena, quae ad rem agendam nihil pertinent, admiscere, sic ut & ἀδιάχυτοι & ἀπερίεργοι sint probi Medici: quibus de rebus iam §. praecedente dictum est.\*

§. 10. Ex eodem animi habitu est, quod, ubi occurrant vel obuiam fiant aliis hominibus, acerbi & seueri videantur: etenim &, dum ad rectam artis exercitationem diligenter tam opere quam cogitatione incumbunt, contrahunt inde, & ex grauitate negotiorum, aliquam morum atque oris grauitatem aut seueritatem; &, dum fere semper aliquid, quod ad artem pertineat, animo manibusue agitant, si interpellentur ab aliis interuenientibus, ita turbari minus ipsis placet, & vel leuem offensam vultus quoque austeritate declarant. Et hoc est πικρὸν εἶναι πρὸς τὰς συναντήσεις.

§. 11. Quandoquidem autem in rerum suarum contemplatione & executione circumspēcte considerateque versari solent, & ad interiorē cuiusque rei cognitionem claramque idearum euidentiam penetrare: hinc fiunt εὐθετοὶ πρὸς τὰς ἀποκρίσεις, i. e., in sensibus animi declarandis prompta facilitate pollent, & ad quaestiones propositas, quarum sententiam, secundum verborum naturam ac potestatem, celeriter intelligunt, perspicue, acute, rotundeque respondent, vitatis, quae ad ipsam rei notionem minus pertinent, verborum ambagibus.

§. 12.

\* Quod attinet ad fluitantem vestem, ubi plura contulere Faber & Heinsius: illustratur illo PHAEDRI Lib. V Fab. I add. QVINCTIL. Instit. Orat. 11, 3, 179 v. 12 de Menandro, qui processisse dicitur Vnguento delibutus, vestitu affluens: ibique Interpretes.



§. 12. Saepenumero in Medicina, sicut in aliis quoque pariter artibus & disciplinis, omnibusque communis vitae negotiis, accidit, ut, quum quid ex legitimis artis aut negotii rationibus agere velis & perficere, alii, quos hoc minime decet aut licet, diuersis studiis, tibi molestiam faceßere, aduersari, contradicere, & quocunque modo, dictis, consiliis, re, & opera negotium propositum impedire conentur: cuiusmodi impedimenta Auctor appellat ἀντιπτώσιας. Sic Medicis inter artis exercitationes obstrepi solet ab idiotis, aniculis, nutricibus, & quotquot ad aegrotantem vel aduocati sunt, vel propinquitatis aut necessitudinis officium praestando adsunt; deinde a malis artificibus, temere se ingerentibus; nonnunquam etiam ab ὁμοτέχνοις s. legitimis Medicis; denique ab aegris ipsis morosis, aut nimium sapientibus. In hisce aduersantibus plurimi sunt leuioris animi, qui nihil meditati afferant, aut sophisticas cauillationes affectent, aut gloriam & ingenii laudem captent, vel inuidiae stimulis agitentur, denique alium quemlibet finem praeter veritatis inuestigationem respiciant, & solum disputandi altercandique cacoëthe teneantur. Est autem a natura nobis insitum, ut, quando proposito nostro impedimenta obiici negotiumque turbari sentimus, obstantibus resistamus obnitamurque, idque eo magis, quo importunius aut acerbius maligniusue se gerant offensantes: quemadmodum Archimedes militem, quum speculationibus suis maxime intentus esset, irruentem obiurgauit, *Miles, noli turbare circulos meos.* Simili animo cogitabundo & ad opus agendum intento Medici dicuntur esse χαλεποὶ πρὸς τὰς ἀντιπτώσιας. Sic in libello Παραγγελιών, t. XI ab init. praeceptio exstat, Διὸ παραινέω, τουτέοισι (medicinae ignaris) λέγουσι μὲν προσέχειν, ποιέουσι δὲ ἐγκόπτειν. it. infra, in praesente libro, Sect. XII, 3 commendatur ἀντίλεξις πρὸς τὰ ἀπαντῶμενα & ἐπιπληῆξις πρὸς τοὺς θορύβους. Conf. Sect. XVI, 2.

§. 13. Porro, quum pauca admodum sint rerum principia, ex quibus composita facta sunt, & vniuersales effectuum causae, vnde phaenomena existunt; illorum autem principiorum causarumque permixtio innumeris modis accidat: hinc fit, ut in omnibus rebus  
quam



quam plurimae enascantur similitudines. Medici autem, quia naturam rerum ipsos prae caeteris cognoscere oportet, per hoc studium consueſcunt indagandis perſpiciendisque iis rerum proprietatibus, in quibus inter ſe conueniunt, aut differentias ostendunt: quamobrem dicuntur eſſe εὐτοχοὶ πρὸς τὰς ὁμοιότητας. Egi de hac cognoscendi ratione latius alibi.

§. 14. Sed non poteſt vlla medicinae exercitatio intelligi ſine frequentiffimo cum hominibus commercio. Sunt autem homines admodum varii ingenio, ſtudiis, conſuetudine, moribus; & aegrotantes praefertim ſaepe ſunt difficiles, moroſi, queruli, molles, delicati, &c. Quare, dum inter adeo diuerſi generis mortales verſatur medicus, fit ὁμιλητικὸς, i. e. artem conuerſandi cum quibuslibet hominibus, quantum ad medicinam recte faciendam aliquid confert, ipſo uſu addiſcit; quemadmodum omnis adeo in moribus decor & honeſtas & iucunditas non praeceptis acquiritur, ſed exercitatione. Conf. *Proleg.* §. XXIV, 5.

§. 15. Eadem operâ talem habitum conſequuntur, ut aequo erga omnes animo ſint affecti, quo non aliquo priuato huius illiusue prae caeteris ſtudio tenentur, nec quemquam cuiquam naturali dignitate potiore exiſtimant, ſed omnes ſimili cura, fide, & ſedulitate mendi, beneuolentiaque tractant; ſeruato licet discrimine perſonarum in exteriori cultu aut reuerentia. Ex quo porro agendi verſandique more conſequitur, eodem eſſe quam aptiſſimos ad conſuetudinem, amicitiam, aut ſocietatem cum aliis quibuslibet contrahendam atque confirmandam: ſiquidem non ex priuatarum cupiditatum ſtudio res ſuas agant, ſed verum potius aliis inſeruiendi beneque faciendi affectum prae ſe ferant; praetereaque varios hominum omnis generis mores nouerint, &c, quomodo iis Medicum oporteat ſeſe accommodare, ipſo uſu didicerint. Haec eſt vis vocis εὐκρητοὶ quo ſimul ſignificatur, medicinam eſſe debere φιλανθρωπίας exercitatricem, ex Amoris principio naſci, & in praestandis amoris officiis conſiſtere. Hinc quoque intelligitur, medicinalis artis naturam non admittere προσωποληψίαν. \* Conf. *Proleg.* §. V not. 2 §. 7.

\* Videtur hic ὁμιλητικῶν καὶ εὐκρήτων character aduerſus eſſe illi τῶν μικρῶν  
M 2



§. 16. Naturale est, quando res aliqua, cuius magnitudinem & onera intelligas, quamque bene agere discupas, aggredienda est, vt, consilium administrandi negotii tacite apud animum tuum ineundo, te ad eam agendam comparare studeas, & sic appareas *σιγητικὸς πρὸς τὴν ἀνάστασιν*. Et exquisite scitissimeque hoc schema tribuit Vlyssi diuinus HOMERVS, Il. Γ, 217 seqq. quorum haec est sententia, *Quum ad loquendum surrexerit, cum stetisse oculis in terram defixis, immotoque sceptro, similemque imprudenti visum esse, ita vt iracundum hominem stolidumque dixisses: simul vero ac magnam vocem ex pectore emisserit, & verba hibernarum niuium instar profuderit, tum neminem mortalium illi contentione parem visum esse.* Iuuat ipsos versus apponere:

Ἄλλ' ὅτε δὴ πολύμητις ἀναΐζειεν Ὀδυσσεύς,  
 Στάσκεν, ὑπαὶ δὲ ἴδεσκε, κατὰ χθονὸς ὄμματα πῆξας,  
 Σκῆπτρον δ' οὐτ' ὀπίσω οὔτε προπρηνὲς ἐνώμα,  
 Ἄλλ' ἀστεμφές ἔχεσκεν, αἶδρει φωτὶ εἰκῶς,  
 Φαίης κεν ζάκοτόν τινα ἔμμεναι, ἀφρονα δ' αὖτως·  
 Ἄλλ' ὅτε δὴ ῥ' ὅπα τε μεγάλην ἐκ στήθεος ἔει  
 Καὶ ἔπεα νιφάδεσσιν εἰκότα χειμερίησιν,  
 Οὐκ ἂν ἔπειτα Ὀδυσσῆϊ γ' ἐρίσσειε βροτὸς ἄλλος.

Similiter etiam Medico sua negotia, quae profecto non minoris momenti sunt quam vlla alia, tacitam secum deliberationem imperant, & potissima artis opera silentio peraguntur: qua de re alibi differui. Hanc expositionem licet satis commodam arbitrer, tamen aliam quoque in Annotationibus textui subiectis attuli; sed quae simplicitati significationis vocum non ita respondere videtur.

§. 17. Si vero silentium rumpendum est & sermonis vsus adhibendus, tum quae loquuntur, apparent esse probe meditata *sensuque tincta*, vt dicebat ZENO: vnde dicuntur esse *πρὸς τὰς ἀποσιγήσας ἐνδυμηματικοί*. Silentium enim, quod antea egerunt, nihil aliud fuit

*σιγῶν*, sicut hic a me §. 10 expositus est. Verum possunt intelligi comes & ad officia praestanda parati, qui tamen naturâ sint paululum seueriores.



fuit quam tranquilla mentis agitatio & acris in rem propositam intentio, qua eam propius considerare, omni modo intra se per varias inquisitiones versare, & sic eius conditiones, penitioremque indolem ac naturam introspicere connixi sunt. Quare, quum linguam non sinant praeuerrere mentem, non inani loquacitate garriunt, nec verba fundunt in labris nascentia, aut ex aliorum auditione vel lectione tantummodo recurrentia, sine ipsarum, quas significant, rerum intellectu; sed ipsorum, non aliorum, animi sensus verborum habitu proferunt & velut characteribus exprimunt. Nam quaelibet res habet aliquid, quod primo statim occursum sensibus exterioribus percipiendum offerat, ingerat, atque obiiciat: qui igitur primis hisce sensuum externorum perceptionibus s. contactibus, statim praecipiti iudicio assentiuntur, & tanquam de re sic satis bene perspecta temere pronunciant; hoc tantum dicunt, quod in sensum corporis incurrit, velut in superficie solum rerum haerentes; & sic facilius quidem vberiusque verba faciunt, quum leuissima promptissimaque cognitionis istius ratio sit, sed nec interioris quicquam scientiae declarant. Contra ea, qui exteriora rerum phaenomena penitius lustrant ac profundius rimantur, & ad sensuum indicia interiorum rerum naturam peruestigare contendunt, & ita apud animum suum reputando, notiones inde natas componunt, comparant, diuidunt, distinguunt, &c. hi demum vere enthymematici dici possunt, & ex animi sensu de rebus iudicare ac loqui; idque eo magis, quo diligentius inquisuerunt. Haec est virilis & mascula eloquentiae forma: hinc est, quod poëtae suis heroibus verba pectore prolata tribuunt.

§. 18. Potest quidem eadem loquendi forma dici καρτερική, firma, robusta, valida, constans. Nam, quum ex interiore rei perspicientia nata sit & ex intimo animi sensu s. profunda meditatione prolata: sic veris radicibus nititur, & vi argumentorum, quae nativis rerum ideis continentur, se sustentat; quumque eam oppugnare tentaueris, tantum abest, ut conuellatur, ut eius firmitas eo magis perspiciatur. Verum multo aptius videtur, τὸ σχῆμα τῶν καρτερικῶν Medicis ea ratione tribuere, quatenus per officii sui rationes assuescunt multa vitae incommoda patienter ferre: qua de re iuuabit au-



dire A. Q. RIVINVM in Disp. de Medico Inculpato, quae prima est Voluminis editi, Cap. I §. 7: *Sexta virtus, PATIENTIA, quoque in Medico desiderari potest. Quotidianas auscultare querelas, spectare nil nisi calamitates, inter lacrimas, gemitusque omnium ad agonizantes accedere: inter niues & frigora, pluuias & tonitrua, per urbem circumire: vix dormire tuto, nedum cibare: verbo, inquietudine fatigari perpetua, res adeo quidem taediosa est, vt plane persuasus sim, quam plurimos, si ab initio norint fastidium praxeos, quoduis potius vitae genus eligere, quam artem istam, alioquin egregiam. At nihil intolerabilius est obsecrationibus ac implorationibus immodicis, quum iam conclamata sunt omnia, morbusque incurabilis nullam admittat curam. Vt taceam, haut raro culpam atque contumeliam in Medicum coniici, si malum fuerit rebelle ac contumax, quanquam aegrotus ipse, nonnunquam minus obediens regulis diaeteticis, impediat optimorum remediorum vires, nouamque subministrando materiam, indies morbum augeat ac confirmet. Accedit, quod magnates ac diuites communiter non pluris aestiment suos Medicos, quam mercenarium quemuis: Davor geb ich dem Doctor sein Geld, das er muß aufwarten, und alles wieder gut machen. Was wird es ihm schaden, wenn er gleich eine Nacht oder etliche mit wachet? E contrario, si pauperes sint, quos fortasse chronica lues cruciat, tum vero diffidentia longe maior, optima etiam consilia Medici extenuat: Eben als wenn es ihm kein Ernst wäre. Unser eines, inquiunt, hat schlechte Hülfe: ja, wer es auch zu bezahlen hätte, wie reiche Leute; & sic porro. Iam vero iudicent omnes boni, num haec atque similia conuicia, prorsus immerita, animo semper aequo tolerari queant. Quicquid sit, Patientia vincit omnia.*

§. 19. Quum res humanae ita comparatae sint, vt continuas mutationum vices quolibet temporis momento subeant, nec, qui semel praeteriit status, vnquam eodem modo reuertatur; ad quamcunque vero rem bene agendam peculiaris contingentium concursus & propria temporis constitutio requiratur: propterea aptum cuiusque rei agendae tempus s. occasionem obseruare & apprehendere necesse est. Inprimis autem in medicina *καιρὸς ὀξύς* est: eademque propterea *ὀλιγόκαιρος* audit Hippocrati de Locis in hom. t. LIV pr. Hinc est, quod dicuntur Medici *πρὸς τὸν καιρὸν εὐθετοὶ καὶ λημματικοί.*



§. 20. Praecedens boni Medici nota fuit, quod occasionem praeterlabi non sinat: sed simili eidem cura prouidendum est, ne idoneam & maturam temporis constitutionem anteuertendo, omnem prosperum actionis successum perturbet atque peruertat, seque ipsum perplexa aduersorum euentuum serie implicet. Quapropter expectare didicerunt probi artifices, s. sunt ὑπομονητικοὶ πρὸς καιρὸν neque ante sua arte quicquam efficere tentant, quam agendi tempus adesse, certis signis a Natura declaratum est. Vid. Hippocrates in *Praeception.* pr. Caeterum haec duo praecepta definiunt medium in arte *Expectatione curandi*: vnde satyram in suae professionis homines scribendi argumentum sumsit Gedeon HARVEVS.

§. 21. Quoniam bonus Medicus omnes suas viuendi rationes ex eo suspendit, quo artem suam, prout ipsius indoles & conditio requirit, exerceat: etiam in cibis potibusque &c. non quaerit delicias aut abundantiam, sed tantummodo quod satis sit ad vsum, reficiendasque vires; & potissimum eius generis, quod, a natura productum, simpliciiori tantum artis opera aut apparatu vsui humano aptum factum sit. Sic enim nouit naturalem corporis vigorem optime conseruari & reparari; neque amplae rei familiaris cura animum distrahi & a gerendis negotiis auocari. Conferantur hic de Pythagoreorum frugalitate *Prolegomena* §. VII not. 5.\*

§. 22. Redit auctor ad characteres ex facultate dicendi, & ait, suum Medicum esse ἀνυστὸν πρὸς λόγους, s. posse de rebus propositis efficaciter loqui, i. e. ita vt efficiat id, quod demonstrandum suscepit; quamobrem eum πᾶν τὸ ὑποδειχθὲν ἐκφέρειν, afferre omnia, quae ex externis rerum notis, tanquam signis, rebus inesse cognouerit. Haec enim est vnica methodus, qua quaslibet rerum proprietates perspicere licet: quibus perspectis, iam quoque omnium, quae de rebus pronuncies, rationes reddere poteris.

§. 23.

\* ZVINGER. p. 84. αὐτάρκεια dici putat, paucis contentos, non avaros intendendo exigendoue. Quod characteri viui consentaneum est: nam ipse Zuingerus, in Tabulis ad librum Praeceptionum, p. 109, petacitatem medentium vehemen-

ter vituperat, & inter alia scribit, *In prouerbum abiit hodie feralis illa vox, ὅτι κárnιςce potius quam Medico digna, tam scelerata quam inepta atque barbara, Dum aeger dicit a! a! dicat Medicus da, da.*



§. 23. Quodsi alicuius rei naturam, proprietates, rationes probe intelligas, non poterunt tibi apta deesse verba, quibus perspicue, dilucide, rerumque naturae conuenienter de iisdem loquaris: id quod vocatur *ἐν τῇ φύσει λαλεῖν*. Verba enim, quum sint rerum ipsarum, modorum, affectionum notae voce declaratae, ex rerum notionibus sua sponte nascuntur, efficiturque id, quod Horatius ait, *ut verba praeuisam rem non inuita sequantur*.

§. 24. Qua ratione Medicina sit & fieri possit Gratiōsa, supra iam in Commentario I §. 12 significatum est: vnde, qui eam profitentur, & ex veris artis rationibus exercent, sua sponte comitatur habitus & character Gratiae, i. e. venustatis, elegantiae, suauitatis, incunditatis. Breuiter, Honestas illa, de qua auctor toto hoc libello praecipit, quaeque omnis virtutis habitu continetur, naturaliter hanc sibi gratiam adiunctam habet: siquidem ea quam maxime naturae conuenienter omnia administrat; hoc autem solum vere pulchrum & elegans est, quod partim ex naturali virtute proficiscitur, partim naturae ductum sequitur, & eius opera quam proxime imitatur; contra, omnis affectatio & a natura aberratio indecens & inhonesta est. Apparet etiam, singulos adhuc propositos characteres pro parte ad hanc gratiae formam constituendam conferre.

§. 25. Pari ratione, quum quis ita in omni vitae more se gerat & talibus tantisque virtutibus exornatum & excultum animum ipsis factis prae se ferat atque demonstret: veram inde gloriae laudem, estimationem, famam apud quoslibet homines adipiscatur necesse est. Ita enim naturā comparatum est, ut virtus vel simulacris suis animos hominum ad bene de se existimandum, laudandum, colendum concitet atque permoueat: quando omne, quod in rebus humanis excellens, magnum, praestabile, pulchrum, vtile, beatum, iucundum est, vnius virtutis cultura & effectū continetur. Et quanquam sint, qui huius rei rationes minus perspiciant: nihilo tamen minus effectibus virtutis externaque specie ducuntur, adeoque magis plerumque percelluntur quam intelligentiores. Qui igitur & suae sibi ipsi virtutis, & estimationis hinc ortae, conscii sunt, utique firmam sui suarumque facultatum fiduciam iure sibi sumunt, & auctoritatem in regendis persuadendisque aliis, (*δόξη τῇ ἐκ τοῦ τέων διισχυρίζονται*) quae  
veris



veris radicibus nititur, quaque tanto magis valent, quo minus quicquam prauorum aut priuatorum studiorum admixtum apparet. Similem proinde Medico recta suae artis professio conciliat auctoritatem, quam Pythagorae sua philosophia: v. *Proleg.* §. IV not. 1: & notum est, quantam his artibus gloriam, famam, venerationem, auctoritatemque diuinam, & viuis & apud posteros, obtinuerit & adhuc retineat, ac retenturus sit Hippocrates.

§. 26. Sic denique etiam ad vltimum, quem sibi humana sciendi cupiditas propositum habet, finem pertingunt, vt veritatem in re qualibet perspiciant, quoad eius fieri potest. Methodus autem, qua illum scopum consequuntur, consistit in attenta eius inuestigatione, quod sub sensibilibus affectionum aut qualitatum, diligentis obseruationis ope cognitarum, habitu, tanquam interioris naturae signis, subest s. subintelligendum est. Hoc est, ἐς ἀληθείην πρὸς τὸ ὑποδειχθὲν ἀποτερματίζεσθαι. Conf. supra §. 17 huius Commentarii, itemque *Proleg.* §. XI not. 1. Et hoc modo in actiuae vitae suae negotiis ad similem veritatis cognitionem perueniunt Medici, qualem Pythagorici omnesque Philosophi contemplationibus suis intendebant: vid. *Proleg.* §. VI not. 2 & 3.

## C O M M E N T A R I V S IV

## A D S E C T. IV.

§. 1. Τὰ προειρημένα, s. ea quae praecedente tractationis parte tradita sunt, huc redeunt: Sicut omnes legitime constitutas artes, ita quoque Medicinalem professionem, quae recte exerceatur & liberaliter & honeste, inter ipsam artis exercitationem ea sibi adiungere doctrinae, eruditionis, ac virtutis praecepta, quae alias sapientiae professio s. disciplina philosophiae sibi vindicat; eaque ratione methodicam artis formam nasci; artificem autem ipsum in omni vitae habitu ad honestatem, simplicitatem, prudentiam, & singulas virtutis species, quae particulatim enarrantur, formari. Iam, quum omnia ista studio industriaque nobis acquirenda sint, quaeritur, quoduce ac magistro haec disciplina constet & ad istam cognitionem at-



que habitum perueniatur? Et hic quidem complures, & genere docendi ratione, methodo, professione, aliisque rebus diuersi possunt esse praeceptores, Medici, Philosophi; Theoretici, Practici; viua voce docentes, scriptores, defunctorum libri; scientiarum institutiones aut verbis, aut imaginibus, aut experimentis, aut aliquocunque modo traditae, &c. Verum in omnibus hisce & similibus artium discendarum modis, ad vnius alicuius supremae magistrae ductum & praescriptum semper & vbique respiciendum est: quod ἡγεμονικώτατον, dicit esse Φύσιν, *Naturam*. \*

§. 2. Quae Natura, praeterquam quod dicitur esse suprema dux ac magistra, etiam artium professoribus, si hanc sibi ducem adiungant, prosperum in arte perdiscenda proboque acquirendo habitu successum praestare dicitur; item, ipsa facere suas res, hac *Sect. n. 1 & 2*; tum, ea, quae ad naturam pertinent, s. naturae sunt, non respondere s. consentanea deprehendi, si in veritatem earum disputationum inquiratur, quae non ipsorum operum demonstrationibus nituntur, n. 3. Hinc perspicuum videtur, Naturam hic appellari id, quod sua sponte, sine ullius artis coniuncta opera, illos effectus edit, qui in rebus humanis obseruantur; qui quidem effectus ad omnem rerum varietatem pertinent, nec tantummodo ad corpora quaecunque, sed etiam ad intellectus, rationis, voluntatis, & omnium animi sensuumque facultatum spontaneas actiones, &c. verbo, quicquid quam latissima significatione naturae rerum vocabulo intelligitur. Sic totus mundus naturâ, h. e. insita vniuersali vi suos motus, vicissitudines, mutationes peragit: eademque ratione singulorum mundi partium, s. rerum quae quacunque ratione ad mundum creatum eiusque affectiones pertinent, sua singularis est natura, cuius effectus, quae fieri obseruantur, constant; quemadmodum hominis natura est complexus omnium hominis facultatum naturalium,

non

\* ZVINGER. p. 85 vult hac parte libelli respicere Auctorem ad tria, quae sunt, omnium artium, scientiarum, habitum, comparandorum conseruandorumque praesidia. Ex his, pergit, duo aliunde nobis adueniunt: alterum, diuina sorte ingentum, φύσις, *Natura*: alterum,

humana comparatum institutione & doctrina, σοφία, *Ars* videlicet: tertium, proprium est & domesticum, τὸ χρέος, siue, ut in Πραγματείαις, τριβή, & χειροτριβή, *Vsus* scilicet & *Exercitatio*. Conf. Annotatt. textui subiectae.



non solum quae a corpore pendent, sed etiam quae a mente animoque; qua de re infra in Comm. VII §. 7 specialius dispiciemus: similiter, animae quoque sua est natura, & ingenii, & voluntatis, &c. Hinc est, quod HIPPOCRATES edixit in l. *de Alimento*, t. IV, 13 T. I p. 594 Lind. ὅτι μία φύσις ἐστὶ τὰυτὰ πάντα καὶ οὐ πολλὰ: πολλαὶ φύσις εἰσι τὰυτὰ πάντα, καὶ οὐ μία: diuerso sc. intuitu, quo vniuscuiusque hominis, animalis, aut alterius cuiuslibet rei, propria est natura, & eadem tamen cum vniuersa rerum natura connexa est; h. e. altera se habet ad alteram, vt γένος ad εἶδος quemadmodum in princ. libri dicitur. Simili ratione, secundum Pythagoreos, qui se ipse cognouit, idem vniuersam mundi naturam cognoscat oportet: vid. *Proleg.* §. VI not. 9. Sed maxime classicus Hippocratis locus inferius explicabitur §. 4. huius. Pariter, PLATONIS aliquo loco, in *Proleg.* §. XIV allato, quam clarissime docemur, Hippocratem vocabulum Naturae ad omnem rerum vniuersitatem adhibuisse, & neque Corporis (humani sc. nam in Graeco singularis exstat, & minus recte vertit Interpres, corporum) naturam intelligi posse, affirmasse, nisi Vniuersi natura perspecta sit. Itemque CORN. CELSVS, in *Praef.* p. 14 edit. Ien. 1713 tradit, *Hippocratem rerum quoque naturam, ex aliqua parte scrutatum esse.* Add. *Proleg.* §. XI. Haec naturae, vt ita dicam, natura aut notio vniuersalis si teneatur, plurima apud Hippocratem loca expedita intellectu esse videntur, quae alias multa difficultate laborant. Et mea quidem certe sententia, haec naturae cognitio est vnica scriptorum Hippocraticorum clavis. Nam quum hic vir vnus omnium maximus Naturae obseruator fuerit, transiit in scripta eius hoc studium, vt ipsa natura dictante nata videantur, eoque rectius intelligi, quo diligentius ipse lecturus naturam similiter perscrutatus sit, eiusque mores perdiderit. Nec esse puto, quod quis caussetur, sic tamen nondum plene cognosci, quid, aut quodnam ens, aut substantia &c. sit natura? nam ipsa natura plus de se scire, hominibus quidem negauit. Caeterum, similes de natura definitiones ex Platone attulit FOESIVS in *Oeconomia*, v. φύσις: aliorum veterum consensus deinde commodis locis adhibebitur: ex quibus maxime ad meam sen-



tentiam accedere videtur Epicurus apud CICERONEM *de Fin.* I, 63 c. 19; quem locum refero infra §. 5.

§. 3. *Naturam* igitur *magistram* aut *ducem* *sequi*, est, in quacunque re agenda perspicere ex effectibus s. phaenomenis spontaneis, quomodo res naturales sua sponte se gerant & habeant ad eam rem propositam perficiendam, tumque secundum regulas ex ista praeformata notitia sponte enatas, in actione instituenda versari. Ita, *Naturae conuenienter viuere*, est, secundum leges, rerum vniuersitati implexas, & solerti contingentium consideratione obseruatas, tam vniuersales & generales, quam particulares & speciales & singulares, vitam suam instituere. Ad hunc de Natura sensum frequentissime in dictis sententiisque suis respexit summus naturae mystes Hippocrates; eademque via ac ratione tantus tamque admirabilis factus est, ac iure meritoque aestimatur; &, quia mentem ipsis rerum naturae notionibus impleuerat subegeratque, hinc est, quod scripta viri adeo foecunda sensuum vbertate & natiuo colore eminent, & hac parte naturam magistram referunt, quae foecundissima pulcherrimaque ipsa est. Neque minus hoc animaduertere licet in excellentioribus quorumlibet seculorum ingeniis eorumque factis & studiorum superstitibus monumentis, praesertim in Poëtis tali nomine dignis, & quotquot fuere *non sordidi auctores naturae verique*: quapropter etiam nostris temporibus magna laus est, in antiquorum monumentis saltem agnoscere expressa naturae vestigia; qui vero spernunt veteres, de iis hoc mitissimum est iudicium, eos non intelligere veteres. Sed plerumque variis artium, morum, consuetudinum, legum humanarum generibus & amore natura negligitur, opprimitur, mutatur, peruertitur, deformatur, & in affectionem transit: vt & non infelicitis ingenii sit, naturam intra se ipsam requirere; & magni animi industriaeque, asserere sibi libertatem naturae, quoad eius fieri potest ac licet. Quod autem natura accusari solet, quasi corrupta ac deprauata sit, nec proinde pro duce aut magistra veritatis & vitae habenda; id nimis quam verum est, si de corruptionibus hominum opera in suam ipsorum & vniuersam rerum naturam illatis intelligatur: sed nos nunc de integritate naturae loquimur, qua Deus vniuersum condidit; quemadmodum Ecclesiastes VII, 30 *Vide hoc, inquit, reperi, a Deo quidem hominem factum esse*



esse integrum, sed ipsi multas artes quaerunt; eademque ratione legimus *Genes.* I extr. Deum absoluto mundi opificio vniuersa opera creata denuo perlustrasse, & (nota bene) omnia sibi valde bona visa fuisse. Cuius natiuae integritatis vestigia quum nemo temere omnino deleta & abolita in natura esse dixerit, haec vt inuestigemus, elaborandum esse dicimus. Qua in re agnosco Dei, auctoris naturae, salutare beneficium, quo editis sanctissimis oraculis, Biblicorum codice comprehensis, veras de prima naturae integritate notiones tradidit, regulasque, quibus obseruandis possimus ad antiquissimum statum in hac vita reduci: quorum praeceptorum interiores, adeoque naturae conuenientes, rationes quanquam non semper nec cito peruidere hominibus datum sit; tamen experiendo deligenterque inquirendo multum intelligere licet. Et hac quidem parte Hippocrate aliisque gentilibus nos multo feliciores sumus: quo magis reprehendendum est, si ne tantum quidem, quantum isti, hoc in studio proficimus. Multi autem variique generis errores hic committi solent, & angustia aut festinatione ingenii, & praeiudiciorum prauitate rectus de natura rerum vniuersarum & singularum, earundemque mutuo ad se respectu, sensus amitti. conf. CICERO infra §. 5. Maneat ergo, *librum Naturae & Scripturae* optimos esse quarumvis rerum magistros: adeoque Naturam hoc intellectu, gentilibus praebuisse principium cognoscendi religionem, virtutem, & officia omnis generis, & quemadmodum S. PAULVS scribit *ad Romanos* 2, 14 seq. ὅταν ἴδῃ τὰ μὴ ΝΟΜΟΝ ἔχοντα, ΦΥΣΕΙ τὰ τοῦ νόμου ποιεῖ, οὗτοι νόμον μὴ ἔχοντες, ἑαυτοῖς εἰσι νόμος.

§. 4. Hoc posito principio, actiones quaecunque hominum, quae quidem huius vitae negotia tractant, (οἱ ἐν τέχναισιν) versari debent in *imitatione naturae*: adeoque haec est vera atque legitima omnium artium, scientiarum, ac disciplinarum constitutio, vt naturae exemplar & prototypum exprimant atque referant. Qua de re illustrem expositionem afferre liceat ex libro I de *Diaeta*, Sect. XII seqq. Lind. Οἱ δὲ ἄνθρωποι ἐκ τῶν φανερῶν τὰ ἀφανῆ σκέπτεσθαι οὐκ ἐπίστανται. τέχνησιν γὰρ χρεόμενοι, ὁμοίησιν ἄνθρωπινῃ φύσει, οὐ γινώσκουσι. θεῶν γὰρ νόος ἐδίδαξε μιμῆσθαι τὰ



τὰ ἐαυτῶν, γινώσκοντας ἂ ποιέουσι, καὶ οὐ γινώσκοντας ἂ μι-  
 μέονται. πάντα γὰρ ὅμοια, ἀνόμοια ἔόντα καὶ σύμφορα πάν-  
 τα καὶ διάφορα ἔόντα· διαλεγόμενα, οὐ διαλεγόμενα· γνώμην  
 ἔχοντα, ἀγνώμονα· ὑπεναντίον ὁ τρόπος ἐκάστων ὁμολογούμενος.  
 ΝΟΜΟΣ γὰρ καὶ ΦΥΣΙΣ, οἷσι πάντα διαπρησσόμενα, οὐχ  
 ὁμολογέεται ὁμολογεόμενα. νόμον γὰρ ἔδεσαν ἄνθρωποι αὐτοὶ  
 ἑωυτοῖσιν, οὐ γινώσκοντες περὶ ὧν ἔδεσαν· φύσιν δὲ παντὸς (alii  
 πάντες) θεοὶ διεκόσμησαν. τὰ μὲν οὖν ἄνθρωποι ἔδεσαν, οὐδέποτε  
 κατὰ τὸ αὐτὸ ἔχει, οὔτε ὀρθῶς, οὔτε μὴ ὀρθῶς. ὁκόσα δὲ  
 θεοὶ ἔδεσαν, αἰὲν ὀρθῶς ἔχει. καὶ τὰ ὀρθὰ καὶ τὰ μὴ ὀρθὰ το-  
 σοῦτον διαφέρει. ἐγὼ δὲ δηλώσω τέχνας φανεράς, ἀνθρώπου  
 παθήμασιν ὁμοίας εἶουςας καὶ φανεροῖσι καὶ ἀφανέσι.  
*Quae sic intelligo: Homines autem nesciunt ex manifestis occulta inue-*  
*stigare. Ita enim, quanquam in eiusmodi artium operibus versantur,*  
*quae simili modo res suas administrant, quo humana natura actiones oeco-*  
*nomiae animalis peragit, hoc tamen non intelligunt. Qua in re admira-*  
*biliter elucet diuina prouidentia: haec enim homines istis & animi & cor-*  
*poris facultatibus instruxit, ut vi insita ferantur ad imitanda ea opera,*  
*quae ipsi DI effecerunt; &, licet ea, quae imitantur, ignorent neque*  
*agnoscant, nihilo tamen minus suorum artis operum, quae in imitatione*  
*consistunt, rationes sic satis perspicere queant. (Ipsa autem deorum ope-*  
*ra, & quomodo illorum imitatione constent artes humanae, peruidere,*  
*tantum sapientioribus datum est.) Sed quod illam imitandi rationem com-*  
*muniter non agnoscunt homines, eius rei causa est, quod in primis & su-*  
*perficiariis rerum perceptionibus acquiescunt, ubi multiplex sane ad sensum*  
*diuersitas apparet: si vero penitus considerarent & perscrutarentur, pos-*  
*sent interiores agendi imitandique rationes cognoscere. Omnia enim pro*  
*diuerso considerandi modo sunt & similia & dissimilia, conueniunt & diffe-*  
*runt, disputari possunt & conciliari, ex consilio administrantur & sine*  
*consilio tantum secundum percussorum sensuum impetum: sic singularum*  
*rerum modus & ratio sub apparente diuersitate & repugnantia, tamen quo-*  
*que conuenientiam habent inter se. Probe autem a se inuicem distinguere*  
*oportet INSTITVTVM & NATVRAM: instituta sunt, quaecunque ho-*  
*minum ingenio, operae, studio, industriae, originem debent, eoque re-*  
*feruntur*



feruntur consuetudines, mores, constitutiones, ordinationes, ritus, ceremoniae, leges, linguae, opiniones, artes & scientiae earundemque descriptiones, methodi, systemata, verbo, quicquid praeter spontaneos naturae effectus in mundo reperitur. Secundum haec instituta & naturam omnia sunt & contingunt, & quia haec duo principia diuersimode se habent, hinc facta quoque humana & naturae diuersum habitum nanciscuntur, vt conuenientia eorum, s. naturae imitatio in humanis rebus & actionibus, non statim appareat. Instituta enim homines ipsi sibi constituerunt, licet ignorent illa, quorum ad imitationem constituta sunt & de quibus ultimo proposito & intentione sunt constituta: contra ea, naturam totius dI composuerunt instruxeruntque. Porro, quae ab hominibus constituta sunt, non semper eodem modo se habent, siue recte fiant siue minus recte: quaecunque autem constituere dI, semper recta ratione constant. Et eatenus quidem differunt ea, quae recte se habent, & ea, quae minus recte. Nunc, quanquam ad illam rationem diuersitatis & conuenientiae in rebus artis ingeniue humani & naturae communiter non soleat attendi, tamen ego euidenter docebo, artes, quae omnium cognitioni expositae sunt, similes esse affectionibus hominis, s. iis effectibus, qui in homine vel manifesto vel occulto modo accidunt. Complurium deinde exemplorum demonstratione hoc auctor persequitur: vt de arte diuinandi, in ea cognosci ex manifestis obscura, & contra; ex praesentibus futura: quemadmodum, quum mulier concepit, inde praescimus, hominem factum iri, deinde ex infante puerum, & virum. Similiter, ἡτρικὴ τὸ λυπεῖν ἀπαλλάσσει, καὶ ὑφ' ἑὺ πονέει, ἀφαιρέουσα, ὑγιέα ποιεῖ ἡ φύσις αὐτομάτῃ τὰῦτα ἐπίσταται, καθήμενος πονέει ἀναστῆναι, κινεούμενος πονέει ἀναπαύσασθαι καὶ ἄλλα τοιαῦτα ἔχει ἡ φύσις ἡτρικῆς. Clarius postea in arte Statuaria ostendit imitationem naturae humanae: & ita porro. Antea autem dixerat naturam humanam imitari naturam vniuersi, Sect. XI, 12 seqq. Caeterum, memorabilis est vis duorum illorum vocabulorum, Νόμος & Φύσις, quibus etiam alias frequentissime sic vti solet Hippocrates, praesertim in l. de Aëre, Aquis, & Loc., de Natura Hum., de Genitura, de Morbo Sac. vnde loca in suam Oeconomiam retulit FOESIVS v. Νόμος & Φύσις. \* add. Celeb. GESNERI ψυχαὶ Ἰπποκράτους, Cap. V

\* Eodem I de Diaeta libro, Sect. I, 11 seq. distinguit inter δύναμιν ciborum  
ac



V not. f. Et ita quidem comparatum est cum rebus humanis. Sed hoc quoque obseruare licet, plurimis modis homines non imitari naturam, aut eius ductum sequi, & eidem conuenienter viuere; sed sese potius inuicem imitari, & ad aliorum actiones, instituta, consuetudines, opiniones, ritus, mores, methodum, systema, hypotheses, dicta denique & facta, suam viuendi rationem componere; cuiusmodi homo CICERONI, *de Officiis* I c. 31 dicitur *aliorum naturam imitans, omittere suam*: quo quidem modo a natura adhuc magis desciscitur, adeoque, quod naturae est, fere funditus perit.

§. 5. Hippocrates autem non ad sola artium & disciplinarum opera restringit imitationem aut obsequium naturae praestandum, sed omne quoque virtutum & officiorum genus in eo collocat, vt naturae ductum & disciplinam sequamur: sicut particulatim in Commentario III ostensum est. Planissime porro hic consentiunt alii: quod non posse melius ostendi videtur quam aliquot CICERONIS locis. Ita autem ille *Tusc.* III, 2 c. 1 seq. *Quodsi tales nos natura genuisset, vt eam ipsam intueri & perspicere, eademque optima duce cursum vitae conficere possemus: haud erat sane, quod quisquam rationem ac doctrinam requireret. Nunc paruulos nobis dedit igniculos, quos celeriter malis moribus opinionibusque deprauati, sic restringimus, vt nusquam naturae lumen appareat. Sunt enim ingeniis nostris semina innata virtutum: quae si adolescere liceret, ipsa nos ad beatam vitam natura perduceret. Nunc autem simulatque editi in lucem & suscepti sumus, in omni continuo prauitate, & in summa opinionum peruersitate versamur: vt paene cum lacte nutricis errorem suxisse videamur. Quum vero parentibus redditi, demum magistris traditi sumus: tum ita variis imbuimur erroribus, vt vanitati veritas, & opinioni confirmatae natura ipsa cedat. Accedunt etiam poetae: qui quum magnam speciem doctrinae sapientiaeque prae se tulerunt, audiuntur, leguntur, ediscuntur, & inhaerescunt penitus in mentibus. Quum vero eodem, quasi maximus quidam magister, populus, atque omnis undique ad vitia consentiens multitudo: tum plane inficimur opinionum prauitate, a naturaque desciscimus; vt nobis optimam naturam*  
in-

ac potuum τὴν κατὰ φύσιν, καὶ τὴν δι' ἀνάγκην καὶ τέχνην ἀνθρώπων: it. II, 6 seq. δύναμιν καὶ τῶν κατὰ φύσιν καὶ τῶν διὰ βίης γινόμενων. Similia ib. Sect. XXI, 5 seqq. &c.



inuidisse videantur, qui nihil melius homini, nihil magis expetendum, nihil praestantius honoribus, imperiis, populari gloria iudicauerunt; ad quam fertur optimus quisque, veramque illam honestatem expetens, quam vna natura maxime inquit, in summa inanitate versatur, con-  
 sectaturque nullam eminentem effigiem virtutis, sed adumbratam imaginem gloriae. Idem M. Tullius de Finibus Bonorum & Malorum I, 63 c. 19 In  
 physicis, inquit, plurimum posuit Epicurus: ea scientiâ & verborum vis,  
 & natura orationis, & consequentium repugnantiumue ratio potest per-  
 spici; omnium autem rerum natura cognita, leuamur superstitione, libera-  
 mur mortis metu, non conturbamur ignoratione rerum, e qua ipsa horribi-  
 les existunt saepe formidines; denique etiam morati melius erimus, quum  
 didicerimus, quae natura desideret; tum vero, si stabilem scientiam re-  
 rum tenebimus, seruata illa, (quae quasi delapsa de caelo est ad cognitio-  
 nem omnium) regula, ad quam omnia iudicia rerum dirigentur, nunquam  
 vllius oratione victi, sententia desistemus. Nisi autem rerum natura per-  
 spectâ erit, nullo modo poterimus sensuum iudicia defendere. Quicquid  
 porro animo cernimus, id omne oritur a sensibus: qui si omnes veri erunt,  
 vt Epicuri ratio docet, tum denique poterit aliquid cognosci & percipi; quos  
 qui tollunt, & nihil posse percipi dicunt, ii remotis sensibus ne id ipsum qui-  
 dem expedire possunt, quod differunt. Praeterea, sublata cognitione &  
 scientia, tollitur omnis ratio & vitae degendae & rerum gerendarum. Sic  
 e physicis & fortitudo sumitur, contra mortis timorem; & constantia, con-  
 tra metum religionis; & sedatio animi, omnium rerum occultarum igno-  
 ratione sublata; & moderatio, natura cupiditatum generibusque earum ex-  
 plicatis; & vt modo docui, cognitionis regulâ & iudicio ab eadem illa  
 constituto, veri a falso distinctio traditur. Inprimis vero Cicero in toto  
 praeceptorum de Officiis opere, principium omnis virtutis, honestatis,  
 officii in eo ponit, vt naturam, optimam ducem, tanquam deum, se-  
 quamur, eique pareamus, quemadmodum loquitur Idem de Senectute  
 cap. 2; siue, vt naturae conuenienter viuamus, quemadmodum alibi.  
 Ita, e. c. de Officiis III cap. 5 Atque hoc multo magis, inquit, exigit  
 ipsa naturae ratio, quae est lex diuina & humana: cui parere qui velit,  
 (omnes autem parebunt, qui secundum naturam volent viuere) nunquam  
 committet, vt alienum apperat, & id, quod alteri detraxerit, sibi assu-  
 mat. Etenim multo magis est secundum naturam, excelsitas animi &  
 magni-



magnitudo, itemque comitas, iustitia, liberalitas; quam voluptas, quam vita, quam diuitiae: quae quidem contemnere & pro nihilo ducere, comparantem cum utilitate communi, magni animi & excelsi est &c. Et; (qui locus etiam ad praesentis libelli de Honesto & Decoro argumentum propiore quodam modo pertinet) de Officiis I c. 31. *Admodum autem tenenda sunt sua cuique, non vitiosa, sed tamen propria, quo facilius Decorum illud, quod quaerimus, retineatur. Sic enim est faciendum, ut contra vniuersam naturam nihil contendamus; ea tamen conseruata, propriam naturam sequamur: ut, etiam si sint alia grauiora atque meliora, tamen nos studia nostra naturae regula metiamur. Neque enim attinet, repugnare naturae, nec quidquam sequi, quod assequi non queas. Ex quo magis emergit, quale sit decorum illud: ideo, quia nihil decet inuita, ut aiunt, minerua, id est, aduersante & repugnante natura. Omnino, si quidquam est decorum, nihil est profecto magis, quam aequabilitas vniuersae vitae, tum singularum actionum: quam conseruare non possis, si aliorum naturam imitans, omittas tuam. Conf. ibid. c. 35: it. vniuersum de Finibus bonorum & mal. opus, passim: & alibi. De Pythagoricis ad Φύσιν, tam particularem quam vniuersam intelligendam institutis, vid. Proleg. §. VII not. 1 & §. VIII not. 5.*

§. 6. Quod si igitur quis tali modo naturam ducem ac magistram adhibeat, in arte scientiaque sua discenda, tractanda, exercendaque, ἢν προσῆν αὐτέοις τοῦτο feliciter ei succedet negotium, egregieque in studio sapientiae, rerumque necessariarum & vtilium cognitione, tum omnis virtutis habitu acquirendo, proficiet, διὰ πάντων τούτων προσπορεύονται τῶν προειρημένων. Iam autem in superioribus Commentariis subinde demonstratum est, qua ratione philosophia medici, bonusque in omni vitae varietate character, ipsa rerum istarum natura quasi manu ducente, inter artis opera comparantur: quae vero restant, nunc persequar.

§. 7. Verum tamen in comparanda facultate sapientiae aut artis alicuius exercendae profitendaeue, non ita res institui potest, ut ex prima contemplatione & inquisitione naturae rerum demum ad artis, disciplinae, scientiaeque notitiam vsumque perueniatur. Nam, quum



quum a natura hominibus non sit concessum, ut praecepta instituta-  
que philosophicarum disciplinarum & artium, statim aut celeriter  
cognoscant, & opere ipso repraesentent s. exercent; sed plurima-  
rum rerum singularium observatione usuque artes & scientiae con-  
stent, inueniantur, constituentur, idque nec ab vno homine nec v-  
nius aetate praestari queat; quumque accedat, quod a teneris pluri-  
morum errorum, vitiorumque contagio correpti corruptique su-  
mus, quibus impediamur, quo minus verum rectumque ipsi per  
nos perspicere possimus, ut §. 5 dictum est: igitur aliorum prius in-  
stitutioni & disciplinae tradendus utique fuit, qui artis alicuius aut  
scientiae notitiam & usum addiscere sibi proposuit; quo nimirum tan-  
tum in disciplina percipiat & in operum experimentis exercentur,  
quantum necesse est, ut, perspectis veris legitimae artis rationibus,  
ipse per se initium profitendae artis facere, & eius negotia recte ad-  
ministrare possit: διδασθῆναι ἐς τὸ ἀρχὴν λαβεῖν. Ut igitur neque  
nimis cito nec sero ex disciplina magistrorum excedatur, tum aliquis  
idoneus & necessariis praesidiis instructus ad ineundam alicuius artis  
aut scientiae professionem iudicandus est, quum illa praecepta & re-  
gulas, secundum quas quaelibet artis negotia peraguntur, ita per-  
ceperit, ut in singularibus exemplis easdem ad usum transferre possit:  
quam quidem ad rem & aetatis maturitate, & adulta prudentia, &  
virtutis habitu, cum necessaria eruditione, opus esse, facile intelli-  
gitur. Alias totâ vitâ in rerum singularium tractatione, scientiae,  
virtutis, dexteritatisque incrementa comparanda erunt, neque vn-  
quam ad finem discendi peruenitur; quod nec Hippocrati contigit.  
Denique, cum sic initium artis exercendae factum est, tum ipse  
quoque rerum usus & habitus agendi comparatur: quod quidem e-  
iusmodi est, ut nec dici possit nec scribi. Egi hac de re etiam  
alibi.

§. 8. Dum autem ita φιλοσοφικῶς & methodικῶς, i. e. per prae-  
ceptorum vniuersalium & generalium expositionem eorumque in sin-  
gularibus exemplis demonstrationem, ars fuit tradita: inprimis quo-  
que semper ad ipsius naturae spontanea phaenomena, & effectus, &  
agendi modum, τὰ ἀπ' αὐτῆς τῆς φύσεως ποιούμενα, intentum  
esse oportuit, ita ut omnis institutio, disciplina, oratio, ratioci-  
natio,



natio, praecepta, regulae, & progymnasmata quaeuis ex solerti naturae rerum contemplatione, meditatione, indeque prognatis docendarum rerum notionibus, & imitatione profecta sint\*; quo modo utique natura rerum in praeceptiones de iisdem quasi influit & cum iis confunditur, & arti eiusque partibus dat formam internam externamque, & habitum, & methodum, & res suas efficiendi modum, denique eam ad sui similitudinem efformat: id quod sibi volunt ista, ἡ φύσις κατέργουη καὶ κέχυται τῇδε σοφίῃ. Qualis praeciendi docendique & institutiones disciplinarum conscribendi ratio, apparet, quam diuersa sit ab illa, quae ex libris tantum aut auditionibus instituitur. Sed & ex ista artis ad naturam conformatione felix operum successus dependet: quodcunque enim opus efficere artis opera velis, id effici aliter omnino nequit nisi adhibendo vires & instrumenta naturae, quae, ex lege diuina, omnia & singula in hoc vniuerso sua insita virtute efficit & moderatur, & ad quaelibet humanae artis aut industriae & meditationis opera perficienda tanquam causa princeps concurrit & maximum confert momentum. Vid. Hippocratis loca allegata in *Proleg.* §. IX not. 3 & 9. Quapropter etiam artis ipsa opera praestita locuples & idoneum perhibent testimonium ac probant, artis praecepta & regulas conuenire cum natura rerum, proindeque veras esse.

§. 9. Sicut autem felici in arte discenda faciendae successu gaudent illi, qui naturam magistram sequuntur: ita contra iis accidit, qui non ex ipsius naturae rerum cognitione disciplinam instituunt,

ar-

\* *Qualia, ad formanda principia vniuersalia*, Hippocrates voluerit adhiberi παινόμενα, sciscitans SCHELHAMMERVS, in *Diff. de Medico Philo'sopho* ἰσοθέῳ, Thesi XXXVII, ait: Illa iubet (in Παραγγελίαις) ἐν περιπτώσει, quod Fœsius reddit, ex fortuita occasione, fumere. Sunt autem talia, quae Natura sponte edit, seu ex occasione non quaesita offeruntur: cuiusmodi sunt symptomata morborum, & omnia, ex quibus aureum Aphorismorum opus nobis natum est; quae possunt esse exempli loco.

Pergit Idem Th. XXXVIII, *Quid ergo fiet de nostri saeculi experimentis, quibus se tantum iactat, Chemicis & Mechanicis, quae sponte se non offerunt, sed arte quaeruntur?* Add. Theses seqq. Inibi quidem asserit, Hippocratem aliquando coëgisse naturam, ut sese proderet, sed non talibus, verum medicamentis; deinde, non ad vniuersalia condenda, sed in casu singulari: quod confirmari putat memorabili loco ex libro de Arte, haut procul a fine; qui infra, *Comment.* V §. 5 exhibetur.



artemque ad naturae praeformatas ideas conformant, siue praeceptionibus suis ipsam naturam eiusue vestigia exprimunt. Quo ipso quia naturae repugnant & aduersantur, incepta sua minime prospera experiuntur, sed irrita potius omnia redduntur a natura, molitionibus, contra suas leges & agendi modos institutis, intercedente: *οὐδαμῇ τὰ πρὸς Φύσιν αὐτέοισι χωρήσει.* Quodsi igitur qui non ipsam quoque artis operum exercitationem cum mentis inquisitione, praeceptis, disputationibusque coniunxerint, & hoc modo veritatem dictorum ipsis rerum documentis demonstrare didicerint, *οὐδαμῇ ἐχρήσαντο τοῖσι πράγμασιν ἐς δειξίν.* non poterunt decreta sua recte tueri, & a ruina praestare salua; sed vbi aliquis argumentis ex ipsa rerum natura operumque demonstratione ductis illorum placita impugnauerit, superabuntur veritate conuicti: *ἐν ἀμφοτέροισι λόγοισι κρατηθέντες.* Criterium igitur, vnde sciatur, an vera sint, quae dicantur aut disputentur, est, videre, num natura rerum & operum experimenta consentiant.

§. 10. Quum igitur isti artis cultores & professores non ipsa opera factitando &, quomodo natura agat & concurrat, considerando, disciplinam suam vitaeque modum adornent & instituant; sed tantum id curent, quo doctrinae suae systema sola mentis inquisitione conficiant, experientiam praetermissam, conquisitis apteque inter se connexis ratiocinii argumentis instruant illud & constituent, & apte, copiose, subtiliter, probabiliterque de rebus ad artem aut scientiam pertinentibus disserere, & in vtramque partem disputare possint: manifestum est, quam diuersa sit illorum ratio ab ista aliorum, qui, in mediis artis operibus versantes, hinc discunt, quomodo natura agat, & eam imitari arte oporteat; & sic praecepta regulasque rerum agendarum colligendo & disciplinam formando, certam, & philosophiae more rationibusque instructam, artis methodum constituunt, & in omnis habitu virtutis proficiunt. Quandoquidem autem illi hoc modo legitimam artis cognoscendae faciendaeque methodum, quae imitatione operum naturae continetur, ignorent: consequitur, eos in rebus, quas tractent, ad artem pertinentibus illegitima peruersaque ratione procedere necessum habere, & sic vtique  
O 3
similes



similes fieri illis malis artificibus, qui Sect. II descripti sunt. (εὐρίσκονται οὗτοι παραπλησίην ὁδὸν ἐκείνοισι πεπορευμένοι.) Itaque isti, quum nec veras rectasque artis exercitationum rationes cognitae habeant, nec animum virtute excultum, a quibus tamen rebus omnis in sequendo vitae genere felicitas & prosper actio-  
 nis succesus pendet: statim ubi ad opus faciendum & negotia tractanda accedunt, experiuntur, sese partim ineptos esse ad res agendas, partim non respondere placitis suis ac ratiociniis euenta, partim denique ob animi morumque vitia se aliorum odia incurrere, certe nullum diuturnum amorem fauoremque & boni viri existimationem promereri posse; itaque ἀπογύμνονται, & nihil ipsis reliqui manet, ad demonstrandam artis peritiam aut scientiam, eiusue exercendae facultatem: contra ea, cum ipsi in inertiam atque ignauiam prolabuntur, quia male res suas administrando faciunt, ut homines nihil eiusmodi malis artificibus agendum concedere velint; tum ab aliis iustum sibi arcessunt contemptum, (ἀμφιέννυνται κακίην καὶ ἀτιμίην.) Conf. de κακία Comment. I §. 5.

§. 11. Iam incipit auctor distinctius docere, disciplinam artis non posse recte adornari, nisi cum praeceptionibus ipsorum operum exercitatio coniungatur; qua quidem ratione sola perspicere licet, quomodo natura agat, & eam arte imitari deceat. In hac igitur controversia quum omnis quaestio eo redeat, quid in arte discenda faciendaeque tribuendum sit *Rationi*, quid *Experientiae*? ut communi hodieque loquendi formula utar: breuissimam sententiam totius disputationis summam complectitur & controuersiam finit, edicens, Rationem eam demum bene recteque, pro artis natura & conditione, constitutam esse, quae notiones suas habeat ex ipsorum operum tractatione, sub perito & omnia rite demonstrante magistro instituta, i. e. ex *Experientia*; & inde postea ratiocinando procedat. Nam quum in arte qualibet omne studium versetur circa opus aliquod efficiendum; hoc autem ut fieri possit, necesse sit cognitae habere eas rerum contingentium agentiumque conditiones, & euentus, quibus conspirantibus & secum inuicem apte compositis, propositum effectum obtinere liceat; porro, quum harum rerum omnium nulla detur cognitio aut idea, nisi per obser-



observationem eius, quod accidit & factum est sub his illisue conditionibus, quatenus idem sub sensuum perceptionem cadit: perspicuum est, in rebus artis solam factorum experimentorumque disciplinam veras & proprias menti subministrare notiones, unde ratio cognoscat, quarum rerum coniunctâ operâ, quibusque modis, actio aliqua perfici possit; ex qua cognitione deinde ad multiplicem perceptarum idearum compositionem ac comparisonem procedit Ratio, inprimisque in analogia deprehendenda diligens est. Pluribus hoc argumentum excussi in *Comm. de Eo in Medico, quod nec dici potest nec scribi*, §. X seqq. Omnino hic conf. supra *Prolegom.* §. XI not. 1. Quare quum ita naturâ comparatum sit, hinc facile errores in hac causâ caueri poterunt ac refelli, qui quidem plerumque ex minus perspecta rei natura originem ducunt, si serio committantur. Et istam quidem *Rationem*, ita excultam, λόγον ἐκ τοῦ διδαχθέντος ἔργου, καλὸν, *pulchram* esse, prout decet instructam, sibi & bonis Medicis omnibus placere, ait Auctor.

§. 12. Hinc autem proclive est ad colligendum, quodcunque opus artis bene ac prudenter, ipsius operâ atque consilio artificis, administratum & effectum sit, (πάν τὸ ποιηθὲν τεχνικῶς) id ex recta ratione, veris propriisque rerum agendarum notionibus instructâ, perfectum, institutum, ac perfectum esse, (ἐκ λόγου ἀνιχνεύθη) & tali modo facta esse documenta probi ratiocinii methodique secundum legitimæ artis regulas institutæ: nam aliter effici non potuisset, quod effectum est; rerum enim natura aduersaretur, qua repugnante irrita fiunt omnia. Quodsi quoque consideres, quomodo artis aliqua actio peragatur, videbis, ad eam rem necessum esse, ut mentis intentione recorderis notiones illas animo comprehensas, quas de actionis propositæ executione cognoveris, utque secundum huius cognitionis modum in agendo progrediare. Etsi enim ante, quam rationes aliquius operis efficiendi perspectas habeas, possit illud forte tentando effici, adeoque tali modo quaelibet singulares artis operationes inuentæ sint, nisi casu aut in brutorum actionibus observatum aliquid fuerit: tamen de arte nondum reperta constitutaque nunc non loquitur Hippocrates, ideoque signate addit τεχνικῶς, i. e. secundum artis praecepta, regulas, instituta, quæ in disciplina magistri per-



pta fuere. *Conf. Sect. V.* Iam intelligi potest, quae *Ratio* appelletur Hippocrati in Medicina; & quatenus *Rationalis* medicus idem dicendus sit. Hoc quoque manifestum est, *Rationem* & *Experientiam*, si recte se habeant & intelligantur, necessario sibi mutuo respondere, amice conspirare, & coniunctam operam praestare. Denique sic colendo medicinam, ab hypothesebus liberam seruabimus, quantum fieri potest.

§. 13. Quod si quis ita in operibus artis faciendis versetur, propositum actionum suarum finem non poterit non consequi, quatenus isthaec agendo obseruat. Inde procul dubio est, quod magnam adeo artis suae fiduciam habuit Hippocrates, sicut passim in libris eius deprehendere licet; praesertim vero succurrit insignis locus in libro *de Locis in homine*, versus finem; quem adscribam ex interpretatione FOESSII: *Ars sane Medica iam mihi tota inuenta esse videtur, quae sic comparata est, ut singulas & consuetudines & temporum occasiones doceat. Qui enim hoc pacto artis Medicae cognitionem habet, is minimum ex fortuna pendet; sed & citra fortunam & cum fortuna recte eam administrabit. Firma enim est ars tota Medica, eiusque praeceptiones, ex quibus constat, pulcherrimae, fortuna minimum indigere videntur. Sui enim iuris est fortuna, & nullius imperio paret, neque voto illam consequi datur. Scientia vero, & imperio subiacet, neque felici successu caret, si quis ea instructus uti velit. Deinde, quanam in re Medicina fortunae indiget? Si quidem explorata sunt morborum medicamenta, quemadmodum reor, ea, ut morbis sanitatem adferant, minime fortunam morantur, si quidem medicamenta sunt. Quod si cum fortuna, ea exhibere iuuat, non magis medicamenta, quam quae talia non sunt, unà quidem cum fortuna morbis oblata sanitatem restituunt. At vero quisquis fortunam ex arte Medica, aut quouis alio negotio, penitus eiicit, negatque, eos, qui probe aliquid nouerunt, fortuna uti, is mihi contra, quam debet, sentire videtur. Ii enim soli vel successu potiri vel eo frustrari videntur, qui recte quid vel male facere nouerunt. Est enim prospere succedere, recte facere: quod faciunt, qui sciunt. At vero, successu frustrari, est, quum quis, quod minime sciat, id non recte faciat. Ignaro enim quomodo prospere succedere queat? Quod si quid etiam ex animi sententia succedat, non magni certe faciendum successum habebit. Nam, qui non recte facit, huic ex animi sententia succedere non poterit, quum reliqua, quae sunt consentanea, non faciat.*



§. 14. Vidimus, in legitima medicinalis artis disciplina doctrinam cum ipsis operum exemplis coniungi debere. Quod si vero contra ea, haec disciplina ita instituatur, ut de rebus ad artem pertinentibus tantummodo verba fiant, non autem ipsis simul factis eadem res demonstrantur, id quod Auctor dicit τὸ ῥηθὲν τεχνικῶς, μὴ ποιηθὲν δὲ, quamlibet secundum formam artis & scientifice, ut dicitur, differatur, & tradita praecepta probabiliter & ad Rationis opiniones convenienter se habeant, apteque ac speciose constructa sint; tamen methodus arti propria sic non adhibita est, quae nimirum ipsis operum experimentis, s. sensuali rerum noscendarum agendarumque perceptione constat: sed e contrario talis de arte institutio, μεθόδου ἀτέχνου δείκνυκὸν ἐγένεθη. Conf. *Commentarius* I §. 1. 4. 9.

§. 15. Ex dictis apparet, quum ea, quae Medicinalis ars agenda docet, res facti sint, harum rerum non nisi per experientiam posse haberi veras & adaequatas notiones, neque magis certam cognitionem, aut persuasionem mentis, ea, quae facienda proponuntur, reuera etiam effecta dari posse: sed nisi opus propositum aut ei simile aliquando factum esse expertus sis, aut aliorum fidei credas oportet, aut dubius haereas, an, quae rationis ope didiceris, etiam reueraita existere possint. Quapropter omnis eiusmodi cognitio, quae ipsis factorum demonstrationibus destituta est, nihil est nisi mera *opinio* s. *Opinatio*, quae explorata veritate caret; unde iure meritoque ab Hippocrate vocatur ὀψις, & qui ita tantum artem perceperunt, dicuntur ὀψισταί. Talis autem opinatio si in aliquo deprehendatur, nec is suis scitis fidem experimentis operum facere, aut ipso facto demonstrare queat, arguitur, veram, naturae conuenientem, adeoque Hippocraticam artis medicinalis disciplinam, quae paullo post ἔργον τὸ ἐκ μαθήσεως dicitur, non habere compertam; nec proinde artis exercitationes dextre obire posse. Conf. *Commentarius* I §. 4. (ἀμαθίης καὶ ἀτέχνους σημεῖόν ἐστι.)

§. 16. Qui vero sic imperiti legitimae disciplinae sunt, nec recte facere artis opera norunt, sed tantum ex opinionum commentis differere: illi & sibi & aliis male consulunt. Opinio enim quum non rectis, veris, certisque rationem principiis actionum instruat, nec animo eum induat habitum, quo cum certa scientiae fiducia nego-



tium aggredi & peragere possint: eapropter in variam agendi prauitatem ex opinionis errore incidant necesse est; ab erroribus autem inter agendum commissis consecutione necessaria pendet infaustus successus & euentus, (ὅμησις ὀλεθρον τοῖσι χρεομένοισιν ἐπιφέρει) nec minus ille quidem inopinatus, quam ipse fuerat opinionis error. Sed haec peccata, cum damnis ac noxis inde ortis, recte malis artificibus imputare licet, αἰτίην τοῖσι κεχρημένοισιν ἐπιφέρει: quandoquidem iure postulari potest, quod quis facturum se promittit, vt hoc recte perpetret. Maxime autem mali Medici, μάλιστα ἐν ἰητρικῇ, grauem culpam peruersā, & ex opinionum tantum commentis administrata artis exercitatione sibi contrahunt: nam quo maior est dignitas atque praestantia humanae vitae ac valetudinis, qua nihil quisquam carius aestimet; eo grauiorem reprehensionem merentur, qui vitam aut valetudinem perperam tractando, qualicunque detrimento afficiunt ac labefactant, aut omnino pessumdant.

§. 17. Et ante quidem, quam isti ratiocinatores & opinatores operum ipsorum experimenta facere tentauerint, putant se veras artis rationes intelligere, & confidunt se exercitationibus artis instituendis fore satis idoneos: ἑαυτοὺς ἐν λόγοισι πείσαντες, οἰοῦνται εἰδέναι ἔργον τὸ ἐκ μαθήσιος. Nam quia mentis & rationis operā sibi formam aliquam artis construxerunt, qua, positis principiis vniuersalibus generalibusque, reliqua deinde praecepta, dogmata, decreta, & quaelibet doctrinae species, apte inter se connexae appareant, consentire, sibi inuicem respondere, & alia ex aliis ducta deriuataque videantur; & ita, ex eiusmodi systematis ratiociniorumque praeformatis notionibus apte, copiose, subtiliterque differere ac disputare, & quascunque propositas quaestiones diserte explicare ac soluere, quaeque affirmauerint, rationibus confirmare ac demonstrare norunt: hinc sibi persuadent, nec dubitant, sese artis disciplinam probe perspectam habere, multoque melius ipsis illis practicis, qui in operum exercitationibus demonstrationibusque potius versati, non tantum verborum facere assueti sunt aut disputando valent; quibus quidem multo meliores & superiores in curandis morbis & cuiuslibet generis rebus artis administrandis fore sese iactant, si manum operi ad mouere voluerint. At enim uero, quanquam fortassis irri-

furi



furi sint, si quis sibi dixerit monueritque, in ipsa artis exercitatione s. praxi adhuc multa discenda fore, nonnulla etiam aliter discenda, quaedam dediscenda: tamen, quum ad opus aliquod faciendum accesserint, accidit iis, quod in auro adulterino, dum igne exploratur, fieri solet, vt, quemadmodum illius nihil in vase exploratorio residuum manet, sic isti iam intelligant, notiones suas, quas adhuc ex sola opinione & ratiocinatione de illo opere sibi formauerint, non respondere rerum ipsarum vsui, neque ad negotium tractandum opusque perficiendum quicquam conferre, quoniam non ex sensuali rerum administrandarum perceptione s. cognitione natae sunt. Hoc significant Graeca, τὸ ἔργον, κατὰπερ χρυσὸς φαῦλος ἐν πυρὶ κριθεὶς, τοιούτους αὐτοὺς ἀπέδειξε.

§. 18. Eorum, quae sequuntur in textu, verborum triplicem expositionem iam dedi in *Annotationibus* textui statim subiectis: nec video, quid addendum sit; nisi forte hoc, postremae explicationis rationem ex praecedente §. 17 huius IV Commentarii quodammodo intelligi posse. Similiter autem locutus videtur Auctor libri Παραγγελιών t. VI pr. Ὅι μὲν οὖν ἑόντες ἐν βυθῷ ἀτεχνίης, τῶν προλελεγμένων οὐκ αἰσθάνονται καὶ γὰρ οὗτοι ἀνίητροι ἑόντες, &c.

## C O M M E N T A R I V S V

## AD SECTIONEM V.

§. 1. Adhuc docuerat Auctor, &, quali Medicarum exercitationum Philosophicarumque disputationum connubio, Medicinalis ars legitima, honesta, gloriosa, atque gratiosa fiat, *Sect. I*; &, quomodo virtus & sapientia, honestas atque simplicitas particulatim in exteriori Medici specie omnique vitae habitu apparere debeant, *Sect. III*; &, quomodo Rationem cum Experientia coniungere, & vtramque formari oporteat, Naturam ipsam in operibus considerando, sequendo, atque imitando, *Sect. IV*. Nunc significat, nata ex istis omnibus artis praecepta duplicis esse generis, quum partim mentis in res propositas intentione possint cognosci & fuerint cognita, partim cum tempore paullatim vel ex occasione reperta sint: hosce au-



tem vtriusque generis praeceptiones si quis recte calleat, legitimaque ratione ac methodo secum inuicem composuerit atque copulauerit, tum nasci *Medicinam Philosophicam*.

§. 2. Primum igitur, quando ita, sicut dictum est, recta rationis atque experientiae methodo iustaque diligentia in addiscenda tractandaque arte medica verferis, & λογισμῶ προσήκοντι ζητέης, quemadmodum dicitur in libro περὶ ἀρχαίης ἱητρικῆς, circa medium, h. e. in morborum aut medicinalium rerum tractatione, naturam rerum sedulo rimando, & obseruata ad communia cuiusuis cognitionis principia referendo, ad eorundemque rationes exigendo, cognoscere, studeas: nascuntur notiones siue scientia singularium, particularium, specialium, generalium, vniuersalium. Quae figillatim particulatimque cognita quando intellectu in vniuersum aut pro parte comprehenduntur, &, qua ratione sese inuicem ad se habeant, sibi bique mutuo respondeant, perspicitur; tum mens sibi veritatis perspectae conscia est: qua quidem in re consistit certa cognitio, γνῶσις, pro ratione tamen perspicientiae s. claritatis aut maior aut minor. Iam haec scientia, quum circa ea versetur, quae ad propositam rem ita, sicut est, constituendam valent atque faciunt, i. e. quum causas manifestet; hoc ipso declarat rectam rationem, qua propositum in tractando aliquo artis negotio finem, primum illum quidem in intentione, sed vltimum in executione, consequi liceat: ἐδήλωσε, ὡς ἔστιν εὐθὺ τὸ πέρας. Eundem sensum referunt haec ex libello περὶ τέχνης, post medium, Λελογισμένοι, πρὸς ὅ,τι ἀν αἱ ἐργασίαι τῶν δημιουργῶν τελευτῶμεναι, πλήρεις εἰσὶ, καὶ ὅτεν ὑπολειπόμεναι ἐνδεεῖς.

§. 3. Ast in iis, ex quibus illa cognitio constat & colligitur, plurima sunt nunc quidem, et iam tempore Hippocratis, quae non proprie hominis alicuius industriam sibi relictam fuere inuenta, sed temporis opportunitate occasionem subministrante reperta, plurimum deinde adiumenti ad artem melius, facilius, feliciusque exercendam contulerunt: τῶν δ' ὁ χρόνος τὴν τέχνην εὐοδέα κατέστησεν. Quod quum ex communi artium disciplinarumque, & hominum eas colentium, natura non obscure intelligitur: tum vel tot libris *Observatio-*  
num



*num Inuentorumque* satis demonstratum est. — Adhaec, illa longioris temporis perpetua experientia legitimae curandi methodi, rectam vtriusque generis praeceptorum artis rationem multo magis confirmat.

§. 4. Postquam autem artis praecepta quaecunque semel inuenta fuere, illi, qui post secuti sunt, & eandem, qua priores vli fuerant, viam ingressi, οἱ ἐς τὴν παραπλησίην ὁμον ἐμπίπτοντες, i. e. eandem rationem methodumque in arte discenda adhibuerunt: inde, cognitis, quibus praeceptis institutisque disciplina artis iam instructa fuit & constituta, qualisque ac quanta scientia sibi a maioribus tradita sit, sic & intellexerunt, quousque progressum sit, quidque adhuc inueniendum restet; &, hisce cognitionis praesidiis luminibusque, animo comprehensis, vtentes, eorundem ope atque auxilio plura inuestigare, & inuentis alia addere facilius, expeditius, ac celerius potuerunt: ista γνώσις αὐτοῖσι τὰς ἀφορμὰς δήλους ἐποίησε. Clarius de toto huius commatis argumento traditum est in libro περὶ ἀρχαίης ἰητρικῆς, non longe post pr. Ἰητρικῇ δὲ πάντα πάλαι ὑπάρχει, καὶ ἀρχὴ καὶ ὁδὸς εὐρημένη, καθ' ἣν καὶ τὰ εὐρημένα, πολλά τε καὶ καλῶς ἔχοντα, εὐρηται ἐν πολλῷ χρόνῳ, καὶ τὰ λοιπὰ εὐρεθήσεται, ἢν τις, ἰκανὸς τε ὢν καὶ τὰ εὐρημένα εἰδὼς, ἐκ τούτων ὁρμώμενος ζητήῃ. Οστις δὲ, ταῦτα ἀποβαλὼν καὶ ἀποδοκιμάσας πάντα, ἐτέρῃ ὁδῷ καὶ ἐτέρῳ σχήματι ἐπιχειρεῖ ζητεῖν, καὶ φήσει τὶ εὐρηκέναι, ἐξηπάτηται καὶ ἐξαπατᾶται. ἀδύνατον γάρ. Ea, quibus medicinalis ars nunc quidem constat, omnia iam olim inuenta sunt, & artis initia constituta, & via s. methodus reperta, secundum quam cum ea, quae iam inuenta sunt, multa quidem illa & praeclara, reperta fuere; tum ea, quae adhuc reliqua sunt, reperientur, modo quis, qui & necessariis ad eam rem praesidiis instructus sit & gnarus eorum, quae iam inuenta sunt, ab his in inquirendo progrediatur. Quisquis vero haec abiecerit atque improbauerit omnia; & alia via aliaue sub specie, forma vel disciplinae habitu, inquisitionem hanc instituerit, affirmaueritque, sese aliquid inuenisse: ille & ipse deceptus est, & alios decipit. Nullo enim modo id fieri potest. Quibus verbis simul continetur explicatio vocis ἀφορμαί: hac nimirum significari illa, ἐξ vel ἀφ' ὧν ὁρμώμενός τις



ζητέη. Caeterum, rei Medicae Historia mirifice dictorum veritatem confirmat.

§. 5. Quantum in medicina rectam consequendi finis rationem cognitione intelligere liceat, pluribus explicatum est in libello περὶ τέχνης, XVI, 10 inde ab hisce verbis, Τῶν μὲν δὴ τοιούτων πάντων ἐν ἅπασιν τὰς ἀκείσας ἀναμαρτήτους δεῖ εἶναι· οὐχ ὥς ῥηϊδίας, ἀλλ' ὅτι ἐξεύρηνται. ἐξεύρηνταί γε μὴν οὐ τοῖσι βουλευθεῖσιν, ἀλλὰ τούτων τοῖσι δυνήθεσι· δύνανται δὲ, οἷσι τάτε τῆς παιδείης μὴ ἐμποδῶν, τάτε τῆς φύσιος μὴ ταλαίπωρα. *Atque eiusmodi quidem morborum (tam manifestis locis apparentium quam occultorum) omnium in omnibus aegrotantibus non fallaces curationes cognitae esse & praestare oportet: non, quod faciles cognitu aut effectu sint; sed quod diligenti inquisitione inuentae sint. Et inuentae quidem sunt non a quibusuis, qui modo voluerint; sed ex hisce tantum ab iis, qui etiam potuerint: potuerunt autem quondam, & nunc quoque similiter possunt certas curandi rationes inuenire, quicunque & legitima disciplinae atque institutionis praesidiis satis instructi sunt, & naturae facultates non ineptas nacti.* Hinc pergit, Πρὸς μὲν οὖν τὰ φανερά τῶν νοσημάτων, οὕτω δεῖ εὐπορέειν τέχνην· δεῖ γε μὴν αὐτὴν μηδὲ πρὸς τὰ ἥσσον φανερά ἀπορέειν. *In manifestis itaque morbis sic expeditam esse, scilicet remota dubitatione liquidam perspicere veritatem, artem oportet: neque tamen in minus manifestis ancipitem haerere, scilicet dubiis incertisue rationibus implicatam esse.* Deinde principia huius cognitionis ex natura & constitutione diuersarum humani corporis partium ostendit: quo facto, subiungit, *Obscuri morbi ita vocantur atque existimantur non quidem ideo, quod obscuri permaneant & cognitionem artificis superent: nam deinde etiam haec obscuritas diligenti inuestigatione superatur & eiusmodi morborum ratio patefcit, quatenus hoc fieri licet. Eatenus autem hoc fieri licet, quatenus & naturae aegrotantium indicia conspicienda praebent; & facultates naturales inquirentium ad inuestigationem aptae sunt.* Μετὰ πλείονος μὲν γὰρ πόνου, καὶ οὐ μετ' ἐλάσσονος χρόνου τοῖσιν ὀφθαλμοῖσιν ὁραταί τε καὶ γινώσκεται. ὅσα γὰρ τὴν τῶν ὀμμάτων ὄψιν ἐκφεύγει, ταῦτα τῇ τῆς γνώμης ὀφεί κεκράτηται. *Post multum enim*



enim laborem & post non minus multum temporis demum in conspectum adducuntur obscura & cognoscuntur, mentis nimirum industria, ratiocinatione legitima, analogia &c. Nam quaecunque sensum oculorum corporis non subeunt, ea animi sensu perspicere & comprehendere possunt. Quascunque vero molestias aegri interim propterea perpeti coguntur, quod morbus non cito cognoscitur, eorum culpa non in illos reiici debet, qui medicinam istis aegrotis faciunt; sed in naturam cum aegrotantis tum aegritudinis. Etenim in hoc negotio agitur hoc modo: Medicus, quia non licet ipsi oculis videre id, quod aegrum male habet, neque etiam audita ex relatione aegrotantis aut eorum, qui hunc circa sunt, cognoscere, ratiocinio ad illius notitiam peruenire studet. Nam & ea, quae de morbis suis renunciare medentibus conantur illi, qui ex abditis vitiis laborant, ea potius ex opinionis commento renunciant, quam quod ea recte nouerint. Si enim illa nouissent, non utique medicis se curandos tradidissent: quandoquidem huius utriusque generis cognitio simul coniuncta est, scire causas morborum, & scire, quomodo iidem morbi curandi sint omnibus istis curationum generibus, quae prohibent, ne morbi incrementa sumant. Vbi igitur ne ex relatis quidem morbum haud fallaci intellectu & euidenter cognoscere auditu licet, aliquod aliud subsidium medenti circumspiciendum est: quapropter etiam non arti causa illius morae adscribenda est, sed naturae corporum. ἡ μὲν γὰρ αἰσθανομένη, ἀξιοῖ θεραπεύειν, σκοποῦσα, ὅπως μὴ τόλμη μᾶλλον ἢ βίη θεραπεύῃ. ὅδ' ἦν, μὲν ἀρκέσει πρὸς τὸ ὀφθῆναι, ἐξαρκέσει καὶ πρὸς τὸ ἰασθῆναι. Haec enim Natura corporum, quum sentiat morbum, iudicat medendum esse, hac tamen adhibita cautione, ne potius temeraria audacia quam consulto iudicio, & ut leni potius moderatoque progressu quam violenter & impetuose medeatur. Artifex autem, si eo usque peruenire valuerit, ut aut oculorum sensu aut mentis inuestigatione malum cognoscat atque perspiciat, valebit quoque valetudinem ad sanationem reducere. Posthaec docet, vim morbi non nunquam aegrotos pessumdare, idque duplicem ob causam, aut quod sero nimis medicus aduocetur, aut quod morbi progressus nimium celer sit; atque hoc quidem fieri propter nimis arctam angustiam s. strictum habitum corporis, vnde accidat, ut non in conspectum prodire possint inclusi morbi. Quam quidem ob rem, potentiam s. facultatem artis tum maxime demonstrari & admiratione dignam



dignam esse, quum eâ quis occulto morbo laborans restituitur; non autem, si ad tales morbos adhibeatur, qui omnino non possunt curari. Porro, similiter in aliis artibus euenire, quarum aliquae e.g. nominantur: quae autem earum artium operâ efficiantur, ea, si recte se habeant, non celeritate, qua perficiantur, censerî, sed eo quod ita, prout decet, nec perfunctorie perfecta sint. Et in hisce quidem etiam artibus tarditatem non facere ad consequendum lucrum: nihilo tamen secius ad maiorem gloriam & existimationem conferre. Inde iterum ad asserendam medicinam reuertitur auctor, & ostendit, quandoquidem in artis potestate non sit semper oculari perceptione morbi indolem plane cognoscere, eam artem sibi alias adinuenisse expeditas cognoscendi rationes, quibus tanquam administris & adiutricibus vtatur. Has autem inesse signis, quae vox & ea, quae extra effluant, eorundemque odor, & color, & consistentia praebeant. Ὅταν δὲ ταῦτα (τὰ ρεύματα) μὴδ' αὐτὴ ἡ φύσις ἐκποῦσα ἀφίη, ἀνάγκας ἔβριχεν (ἡ ἰητρικὴ) ἥσιν ἡ φύσις ἀζήμιος βιασθεῖσα μεδίησιν· ἀνεθεῖσα δὲ δηλοῖ τοῖσι τὰ τῆς τέχνης ἰδύσιν, ἀ ποιητέα. Quodsi non ipsa Natura illa effluxura sua sponte dimittat, Medicinalis ars inuenit remedia compellentia, quibus Natura vi coacta, sed tamen ita ne detrimentum accipiat, illa effluere permittat: quae vero ita, laxata corporis compage s. stricatura, emissa fuerint, ea significant peritis artificibus, quid facere oporteat. Pergit, vt ostendat, quomodo πῦρ τὸ σύντροφον, item πνεῦμα, vi adigantur ad dimittenda ea, quae non effluxissent, nisi illam vim perpessa fuissent: quae quidem verba, cum praecedentibus collata, indicio sunt, Naturam illam Hippocratis comprehendere etiam Igneum humorem atque Spiritale humanae compagis principium.

6. Quum igitur ea sit artis s. disciplinae Medicinalis ratio, natura atque indoles, vt nec recte doceri possit ac disci, nec rite legitimeque exerceri, nisi certa tam particularium ac singularium quam generalium vniuersaliumque praeceptorum medicinalium cognitio comparetur atque praesto sit, Sect. hac V, 1; huius porro cognitionis s. scientiae ea sit idea s. forma, vt in rebus actionibusque ad artem pertinentibus veritas, i. e. illarum rerum actionumque natura perspiciatur, & ad rationum regularumque, quae in ista naturae disci-



disciplina cognoscuntur, dictamen ac normam cum operum medicinalium exercitatio, tum omnis vitae habitus instituatur atque conformetur, *Sect. IV & III*; haec ipsa denique veritatis & virtutis inquisitio, scientia, atque exercitatio, Philosophicarum disputationum propositus finis sit, ad quem omnis ea disciplina referatur, quoque censeatur, *Sect. I*: Διὸ, Propterea necesse est, praedicta ratione medicinam colere, s. in mediis operum medicinalium exercitationibus curationibusque, Naturae mores agendique modum peruestigando, veras morborum remediorumque notiones addiscere; simulque omnia ista & singula praesidia legitimae cognitionis atque virtutis assumere aut sibi adiungere: δεῖ ἀναλαμβάνειν τούτων τῶν προειρημένων ἕκαστα. Quo quidem ipso & Philosophicae de rerum natura, indole, proprietatibus, causis, effectibus, caeterisque doctrinae partibus, deque cultura virtutis & ingenii, praeceptiones atque commonitiones, rerumque tractandarum iusta methodus, atque evidens veritatis & rationum cognitio ac demonstratio, verbo, certa rerum ad disciplinam pertinentium scientia, quantum ea acquiri potest, ad artem curandi morbos transfertur, cum actionibus artificis & exercitatione medicinae coniungitur, & ad usum medendi affertur in eumque transit, μετὰγεται ἡ σοφίη ἐς τὴν ἰητρικὴν, i.e. in morbi alicuius suscipienda curatione, certa rerum agendarum scientia, legitimaque morbi curationisque cognoscendae ratio s. methodus, morumque in obeundo negotio officiisque explendis virtus & honestas curaturo adesse debet: Et vicissim quum in ista Hippocratica disciplina medicus in ipsis operum experimentis versetur, sic μετὰγεται ἡ ἰητρικὴ ἐς τὴν σοφίην, h. e. experientiae sensualis evidentialia, ipsorumque factorum fides, praxeosque demonstratio, persuasio, peritia, ac prudentia declarat veritatem Philosophicarum contemplationum, & ostendit, quomodo praecepta regulaeque exemplis & actionum effectibus repraesententur, & vtrique sibi mutuo respondeant; itaque cauetur, ne Ratio ratiocinatioque sibi relicta necessarium Experientiae lumen & rerum Naturam magistratam atque ducem ex oculis amittat, & vel in errores deflectat vel inutiles disputationes confectetur. Haec igitur est, ex Hippocratis sententia, legitima Philosophiam & Medicinam coniunctim colendi ratio, &



verus usus Philosophiae in Medicina: quemadmodum in *Sect. I & IV* pluribus demonstratum est. Conf. *Prolegom. §. XI & XIX.* it. *ibid. §. XX* not. 1.

§. 7. Iam Philosophi inde a Pythagora, qui primus hoc in Graecorum gentem intulerat, asserebant, *Philosophum*, s. antiquiore appellatione, *Sapientem*, esse *Deo similem*: quod quomodo intelligendum sit, qua in re consistat, quaque via eodem perueniatur, ex ipsorum Philosophorum dictis ostendere conatus sum in *Prolegom. §. VI.* Quapropter etiam Hippocrates ut haecenus quoque Medicinalem disciplinam Philosophica nihilo inferiorem esse aut deteriore s. ut *Sect. VI, 4* loquitur, ὅτι ἡτρικὴ σοφίη τις, efficiat, hoc sibi nunc probandum & curatius magisque speciatim & ex professo explicandum sumit, legitimum *Medicum* etiam esse *Sapientem* s. *Philosophum Deo similem*, pariter atque illos, qui Philosophiam toto disciplinae vitaeque genere atque habitu profiteantur: idque argumentum nunc exsequi pergit \*.

## COMMENTARIUS VI

### AD SECT. VI.

§. 1. Declaraturus Auctor, quonam iure *Medicus* appellari possit *Philosophus*, & *ars Medicinalis quaedam Philosophia*, hoc argumento probationem includit, ut, quia ipsa legitimae & secundum rectam agendi rationem res suas administrantis Medicinae disciplina atque exercitatio per se cultorem suum & artificem iisdem *Honestatis*, i. e. (sec. *Proleg. §. XVIII, XIX, XX*) virtutis & officiorum omnis generis.

\* Ex sententia SCHELHAMMERI, *Diff. alleg. Thes. IX* Hippocrati ille est ἰατρὸς φιλόσοφος, qui & in ipsa arte sua recte argumentari sciat, & in vita communi sit optimis moribus: & *Thes. LXXII*, Nam & in expugnandis morbis, & in prospiciendis futuris, & in ipso vivendi genere eum maxima, quae quidem in hominem cadere potest,

felicitate uti necesse est, esseque supra caeteros beatum. Conf. Io. Burch. MAIVS in programme praemisso Orationi, qua Memoriam G. C. Schelhammeri celebravit C. S. Scheffelius, 1717, Dominica V p. Trinit. ubi etiam exemplum Medici ἰσοθέε proponit ipsum Schelhammerum.



ris praeceptis necessario instituat atque exornet, quibus tradendis Philosophia tota constet atque occupata sit, propterea Medicinali professioni eatenus idem quoque competere Philosophiae nomen: h. e. ea, circa quae contemplanda ac docenda versetur Philosophia, ipso actu in artis Medicinalis professione existere ac deprehendi; Medicinam praeceptis institutisque Philosophorum tanquam instrumentis uti ad munus suum administrandum; neque tamen hoc eam ex Philosophorum scholis habere, aut inde ipsi petendum esse, quum potius Philosophi disciplinam suam inuenerint, adornauerint, atque constituerint obseruando, quid in singulis ac diuersis artium, professionum, ordinum, omnisque vitae generibus sequendis, negotiis gerendis, & actionibus humanis quibuslibet administrandis fieret & ageretur; harundemque singularium & particularium obseruationum principia, causas, modos, differentias, conuenientiam, similitudines, &c. scrutando; earum rerum omnium species, genera, classes constituendo; vniuersalia & particularia condendo praecepta; & tali modo ea, quae inuenerint aut inuenisse sibi visi sint, apte inter se coniungendo componendoque, disciplinae formam dederint, & collectis communis vitae usus & in ipsa actione versantium professionum, agendi modis rationibusque, peculiarem viuendi sectam constituerint: quemadmodum Grammatici ex obseruatis collatisque loquendi modis & bonorum auctorum usu suae artis formam, regulas, paradigmata, & praecepta construxerunt. Iam vero Philosophiam praeceptis institutisque virtutis atque officiorum vnice censerit, in *Prolegomenis*, §. V & XX & XXI satis demonstratum arbitror. Ostendendum igitur erit etiam de Medicina, huiusce artis eam esse naturam, eas rationes, ac conditiones, ut sine studio virtutis, & officiorum quorumuis erga Deum & homines exercitatione recte coli factitarique non possit; contra ea, ipsam Medicinam esse virtutum, pietatis, honestatis, & officiorum omnis generis magistram, & in eius disciplinae cultura, opere, atque exercitio animum ad bene ac sapienter, pie, iuste, honeste, decore viuendum institui, duci, assuesieri.

§. 2. Atque ita quidem vtriusque disciplinae, tam Medicinalis artis quam Philosophiae, professionibus hactenus inter se conuenit, quod



easdem res tractant eandemque viuendi rationem praecipunt, neque eatenus differentia est inter ambas disciplinas, οὐ πολλὴ διαφορὴ ἐπὶ τὰ ἑτέρα. Verumtamen, praeterquam quod medicinalis professio multo plura ambitu suo comprehendat ac tractet, Philosophis etiam sua sibi quaedam propria maneant, vnde n. 4 in fine huius VI *Sectionis* dicitur, ὅτι ταῦτα τὰ πλεῖστα, plurimum, plurimis in rebus, occasionibus, actibus &c. ὁ ἱητρὸς ἔχει. haec praecipua intercedit differentia, quod alio modo Medicina res, quarum traditionem Philosophi sibi separatim vindicauere, tractat, alio modo easdem res Philosophiae disciplina. Haec enim, quum vitae communis negotia fere negligat, in quorum tamen administratione vt virtus & sapientia & quorumlibet officiorum exercitatio se exferant, omnis harum rerum finis & vsus, in hac quidem vita, requirunt; ciuilibus officiis omissis, solum animum contemplatione veritatis, prout in rebus aeternis neque mutationi subiectis inest, pascere studet: vid. *Proleg.* §. VI. E contrario, Medicina ne quidem intelligi potest, nisi in ipsorum operum humanorum exercitatione versetur, Naturam, quomodo agat, solerter obseruando, eiusque actus prudenter imitando: quemadmodum in superioribus passim abunde explicatum esse puto. De hac autem differentia praesertim in *Sectione & Commentario I & IV* actum est, & indicatum, quomodo inde nata cognitionis diuersitas in scientiae formam vitaeque habitum transeat. Quanquam igitur in rebus ipsis tractandis nulla vera sit differentia, tamen eadem sub alia atque diuersa forma, specie, habituque externo apparent in diuersis vitae professionibus: vnde etiam accidit, vt ea differentia maior videri soleat, quam reuera est.

§. 3. Nunc explicare aggreditur Auctor propositum argumentum, quod hoc est, Si, & quatenus Medicina, pro negotiorum suorum indole ac ratione, ea, quae in curationibus morborum obeundis fieri debent, facere & administrare velit, verbo, si honestatem seruare, i. e. opus aut officium suum recte facere contendat, tum easdem animi virtutes in artificis actionibus elucere atque conspici, quae alias ad Philosophiam eiusque disciplinam & institutum referri soleant: ἐνὶ τὰ πρὸς



σοφίην ἐν ἡτρικῇ πάντα. Quocirca in officii exsequendi rationibus ponenda erit omnis secuturæ probationis vis \*.

§. 4. Principio, quo fontem omnium in agenda vita communi colendaque societate malorum & calamitatum, a Medicinæ quoque professione remoueat Hippocrates, Medicum probum & *Honestatis* amantem ait esse ἀφιλάργυρον, a studio & cupiditate pecuniæ, aut rerum quarumlibet acquirendarum, immunem esse, h. e. non eo proposito fine res suas agere, quo nummos, opes, diuitias, & quas-cunque facultates consequatur, neque ad hunc scopum studium operamque suam referre, s. eo in obeundis negotiis respicere; sed in hoc tantum elaborare, vt quoduis propositum aut susceptum opus bene recteque, pro viribus, peragat atque perficiat, certus, tum inde satis superque commodi aut lucri ad se rediturum esse. Scilicet, hoc modo se res habet: Omnis alicuius actionis ratio pendet ex scopo, quem quis in prima negotii susceptione totaque eius administratione intendit; ad hunc scopum obtinendum requiruntur quaelibet negotii gerendi subsidia, instrumenta, adiumenta, & ea ratione eliguntur atque adhibentur, qua se ad finem habent; & hac sola ratione prospere & ex sententia procedit negotium, qua huius administrandi subsidia s. media se conuenienter habent ad scopum; quatenus autem hic erratur, eatenus irrita fit actio. Hinc sequitur, non nisi vnicum cuiusuis actionis scopum esse posse; posse vero actus vniuersales institui, ex vno quidem solo scopo pendentes & perficiendos; & ad vniuersum illud negotium peragendum plures singulares actiones intercedere debere, easdemque singulas actiones suum quasque scopum habere praestitutum; porro has actiones particulares reuera esse tantum media consequendi propositi vltimi, & scopum quemque singu-

\* *Triplex virtutum agmen in sequentibus recenseri scribit SCHELHAMMER. Thes. LXVIII LXX, quarum aliae Morales sunt, vt ἀφιλαργυρία, εὐτροπή, ἐφιδρίσις, καὶ ὡς ὁμοίως τε πρὸς τέκνα, πρὸς χρήματα. Aliae ex earum numero, quas Homileticas vocamus, κατὰ σοφίαν, (modestia in vestitu) ἡσυχίαν, (lenitas) ἀπάντησις, (comitas) καὶ ἀριότης, (mundie-*

*ties) & si quae sunt aliae, Reserri vero eo possunt & δόξα, κρίσις, γνωμολογία. faciunt enim & hae ad gratiam & animos hominum conciliandos. Tertium genus ad supremam & diuinam spectat sapientiam: ἀδεισιδαιμονία, περὶ θεῶν εἰδήσις, & quod οἱ ἡτρώοι θεοῖσι παρέχονται, Dls medici plurimum considerant &c.*



singularem ad vniuersalis illius rationes exigendum & conformandum esse, quatenus actus singuli ad finem vltimum consequendum conducunt. Sic tota hominis vita vniuersalis dici potest actus, qualis & reuera est; & scopus eius vnicus est, vt viuamus ex praescripto legum diuinarum, quemadmodum sacra Biblia, & ipsa Natura docent: vnde singulae deinde actiones aestimandae sunt. Porro, actione aliqua ad finem propositum perductâ, plures eam necessario consequuntur & excipiunt effectus & euentus, commoda, incommoda, lucra, damna, &c. qui euentus quum, quantum ad fortunas attinet, ex arbitrio supremi Numinis & rerum naturalium serie, ordine, nexuque dependeant & maximam varietatem fortiantur; ideoque nec ab hominis intellectu praeuideri & comprehendere possint, sed incerti sint, & nequaquam in potestate hominis: propterea nec proponi in scopum actionum debent; quae quidem omnia cum oraculis *Ecclésiastae* sacri conueniunt. Denique naturam rei pervertere videntur, qui pro fine actionis sibi id proponunt, quod ex actione ad finem perducta demum consequi debet. Certe, qui in re aliqua gerenda hoc tanquam scopum spectat, quo sperata inde emolumenta honoris, opum, aut voluptatis adipiscatur, ille, quum ad cupiditatis suae rationes commodumque suum, quaecunque agat, referat, non poterit rectam perficiendi operis rationem prae oculis habere, nec proinde opus propositum ita, sicut decet & oportet, efficere, sed multis modis ab apparente commodi sui specie rectam rationem relinquere, etiam necopinus & imprudens, cogetur: atque hoc eius studium consequendi cuiuscunque emolumenti per totam actionem & opus institutum vbique suis se indiciis atque vestigiis prodet, & effectae rei naeui vitiaque illud arguent. Quanquam emolumenta vera in ipsa recta officii sequendi ratione insint & sponte proueniant: quare nec haecenus prosperam ac fauentem habebit fortunam, qui tantum spe alicuius explendae cupiditatis ad agendum impellitur, & pro modo huius spei agit; quemadmodum e. g. de gloriae cupidis verum est, quod dicitur, honorem, tanquam umbram, quo magis eum captent, eo magis ab illis recedere. Accedit, quod, vbi reliqui viderint, exsaturandae alicuius libidinis aut voluntatis causa negoti-



gotium agi, id quod vel in maxima dissimulatione omnino atque perpetuo celari nequit, tum magis aduersum contendere, impedimenta obicere, negotium disturbare, propositamque spem euertere, & fructum auertere studebunt, praesertim si simili studio tenentur. Sic sane, ex cupiditatum rationibus agentis actiones, turbarum, inauspicatorum successuum, frustrationum, aduersorum euentuum, moerorum angorumque animi erunt plenissimae. Quae quum ita sint, reliquum est, vt, quo munus, officium, & quoduis negotium bene administrari possit, sola rei agenda vera rectaque ratio cognita sit ac perspecta, & ex proposito rem, prout haec eius indoles ac ratio postulat, peragendi totum negotium administretur, & sicut HIPPOCRATES in libro *de Arte* scribit, ὥς δὲ, δημιουργῆται, οὐδ' ὑπερβάτως vid. supra *Commentarius V* §. 5. Tum quoque certo sperare licet, incepta prospera futura: *Psalms*. I & XV, &c. Eandem autem actionum propositique sinceritatem, & puritatem animi a prauis studiis cupiditatibusque, sapientissimos ethnicorum intellexisse, indicio est, e. c., quod *virtutem per & propter se colendam esse*, docuerunt, *ipsum honorem ac gloriam per se non esse expetendam, sed, quibus rebus recteque factis vera laus necessario coniuncta sit, in iis esse elaborandum; &c.* Quapropter etiam laudatissima summorum ingeniorum monumenta eatenus omnibus numeris perfecta mihi videntur, quatenus eorum auctores huc tantum omnem curam mentis intenderunt, quo secundum praeformatam perfecti absolutissimique operis ideam, propositum suum exsequerentur.

§. 5. Commode hic succurrit locus apud PETRONIVM, quo confirmatur, praestantissima artium opera vehementi illi studio, opus bene recteque faciendi, deberi, contra a pecuniae cupiditate fuisse peruersa: Exstat autem in Satyrico Cap. 88, his verbis, *Consulere prudentiorem coepi aetates tabularum, & quaedam argumenta mihi obscura, simulque causam desidia praesentis excutere, quum pulcherrimae artes periissent: inter quas pictura ne minimum quidem sui vestigium reliquisset. Tum ille, Pecuniae, inquit, cupiditas haec tropica instituit. Priscis enim temporibus, quum adhuc nuda virtus placeret, vigeabant artes ingenuae, summumque certamen inter homines erat, ne quid profuturum seculis diu lateret. Itaque, hercula, omnium herbarum succos De-*



*mocritus expressit: & ne lapidum virgultorumque vis lateret, aetatem inter experimenta consumpsit. Eudoxus quidem in cacumine excelsissimi montis consenuit, ut astrorum coelique motus deprehenderet: & Chrysippus, ut ad inuentionem sufficeret, ter helleboro animum deterfit. Verum, ut ad plastas reuertar, Lysippum statuae vnus lineamentis inhaerentem inopia exstinxit: & Myron, qui paene hominum animas ferarumque aere comprehendit, non inuenit heredem. At nos, vino scortisque demersi, ne paratas quidem artes audemus cognoscere; sed, accusatores antiquitatis, vitia tantum docemus & discimus. Vbi est Dialectica? ubi Astronomia? ubi Sapientiae consultissima via? Quis, inquam, venit in templum & votum fecit, si ad Eloquentiam peruenisset? quis, si Philosophiae fontem attigisset? Ac ne bonam quidem valetudinem petunt: sed statim, antequam limen Capitolii tangunt, alius donum promittit, si propinquum diuitem extulerit; alius, si thesaurum effoderit; alius, si ad trecenties H. S. saluus peruenerit. Ipse Senatus, recti bonique praeceptor, mille pondo auri Capitolio promittere solet: & ne quis dubitet pecuniam concupiscere, Iouem quoque peculio exorat. Nolito ergo mirari, si Pictura deficit: quum omnibus diis hominibusque formosior videatur massa auri, quam quicquid Apelles Phidiasue, Graeculi delirantes, fecerunt. Sed nec minus illustris est CL. GALENI in eandem sententiam disputatio, in libello ὅτι ἄριστος ἵατρος καὶ φιλόσοφος qui quidem locus nimis pulcher est, quam ut hic locum non inueniat. Postquam coepit inquirere in causam, cur sui temporis Medici Hippocratis in arte praestantiam adeo parum referant, ita pergit: Iam nunc quidem nasci neminem, qui artis, tam humanae, sit capax, alienum a ratione mihi videtur: quum mundus idem sit, qui olim fuit; anni tempora eundem ordinem seruent; sol circuitus suos nulla ex parte mutatos percurrat; denique quaeque stella, siue fixa siue errans, eandem omnino status rationem retineat. Verum rationabile est, tum propter malam educationem, qua temporibus his vtuntur homines; tum propter diuitias virtuti praepositas, vel qualis Phidias inter plastas, vel qualis inter pictores Apelles, vel qualis inter Medicos Hippocrates, talem hac aetate effici neminem: quanquam nobis, quibus post antiquos illos nasci contigit, & ab iisdem artes plurimum prouectas accipere, non paullo plus commodi ad artes ipsas datum est. Facillimum ergo erat, nos ea, quae ut inueniret, diu elaborauit Hippocrates, breui tempore edoctos, quod*



quod vitae supererat, id in iis, quae arti deerant, inueniendis consumere. At quisquis plus diuitiis quam virtuti tribuit, artemque non de hominibus bene merendi, sed quaestus gratia petit, eum non licet artis finem expetere: quem si expetimus, ante ditescent alii, quam nos ad id, quod habemus animo, perueniamus. Non enim simul possumus & pecuniam congerere, & arti tam magnae operam dare: sed qui alteram vehementius appetat, alteram contemnat necesse est. Quid igitur? an nostris seculis quenquam memorare possumus, qui tantum habere cupiat, quantum satis sit ad usum vitae necessarium? an reperire liceat, qui non verbis tantum effingere, sed etiam propriis vitae exemplis docere possit, diuitiarum terminum, qui quidem sit secundum naturam, non ultra quam ut fames, sitis, frigus absit, progredi? Sed si quis eiusmodi est, is & Artaxerxis & Perdiccae potestatem contemnet, nec unquam in conspectum illius ibit; huic vero, sic aegrotanti, ut Hippocratis artem desideret, medebitur quidem; non tamen semper cum eo esse volet, sed Cranonem, & Thasum, aliaque ad oppida multa proficiscetur, ut pauperibus, his locis aegrotantibus, curationes adhibeat: Cois hominibus ciuibusque suis Polybum, aliosque discipulos relinquet: ipse Graeciam peragrans omnem perquiret. Nam eum scribere aliquid de natura locorum oportet: quam ut, quemadmodum ratione didicit, sic experimentis comprobet, eum urbes intueri propriis oculis necesse est: nunc eam, quae versa ad meridiem est; nunc, quae ad septentrionem; nunc, quae ad solis ortum; nunc, quae ad occasum: cernere etiam, quae humili loco, quaeue excelsa posita sit: eam contemplari, quae aquis obnoxia, siue eae litoribus maris superfluant, siue de fontibus scaturiant, s. de caelo decidant, s. ex stagnis fluuiisue redundant, alluatur: visere eam etiam, quae ad magnum flumen, quaeue ad stagnum, quae ad mare, aut ad montes sita est: quaerere, si qua gens aquis vehementer frigidis, si qua calidis utatur, & si qua nitrosis, aluminosisue, aut si quae aliae eius generis sunt: ad summam, ne agam de singulis, caetera omnia considerare oportet, quae nos & ipse Hippocrates edocuit. Quas ab causis, si quis talis futurus est, eum non modo aspernari diuitias, sed etiam summo labore atque industria uti necesse est. Conf. Epistola Hippocratis ad Demetrium, p. 901 Tom. II Lind. & ad S. P. Q. Abderitanum, p. 905. it. Oratio Thessali p. 937. Vehementer itidem incusatur Auaritia in Epist. ad S. P. Q. Abderitanum, p. 905. Οικτρός γε ὁ τῶν ἀνθρώπων βίος: ὅτι δι' ὅλου αὐτοῦ ὡς πνεῦμα χειμέριον, ἢ ἀφό-



ρητος φιλαργυρίη διαδέδοκεν. ἐφ' ἣν εἶδε μᾶλλον ἅπαντες ἰη-  
τροὶ ξυνήεσαν ἐλθόντες ἀποθεραπεῦσαι χαλεπωτέραν μανίης  
νοῦσον· ὅτι καὶ μακαρίζεται, νοῦσος εὖσα, καὶ κακοῦσα.  
add. *Epist. ad Crateuam*, p. 939. Et in *Epist. ad Damagetum*, p. 913,  
postquam Democritus complura vitae mala enumeravit, concludit, p.  
924 καὶ τουτέων πάντων αἰτίη, φιλαργυρίη.\*

§. 6. Speciatim, ad artis Medicinalis professionem quod attinet,  
nulla capitalior in ea pestis est quam habendi cupiditas. Hac enim  
qui impellitur ad profitendam medicinam, ut

- - - *Rem faciat, Rem,*

*Si possit, recte; si non, quocunque modo Rem,*

Horat. *Epist. I, I, 65.*

morbos curandos aucupabitur & suscipiet, ubi vel nulli sunt, vel  
insanabiles, vel satius esset a medicatione abstinere; contra, a qui-  
bus nihil lucri sibi promittit, eos aut plane incuratos relinquet, aut  
negligenter admodum tractabit; & quanquam sibi conscius sit, se  
non ita, ut decet, instructum esse scientia medendi, tamen plus in  
se suscipiet ac pollicebitur, quam praestare possit; nec sociam alio-  
rum medicorum operam libenter admittet; quicquid autem in mor-  
bi tractatione acturus est, non ex veris artis rationibus administra-  
bit, sed ita ut sibi ad rem utile futurum putauerit; quare in adhi-  
bendis remediis ad gratiam, ad ostentationem, ad caritatem pretii,  
suam componet curationem; morbos in longum ducet; non exspe-  
ctabit

\* C DRELINCOURT, dans le *Dis-  
cours Academique sur quelques Pensées  
d'Hippocrate & de l'Ecriture*, p. 12  
seq. Il sied donc bien à mon généreux  
Hippocrate, de persecuter les avarés, &  
de déclamer, comme il fait, contre l'A-  
varice. Car il se debaine furieusement  
contre elle, & il la compare tantôt à un  
vent de Bise, (*Epist. ad Abder. c. I.*)  
qui pénètre le coeur; tantôt à une fièvre  
étique, (*Ep. ad Damaget. n. 249 p.  
52.*) qui dessèche jusqu'aux moëles; tan-

tôt à une gangrène, (*ibid.*) qui ronge sans  
s'arrêter; & tantôt, enfin, à une fu-  
reur, (*Ep. ad Abder. d. I.*) qui démonte  
l'esprit, d'une manière plus exécration-  
nable encore que la manie même. Là dessus, il  
recherche la cause du mal, & il la dé-  
couvre dans le coeur de l'homme avare,  
où il y a des racines amères, (*Ep. ad  
Crateu. n. 14. seqq. p. 929.*) qui bour-  
geonnent promptement, si la vertu elle-  
même ne se hâte pas d'en retrancher  
toutes les fibres.



stabit opportuna tempora; pecuniâ, quantam sperat, ablatâ mediam curationem destituet: & quae sunt aliae peruersae medicinam exercendi viae. \* Hoc magis autem illud auaritiae studium damnandum est in Medico, quo grauiora mala & deprauationes ex eiusmodi agendi rationibus in valetudinem, praecipuam omnium rerum humanarum, redundant. At per se quidem Medicina, si quaequam alia, praeter rerum diuinarum & intellectualium studia, professio, continentiae disciplina est. Tota enim versatur circa tuendam reparandamque bonam valetudinem, quae res plane diuersi generis est quam quicquid ad censum refertur, multoque nobilior est ac praestantior, quam ut pretio quouis aestimari aut remunerari queat. Quo argumento permotus Medicus, pecuniam, facultates, opes, diuitias, rem sua professione longe inferiorem existimabit, minimeque dignam, cuius vlla in faciendis artis operibus habeatur ratio; sed hoc animo qui sit affectus, eum veram *Honestatem* & decus conseruare non posse.

§. 7. Contra ea, si in exercenda illa lucrum pro scopo propositum sit, in sordidam, inhonestam, & illiberalem artem quaestumque

\* A. Q. RIVIN. de Medico Inculpato, Cap. II §. 2, Auaritiae primus debetur locus. Quanquam enim haec directe pecuniam spectet ac fraudes emungendi crumenas aegrotantium, consequentia tamen longe pessima est, hoc uno supposito, quod Medicus sit lucri nimium cupidus: adeo nullum est facinus, in quod non consentiat, si modo fructum exinde capere queat uberiores. Ad minimum, pauperes in egestate relinquere ipsi religio nulla est: quamdiu soluendo sunt, non desinit iis porrigere medicamenta, etiam si eadem frustranea probe norit: pretiosa ex auro, margaritis, bezoar, & similibus, aut fingit dari a se, aut dispensat reuera, non quod maiorem ex iis utilitatem capiat aeger, sed quia carius vendit: ut sostrum postulare maius queat, aegrotantium frequentat aedes, etiam absque

necessitate moleste sedulus: morbum quoque protrahit ad plures, si fieri potest, dies, nihil agendo, vel permittendo aegris quae malum augeant, vel repugnando ne forte alius se peritior ingenuusue, ipsi ad consultandum iungatur socius &c. Et cum istis quidem mire in multis conueniunt haec, quae leguntur in Epistola, Hippocrati adscripta, ad Senatum Populumque Abderitanum, p. 904 seq. Tom. II Lind. Ἐὰν τε ἐλευθέρης τέχνης ἐλεύθεροι καὶ τὰ ἔργα οἱ δὲ μιθαρνεύοντες δουλεύειν ἀναγκάζουσι τὰς ἐπισήμας, ὥσπερ ἑξανδραποδίζοντες αὐτὰς ἐκ τῆς προτέρης παρρησίας. εἰδ', ὡς εἰκὸς, καὶ ψεύσαιντο αὐν, ὡς περὶ μεγάλης νόσου· καὶ ἀρνηθεῖεν αὐν, ὡς περὶ μικρῆς. καὶ οὐκ αὖν ἔλθοιεν ὑποσχόμενοι, καὶ πάλιν ἔλθοιεν μὴ ἀληθεύοντες.



que degenerat, quam supra Sect. II, 2 itemque hac Sect. VI, 2 *βαναυσίην* appellat: de qua iam in *Commentario* II plura dicta sunt. Et est sane ea professionis huius conditio, ut facilis in ea lapsus sit ad studium parandarum opum. Primum enim, quum Medico, cuius fidei valetudinem, rem omnium pretiosissimam, concredunt aegroti, reliqua sua bona omnia libere permittant, ille, quemadmodum Hippocrates *περί ἱητροῦ*, post pr. loquitur, *πάσαν ὥρην ἐντυγχάνει τοῖς ἀξίοις πλείστου κτήμασιν*. quapropter etiam necessariam ibidem addit admonitionem, *ὅτι ἐγκρατέως οὖν δεῖ πρὸς ἅπαντα ἔχειν ταῦτα*. vid. *Proleg.* §. XXIV, 5. Eodem loco *ἀφιλαργυρίην* complectitur sub generali nomine *δικαιοσύνης* & in *Ὁρκῷ* iuratur, *Ἐς αἰκίας ὀκώσας ἂν εἰώ, ἐσελεύσομαι ἐπ' ὠφελείῃ καμνόντων, ἐκτὸς ἐὼν πάσης ἀδικίης ἐκουσίης*. Similiter in *Παραγγελίαις* IV extr. & V praecipit, *ἀποβλέπειν ἔς τε περιουσίην καὶ οὐσίην, ὅτε δὲ καὶ προῖκα, ἀναφέρων μνήμην εὐχαριστίας προτέρην, ἢ παρεούσαν εὐδοκιμίην. ἣν δὲ καὶ εἰς χορηγίας, ξένῳ τε εἶντι καὶ ἀπορέοντι, μάλιστα ἐπαρκέειν τοῖσι τοιοῦτέοισιν. ἣν γὰρ παρῇ φιλανθρωπίῃ, πάρεστι καὶ φιλοτεχνίῃ. κ. τ. λ.* i. e. In accipienda mercede s. *solstro* respicere oportet, quid aegri facultates aut rerum abundantia ferat, & quandonam gratis medicinam facere deceat, sic ut potior medenti sit memoria praestiti beneficii, aut praesens bona existimatio. Adhaec, quando se praebebat occasio liberalitatis in hospitem s. peregrinum & inopem conferendae, talibus aegris quam maxime opem ferre praecipio. Nam si talem humanitatem, s. studium hominibus officium amoris praestandi, in Medico aegri animaduerterint, singularem ipsi vicissim amorem erga artem ejusque professores concipient. &c. Quandoquidem porro Medicus, sibi ab opem petentibus, ex desiderio conualescendi tantam exhiberi sentit fiduciam, amorem, ac beneuolentiam: facile in eam deuenire potest opinionem atque cupiditatem, ut pro curata valetudine, re nullo pretio redimenda, quouis praemio se dignum putet, atque appetat. Praeterea, quum medicina, praesertim ea quae in internorum morborum curatione versatur, occulta & idiotis parum aut nihil intellecta arte res suas agat, & effectus, quorum causa latet, saepeque im-

pro-



prouisos ac mirabiles edat: aptissima est, ut spem cultores eius concipiant, singularis scientiae & remediorum venditatione, verborum strophis, mirabilium curationum ostentatione, caeterisque malis artibus mortales impune decipiendi pecuniaque emungendi. Conf. supra *Commentarius* II. Tum, ita comparata est huius artis exercitatio atque professio, ut, qui eam facitare per fortunae fauorem & temporum opportunitatem possunt, opes inde ac diuitias consequantur, & plerumque in ampla fortuna constituti sint: Quod quum viderint alii huius disciplinae alumni, incesset eos cupido, paria illis fortunatis faciendi, eoque fine ad quidlibet, parandarum facultatum causa, praesidiis artis abutendi. His igitur & similibus habendi cupiditatis illecebris atque malorum irritamentis quo magis Medicina exposita est, eo magis necessaria est proposita ab Hippocrate cautio ἀφιλαργυρίας.

§. 8. Admonet tamen etiam HIPPOCRATES in l. *Praeceptionum*, ut mercedis rationem habeat Medicus: & Cap. IV post init. praecipit, nonnunquam aegri causa, quo maiorem is medico perseverantiae fidem habeat, de mercede curationis statim in principio negotii transigi posse, immo debere. Conf. ibid. VI, 22 seqq. Et ita quidem hodiernum quoque fieri, in multis curationum generibus, assollet, praesertim ab agyrtis, itemque a Chirurgis proprie sic appellatis. Quumque priscis temporibus Medici & chirurgicam pharmaceuticamque ipsi tractauerint, & inter peregrinandum opem aegrotantibus ferre consueuerint, sicut in *Proleg.* §. IX ostensum est; hinc duci potest ratio illius praeceptionis Hippocraticae. Scilicet, & manuum opera plerumque paullo illiberalior censetur, quaeque paciscendi conditionem respuere minus opus habeat, inprimis ubi simul medicamenta subministrantur, quibus utique certum constituere pretium, necessarium est: & ubi curaturus vagam per ciuitates professionem exercet, illum pretio conductum quasi pacto adstringere ad curationem plene peragendam necesse videtur. Nunc autem nostra quidem aetate, adeoque iamdiu ante nos, a magistratibus constitutum edictis propositis est, quantum pro praestita sua quibusque opera, consilio, aut re Medicis, Chirurgis, & Pharmacopolis debeant aegri. Nihilo tamen minus multi elegantiores Medici cura-



tis omnino liberam relinquunt potestatem definiendi sosti, & sua professione indignum existimant de illo cum aegrotis yllo modo con-  
 uentionem inire: vid. e. c. Ros. LENTILII *Methodiae Practicae*, n. XXXV, in Eiusd. *Iatromnemat.* p. 608 seq. Denique iudicium gra-  
 uissimi auctoris, M. FABII, *Inst. Orat.* Lib. XII, 7, 7 seqq. in simili  
 caussa, interponere liceat: *Gratisne ei (oratori) semper agendum sit,  
 tractari potest. Quod ex prima statim fronte diiudicare, imprudentium  
 est. Nam quis ignorat, quin id longe sit honestissimum, ac liberalibus  
 disciplinis, & illo, quem exigimus, animo dignissimum, non vendere ope-  
 ram, nec eleuare tanti beneficii auctoritatem? cum pleraque hoc ipso pos-  
 sint videri vilia, quod pretium habent. Caecis hoc, ut aiunt, satis cla-  
 rum est: nec quisquam, qui sufficientia sibi (modica autem haec sunt)  
 possidebit, hunc quaestum sine crimine sordium fecerit. At si res familia-  
 ris amplius aliquid ad vsus necessarios exiget, secundum omnes sapientium  
 leges patietur sibi gratiam referri: cum & Socrati collatum sit ad victum;  
 & Zeno, Cleanthes, Chrysippus mercedes a discipulis acceptauerint. Ne-  
 que enim video, quae iustior acquirendi ratio, quam ex honestissimo la-  
 bore, & ab iis, de quibus optime meruerint, quique, si nihil inuicem  
 praestent, indigni fuerint defensione. Quod quidem non iustum modo,  
 sed necessarium etiam est: cum haec ipsa opera, tempusque omne, alienis  
 negotiis datum, facultatem aliter acquirendi recidant. Sed tum quoque  
 tenendus est modus: ac plurimum refert, & a quo accipiat, & quantum,  
 & quo usque. Paciscendi quidem ille piraticus mos, & imponentium pe-  
 riculis pretia procul abominanda negotiatio, etiam a mediocriter improbis  
 aberit: cum praesertim bonos homines bonasque caussas tuenti non sit me-  
 tuendus ingratus; qui si futurus, malo tamen ille peccet. Nihil ergo ac-  
 quirere volet orator ultra, quam satis erit: ac ne pauper quidem tanquam  
 mercedem accipiet, sed mutua beneuolentia utetur, cum sciat, se tanto  
 plus praestitisse: quia nec venire hoc beneficium oportet, nec perire. De-  
 nique, ut gratus sit, ad eum magis pertinet, qui debet.*

§. 9. Ex iis, quae adhuc disputata sunt, satis manifestum arbitror,  
 eas esse Medicinalis artis rationes, ut honeste s. recte exerceri non pos-  
 sit nisi animo Medici ab auaritia studioque quaestus faciendi libero:  
 adeoque ipsam hanc per se professionem illa cultoribus suis subiicere  
 aut suggerere argumenta, quibus commoneantur, ducantur, ac  
 per-



permoueantur ad animum a cupiditate pecuniae purum atque integrum seruandum. Itaque hanc artem, videmus, in mediis suis exercitationibus & communis vitae negotiis esse magistram s. disciplinam continentiae, pariter ac Philosophiam, cuius & praecepta & exercitamenta hoc quoque inprimis spectabant atque admonebant, quo φιλαργυρία & φιλοκερδία eiiceretur ex animo, quemadmodum loquitur LUCIANVS in *Cronosol.* quandoquidem cupiditatem pecuniae fontem pessimorum vitiorum ac malorum esse, iniustitiam & iniquitatem necessario progenerare, &c. docebat: vid. *Proleg.* §. V *Not.* 1 §. 9 & *Not.* 2 §. 5 & §. VII *Not.* 2 & 10.

§. 10. Sequitur virtus *Pudoris*. Eius haec vis est, vt a rebus, dictisque ac factis, quae honestatem tueri non sinunt, animum auertat: ita, vt partim abstinere studeas ab aliquibus, cauendo, ne contra honestatem agas; partim, vbi quid minus honestum aut honeste actum est, aut ne fiat metuitur, animo commouearis ad effugiendam labem existimationis. Prior species hic ab Hippocrate significatur verbo ἐντροπής, *verecundiae*: altera, quia rubore vultus vt plurimum se prodit, vocatur ἐρυθρίσις, *erubescencia*. Iam, quum in officio colendo sita sit vitae honestas omnis, & in negligendo turpitudine: in omnibus officii medicinalis partibus, si quid minus recte fieri aut factum esse apparet, hic pudor locum habet; itaque hac ratione Medicina, quae recte omnia facere docet ac praecipit, simul vereri docet turpitudinem male & indecenter factorum; nec sine isto verecundiae ac pudoris in animo sensu recte exerceri potest. Et alia quoque, quae per se quidem non pertinent ad curationem morborum, tamen in mediis artis exercitationibus & obeundis professionis medicinalis negotiis occurrunt prae caeteris Medico, quorum respectu pudorem custodire oportet, nisi honestatis fines transire, & peruersas inde vitae rationes incurrere velit. Sic in lib. περὶ ἡτροῦ iustitiam & integritatem & continentiam Medico commendat auctor hoc argumento, *quia non parum commercii medico intercedat cum aegrotis: quandoquidem & aegrotantes, vtriusque sexus & cuiuslibet aetatis ac formae, sese medentibus tractandos permittant, & Medici omni tempore versentur inter mulieres & virgines; quamobrem erga homines omnis generis continenter se gerere debeat Medicus.* Vid. *Proleg.* §.



§. Similiter in Ὀκρῷ edicitur, ἐκτὸς εἶναι φθορίης τῆς τε ἄλλης καὶ ἀφροδισίων ἔργων, ἐπὶ τε γυναικείων σωμάτων καὶ ἀνδρῶν, ἐλευθέρων τε καὶ δούλων. Conf. Io. Henr. MEIBOMII *Commentarius* in haec verba. \* Caeterum, aliud exemplum τῆς ἐντροπῆς ἢ ἐντροπίης iam supra *Sect.* II, 1 expositum est. Pertinet huc quoque silentium, quod Hippocrates saepius commendat: vid. *Proleg.* §. XXIV, 2. it. supra *Sect.* III §. 16.

§. 11. Similem pudoris ac verecundiae disciplinam studio cognitionis sui, & tolerantia contemptus atque silentii, sibi promittebat Philosophia: vid. *Proleg.* §. VI not. 9 & §. VII not. 3 & 4. Valent haec etiam de sequente specie, κατὰ πολλήν· quandoquidem ipso vestitu cultuque corporis modestiam affectarent Philosophi: conf. *Proleg.* §. VII not. 3 & 8.

§. 12. Modestia, species Temperantiae, iustum seruare docet modum in sui aliorumque aestimatione, & cuilibet pro persona sua nostraque, ac virtute meritisque officia cum iuris tum humanitatis praestare; cumque omnes homines naturâ sint aequales, fortunâ sibi inferiores aequalitatis modò metitur & colit homo modestus, & in vniuersum erga superiores, pares, & inferiores ita se gerit, quemadmodum illos erga sese, mutatâ personâ, agere velit; & quum quisque ad se suaque facta attentus, suam ipsius tenuitatem, aberrationes, defectus, ac naeuos optime nouerit, potius de aliorum virtutibus praeclare

\* RIVINVS d. I. Cap. II §. 4 Tertio, LASCIVIA, si quem alium, certe Medicum dedecet. Enimuero sunt, qui, iuxta Machiaueli Medici regulam VII, mulierum gratiam sibi conciliare non verentur, confabulando, iocando, palpan- do, &c. qui negant, verecundiae limites se transilire, quicquid loquantur vel agant; siquidem naturalia haut sunt turpia, ex mente illorum. Arrident interim nugae, si non omnibus, certe salacioribus, potissimum occasione commoda, & professione longe utilissima fauente. Integrum est Medico, visitare puellas mulieresue omni tempore, nocturnis quoque

horis, si modo necessitas id postulet, ac morbus urgeat, simulatus etiam. Ad haec, praesumitur vulgo maior licentia in eis, qui sapiunt ultra caeteros & intelligunt passiones sequioris sexus. Quae minus pulchra est, lentiginibus commaculata, rugis anilibus obsita, &c. optat fucum: sterilis, ut fecunda fiat, petit adiumentum sibi ferendum maritoe: alia, ne sponso displiceat, virginitatem forte amissam restitui mauult: alia, menstrua suppressa pelli; atque sic porro. Iam vero mirum haut videbitur, si optime cupiant faueantque peculiariter, cui se obligatos mille modis sentiunt. &c.



clare sentire, idque etiam officiis & obseruantia ostendere, modestiae est. Iam Medicum & artis suae natura, qua ministerium tantummodo aut seruitium adeo Naturae exhibet, & totius professionis ratio, qua in inseruiendo commodis aliorum iisque operam dando tota versatur, ad modestiam sequendam inducit. Contra, immodeste faciendo loquendoque quam maxime animi aegrotantium adstantiumque offendi & abalienari poterunt, praesertim si iunior sit Medicus: auersis autem animis, curationis administratio multum impeditur, aut omnino peruertitur. Quare *καταστολήν* Hippocrates deinde quoque *Sect.* IX, 5 & XII, 4 commendat discipulis: eodemque facientia alia monet *Sect.* IX, 1 & XVI, 1. 2. 3. Neque minus huc pertinet silentium, de quo confer. *Proleg.* §. XXIV, 2; itemque comitas erga alios medicos in consilium aduocatos, qua de re monitum Hippocratis retuli in *Annotationibus ad Sect.* III not. i. Et modestiae quidem regulis obsequendi aliquanto maior erat occasio temporibus Hippocratis, quum vnus omnem, tripartito diuisam, artem agigaret, diaeteticam, pharmaceuticam, atque chirurgicam.

§. 13. Si in earum rerum, quae ad Medicinalem artem pertinent, obseruatione, tractatione, vsu, & peruestigatione rite, & sicut *Sect.* I & III traditum est, verseris, non potest aliter fieri, quin inter experiendum ratiocinandumque certorum decretorum siue propositionum conclusarum intellectum & cognitionem consequaris, quorum pronunciatorum veritas statim quocunque tempore cuilibet euidenter perspicitur, quamprimum ille modo rem, de qua aliquid pronunciatur, probe intellexerit atque perceperit. Eiusmodi propositionem Hippocrates appellat *δόξαν*, sententiam, qua animus de re proposita iudicat, existimat, aut censet, & quasi scitum aut decretum aut consultum interponit: est enim talis assertio, quae ex euidente rei ipsius notione & repraesentatione sponte nascitur, & menti vltro occurrit, seseque ingerit, & assensum sine vltiore demonstratione aut probatione inducit. Ita, e. c. certum est, sublato sanguinis per aliquam corporis partem aut totum corpus motu, vitam animale illius partis aut integri corporis interire; vt morbum curare possis, illum cognoscere oportere; febrem esse, quando subitum corporis frigus & exhorrescentiam aetus continuus excipit; nullam febrem sine sudore



dore bene curari; similia similibus conseruari; contraria tolli contrariis; &c. Conf. BOERHAAVII *Institt. Med.* §. 1086. itemque §. 941. 943. 946. 950. Talia vocantur alias Axiomata: quo nomine sic comprehenduntur cuiuslibet generis dogmata, Axiomata proprie sic dicta, Postulata, Experientiae, Aphorismi, Regulae, Sententiae, Theoremata, Corollaria, &c.\* Nam quanquam inter has positionum species accurate distinguant Philosophi, praesertim Mathematici, idque facere propter suam cognoscendi methodum necesse habeant: tamen & res eo redit, vt animus de veritate propositionis firmiter persuasus sit, licet methodum illam, qua scientifice cognoscitur, ignoret vel non meminerit; &, si vel maxime illa distincta methodus & demonstrandi ratio inter discendum fuerit adhibita, tamen in medio rerum actu versantibus non licet eundem demonstrationis ordinem repetere aut inire, sed in ipsarum veritatum recordatione & applicatione omnis agentis sapientia & artis demonstratio subsistit; quamobrem illarum cuiusquemodi veritatum notiones vtique Axiomatum, specialiter ita dictorum, loco sunt. Ita nec natura negotiorum vitae communis talem demonstrandi rationem admittit: inprimisque de Medicina memorabile est, quod pronunciat Hippocrates περὶ τέχνης, in fine, ὅτι οἱ εἰδότες τὴν τέχνην, τὰς ἐπιδείξεις ἐκ τῶν ἔργων ἥδιον ἢ ἐκ τῶν λόγων ἐπιδεικνύουσιν, οὐ τὸ λέγειν καταμελετήσαντες, ἀλλὰ τὴν πίσιν τῷ πλῆθει, ἐξ ὧν ἀν' ἰδῶσιν, οἰκειότερην ἡγεύμενοι, ἢ ἐξ ὧν ἀκούσωσι. Denique, & ipsi veteres Mathematici cum Philosophis, vocabulum Axiomatis latiori sensu sumserunt: fateturque Ill. WOLFIVS, in *Commentatione de Methodo Mathematica*, Elementis Matheseos Vniuersae praemissa, §. 32, ipsum Euclidem propositiones vtique demonstrabiles in Axiomatum numerum retulisse. Facile autem intelligitur, quam diuersa sit haec δόξα ab οἴσει, quae Sect. IV, 6 reprehensa est: vbi videsis Commentarium.

Appa-

\* Sic FOESIVS ad Hippocratis Aphor 1, Aphorismorum libri quasi κυρία δόξα αἰσιν possunt, hoc est, maxime ratae, quia grauissimae sunt ad bene medicandum, breuiter enunciatae, sententiae.

His namque in libris, breuiter comprehensis grauissimis sententiis, quasi oracula medicinae edidisse dicitur Hippocrates. Conf. etiam GALEN. de optima Secta, Cap. I.



Apparet etiam, hic aliter accipiendum esse hoc vocabulum, quam in Νόμῳ sub finem, vbi dicitur, Δύο γὰρ, ἐπιστήμη καὶ δόξα· ὧν τὸ μὲν ἐπίσταςθαι ποίει, τὸ δὲ ἀγνοεῖν. Sed communiter in praesenti quidem libello significat gloriam, existimationem &c. vid. *Index*. Eadem tamen, qua h.l., significatione Γνίδιαι δόξαι vocantur Hippocrati: v. HALLER. *ad Boerb.* Vol. I p. 14 & 23.

§. 14. Philosophos similiter suas habuisse δόξας, praeter alios, vel Epicuri κυρίαι δόξαι sint testimonio: de quibus ita M. TULLIUS *de Finib.* 2, 20 c. 7 *In alio vero libro, in quo breuiter comprehensis grauissimis sententiis, quasi oracula edidisse sapientiae dicitur (Epicurus), scribit his verbis, quae nota tibi profecto, Torquate, sunt: quis enim vestrum non edidit Epicuri κυρίας δόξας, id est, quasi maxime ratas? quia grauissimae sint ad beate viuendum breuiter enunciatae sententiae. &c. Et de Nat. Deor.* 1, 85 c. 30 extr. *In illis selectis eius breuibusque sententiis, quas appellatis κυρίας δόξας, haec, ut opinor, prima sententia est: Quod beatum & immortale est, id nec habet, nec exhibet cuiquam negotium.*

§. 15. Porro, sicut Philosophi in inuestigatione veritatis maxime opus habent κρίσει, probo defaecatoque Iudicio, quo perceptas de rebus ideas, earundemque varias compositiones ac permixtiones, accurate perpendant, examinent, a se inuicem distinguant, & hoc modo verum a falso, certum a dubio, opinionem a scientia, probabile a controuersis, discernendo, limites cuiusque cognitionis constituent, & certas cuique rei notas assignent atque definiant; vnde ansam sumsit RAMVS totam Rationalem philosophiae partem in duplicem tractatum dispescendi, quorum prior de Inuentione ageret, alter de Iudicio: similiter in Medicina morbis facienda multis modis necessarius est vsus cauti prudentisque Iudicii, quo inter multiplices similitudinum & coniunctarum permixtarumque affectionum species & symptomatum miram complicationem, propria morbi indoles ac ratio suis signis cognoscatur; quo diiudicetur, quo tempore, quo modo, quantum, quam saepe, quatenus, quibus mutationum vicibus, verbo, quo omnium circumstantium rerum statu ac conditione, hoc illudue curationis aut remedii genus adhibendum sit; & quae praeterea huc pertinent. Hinc statim in 1 *Aphorismo* monet



Hippocrates, τὴν κρίσιν εἶναι χαλεπὴν & SCHERBIUS LANCISIUSQUE dixerunt, *Medicinam aut totam esse prudentiam, aut certe sine prudentia exerceri non posse.* Et Ill. Frid. HOFMANNVS, in *Diss. de peruersis iudiciis de Medicis & Medicina*, §. III, rationem redditurus, cur Medici saepe parci verborum sint, hanc affert, *Quod in viro profundi Iudicii, quale in medicina facienda necessarium est, haut facile reperiatur loquacitas, utpote quae ex memoria ortum ducat; felix autem memoria raro cum acri iudicio coniuncta sit.* Adhuc οἰκειότερον, quemadmodum inquit Hippocrates, pro Crisi in Medicina adhibenda argumentum hoc est, quod, quum medicina tota in imitatione Naturae consistat, eandem quoque naturam ducem atque magistram sequi debeat in Crisi facienda. Nam constat, Hippocratem praecipuam Naturae ad sanandos morbos vim operamque posuisse in administrando Crisis negotio: quumque eundem Hippocratem Naturae suae intelligentiam, rationem, & consilium tribuisse, tam ex ipsius hac de re locis quam perspicacissimorum virorum iudicio, verisimile videatur, vid. infra *Commentarius VII* §. 9: Crisin ab eo appellatam existimare liceat, Naturae Iudicium efficax de causa morbi tollenda; quod quidem naturae intelligenti, & quae in corporis oeconomia accidunt, clarissime peruidenti, adeoque efficienti ac gubernanti, minime erit difficile. Medicum igitur Naturae administrum, similiter oportet illa, quae circa morbum contingunt, pernoscere, quo certis ex signis iudicare possit, quid ad curandum morbum, & quando, & quomodo, faciendum sit: quod quidem Medico saepe longe difficillimum esse, satis apparet. Caeterum, non ignoro, de Crisi illa Hippocratica longe alias atque diuersas esse interpretum auctorumque sententias & explicationes. Conf. Cel. SCHVLZIVS in *Hist. Medic. Period. I Sect. III Cap. III §. XXI seqq. Lexica Medica, &c.*

§. 16. Vt actio s. res proposita recte & prospero cum successu peragatur, necesse est, ut & mens, a cogitationibus alienis vagisque auocata, soli operi perficiendo vacet & intenta sit, & suas secum deliberationes conuenienter ad ordinem agenda rei instituat; & animus aequilibrium motuum suorum conseruet, nec perturbationibus acta aut tenebras falsasque rerum species menti offundat, eiusue cogitationes



tiones confundat, aut praecipiti impetu actionem peruertat. Quae mentis animique aequabilis constitutio dicitur ἡσυχία, Tranquillitas, Quies, Pax animi: a temeraria festinatione & socordia pariter distans. Eandem iterum Medico commendat auctor Sect. XVI, 1: eademque significatur vocabulo ἀταρακτοποίησις, Sect. XII, 4. Inducit autem πρὸς τοὺς ὄχλους τοὺς ἐπιγενομένους τὴν εὐσταθίην ἐν ἑαυτῷ, Sect. XII, 5; ἢ τὸ σύννου καὶ τὸ ἐν νῷ πρὸς ἑαυτὸν διακείσθαι, Sect. III, 1. Nec tamen obstat, quo minus adhibeat Medicus ἀντίλεξιν πρὸς τὰ ἀπαντῶμενα, Sect. XII, 4; & ἐπιπληξιν πρὸς τοὺς θορύβους, ibid. n. 5. Nam & nonnunquam poterit ἐπιπλήσσειν μετὰ πικρίας καὶ ἐντάσεων modo simul in eo animi statu permaneat, ut mox possit iterum παραμυθέεσθαι μετ' ἐπιστροφῆς καὶ ὑποδέξιος, secundum Sect. XVI, 3. Hoc enim solum illa Tranquillitas spectat, ne animo ita commouearis, ut in exsequendo proposito perturberis: quare licebit etiam pathematum animi ἢ affectuum, quos appellant, faces admouere, si consulto ad perpetrandum negotium adhibeantur. Qualis in Medico compositae mentis moderatio, animique praesentia, grauitas, constantia, ad turbulentum in aegro, & circa eundem, statum rerum atque tumultus sedandos magnum momentum afferent;

*Ac veluti magno in populo quum saepe coorta est  
Seditio, saeuitque animis ignobile vulgus,  
Iamque faces & saxa volant, furor arma ministrat;  
Tum pietate grauem ac meritis si forte virum quem  
Conspexere, silent, arrectisque auribus adstant:  
Ille regit dictis animos, & pectora mulcet:*

VIRGIL. Aen. 1, 152 seqq.

similiter praeses humanae valetudinis aegrotantem, & qui circa eum versantur, moderabitur. Pertinet huc quoque taciturnitas in Medico, saepius ab Hippocrate commendata, & huic arti adeo conueniens, ut propterea *Muta* dicta sit: vid. *Commentario* posterior huius Vol. §. II not. \* & §. XXI not. 1. 2.



§. 17. Eandem Philosophicam animi tranquillitatem nemo forte magnificentioribus verbis descripsit; quam ipse Hippocrates, siue quisquis auctor est *Epistolae ad Philopoemenem* (T. II p. 906 seq. Lind.) ubi sic scribit, ex interpretatione Foefiana: *Non absurdum est, in his, qui ad disciplinas studiose contendunt, omnes alias curas ab uno sapientiae affectu excuti. Non aliter enim ac ministri & ministrae in domibus tumultuantes ac concertantes, si quando derepente eis hera adfuerit, attoniti conquiescunt: similiter etiam, reliquae animi cupiditates malorum hominibus sunt ministrae; & ubi sapientia in conspectum se dederit, tanquam mancipia reliqui affectus discedunt. Non omnes amentes (sunt, qui) speluncas & quietem expetunt; verum etiam, qui res humanas negligunt ob tranquillitatis desiderium. Quum enim mens, curis externis fracta, corpus recreare voluerit, tunc cito in quietem tradit; deinde erecta & stans, circum sese veritatis locum circumspicit, in quo non pater, non mater, non vxor, non liberi, non frater, non cognati, non ministri, non fortuna, neque prorsus quicquam tumultum excitat; sed perturbantia omnia reiecta, prae timore subsistunt, neque appropinquare audent, prae eorum reuerentia, qui illic inhabitant. Illum autem locum inhabitant artes, virtutum omne genus, dii, daemones, consilia, & sententiae. In illaque regione magnus polus stellis plurimum se mouentibus tanquam corona cinctus est. In quam fortassis Democritus ob sapientiam commigrauit: deinde, quum eos, qui in vrbe sunt, non videat, vt qui procul a domo agat, ob solitudinis amorem insanire creditur. Apprime cum his conueniunt verba DAMASCENI Pythagorici ap. Photium Cod. 242.*

§. 18. In studio Sapientiae, omniumque adeo rerum quae in contemplatione cognitioneque versantur, sedatum animi habitum tranquillamque mentis operam adeo requiri palam est, vt complures, qui huic viuendi generi sunt ac fuerunt dediti, potius nimium quam parum quieti otioque literario, aut Sapientium, indulgisse dicendi sint. Vid. *Proleg. §. VI not. 6 & 11*. Eratque hunc in modum comparata tota disciplinae Pythagoricae ratio, de qua *Proleg. §. VI & VII*: & imprimis huc pertinent illa *Conuersio in semet ipsum, & Echemythia*. Maxime autem huc conuenit illa Philosophica affectuum moderatio & in omni vita aequabilitas, de qua *ibid. §. VII not. 7*.

§. 19. Quandoquidem in Philosophia verum inuestigatur, hoc  
autem



autem plurimum alieni, apparentis aut superficiarii, speciosi, verbo, falsi admixtum habere solet: propterea multis modis vltro citroque verba de rebus quibuslibet fieri possunt; & hinc ansa data est Philosophis excolendi studium Dialectices, de quo conf. *Proleg.* §. III; adeoque Auctor ipse noster supra *Sect.* I, 1. 2 significauit Philosophicam professionem fere totam esse in probabilibus in vtramque partem disputationibus, quas Graece appellat διαλέξεις. Erat autem illis temporibus ea disputandi ratio, vt una pars quaestiones proponeret, ad quas altera responderet: in qua methodo praecipuam laudem adeptus est SOCRATES, cuius rei satis locuples testimonium perhibent cum XENOPHONTIS Ἀπομνημονεύματα, tum Socraticorum, inprimisque PLATONIS Διάλογοι, denique ipsum adeo, quod illi haesit, *methodi Socraticae* nomen. Similiter, inquit Hippocrates, in Medicinalis artis exercitatione etiam plurima occurrere, quae quaerant ex Medicis aegri eorumque propinqui necessariue, quibus proinde Medici respondendo rem explicare aut rationem aliquam reddere necessum habeant: id quod hic vocat ἀπάντησιν. *Sect.* autem XII, 5 ἀντίλεξιν πρὸς τὰ ἀπαντῶμενα. Conf. supra *Commentarius* III §. 8 & 14.

§. 20. Καθαριότητα, munditiem in habitu cultuque corporis in Medico requirit etiam Hippocrates in libello περὶ ἱητροῦ vid. *Proleg.* §. XXIV, 1: & rationes eius rei allatae sunt in *Commentario* III §. 2. Conuenit autem hac in re Medicinae cum Philosophia Pythagorica, quae adeo cultus elegantiam affectabat: vid. *Proleg.* §. IV not. 1 & §. VII not. 8. itemque §. V not. 1 §. 7.

§. 21. De Gnomis f. sententiis Pythagorae eiusque sectatorum vid. *Proleg.* §. VIII not. 7. Sunt autem sententiae, breuiter acuteque dicta, quae ex interiore rerum actionumque humanarum cognitione, & intentiore animi deliberatione nata, de negotiis actionibusque vitae iudicant atque praecipunt: &, auctore QVINCTILIANO in *Instit. Orat.* Lib. VIII, 5, 3 *Antiquissimae sunt, quae proprie sententiae vocantur, quas Graeci γνώμας appellant; utrumque autem nomen ex eo acceperunt, quod similes sunt consiliis aut decretis.* Nec poterit talium copia deesse Medico, qualem Hippocrates pingit, cui κρίσιν & δόξαν &



& characterem enthymematici tribuit: vid. *Commentarius* III §. 14 & *Comment.* VI §. 13 & 15. Et in Hippocratis quidem ipsius libris eiusmodi γνωμολογίας exempla quam plurima subinde occurrunt, vid. supra §. 13 huius, ex Foessio; sic v. c. statim primus omnium Aphorismus pulchrum exemplum praebet, 'Ο βίος βραχύς, ἡ δὲ τέχνη μακρὴ, ὁ δὲ καιρὸς ὀξύς, ἡ δὲ πείρα σφαλερή, ἡ δὲ κρίσις χαλεπὴ aut ex lib. Παραγγελιῶν, "Ἦν παρῇ φιλανθρωπική, πάρεστι καὶ φιλοτεχνίη, quod iam supra §. 7 huius allatum est: aut περὶ τέχνης, 'Ο δ' (ἰητρός) ἦν μὲν ἀρκέσει πρὸς τὸ ὀφθῆναι, ἐξαρκέσει καὶ πρὸς τὸ ἰασθῆναι, quod item supra *Commentario* V §. 5 propositum est: aut ex Νόμῳ, Φύσιος ἀντιπραττούσης κενεὰ πάντα & ibid. 'Ἡ ἀπειρία, εὐθυμίας τε καὶ εὐφροσύνης ἄμοιρος, δειλίας τε καὶ θρασύτητος τιθήνη· δειλίη μὲν γὰρ ἀδυναμίην σημαίνει, θρασύτης δὲ ἀτεχνίην. Et alia sexcenta.

§. 21. In praecipuis Pythagoricae disciplinae studiis erat illud καθάρσιος, vid. *Proleg.* §. V not. \* & §. VI not. 10: quam quidem in animi s. mentis purgatione vel liberatione ab impuris veraeque rationi minus consentaneis cogitationibus, studiis, cupiditatibus, affectibusue, a sensibus corporis in mentem illatis, i. e. in sanctificatione quadam, ut ita loquar, positam, sub externa variarum lustrationum ac sacrificiorum, eodemque pertinentium rituum ac caerimoniarum specie procurare intendebant. Vid. *Proleg.* §. V not. 1 §. 7 & 9. Hippocrates itaque ait, in obeundis Medicinae exercitationibus, pariter ac in Philosophia, cognitionem acquiri lustrationum s. purificationum, & quidem earum, quae sub exteriori illa sacrarum caerimoniarum figura tanquam symbolis significabantur, i. e. quae utiles sint & necessariae ad vitam bene honesteque agendam, s. quaelibet vitae communis, & speciatim medicinalis, negotia rite recteque tractanda & administranda, εἰδησις τῶν πρὸς βίον χρηστῶν καὶ ἀναγκαίων καθαρσίων h. e. quinam sint morbi animi s. vitia, & quibus ea modis curare, s. animum a studio pravarum cupiditatum purgare deceat, contra, omnis virtutis habitum induere; quemadmodum toto praesente libello demonstratur, Medicinam recte s. honeste exerceri sine sapientiae variarumque virtutis specie-

rum.



rum cultura habituque non posse, sicut inprimis de lucri cupiditate §. 4 & seqq. huius, it. *Commentario II*, & de variis virtutibus tum hoc tum *III Commentario* pluribus ostensum est, modus etiam indicatus, ut nimirum animus ad ἡσυχίην, τό, τε σύννοον, καὶ τὸ ἐν νῶ πρὸς ἑαυτὸν διακείσθαι, it. ad εὐσταδίην τὴν ἐν ἑαυτῷ, componatur, §. 16 huius. Similiter GALENVS quoque librum conscripsit *de cognitione & curatione morborum animi*, & ad eam rem inprimis vtilia deprehendit praecepta *Carminis Aurei Pythagorici*: vid. *Proleg.* §. IV not. 4. Quanquam igitur & de corporis Purgationibus, proprie sic dictis, Medicina peculiariter praecipiat, nec Hippocrates respuerit illas Lustrationum & sacrificiorum gentilium caerimonias: tamen, quum alterum nihil ad Philosophiam pertineat, ad alterum Medicinalis disciplina per se non ducat aut instituat, de alterutro Purificationum genere Auctorem hic loqui, non fit verisimile. Illum autem morem, quo morbi variis καθαρμοῖς καὶ ἐπαοιδῆσι, expiationibus & incantationibus curari solebant, (vid. *Proleg.* §. V not. 1 §. 8) vehementer reprehensum fuisse ab Hippocrate, luculentum testimonium perhibet liber *de Morbo Sacro*: vid. supra *Comment.* II §. 5. \*

§. 22. Non autem improbasse Hippocratem sacras Purificationes earundemque caerimonias, quatenus ad cultum Religiosum pertinebant, docemur memorabili loco in eodem *de Morbo Sacro* volumine, vbi IV, 44 seqq. sic scriptum est: Καθαρμοῖσι τε χρέον-  
ται

\* Dan. le CLERC, *Hist. de la Médecine*, I Partie, Liv. III Chap. XVIII disputat, vtrum Hippocrates eodem hoc, qui prae manibus est, loco superstitiones Purificationes intellexerit? quod ipsi non videtur. In fine Capitis haec adiicit, *Un Savant, qui a commencé depuis peu de traduire Hippocrate en François*, (Mr. Dacier, vid. *Proleg.* §. XXII not. 4) veut, que cet ancien Medecin ait entendu par les Purgations, dont on a parlé, les purgations de l'Esprit, qui sont un

effet de la Philosophie. Mais je ne sai, si cela n'est point trop recherché. ZUINGERUS autem, p. 87 nobiscum facit, & de purgatione animi haec accipit, dicens, *Philosophiae munus est, etiam secundum Platonem, animum purgare, tum ab ignorantia; hoc praestat Theorica philosophia, physica, mathematica, divina: tum ab improbitate; hoc praestat Practica philosophia, ethica, politica, oeconomica.*



ται καὶ ἐπαιδῆσι, καὶ ἀνοσιώτατόν γε καὶ ἀθεώτατον ποίε-  
σιν, ὥς ἐμοὶ γε δοκέει, τὸ θεῖον. καθαίρουσι γὰρ τοὺς ἐχομένους  
τῇ νούσῳ\* αἵμασι καὶ τοῖσι τοιούτοις μιάσμασιν ἔχοντας, ἢ  
ἀλάστορας, ἢ πεφαρμαγμένους ὑπὸ ἀνθρώπων, ἢ τι ἔργον ἀ-  
νόσιον ἐργασμένους. οὓς ἐχρῆν τὰναντία τούτοις ποιεῖν, θύειν  
τὲ καὶ εὐχεσθαι, καὶ ἐς τὰ ἱερὰ φέροντας ἱκετεύειν τοὺς θεούς.  
νῦν δὲ τούτων μὲν ποιοῦσιν οὐδέν, καθαίρουσι δέ. καὶ τὰ μὲν  
τῶν καθαρμῶν γῇ κρύπτουσι, τὰ δὲ ἐς θάλασσαν ἐμβάλλου-  
σι, τὰ δὲ ἐς τὰ ὄυρεα ἀποφέρουσιν, ὅπη μὴδεὶς ἀφῆται, μὴδὲ  
ἐπιβήσεται· τὰ δ' ἐχρῆν ἐς τὰ ἱερὰ φέροντας τῷ θεῷ ἀποδοῦ-  
ναι, εἰ δὴ θεός γέ ἐστιν αἰτοῖς. οὐ μέντοι ἐγώ γε ἀξιῶ ὑπὸ θεοῦ  
ἀνθρώπου σῶμα μιάνεσθαι, τὸ ὑποκηρότατον ὑπὸ τοῦ ἀγνοτά-  
του· ἀλλὰ κῆν τυγχάνη ὑπὸ ἐτέρου μεμιασμένον, ἢ τι πεπον-  
θὸς, ἐθέλοι ἂν ὑπὸ τοῦ θεοῦ καθαίρεσθαι μᾶλλον ἢ μιάνεσθαι.  
τὰ γοῦν μέγιστα τῶν ἀμαρτημάτων καὶ ἀνοσιώτατα τὸ θεῖον\*\*  
ἐστὶ τὸ καθαῖρον, καὶ ἀγνίζον, καὶ ἔρυμα γενόμενον ἡμῖν· αὐτοὶ τε  
ὄρους τοῖσι θεοῖσι τῶν ἱερῶν καὶ τῶν τεμενέων ἀποδεικνύμενοι, ὥς ἂν  
μὴδεὶς ὑπερβαίνη, εἰ μὴ ἀγνεύοι· εἰσιόντες τε περιῤῥαινόμεθα, οὐχ  
ὥς μαινώμενοι, ἀλλ' εἰ τι καὶ πρότερον ἔχομεν μῦθος, τοῦτο ἀ-  
φαγνιούμενοι. καὶ περὶ μὲν τῶν καθαρμῶν οὕτω μοι δοκέει ἔχειν.

Quae

\* Inferendum videtur ὅς. V. Ce-  
leb. Io. Matthi. GESNERVS comprobat  
quidem hoc additamentum, sed demum  
post v. μιάσμασιν illud collocari velit;  
haec porro μιάσματα cum αἵμασι pro  
ipsis καθαρμοῖς, remediis expiatoriis,  
habet, & deinde ἔχοντας ἀλάστορας  
interpretatur homines malis daemonibus  
obsessos.

\*\* V. Cl. Car. Phil. GESNERVS,  
in *Diff. Inaug. de Divino Hippocratis*, §.  
XXIV proposuit Patris sui, Io. Mat-  
thi. Gesneri, interpretationem vocis  
θεῖς illo in loco, qui gemino asterisco  
signatus est, ibidemque ipsis *sulphur* si-  
gnificare videtur; contra ea, si de Deo

*simpliciter* ὅς proxime intelligenda sit,  
*Hippocratem praecedentem sententiam non*  
*confirmasse, sed otiose repetisse.* Et  
quamvis sulphuris vsum in lustrationi-  
bus fuisse constet, quemadmodum ap.  
*Lomeierum de Lustrationibus veterum*  
videri potest, & ex gr. de Melampodis  
lustrationibus idem ex *Clemente Alex-*  
*andr.* refert *Schulz. Hist. Medic.* p. 90:  
tamen solo aut praecipuo sulphure lu-  
strationes fuisse peractas, dubitare fas  
est. Liceat mihi ab auctoritate illorum  
Virorum, quorum alterum Patronum  
summum, alterum charissimum Ami-  
cum colo, haecenus discedere.



Quae sic intelligo: Adhibent illi, qui morbum sacrum Deo diuinisque proxime adscribunt, remedia expiatoria & incantamenta; quae quidem re Diuinae naturae talia attribuunt, quae eam a sanctitate & diuinitate quam maxime remouerent, ut mihi quidem videtur. Expiant enim eos, qui hoc morbo affliguntur, eodem modo ac illos qui sanguine (caede, contrectatione corporis mortui &c.) & aliis similibus impuris rebus polluti sunt, aut qui grauissima scelera perpetrarunt, aut qui ab hominibus medicamenta insana (philtrea, pocula furiosa, &c.) acceperunt, aut qui aliquod impium facinus commiserunt; itaque simili labe corpus in morbo sacro Diuina virtute contaminari profitentur. Quod si vel maxime ita foret, tamen contraria illis expiationum ritibus facere eos deceret, nimirum sacrificia & preces offerre, & aegrotis in aedes sacras adductis, Diis supplicare, quo malum illatum iterum auferrent. Verum horum quidem nihil isti faciunt, sed tantum remedia expiationum adhibent. Et eorundem remediorum alia in terram abscondunt, alia vero in mare abiciunt, alia in montes asportant, & sic illis in locis de industria collocant, ubi nemo ea attingere, neque super incedere possit. Mea autem sententia, eadem oporteret, in sacras aedes delata, Deo reddere, si quidem Deus eorum auctor fuerit. At enimvero, ego profecto non existimo, hominis corpus inquinari a Deo, corruptionibus impuritibusque maxime obnoxium illud, a sanctissimo castissimoque: sed contra, si etiam acciderit, ut ab alio corpus pollutum sit aut labe morboe affectum, utique magis consentaneum videtur a Deo purgari velle & exsolutionem noxae petere; non autem contaminationem a Deo expectare. Et hoc etiam nostrae religionis scitis respondet & consentaneum est: nam propter eandem rationem haec praecipit, Deum eiusque virtutem esse illud, quod vel grauissima & pietati quam maxime aduersa peccata expurget, & expiet, ad eamque rem nobis ara tuta siue perfugium constitutum sit; & hinc itidem est, quod illi, qui religiosi cultus curam gerunt, Diis certos in aedibus sacris delubrisque terminos assignant, quos neminem transire fas est, nisi qui expiatus purusque sit; proptereaque etiam, quum ingredimur, aqua lustrali adspergimur, non sane quo commaculemur, sed e diuerso, ut, si quod etiam antea scelus aut culpam contraxerimus, inde expiemur. Et ita quidem mihi videtur de expiationibus statuendum esse.



§. 23. Atque hic ipse modo propositus ex *l. de Morbo Sacro* locus, admirabili caelestioris doctrinae luce radiare visus est Carolo DRELINCOURTIO, dans le *Discours sur quelques pensées d'Hippocrate & de l'Ecriture*, p. 19. seqq. vbi sic loquitur: *En verité, ces choses-là (de quibus proxime ante) sont grandes & magnifiques; mais en voici encore de bien plus ravissantes dans la bouche d'un Payen. Car son zèle pour la Divinité le fait écrier, que les hommes ne sont qu'impureté & que soüillure; mais que Dieu est la pureté & la sainteté même. Il semble donc, que l'Esprit du Dieu-Vivant ait écrit sur des tables de chair, dans le coeur de ce Payen a, Que nul ne tirera le net de ce qui est soüillé b; Que personne ne peut dire, j'ay purgé mon coeur, je suis net de mon péché c; car tout homme pêche d; & tout homme est menteur e, vuque nous sommes tous soüillez de lèvres f, & pleins de fraude g, mais Dieu seul est Saint h & juste i & véritable k. Après cela, mon Précepteur ajoute, que nos péchez les plus énormes, & que nos iniquitez les plus impies sont éfacées de Dieu. Il est vray: car le Dieu de David couvre tous les péchez de son peuple l. Plût au Seigneur, o aveugle Payen! que tu fusses remonté jusqu'à la source unique du sang précieux de Jesus m, qui nous purifie de tout péché n. Voicy encore un endroit, ou la piété de mon Auteur repand une odeur fort-agréable: car il reconnoit, que Dieu est notre apui, & notre défense. Que se peut-il de plus conforme aux expressions de David? qui se glorifie partout, de ce que l'Eternel est sa force o, & son apui p; son rocher & sa forteresse q, sa retraite r, & sa delivrance s; son aide, & son bouclier t; & enfin, la corne de son salut v, & la force de sa vie x. \*\**

§. 24. De vocabulo, Ἀπεμπόλησις, nihil habeo dicere, praeterquam

\* Ex dictis Biblicis, quae cumulatiflime constipauit Auctor, aliquot tantum praecipua allegabo.

<sup>a</sup> 2 Cor. 3, 3.

<sup>b</sup> Job 14, 5.

<sup>c</sup> Prouerb. 20, 9.

<sup>d</sup> Rom. 5, 12.

<sup>e</sup> Rom. 3, 4.

<sup>f</sup> Esai. 6, 5.

<sup>g</sup> Psalm.

10, 7.

<sup>h</sup> Apoc. 15, 4.

<sup>i</sup> Exo d. 15,

11.

<sup>j</sup> Deut. 32, 4.

<sup>k</sup> Esai. 59, 17.

<sup>l</sup> Psalm. 31, 6.

<sup>m</sup> Jerem. 4, 2.

<sup>n</sup> Psalm.

132, 1. Heb. 8, 12. Psalm. 85. 3. & 4.

103, 3.

<sup>m</sup> 1 Pet. 1, 19.

<sup>n</sup> 1 Ioh.

1, 7. 9.

<sup>o</sup> Ps. 28, 7.

<sup>p</sup> Ps. 18, 19.

<sup>q</sup> Ps. 19, 15.

62, 3.

<sup>r</sup> Ps. 27, 5.

<sup>s</sup> Ps.

70, 6.

<sup>t</sup> Ps. 33, 20.

3, 4.

<sup>v</sup> Ps.

18, 3.

<sup>x</sup> Ps. 27, 1.

\*\* Quod si ista ratio Drelincourtii valebit, ad ἔρουμε illud applicari forte rectius possit locus Hebr. 6, 18. 19.



terquam quod in Annotationibus Philologicis attuli. Diuerſas aliorum expoſitiones congeſſit F O E S I V S in *Oeconomia*, h. v.

§. 25. Ἡ δεισιδαιμονία THEOPHRASTO in *Charact.* cap. XVI δόξειεν εἶναι δειλία πρὸς τὸ δαιμόνιον, videtur eſſe meticuloſa animi affectio, qua quis veretur, ne ſibi malum a Daemone aliquo accidat. Iam, velut quotidianis praefentibusque experimentis quilibet poteſt cognoſcere, vulgus, (praefertim qui in eo ſunt ἀδυνότεροι καὶ ὀλιγοψυχότεροι, minimeque ad reputandum idonei, praecipue muliercularum genus,) quodcunque acciderit, cuius naturales rationes ſiue cauſas non videant aut animaduertant, occultae alicuius & ſuperioris poteſtatis, ſpiritus, daemonis, diaboli, Angeli, vel ipſius Dei virtute aut effectū proximo, quem praefcire, deuotare, auertere humanā ſapientia viribusue non liceat, fieri exiſtimare: Quumque in illis caſibus non poſſint non eſſe quam plurima, quae contra voluntatem ipſorum accidant, & cupiditatibus eorum aduerſentur, adeoque in malis ponantur; haec ſibi damna & incommoda a malis infenſisque gēniis procurari putant. Qua opinione occupatos, quum & magna admodum celerisque ac vehemens vis illis daemonibus tribuatur; nec ſenſu eadem percipi aut caueri poſſit, ſane magno perpetuoque metu, ſolicitudine, anxietate, ſubitisque terroribus agitari necesse eſt; hinc animum frangi, conturbari, in coeptorum peractione deficere, poſtremo deſperare. Graphice hanc miſeriam ob oculos ponit PLUTARCHVS in lib. περὶ δεισιδαιμονίας, itemque LVCRETIVS ſubinde, praefertim Lib. I v. 63 ſeqq.

§. 26. Qui antiquorum hominum autem rerum Naturam cauſasque ſtudioſius perquiſiuerant, & mentem diligentius in eam contemplationem intenderant, repertis iis plurimarum rerum contingentium cauſis, quae in earundem natura, ordine, nexu, mutuiſque in ſe inuicem effectibus poſitae ſunt: facile perſpiciebant, metum illum in quamplurimis inanem eſſe; & viciffitudines illas, quae innumerabili varietate res humanas diſtinguunt, certis, mundo ſ. rerum vniuerſitati inſitis, legibus conſequi; quaeque contingunt, ſemper in aliis rationem ſuam habere, cur ita, nec aliter fiant. Cuius ſcientiae praefantiam intelligens VIRGILIUS exclamat, Ge. 2, 490.



*Felix, qui potuit rerum cognoscere causas,  
Atque metus omnes & inexorabile fatum  
Subiecit pedibus, strepitumque Acherontis auari.*

Haec quum viderent, quidam, non satis cauti ad peruidendum verum rei discrimen, aut nihil nisi quod in perceptionem cognitionemque sensuum corporis cadit, crediderunt, Diuinamque naturam, Daemonas, omnemque spirituales potestatem negasse dicuntur; quo referendum illud carmen, quod in Fragmentis PETRONII, post Satyricon, p. 676 Burm. legitur,

*Primus in orbe Deos fecit timor, &c.*

Aut Deum quidem esse dixerunt, sed eum, procul a rebus humanis, in intermundiis summa gaudere ac frui beatitate, nec interesse stultis, prauis, iniquis, impiis, sceleratisque, ac miseris hominum cupiditatibus, studiis, curis, & actionibus; Naturam eum, semel constitutam, sibi solam relinquere, plenamque permittere potestatem ex necessariis agendi causis nexibusque; denique

*Non curare Deum credunt mortalia quicquam.*

In quam sententiam LVCRETIUS, Lib. I, 57

*Omnis enim per se Diuum natura necesse est*

*Immortali aeuo, summa cum pace fruatur,*

*Semota ab nostris rebus seiunctaque longe:*

*Nam priuata dolore omni, priuata periclis,*

*Ipsa suis pollens opibus, nihil indiga nostri,*

*Nec bene promeritis capitur, nec tangitur ira.*

§. 27. Mediam inter ista duo praecipitia tenuisse viam videntur illi Philosophi aut philosophantes, qui & Deum, eiusque ministros Daemonas agnouerunt, & ex illius mandatis arbitriisque, ab hisce curam geri rerum humanarum, totumque vniuersum administrari guber-



gubernarique, & varias in mundo vicissitudines ad destinatum finem institui, eaque ratione esse Prouidentiam, statuerunt. \* Vid. *Proleg.* §. V not. i tot. Primo enim, multa passim & quotidie frequentissimeque euenire obseruantur, quorum naturalem rationem perspicere nec sapientissimi omnes omnium saeculorum viri potuerunt: cuiusmodi sunt, quae Anima in homine caeterisque animantibus, per membra corporis edit opera. Nec opus est, quamlibet recte possimus, huc aduocare futurorum praedictiones, apparitiones, insomnia, & omne diuinationum genus; quandoquidem omnia huius generis non possint habere certam fidem, nisi a propria, quae rara est nec ad alios pertinet, cuiusque experientia; excepto, si quid hac in re Sacrarum Literarum auctoritate persuasum habemus. In his igitur rebus indagandis quum deficiat humanus intellectus & terminos sibi positos deprehendat, (quandoquidem nullo modo sub sensu cadunt) statim superiorem & diuinorem causam agnoscere par est, quae hanc incognitam animae vim ita instruxerit. Deinde, in iis rebus contingentibus, quarum naturales connexasque rationes reddere licet, tamen ad vltimum subsistere naturalium causarum seriem necesse est, quum e. g. ad prima corporum aut materiae initia, ad principium motus, grauitatis, vis magneticae, ad lucem, immensitatem, &c. progressus factus est. Sed &, dum agunt causae istae secundae, idque δι' ἀνάγκην θεῖν, vt loquitur Hippocrates, secundum leges diuinitus impositas: tamen primam causam eiusque

\* Similis sententia tribuitur maximo NEWTONO: refert enim Mr. Bayle, Lettre CXLIV, se ex erudito Anglo cognouisse, *Que Mr. Newton panche fort à croire, qu'on ne peut rien expliquer en physique par les seules Loix du mouvement; & qu'elles sont par tout dirigées par des Intelligences particulières.* Adeoque ipse summus ARISTOTELES ex motu corporum caelestium probare bonas Intelligentias conatus est. Caeterum, quanquam non improbable rationi sibi relictae videatur, esse summi Dei administros Daemones s. Angelos:

tamen dubitari iure potest, an ipsum Rationis lumen homines in suspicionem mediarum potestatum primum adduxerit; quin etiam, an non dubia multorum generum, hac in quaestione subnata, integrum verumque rationis assensum aut persuasionem cohibere debuerint. Qua re adducor, vt cum S. Reu. Doct. OPORINO, in *Erläuterte Lehre von guten und bösen Engeln*, Cap. I §. 3, statuam, Daemonologiam ex traditione esse potissimum, non ex ratiocinio Philosophico.



eiusue virtutem semper simul praesentem adesse oportere, hinc perspicuum est, quod, quum causarum, inde ab ultima, omnium perpetua sit connexio, vnaque ex altera pendeat, & vel vnicâ sublata, reliquae omnes eodem ordine modoque consistere nequeant; certe ne minima quidem causarum naturalium particula vt vel momento temporis permaneat fieri potest sine praesente primae causae s. Numinis concursu & actionis propagatione.\*\* Nec intellectum habet istius opinionis error, quo Deus mundum constitutum suisque instructum viribus, nunc sua propria virtute subsistere suasque res agere, sine Dei coniuncta opera, permisisse creditur, quemadmodum e. c. horologium, aut quaelibet machina, ab artifice perfecta, deinde ex rationibus suae constructionis agat. Tantum enim abest, vt opera humana vel artis cum diuinis aut naturae effectis comparari possint, vt ipsa illa artis opera sine naturae numinisque sustentatione consistere nequeant. Nec tamen haec eo valent, vt in administratione huius vniuersi Deum nihil a constituto consuetoque naturae ordine recedere statuendum sit: hanc enim ipsi libertatem mutandi reconcinnandique sua opera, nulla necessitas eripit; nec adeo omnium rerum perturbatio illas extra ordinem inductas mutationes consequi debet. Caeterum, neque sic malorum, quae in rebus humanis fiunt, causam in Deum referimus: (nam de bonis tantum naturae effectis nunc quidem locuti sumus) quin potius eorum in numero esse velimus, quibus omnia quaeuis in bonum cedunt.

§. 28. Quanquam igitur Angelis s. Daemonibus tanquam ministris in gubernando mundo vtatur Deus, & partim per ordinem naturalium causarum, partim extra solitum ordinem, neque tamen  
minus

\*\* Io. Bapt. MORINUS, in *Astrologia Gallica*, Lib. I Theorem. xxxi p. 12 b. *Ens infinitum concurrit efficienter, & immediate, ad omnes effectus reales entis finiti.* Intelligit autem, vt ipse addit, *immediationem suppositi, & non virtutis effluxae: quod ab ente in finito virtus non effluat extra ipsum, qua producat ens finitum.* Denique demonstrationi subiungit, *Huius Theore-*

*matis demonstrationem attenta mente perpendant, qui de Deo tam male sentiunt, vt ipsum theorema negent, asserentes, Deum initio creationis semel dedisse vim agendi causis efficientibus, qua sine concursu Dei suos producant effectus: friuolis ratiunculis, quarum vanitatem ostendimus libro de concursu Primae causae cum secundis aduersus Iansenistas.*



minus per naturae vires tanquam instrumenta, agere illos iubeat: tamen propterea metum abiectum concipere numinis non decet eos, qui virtutis studio tenentur eiusque officia colunt. Licet enim deprehendere, naturam & res humanas eiusmodi legibus esse constitutas & adstrictas, vt, qui ex vera animi sententia virtutis praecepta sequuntur, nequaquam hactenus malis afficiantur aut vere infelices esse possint; sed contra, colendis officiis beatae vitae cominoda consequantur, quaeque adeo mala videntur aliis, ea sibi prodesse & in bonum cedere experiantur. Nam &, si quae grauias sibi & molesta accidant, ea ex suis ipsorum reliquis prauis studiis cupiditatibusque originem ducere intelligunt, seque hoc modo commonescunt, vt eo maiore studio ad exercendam virtutem, vnicum Naturae aduersus calamitates humanas remedium, contendunt. Conf. *Proleg.* §. V not. 2. it. §. VI. Qui quum sit ordo Naturae, tum Deum, eiusque administratos iisdem rationibus gubernare mundum, constat certissime, eorundemque beneuolentiam, opem, auxilium boni sibi procul dubio polliceri possunt. Quapropter etiam sapientum antiquissimos, nullos sibi malos genios esse, sed omnes bonos statuisse quidam existimant: vid. *Proleg.* §. V not. 1 §. 2. \* Et quamquam, contra *Bekkerum* & similes, malos Daemones esse vtique asserendum sit: tamen, quum non nisi permittente Deo, poenas ab improbis ob mala facinora repetant, quo scelerum suorum legitimos fructus percipiendo vitia dediscant; probis, honestis, piis nihil quidem eatenus ab illis timendum est.

§. 29. Sic in Medicina, morbos quidem partim consueto *Naturae* ordine procedere, partim aliquid *Diuini* habere, obseruauit Hippocrates, & classicus hac de re locus exstat in princ. libri *Prognostici*. Verum vtriusque generis morbi a propioribus causis naturalibus excitantur, remediisque naturalibus curari possunt, cum operâ Medici, tum Deo iuuante & Medici ministerium supremâ potentia moderante,

\* Quamquam minus recte sic ibid. notitiae, vel ex ipso Homero ostendit iudicauit van DALE: Satis enim liquido S. Reu. OPORINVS, l. c. Cap. I §. vestigia propagatae ab Hebraeis, maioribus & 14. 13 & 14. lorum pariter ac bonorum geniorum



rante, viresque medicamentorum naturales sua praesente coniunctaque virtute ad prosperos effectus atque successus sustentante ac dirigente. Sed de hoc argumento postea in *Comm. ad Sect. VII* latius curatiusque. Deo igitur & sua remediorum naturalium scientia fretus Medicus, s. vt alibi ait Hippocrates, *φύσει καὶ θεοῖς* obsequendo, aut *ἐν τοῖσι θεοῖσι*, i. e. precibus ad Deum & sua industria coniunctis, medicinam morbis inuenire potest, (vid. l. *de Insomn.* II, 12. seq. & ibid. extr. s. XXI, 7. it. *Epist. ad S. P. Q. Abderit.* n. 12 p. 904 Tom. II Lind.) minimeque ipsi metuendum est, a malis Daemonibus curationes suas turbari, impediri, perueritiue praeter Dei voluntatem posse: quantumuis licet peccata sua morbis luant aegroti. Adeoque ex lib. Hippocratis *de Morbo Sacro*, Cap. I-IV perspicuum est, eum in morborum nascendorum modo plane nullos Daemonas admisisse, sed omnem Diuinam naturam, *τὸ θεῖον*, adeo sanctam, puram, atque bonam habuisse, vt morbosarum impuritatium proxima efficientia in illam non cadat. vid. supra §. 22 huius, it. *Commentarius* II §. 5. Talem denique persuasionem s. *ἀδελσδαίμονιαν*, magnum omnino momentum afferre ad fiduciam in peragendis artis medicinalis operibus praestandam, facile intelligitur: & Hippocratem quidem praecipuam habuisse artis fiduciam, supra vidimus, *Comm.* IV §. 13.

§. 30. Ea est humanae naturae praestantia, vt rerum creatarum & in sensum cadentium nihil ei dignitate par sit. Nam & virtutum capax est, quibus alias res creatas suae potestati subiicere, eas pro suae voluntatis arbitrio moderari, & in suos quoslibet vsus conuvertere possit: & quae extra fines potestatis humanae posita sunt, tamen homini officia sua necessario praestant, vt Sol, vt Luna, vt eius generis alia. Cuiusmodi cogitationes quum accesserint ad naturalem hominis opinionem & cupiditatem, qua suae conseruationi vsibusque quaeuis parata esse putat & cupit: incipit magnum aliquid de se sentire, naturalis libertatis aequalitatisque iura tueri, nec dominum aut superiorem ferre praeter Deum aut eos, in quos potestas iure translata est, & a quibus ea iuste administratur. Quodsi vero naturalem suam dignitatem & eminentiam recte tueri velit, quo per-



perspicacior est, eo magis videt, ad verum decus laudisque perpetuitatem, adeoque ad vitam beate peragendam, opus esse, ut mentem suam animumque ad omnem virtutem componat, hac propria virtute in omni vitae varietate nitatur, nec sese quaerat extra; quaecunque porro vel effectum causarum naturalium aut caelestium accidant, vel hominum opera fiant, & si suum ipsius corpus, siue bene siue male, afficiant, in iis ita versetur, ut semper propositum recte honesteque viuendi morem tenere contendat, nec quacunque re sese a regia virtutis via deflecti patiatur, neque animum perturbari, sed tranquillitatem animi & diuinam illam εὐταθίαν ἐν ἑαυτῷ constanter conseruare studeat. Haec est illa ὑπεροχὴ θεία, Excelsitas & Magnitudo animi, quam Natura docet, & de qua passim veteres auctores, sapientes, & poëtae perquam magnifice loquuntur: cuius quidem memorabile nostris temporibus praebuit exemplum diuinus (iam verius ita dicendus) BOERHAAVIUS, quemadmodum ex oratione Celeb. Alb. SCHULTENS, in obitum viri habita, non sine admiratione cognosci potest. Quemadmodum autem magnorum operum effectrix est & diuinam auctoritatem conciliat haec animi constitutio, si recte se habeat: ita facile potest in vitium degenerare, si quis sese efferat supra alios, & sibi honorem ac gloriam arroget extra respectum colendae virtutis & officiorum, aut, quod eodem redit, honorem & laudem in agendo spectet, non veras virtutis rationes; denique si, quicquid praestantiae consecutus sit, non ad Deum auctorem referat.

§. 31. Sapientiae professores illam Excelsitatem in eo collocabant, ut homo Deo similis fieret: id quod mortis meditatione, cognitione sui, καθάρσει, ἐπιστροφῇ εἰς ἑαυτὸν, ἀνὸδῳ efficere contendebant, verbo, ita studium suum ac vitam instituendo, ut mens, ab istis impuris rerum imaginibus falsisque notionibus, quas sensus corporei in ipsam important, exsoluta, liquidam veritatem puro purgatoque intellectu cognoscere possit, & ista sincera ratione omnem vitam regere. Vid. *Proleg.* §. VI. Huc apprime faciunt illi dulcissimi versus, quibus LUCRETIVS 2<sup>o</sup> librum orditur,



*Suaue, mari magno turbantibus aequora ventis,  
 E terra magnum alterius spectare laborem:  
 Non, quia vexari quenquam est iucunda voluptas;  
 Sed, quibus ipse malis careas, quia cernere suaue est.  
 Suaue etiam, belli certamina magna tueri  
 Per campos instructa, tua sine parte pericli.  
 Sed nil dulcius est, bene quam munita tenere  
 Edita doctrina Sapientum templa serena,  
 Despicere unde queas alios, passimque videre  
 Errare, atque viam palantes quaerere vitae,  
 Certare ingenio, contendere nobilitate,  
 Noctes atque dies niti praestante labore,  
 Ad summas emergere opes rerumque potiri.*

§. 32. In obeundis morborum curationibus plurima sese Medico  
 obiiciunt, in quibus nisi illud inuictum animi Robur, Fortitudinem,  
 atque Excelsitatem apud semet ipsum conseruet, curandi munia re-  
 cte administrare vix ac ne vix quidem possit, quaeque ipsum ad iu-  
 stam Despicientiam rerum humanarum perducant; & quo supra  
 vulgus emineat diuinamque gloriam & Auctoritatem adipiscatur,  
 occasiones subministrant. Versandum enim est Medico inter ae-  
 grotantium gemitus, lamentationes, quiritationes, lugubresque  
 clamores, aut inquieta desideria importunasue, morosas, & im-  
 patientes exostulationes, aut furiosos & immanes affectus; inter  
 mulierum aliorumue necessariorum ploratus, eiulatus, querimonias,  
 obsecrationes, anxias obtestationes, desperabundas voces, sollicitudi-  
 nes, turbulentas agitationes; inter ministrantium consultantiumue  
 concursationes, discursationes, ineptam sedulitatem, superuacuas  
 occupationes, contraria priuatarum cupiditatum studia, dissidia,  
 negligentiam faciendorum, contradictiones, additiones intempe-  
 stiuas, & quae sunt similia. Et ipsi morbi admodum frequenter  
 aut tam misere affligunt & excruciant, aut tam vehementer, aut  
 tam subito ingruunt, vt facile misericordia & dolore frangi animo  
 queas, ipsae autem aegritudines citum ex arena consilium opem-  
 que efflagitent. Praeterea saepe grauissima, molestissima, maxi-  
 mos-



mosque dolores creantia remedia experienda sunt, vrendum, secandum, terebrandum, eradicandum, &c. in quibus non decet Medicum sensuum imbecillitate, aut aegrotantium impatientia clamoribusque a proposito dimoueri; & CELSVS Lib. VII Cap. I praecipit, *Esse Chirurgus debet - manu strenua, stabili, nec unquam intremiscente, - animo intrepidus, immisericors, sic, ut sanari velit eum, quem accepit, non ut clamore eius motus, vel magis, quam res desiderat, properet, vel minus, quam necesse est, secet; sed perinde faciet omnia, ac si nullus ex vagitibus alterius affectus oriretur.* Nec per diem tantum interque epulas desideriiis adeuntium vocantiumue praesto esse debet medicus, sed e medio excitari somno & intempesta nocte domno proficisci non grauabitur. Inter tot igitur ac tantorum aduersorum multiplicem varietatem concatenatamque seriem ut, quemadmodum ad recte curandum necessarium est, animum imperturbatum conseruet, nec distrahatur, aut taedium concipiat fiduciamue remittat, magna sane opus est animi fortitudine, *ἡσυχία, εὐσταθία τῇ ἐν ἑαυτῷ, ἀταρακτοποίησις.* vid. *Commentarii* huius §. 16, & *Señ.* IX, 4. XII, 1. 2. 3. 4. 5. XVI, 1 & 3.

§. 33. Deinde cum morborum vis & misera facies, tum mortes ac funera, quam clarissima praebent documenta fragilitatis atque imbecillitatis corporis humani, quas illi vices subeundae sint, quibus malis & afflictionibus obnoxium, quam parum contra morbos & ad perpetuitatem constantiamque vitae felicitatisque valeat, quam celeriter misereque pereat, &c. Quod quum de corporum nobilissimo viderit Medicus, quid de reliquis omnibus ipsum sentire aequum est? Sic iusto rebus humanis statuto pretio, in omnibus ita versabitur, ut nullas ultra naturalem suam praestantiam aestimet; nulli permittat, ut animum perturbet, aut imperet siue actiones suas regat; sed animo illa tanquam longe infra veram hominis dignitatem posita despiciat, moderetur, & ad veros usus adhibeat.

§. 34. Quam animi magnitudinem ac fortitudinem, vera virtute nixam, si Medicus in artis operibus perficiendis prae se ferat ipsisque dictis ac factis de sese demonstrat, sicuti frequentes eum occasiones admonent & exsuscitant, ipsaque iubet necessitas: non pote-



rit aliter fieri, quam ut ii, qui nimio rerum humanarum studio tenentur & cupiditatum explendarum fluctibus fortunaeque vicissitudinibus agitantur, tali diuersa animi constitutione viuendique more, tanquam re minime vulgari & praeter opinionem captumque aut sensum accidente, magnopere percellantur, & vel aliquid diuini hoc esse credant, & talem hominem sibi imperare, monita, consilia, mandata, agendi viuendique praecepta dare, facillime patiantur; qui vero similiter animo affecti sunt, in altero talem praestantiam *mentis & incoctum generoso pectus honesto*, vehementer adament, cultuque & honore prosequantur; si qui autem talem virtutis fulgorem, prae maleuolentia & liuore contrariisque studiis, ferre non possint, tamen non audeant aperte ipsos oppugnare aut recta contra ire, sed cauillando, male interpretando, ambigua captando, clam & ex insidiis molestias facessere contendunt, ipsi sibi met suisque commodis maxime aduersantes. Ille quidem talis Medicus, ista ratione res suas agendo, *ζῆσιν ὡς θεὸς ἐν ἀνθρώποις*, quemadmodum EPICVRVS scripsit: vid. *Proleg. §. VI not. 1. Conf. infra Sect. XVIII, 2.*

§. 35. Et ita quidem in praecedentibus satis, ut videtur, demonstratum esset, ipsam Medicinalium operum exercitationem illa Medicis praebere argumenta, quibus intelligere atque perspicere possint, hanc artem non posse recte aut honeste exerceri ab eo, qui intemperanter ac proterue agit, illiberalem quaestum sibi propositum habet, inexplebilem cupiditatem, libidinem, rapinas, atque impudentiam exercet: *Sect. VI, 3.* Etenim in superioribus praceptum est, necesse habere Medicos contrarias his vitiis virtutes colere, vacuitatem ab habendi cupiditate, tranquillitatem, modestiam, verecundiam, puritatem animi, excelsitatem.

§. 36. Hanc omnis virtutis disciplinam Medici paratam habent in consuetudine cum hominibus & commercio rerum humanarum: *πρὸς ἰητρὸν γὰρ οὐ μικρὰ συναλλάγματα τοῖσι νοσοῦσιν ἐστίν*, ait Hippocrates *περὶ ἰητροῦ*: vid. *Proleg. §. XXIV n. 5.* Ostensum autem iam in superioribus, ubi tulit occasio, est, cum quam varii generis aegrotantibus eorumque propinquis aut necessariis, & quo-



quomodo, versandum sit: quae sane commercia hominum & rerum vsus Medico amplissimam praebent palaestram exercendarum quarumvis virtutum. Caeterum fit verisimile, Auctorem illis verbis, ἡ γνῶσις τῶν προσιόντων, digitum intendisse ad illud Pythagoricae disciplinae institutum, quo illorum, qui ad magistrum discendi gratia accedebant, indolem, naturam, habitum, dicta ac facta diligenter explorare moris erat: vid. *Proleg.* §. VII not. 1. De τέχναις ipsorum artificum, (quanquam & aliorum liberos hic simul intelligi, ratio rei postulet) adscribendus erit locus ex IVR-IVRANDO, Καὶ γένος τὸ ἐξ ἐωυτέου (τοῦ διδάξαντός με τὴν τέχνην ταύτην) ἀδελφοῖς ἴσον ἐπικρινέειν ἄρρεσι καὶ διδάξειν τὴν τέχνην ταύτην, ἣν χρήζωσι μαθάνειν, ἄνευ μισθοῦ καὶ συγγραφῆς παραγγελίης τε καὶ ἀκροήσιος καὶ τῆς λοιπῆς ἀπάσης μαθήσιος μετάδοσιν ποιήσασθαι υἱοῖσί τε ἐμοῖσι καὶ τοῖσι τοῦ ἐμὲ διδάξαντος, καὶ μαθηταῖσι συγγεγραμμένοις τε καὶ ὠρκισμένοις νόμῳ ἱππικῷ, ἄλλω δὲ οὐδενί. Quibus verbis simul arctioris inter Medicae artis professores & alumnos cultae Amicitiae ratio & quasi forma proponitur, similis illi Pythagoricae, de qua *Proleg.* §. VII not. 9 & 10. Conf. Io. Henr. MEIBOMIVS in *Commentario ad Iusiurandum Hippocratis*. Add. Νόμος extr. Declarat igitur Hippocrates, illam ipsam Philosophicorum de virtute praeceptorum scientiam & exercitationem Medicos consequi in ipso hominum commercio & in mediis vitae communis actionibus; neque hactenus Medicinalem professionem in eo deteriorem esse Philosophia, quod Medici necessum habeant versari inter homines & quorumlibet negotiorum ciuiliū varietatem, quum contra Philosophi sese abstrahant a societate vulgari hominum gerendisque negotiis, & contemplationibus se dedant, vid. *Proleg.* §. VI: sed ista ratione Medicinalem disciplinam eandem praebere cultoribus suis copiam & facultatem cognoscendae colendaeque virtutis, quam Philosophia suis contemplando speculandoque promittat.

§. 37. Concludit Hippocrates, Quandoquidem Medicina iisdem quibus Philosophia, virtutibus, ratione adhuc exposita, cultorem suum



um instruat, & Medicus, ad artis opera recte honesteque peragenda; plurimis in casibus & occasionibus, frequentissime, Philosophicam scientiam virtutisque habitum ipsis dictis ac factis viuendique more demonstrare, necesse habeat: eatenus Medicinam Philosophiae cognatam esse, meritoque Philosophiam quandam appellari posse.

## C O M M E N T A R I V S VII

## AD SECT. VII.

§. 1. Venimus iam ad eam libelli partem, quam explicatu difficillimam iudicarunt interpretes: ex quibus ZVINGER. p. 87 Hippocratem hic loqui ait *verbis adeo obscuris, ut Delio natatore videamur opus habere*. Io. Andr. SCHMIDT, in *Disp. de Theologia Hippocratis Naturali* p. 22, scribit, haec, *fatentibus interpretibus, difficilia esse, quod breuitatem affectans pro more auctor, multa subticuit, quorum praesentia claram sententiam absque dubio redderet*. Etiam Dan. LE CLERC, *Hist. de la Med.* P. I L. III Ch. 29 propter obscuritatem non audet sententiam huius loci referre: neque ei *Dacerii* interpretatio satisfecit. Communiter autem committunt Sectionem VII & VIII, quae nobis diuersa argumenta tractare, proptereaque separandae visae sunt. Caeterum hic *locus perquam elegans* dicitur ap. SCHMIDT c. l. p. 13 §. 3: adeoque praecipuus est, quo illa Disputatio nitatur, eundemque ab omnibus ut maxime insignem de hoc argumento, in toto scriptorum Hippocratis volumine, adhibitum videre licet.

§. 2. Postquam Auctor sapientissimus ostenderat, omne virtutum & officiorum genus non minus in legitima Medicinae professione inesse quam in Philosophorum disputationibus: nunc ad praecipuam praestantissimamque philosophiae tractationem procedit, demonstraturus, quomodo sese Medicinalis ars habeat ad religionem s. doctrinam sensumque de Deo. Et, qui Medicum appellauerat *ἰσότηριον*, Sect. V extr. eidemque tribuerat *ὑπεροχὴν θείαν*, VI, 1 extr.



vtique debet ostendere, ipsum Deum diuinamque naturam non esse incognitam in Medicinali disciplina. Quanam ratione, quantoque studio Philosophi communiter, praesertim Pythagorici, grauissimam hanc de Deo & diuinis quaestionem tractauerint, expositum est in *Proleg.* §. III not. 3 & 4. §. V n. 1 per tot. §. VIII n. 6 & 8. add. ib. §. VI n. 4 & 5. Ex quibus quum appareat, circa res diuinas ac caelestes studium Sapientum praecipue, & fere vnice, fuisse occupatum, tanquam in quibus proprie verum insit: simul intelligitur connexionis in textu, per particulas causales καὶ γὰρ, ratio; quo orationis filo significare nimirum Auctor vult, Quum proxime ante dixerit, Medicinam, quia disciplinâ sua omnes, in praecedentibus propositas, virtutes & officia complectatur, propterea recte appellari posse quandam Philosophiam; occurri autem sibi possit, Philosophiam, proprie sic dictam, non versari circa res humanas communisque vitae negotia, neque adeo circa virtutes, quae eo pertinent, practicas, sed eam demum veram atque legitimam esse ac dici Philosophiam, quae in rebus Diuinis contemplandis studium suum operamque habeat positam: hoc igitur quasi concedens Hippocrates, nihilo tamen minus etiam hactenus ait appellationis suae, qua Medicinam vocauerit Philosophiam, constare certam firmamque rationem: Nam etiam Deorum cognitionem intime connexionem esse cum Medicina, pariter ac Philosophi illam sibi praecipue colendam existiment.

§. 3. Nec poterat a Philosophis aliter fieri, quin in indagandis rerum principiis ac causis tandem ad aliquam primam atque principem omnium causam peruenirent: quemadmodum de maximo philosophorum, Aristotele, perhibetur, eum, postquam nihil non acerrimo studio iudicioque peruestigauerat, postremo exclamasse, *O entium miserere mei!* Vid. PFANNER. in *Syst. Theol. Gent.* Cap. II §. IX p. 56: itemque de hac inuocandi formula *Proleg.* §. V not. 1 §. 5 extr. Vbi quoque demonstratum est, veteres Sapientes statuisse vnum summum Deum, κατ' ἐξοχὴν ita vocatum, vulgo Iouem, principem reliquorum: qui *Deus ille princeps, parens rerum, fabricatorque mundi* appellatur M. FABIO *Inst. Orat.* Lib. II, 16, 12; & nonnullos in Atheorum numerum fuisse reiectos propterea,



quod vnum tantummodo Deum posuerint, docet Voss. *de Theol. Gent.* Lib. I c. 1. Quum autem plurium numero Deos dicebant, intelligi volebant Angelos siue daemones & heroes; hosque reliquos Deos totum mundum & res humanas moderari & gubernare sub supremo illo omnium domino existimabant: quemadmodum in *Proleg.* d. 1. declaratum est. Hinc patet significatio ratioque vocis Θεῶν. Daemonum autem & Heroum nomina etiam ap. Hippocratem inueniri, infra dicetur: similiterque, Hippocratem omne quod a Deo est, vocabulo τοῦ Θεῆς comprehendere solere.

§. 4. Quum vero Diuina natura non sub sensum corporis cadat, sed sola mentis inuestigatione cognosci & intelligi possit: ideo disertè pronunciat Auctor, hanc de dIs scientiam esse εἶδέναι ἐν νῶ, siue sensum animi, qui ex attenta rerum contingentium obseruatione nascitur. Similiter distinguebant Pythagorei inter αἰσθητὰ & νοητὰ vid. *Proleg.* §. VI not. 4. Conf. SVIDAS V. Νόος. Sic, τὸν πρῶτον θεὸν Pythagoras vocat τὸν νοητὸν v. *Proleg.* §. V not. 1 §. 5. add. ib. §. VI not. 1.

§. 5. Porro perspicuum est, auctorem ex Practica tantum Medicinae parte, τοῖσι πάθεσι καὶ συμπτώμασι, argumenta ducere pietatis ac reuerentiae Medicorum erga Deum. Nam hanc artem morborum medicatricem, solam quidem Hippocrates medicinae nomine appellauit, ad eamque quam rectissime exercendam, omnem mentis industriam, studium, operamque contulit, eodemque omnis generis doctrinarum subsidia aduocauit. Conf. *Sect.* VIII, 2. IX-XVII. Mecum hactenus planissime consentit SCHELHAMMER. *de Medico Philos. Thef.* V \*

§. 6.

\* Quanquam igitur per se verissima sint, quae scribit M. le FRANÇOIS dans les *Reflexions Critiques sur la Médecine*, T. II Chap. VIII pag. 326, *Les Medecins, qui par le devoir de leur profession sont continuellement occupés à examiner ce qui se passe dans le corps hu-*

*main, sont donc portés par l'admirable disposition qu'ils y remarquent, à reconnaître la souveraine Intelligence qui l'a produit: tamen inde argumentum religionis hoc quidem loco non ducitur, nec proinde vero textus nostri sensui ac scopo plane respondent, quae apud eun-*



§. 6. Sed & de ipsa artis exercitatione loquitur Hippocrates, non de nuda praeceptorum medicinalium perceptione. Nam licet in tradendis artis huius praeceptis s. theoretica medicinae tractatione possint etiam moneri alumni disciplinae de argumentis, quae in medicina pro religioso numinis cultu deprehenduntur: tamen nec ita clare & euidenter cognoscere eadem licet, nisi in ipsa praesentium morborum medicatione versamur, ut

*ante oculos interque manus sint omnia nostras;*

nec fuit alia Hippocraticae disciplinae ratio, quam ut cum praeceptorum artis traditione simul ad ipsa praxeos opera adhiberet discipulos: id quod supra IV, 7 vocat εἶδεναι ἔργον τὸ ἐκ μαθήσιος. it. in *Praeceptionib.* I, 7 τριβὴν μετὰ λόγου. Quin etiam, quum in doctrinae medicinalis institutione debeant omnia per causas & vires corporum naturalium tradi & explicari, quaque ratione & quatenus morbi secundum easdem rerum naturalium potestates curandi sint, doceri: hinc proclivis est, qui haec ita didicit, ad eam opinionem, ut in secundis causis subsistat, neque ultra in indagatione progrediatur; tum putet, ex hac sola scientia curari morbos posse, & quae Dei sint hoc in negotio partes, fere negligat.

§. 7. Duo autem praecipua sunt, quae inter medendum omni arte superiora deprehenduntur, *Natura* humana rerumque naturalium eam afficientium, & *Diuinum in morbis*; vtraque praesentis Numinis argumenta. Et ad Naturam quidem quod attinet, in eo magnus est medicorum inde ab Hippocrate consensus, ut naturam hominis cum ipsam per se mederi morbis in corpore contractis statuunt, tum optimam viam ac methodum ostendere, qua videntes medici feliciter in arte sua versentur: ut adeo summa medicorum ars in eo con-

eundem Auctorem sequuntur, C'est ce que ceux qui sont profession de la sagesse, qu'ils ont la connoissance de la Divinité fortement imprimée dans leur esprit. qui a fait dire à Hippocrate, que la Médecine a une grande veneration pour les Dieux; & que les Medecins ont cela de commun avec les Philosophes, ou a



consistat, vt naturae molimina quam diligentissime obseruent, eius vestigia premant, & in ad mouendis remediis illius velut nutum sequantur. Quo pertinent πολυθρύλλητα ista Hippocratis Epidem. VI t. 5 T. I pag. 809 Lind. νόσων φύσεις ἰητροί & ibid. ἀνευρίσκει ἡ φύσις αὐτὴ ἐωυτὴ τὰς ἐφόδους, οὐκ ἐκ διανοίας. it. ib. ἀπαίδευτος ἡ φύσις ἐοῦσα, τὰ δέοντα ποιεῖ. &c. Conf. de Resectione extr. & de Alimento IV pr. & IIX, 8. In his & similibus locis quum de Humana Natura loquatur Hippocrates; hominis porro natura quum partim ad ea pertineat, quae mechanicis legibus, tanquam affectiones corporis subiecta sunt; partim ad ens in homine sentiens, intelligens, & ex arbitrio voluntatis agens, suarumque sibi rerum conscium; partim denique ad ea, quae in animali oeconomia ex certo sensu, & ad certum necessariumque finem fieri obseruantur, nullo licet consilio aut conscientia mentis: haec diuersitas apud eos, qui vnum his rebus principium supponere voluerunt, opinionum diuortia peperit, ita vt alii Naturam in mechanica corporis eiusque partium fabrica motuque posuerint; alii vero in anima, rursusque vel in sola rationali, vel in triplici illa, vegetatiua, sensitiua, & rationali; alii in spiritibus variorum generum; alii in archeo quodam, subtilissimo aethere, &c. Et artificiosissimâ quidem partium omnium fabrica corpus constructum esse, manifestum est, nec quascunque functiones administrari posse, nisi certâ aptâque partium structura motuque praesente & integro manente. Ad quam machinam efficiendam, mouendam, conseruandam, perspicuum pariter est, opus esse fabricatore; tum principio motum praestante. Et ad fabricatorem quod attinet, staminum corporis compagem inde a principio creati generis humani repetere velle, hypothese niti videtur cum incertâ, tum aliis experimentis contrariâ. Licet enim videre quotidie, deperditas vulneribus, fracturis, attritu, resectione, &c. corporis partes solidas regenerari, cutem, ungues, pilos, ossa, carnem; adeoque partibus, quas in prima rerum origine exstitisse sumitur, amissis, alias enasci. Principium mouens statuere animam, eamque rationalem, consentaneum videtur in iis actionibus, quae ab illius voluntate pendere obseruantur: nam quicquid etiam contradicant, qui res corporis & animae, suâ cuiusque



que separatim virtute administrari, tantummodoque simul contingere, sibi persuadent, non ex se inuicem pendere; hoc certo apparet, post actum aliquem alterius, sequi effectum in altero. In iis autem functionibus, naturalibus sic dictis vitalibusque, quarum mens sibi nullatenus conscia est, eandem tamen facere auctorem aut moderatricem, certe fallaciae hypotheseos obnoxium est.

§. 8. Quare, quum ista supposita ex ratiocinio mentis producta sint, non veris ipsorummet naturalium phaenomenorum observationibus aut experimentis innitantur aut comprobentur; quae quidem statuendi ratio a methodo Hippocratis quam maxime diuersa est, sicut ipse supra totâ *Sect.* IV edocuit, itemque ex aliis eiusdem locis perspicuum est, vid. *Proleg.* §. XI, ibidemque inprimis *not.* 1: aliam quodammodo Naturae Hippocraticae significationem esse necesse est. Iam autem in *Commentario* IV §. 2 seqq. satis, cum Auctoris verbis tum coaeuorum testimonio, demonstratum videtur, Hippocratem hoc Naturae vocabulo significare omne id, quod cum in vniuerso tum in singulis rebus, partibus nimirum in vniuerso inter se connexis, sponte sua propriaque insita vi, sine vlla artis humanae opera, effectus edit. Vnde consequitur, in homine voce Naturae comprehendisse Hippocratem & ea quae vi ac virtute mentis efficiuntur, & ea quae sine consilio animi ipsoque inscio quidem administrantur, tamen a principio quodam, vi spontanea, & ad certum finem agente, fieri deprehenduntur\*: neque hic mechanicam, s. organicam

\* De sensu Naturae humanae memorabiles conscripsit versus, magnus naturae Mythes, Exc. HALLERVS, in poëmate profundi sensus, de *Origine Mali*, Lib. 2 v. 158 seqq.

Ein wachsame Gefühl liegt innert  
uns verborgen,  
Das nie dem Uebel schweigt, und  
immer leicht versehrt,  
Die sämtliche Natur zu seiner  
Raach bewehrt.  
Im zärtlichen Gebäu von Wunder-  
kleinen Schläuchen

Die jedem Theil von uns die Kraft  
und Nahrung reichen,  
Bräuch jedes Ueberwicht den schwachen  
Faden ab:  
Und die Gesundheit selbst führt  
unvermerkt zum Grab.  
Allein im weichen Mark der zarten  
Lebens-Sehnen  
Wohnt ein geheimer Reiz, der zwar  
ein Brunn von Thränen,  
Doch auch vom Leben ist; der wieder  
einen Feind,  
Der sonst unbekant uns auszuhöhlen  
meint,



ganicam dicere mauis; corporis fabricam vlla ratione excludi posse, sed vtique necessariam esse ad vtrumque actionum genus praestandum. Quod autem Hippocrates non plus hac de re tradiderit, id ei nemo iure vitio vertere potest, nisi qui aut plus scire sibi arrogat quam per rerum naturam licet, (cuiusmodi homines ipse redarguere videtur Hippocrates loco *Comment. II §. 5* producto) aut hypothesium studio tenetur. Alias Hippocratem mentem & animam & aërem & ignem, & alia quae ad afficiendum, mouendum, immutandum corpus aliquid conferunt, & nomine & re distinxisse, infra patebit.

§. 9. Quae quum ita sint, non poterit ab Hippocratica Naturae notione excludi animae intelligentis atque ex certo consilio ad propositum

*Uns zwingt zum Widerstand: er  
schließt die regen Nerve*

*Vor Frost und Salze zu: er über-  
schwemmt die Schärfe*

*Durch Zufluss süßen Safts: er kühlt  
das salze Blut,*

*Durch Zwang von heißem Durst,  
mit Strömen dünner Flut.*

*In allen Arten Noht, die unsre  
Glieder fäulet,*

*Ist Schmerz der bittere Trank, wo-  
mit Natur uns heilet.*

Quorum intellectum sic reddi  
posse existimo;

Corporis in latebris humani per-  
uigil imis

Sensus inest, qui continuo quod-  
cunque molestum

Corripit, & noxâ propere irrita-  
bilis, vnâ

Omnem vindicibus Naturam ex-  
fufcitât armis.

Namque, quod exili vitalia flami-  
na filo

Pendent, & mirè tenues tenere-  
que coacti

Vtriculi viresque fouent succosque  
ministrant;

Hinc quisque excessus compagem  
rumperet aequam;

Atque adeo vitam vitae vis destruit  
ipsa.

Hoc metuens Opifex, fibris vitae  
abdidit imis,

Mollibus & nerui fixit clausitque  
medullis

Secretum stimulum, vitae pariter-  
que dolorum

Auctorem; qui hosti, sub funda-  
menta cauanti,

Obniti cogat, vegetos qui frigore  
neruos

Contrahat, & salibus: qui succos  
dulcibus acres

Diluat, atque, vrente siti moni-  
tore, cruoris

Feruorem irriguis humoris tempe-  
ret vndis.

Sic omnem contra tabem, quae  
membra putrore

Solueret, auxilium dat fel Natura  
doloris.



positum finem res suas administrantis opera: & ipsum hoc eius dicta sententiaeque nimis manifesto declarare videntur. Sic, e. c. in libello de *Natura Hominis*, extr. n. 93 seqq. p. 283 Tom. I Lind. recensitis compluribus humanae compagis partibus, ita pronunciat, Ἡ δὲ ἀσώματος ἐν μυχοῖς φύσις ἐξέτευξε παντὰ μορφα σπλάγχνων γένη· ἃ δὲ θάνατος ἐπισταθεῖς, ὥκως ἐπαυσε λειτουργίης. *Natura, a corpore distincta, & in intimis corporis penetralibus residens, fabricauit ista multiformia viscerum genera: quae quidem mors, repente superueniens, confestim ministerio, s. fungendo munere, priuat & quietam reddit.* Et ibid. n. 76 seqq. Ἡ δὲ γειτνιῶσα ταύτησι μήτηρ βρεφῶν, ἡ δεινὸν ἄλγος, τῶν ἐν γυναικὶ μόχθων μυρίων παραιτίη, πεφώλευκεν μήτηρ, ἐκ τόκου προνοίης. *His partibus vicina est matrix (uterus) infantum, grauissimorum illa dolorum effectrix, & praecipua mille aerumnarum in mulieribus caussa: profunde autem latet uterus, idque factum est ex prouida partus edendi cura* \*. Add. locus ex lib. περὶ τέχνης, quem supra in *Comm. V* §. 5 similiter de principio quodam, contractis morbis ex certo eorumdem sensu iudicioque remedium afferente, exposui, vulgarem interpretationem, vbi de artis opera, non de natura, intelligitur, euidenti verborum relationi contrariam arbitratus. Quae ne frustra dixisse videar, en iudicium Viri, qui profecto nihil temere affirmare solet, Exc. HALLERI, in *Not. ad H. Boerhaave Praelect. in Inst. Med. Vol. I* §. CVII not. [4] p. 413, *Hippocratis Natura, crisiū caussa & sanationis, non absque aliqua intelligentia fuisse videtur.* Quibus plane consentiunt verba Auctoris, supra iam §. 5 not. \* allegati, eodem libro Tom. I Chap. VIII p. 334, *Hippocrate a reconnu constamment un principe general dans le corps, qu'il appelle Nature, auquel il attribue beaucoup plus qu'on ne fait d'ordinaire; il semble même, qu'il lui donne une espece d'intelligence.* §. 10. Patere igitur videtur, Hippocraticam Naturae cognitionem nihil esse aliud praeter obseruationem effectuum, quos quaeque res insita propriaque vi, mechanismo, ac legibus efficit ac prodit:

\* Vulgo hanc πρόνοιαν τόκου perperam accipi video de prouidentia opificii

s. summi opificis: licet ad eundem quoque pertineat haec prouida partus cura.



dit: ipsa vis & interior mechanisimi ac legum ratio profunde latet. Porro, ipsi illi effectus, simul ac observantur, statim causam eorum aliquam subesse, mentibus nostris ingerunt. Et quum effectus tam sint admirabiles, non potest non intima in animo medici haec cogitantis, subnasci veneratio ac religio erga causam primariam, περιττόν ἐν ἱητρικῇ τὸ δυναστεῦον, Deum. Huc convenit eximius locus in Lib. I de Diaeta, VI, 21 Lind. ἃ μὲν πρήσσουσιν, (videlicet ignis & aqua, principia rerum naturalium) οὐκ οἶδασιν· ἃ δὲ πρήσσουσι, δοκέουσιν εἰδέναι καὶ θ' ἃ μὲν ὁρῶσιν, οὐ γνῶσκουσιν· ἄλλ' ὅμως αὐτοῖσι πάντα γίνεσθαι δι' ΑΝΑΓΚΗΝ ΘΕΙΗΝ & ibid. XII φύσιν δὲ παντὸς θεοὶ διεκόσμησαν, κ. τ. λ. Inprimis vero quum in curandis morbis medicus debeat Naturae tantum ministrare, (s. seruire, qua de re praeclare dixit b. BOERHAAVE in *Orat. de Honore Medici, Servitute*) Natura autem plurima & potissima, δι' ἀνάγκην θείην, peragat: haecenus quoque apparet ratio illorum in textu verborum, οὗτοι (οἱ θεοὶ) πολλὰ μὲν μεταχειρέονται, πολλὰ δὲ καὶ κεκράτηται αὐτέοισι δι' ἐωυτέων. Conf. *Commentar. VI §. 27-29.* \*

§. 11. In morbis autem observare licet cum communem omnibus eiusdem speciei perpetuumque morem, habitum, symptomata; tum praeterea varietatem aliquam & anomalam in iisdem rebus, quae in typo diuersitas ex constitutione temporum epidemica deriuari consuevit, ipso quidem viam aperiente, in *Epidemiorum* libris, Hippocrate. Equidem de hac duplici varietate libenter interpretarer textum illum Hippocratis, qui reperitur in principio libri *Prognostici*, & permultis disputationibus \* \* ansam dedit: est autem hic, I, 9 seqq.

\*ZVINGER. p. 89 *Vt maxime per causas intermedias & veluti instrumentales ad morbos immittant, & propterea videatur superfluum, ad causas illas primas morborum ortus & successum referre: at tamen in Naturae operibus & accidentiis considerandis, Deum Naturae principem & auctorem agnoscere, non modo non otiosum, sed & necessarium putat*

*Medicus. Non enim quia naturales sunt causae morborum, deorum esse nullam potentiam: sed, quia deorum est in morbis potentia, ideo naturales causas, per quas agunt, considerari debere & vere & pie iudicat. Id quod Auctor com. de Morbo Sacro pluribus confirmat.*

\* \* Nouissima, & quae simul caeterarum summam recenset, est Inauguralis



seqq. Lind. *Homines alii moriuntur ante, quam medicas aduocari possit, idque propter vehementem morbi vim: alii vero, quanquam medicum aduocauerint, tamen celeriter occumbunt; & eorundem alii postquam unum tantummodo diem superuixerunt, alii paullo longiore temporis interuallo, utrique prius quam medicus singularem morbum arte oppugnare possit.* Γνόντα οὖν χρὴ τῶν παθέων τῶν τοιούτων τὰς φύσεις, ὅσόνον ὑπὲρ τὴν δυνάμιν εἰσι τῶν σωμάτων· ἅμα δὲ καὶ, εἰ τι θεῖον ἔνεστιν ἐν τῇσι νόσοισι, καὶ τούτου τὴν πρόνοιαν ἐκμανθάνειν. *Quapropter medicum oportet, quum eiusmodi affectionum Naturas cognouerit, quantum eae superant vires corporum; tum una quoque, si quid Diuini adest in morbis, huius etiam praesagium ediscere.*

§. 12. Cui quidem loco perquam similis videtur alter, *Epidem. I Sect. 3 princ. p. 670 T. I Lind.* *Quae circa morbos accidunt, quorum accidentium cognitione instructi morbos ipsos dignoscimus, haec sunt: communis omnium hominum natura, & singularis cuiusque: morbus: aegrotus: remedia adhibita, & qui ista adhibet: Epidemica Aëris constitutio cum vniuersalis tum secundum partes caeli regionum & vniuscuiusque terrarum tractus: consuetudo: victus ratio: studiorum & exercitationum genera: aetas cuiusque: quae per paroxysmos excernuntur: quotupliciter, & cum quibus mutationibus, morbi sibi inuicem succedunt, eorundemque abscessiones ad exitium & salutarem solutionem.* *Ex quibus, & quae per eadem eueniunt, consideratio instituenda est.* Quarum diuersitatum caeterae, non omnes quidem possunt ad Naturas morborum referri, sed tamen facile deprehendi, & ad cognoscendas morborum naturas adhiberi: contra vero, Aëris constitutio, huiusque vis, & agendi ratio, semper per se incognita manens, solis effectibus se exferit; quamobrem merito Diuinum quid dici posse videtur, quum naturales eius rationes perspicere nequeant. Add. locus ex princ. libri de *Natura Muliebri*, infra §. 15 explicandus.

§. 13. Opus autem videtur etiam exponere pressius, quae generatim fuerit Hippocratis de Aëris in afficiendo corpore humano effectibus



etibus sententia: id quod optime ex libello de Flatibus ostendi posse  
 arbitror. Una est, inquit ib. IV, 3 Lind. morborum omnium ἰδέα  
 s. forma, & eadem omnium causa. Quatenam autem haec causa sit,  
 in sequente oratione exponere conabor. Nimirum, corpora hominum pa-  
 riter ac caeterorum animantium, triplici alimentorum genere sustentan-  
 tur: quae quidem alimentorum genera appellantur σίτα, ποτά, πνεύ-  
 ματα, esculenta, potulenta, spiritus. Porro, Spiritus, qui intra corpo-  
 ra conclusi sunt, φύσαι, flatus vocantur: qui vero extra corpora exsi-  
 stunt, ἀήρ, Aër. οὗτος δὲ μέγιστός ἐστιν ἐν ἅπασιν τῶν συμ-  
 πτωμάτων δυνάστης. Et hic maximus est in omnibus accidentibus do-  
 minus, plurimum valet in afficiendo mutandoque corpore, sympto-  
 matisque morborum producendis. Quapropter operae pretium fuerit,  
 illius potentiam considerare. (V) Est autem ventus, fluxus & diffusio aëris.  
 Quum igitur magna aëris copia validum fluxum commouerit, tum & ar-  
 bores radicitus euelluntur vi vehemente spiritus, & mare fluctibus contur-  
 batur, & onerariae naues immensa magnitudine in altum eiaculantur.  
 Huiusmodi igitur in his habet potestatem. Quanquam autem oculorum  
 sensu percipi non possit, tamen cogitatione manifesto intelligitur. Quid  
 enim fiat sine hoc aëre? aut a qua re hic abest? aut cui non una adest?  
 Etenim omne spatium inter caelum & terram repletum est spiritu: hic tam  
 hiemis quam aestatis rationem continet, quum hieme densus & frigidus  
 fiat, in aestate vero mitis & tranquillus. Adhaec, iter solis lunaeque &  
 omnium stellarum per spiritum procedit: igni enim alimentum praebet spiri-  
 tus: si vero ignis priuatur spiritu, non poterit viuere s. vigere. Hinc est,  
 quod cursum solis, ut perpetuus sit, aer, qui perpetuus & tenuis existit, efficiat.  
 Sed & de mari perspicuum est omnibus, illud particeps esse spiritus. Non  
 enim viuere natansia animalia possent, nisi communionem spiritus haberent:  
 quanam vero alia ratione communionem haberent, nisi aut per aquam aut  
 ex aqua aërem attraherent? Et terra quidem huic aëri fundamentum prae-  
 bet, quo firmiter incedere queat: ipse vero terrae vehiculum est, adeo-  
 que nihil ab illo vacuum est. Sic expositum est, quemadmodum quamque  
 ob rem aër in caeteris rebus tantum valeat. (VI) Ut autem ad insti-  
 tutum sermonem reuertar, idem hic aër cum vitae causam continet in  
 mortalibus, tum morborum in aegrotantibus. Tanta autem necessitas  
 fruendi



fruendi spiritus urget omnia corpora, ut, quanquam homo, etiamsi ab omnibus aliis & esculentis & potulentis abstineat, nihilominus duos adhuc & tres pluresque adeo dies viuere potest, si tamen quis vias, per quas spiritus in corpus com meat, interceperit, breui particula diei homo intereat: idque propterea, quod corpori maxime necessarius est usus spiritus. Quod ut adhuc magis patefcat, in aliis quidem, quae agunt, omnibus aliquando intermittunt homines; quandoquidem vita plena est vicissitudinum: hoc autem vnum semper omnia mortalia animantia agere perseuerant, ut per vices inspirent & expirent. Expositum igitur est, magnam communionem aëris habere omnia viuientia animalia. Iam statim porro persequar dicere, ὅτι οὐκ ἄλλοθεν ποθεν εἰκός ἐστι γίνεσθαι τὰς ἀρρώστιας μάλιστα ἢ ἐντεῦθεν, non aliunde, verisimile esse, unquam morbos generari potissimum, nisi illinc, ex aëre sc., quando hic nimirum aut maiore copia, aut minore, aut quoque densior, & morbidis inquinamentis contaminatus, in corpus ingreditur. Atque haec de uniuerso argumento dixisse sufficiat. Posthaec autem, quum ad ipsa singularia naturae opera s. effecta (πρὸς αὐτὰ τὰ ἔργα) sermone progressus sum, ostendam, τὰ νοσήματα τοῦτε ἀπόγονα καὶ ἐκγονα πάντα εἶναι; morbos ex hoc aere & nasci & propagari omnes. Etc. Atque adeo iam Corn. CELSI testimonio, Lib. I praef. p. 5 in. Alm. constat, in spiritu omne vitium esse, Hippocrati visum fuisse.

§. 14. Nunc quoque, quam clarissime fieri poterit, ostendendum erit, quid illud sit, quod Hippocrates nomine τοῦ Θείου, Divini, appellauit, quantum id ex libris ei tributis intelligi potest. Praecipuus autem, vbi hoc nomen frequentissime usurpans, variis, quas illo significari vult, rebus attribuit, est Liber de Morbo Sacro dictus: vnde igitur potissimum notio vocabuli eruenda videtur. Principio, I, 2 Lind. ait, Hic morbus, sacer vocatus, οὐδὲν τί μοι δοκέει τῶν ἄλλων θειότερη εἶναι νόσων, οὐδὲ ἱερωτέρη ἀλλὰ φύσιν μὲν ἔχειν, ἣν καὶ τὰ λοιπὰ νοσήματα, ὅθεν γίνεται. φύσιν δὲ αὐτῇ καὶ πρόφασιν οἱ ἄνθρωποι ἐνόμισαν θεῖον εἶναι, ὑπὸ ἀπειρίας καὶ θαυμασιότητος, ὅτι οὐδὲν ἔοικεν ἑτέρῃσι νόσοισι. - - εἰ δὲ διὰ τὸ θαυμάσιον, θεῖον νομιεῖται, πολλὰ τὰ ἱερὰ νοσήματα ἔσται, καὶ οὐχὶ ἓν. - τοῦτο μὲν γὰρ οἱ πύρετοι



- οὐδὲν ἥσσόν μοι δοκέουσιν ἱεροὶ εἶναι καὶ ὑπὸ Θεοῦ γίνεσθαι ταύτης τῆς νόσου, καὶ οὐ θαυμάσιον ἔχουσι. &c. Sacer morbus mihi videtur nihilo Diuinior esse neque magis sacer quam caeteri morbi: sed Naturam quidem, unde fiat, habere eam, quam reliqui quoque morbi habent. Homines autem ei Naturam & causam constituerunt Diuinum esse, idque propter imperitiam eorum & mirabilem morbi speciem accidit, quod nullam cum aliis morbis similitudinem ostendit. - - At si propter mirabile, quod prae se fert, Diuinam causam eius esse existimandum est, certe complures morbi sacri erunt dicendi, non vnus aliquis. - - Nam secundum hanc opinionem febres, e.c., nulla re minus sacri morbi mihi videntur esse & a Deo fieri, quam hic peculiariter ita dictus morbus: quamuis non mirabile habere ii vulgo existimantur. &c. Docent haec verba, primum, ex sententia vulgari Diuinum in morbo fuisse habitum id, quod a Deo fiat: deinde rationem, cur sic statuerint, fuisse admirationem, quam morbi species in hominibus excitauerit: tum iudicio Hippocratis, in mira morbi specie non satis rationis inesse, cur praeter caeteros sacer vocetur aut ad Diuinum referatur &c. Posthaec III, 16 & 32 &c. τὸ θεῖον καὶ ἀνθρώπινον sibi ex aduerso opponit: item ib. 23 & 44 &c. τὸ εὐσεβὲς καὶ θεῖον & τὸ ἀσεβὲς καὶ ἀνόσιον\* coniungit autem, n. 21 τὸ θεῖον καὶ τὸ δαιμόνιον\* addit etiam, n. 43 ἡρώων ἐφόδους. (Conf. Proleg. §. V not. 1.) Quae quidem omnia ad impostorum, quos multis verbis redarguit, sententiam referenda & intelligenda sunt. Ipse τὸ θεῖον ait esse τὸ κατὰ τὸν καὶ ἀγνίζον &c. vid. supra Commentarius VI §. 22. Et haec de notione qua ad Deum refertur, \* Sect. V pr. repetitis iisdem, quae supra iam ab

\* Ad eundem significationis modum explicandus videtur locus, qui in l. de Insomniis Sect. II. reperitur. Quotquot insomnia Diuina (θεῖα) sunt & signa praebent de iis, quae vel urbibus vel peculiari populo, siue bona siue mala, euentura sunt, non quidem propter ipsorum aliquod commissum facinus; de hisce alii studiose excultam artem iudicandi se habere profitentur. Quas autem corporis

aegritudines Anima insomniis significat, ad repletionem aut exinanitionem, excessum rerum natura insitarum aut mutationem consuetarum pertinentes; de iis quidem etiam isti iudicant, partim ita ut euentus respondeat, partim autem fallat: sed neutra horum ita cognoscunt, ut rationem intelligant, quare vel vera vel falsa praenunciare contingat; & tantum admonentes, ut caueat homo, ne quid mali ipsum occu-



ab initio proposita fuere, verbis, diserte pronunciat, secundum suam sententiam, *hunc morbum in sua Natura & Causa Diuinum suum ab eadem re habere, unde etiam caeteri omnes, Φύσιν τοῦτο τὸ νοῦσημα καὶ πρόφασιν ἀπὸ ταύτου τὸ θεῖον γίνεσθαι, ἀφ' οὗ καὶ τ' ἄλλα πάντα. &c.* Ibid. n. 15 hoc axioma proponit, ἄλλὰ γὰρ αὐτοῖσιν αἴτιος ὁ ἐγκέφαλος τούτου τοῦ πάθεος, ὥσπερ καὶ τῶν ἄλλων νοῦσημάτων τῶν μεγίστων, *Enimuero in illis hominibus cerebrum continet causam huius morbi, sicut etiam in caeteris grauissimis morbis. Porro Cap. VI, postquam descripserat venas ad cerebrum tendentes, subdit, Per has autem venas quoque plurimum Spiritus, τοῦ πνεύματος, intromittimus: etenim hae sunt in nobis spiracula corporis, quae Aërem in semet attrahunt, & in reliquum corpus perque venulas deuehunt, & refrigerant, & rursus remittunt. &c.* Hanc de cerebro, indeque toto corpore, a Spiritu aut Aëre (qui item pro ventorum, locorum, frigoris, caloris, &c. varietate diuersos effectus habet) male affecto doctrinam, Cap. VII-XVI persequitur, & omnem phaenomenorum sacri morbi varietatem ex illo principio explicat eique accommodat, subinde iterum admonens de argumentis, unde morbum non a Deo esse, neque Diuinioem caeteris, intelligi possit. Concludit, Cap. XVII, *Quae quum ita sint, cerebrum existimo multo maximam in homine obtinere potestatem. Hic enim, si sanus fuerit, interpretes in nobis eorum est, quae ab Aëre fiunt: & cogitationes animi s. sapientiam, τὴν φρόνησιν, cerebro Aër confert, &c.* Porro, quatenus Aëris particeps sit corpus, totum illud sapientiam adipiscitur: ad intellectum vero qui nuncium perferat, est cerebrum. Nam quum homo Spiritum in sese attrahit, primum ille ad cerebrum peruadit, & sic deinceps in reliquum corpus dispergitur Aër: qui quidem in cerebro relinquit suam ipsius maxime vegetam virtutem, ἐωυτοῦ τὴν ἀκμὴν. &c. Denique Cap. XVIII, 17 seqq. sic absoluit, *Quemadmodum igitur cerebrum primum omnium eorum, quae in corpore existunt, Aerem sentit, ita*

occupet, non simul docent, quomodo cauere oporteat; sed preces ad Deos fundere praecipiunt. Et precari quidem utique

decet & valde bonum est: verum necesse est, ut etiam homo suam ipse operam coniungat cum precibus ad Deos.



ita quoque, si qua validior mutatio in Aere a temporibus anni fiat, cerebrum ipsum a se diuersum fit in aere. Cerebrum enim propterea primum sentit, quia acutissima quoque, & maxima, & perniciosissima, & quae ab imperitis difficillime diiudicari possint, morborum genera in illud incidunt, ut arbitror. Hic itaque morbus, sacer appellatus, ab iisdem causis euentibus nascitur, a quibus & reliqui, nimirum ab accedentibus & retrocedentibus, puta refrigeratione, sole s. calore, spiritibus, quae & frequentibus mutationibus subiacent, neque unquam in eodem statu manent. Haec autem ipsa sunt Diuina: adeoque nihil opus est differentiam huius morbi statuere, & diuiniorum illum quam reliquos putare, sed potius omnes diuinos, & omnes pariter humanos; unumquemque vero Naturam suam & vim in semet ipso habere, neque ullus ita comparatus est, ut explicationem aut curationem non admittat. Ex quibus omnibus confici, sine periculo erroris aut hypotheseos existimo, Hippocrati, tanquam Medico, in morbis Diuinum appellari id, quod ab Aëris in corpus effectus est. Quae huius nominis explicatio magis confirmatur, si theoria Aëris §. praec. 13 proposita conferatur. Praeterea plurimum cum his conuenit Liber de Aere, Locis, & Aquis: ubi e. c. Sect. XLIX plane similia ad verbum leguntur.

§. 15. Hac itaque stabilita significatione τοῦ Θεῖου, facilis explicatu videtur locus, alias variis interpretamentis obnoxius, in princ. l. de Natura Muliebri: De natura morbisque femineis haec dico. Maxime quidem in hominibus causam continere τὸ Θεῖον, id quod ab Aëre est, inprimisque cerebrum afficit, & hinc corpus peruadit, varia symptomata efficiens: deinde Naturae (φύσες) mulierum & colores causas continent. - - Eum igitur, qui haec recte tractaturus est, oportet initium facere ἐκ τῶν Θεῖων, ab iis, quae Aërem immutant, & hoc modo alium aërem s. spiritum intra corpus, & praesertim in cerebri vias introducendo, noxios illos alterius spiritus effectus corrigere & emendare; deinde animum aduertere ad distinguendas cum naturas mulierum, tum aetates, tum anni tempora, itemque loca, ubi sunt. &c. Ita porro aërem immutantia remedia puto nulla alia posse intelligi, quam suffitus, odoramenta, &c. quae cum in hystericis malis praesentissimum effectum praestare deprehendantur, tum de iisdem Hippocrates



crates per totum huncce librum frequentissime admonet atque praecipit, itemque similiter in libris *de Morbis mulierum* \*.

§. 16. Quibus ita expositis, cum omnis Hippocratis de Diuino sententia expedita videtur, tum locus vexatissimus ex l. *Prognostico* supra §. 11 propositus, multo facilior ad intelligendum redditus. Namque hac ibidem admissa significatione, perspicuum est, Hippocratem *Diuinum in morbis* vocare illam in morborum symptomatis s. effectibus diuersitatem, quae praeter solitum atque constantem eorundem morem s. Naturas, (sic enim appellat Auctor) adesse obseruatur, quaeque non solum ab Hippocrate, sed secundum communem omnium Medicorum sententiam, (vnde quasi decretum expressit diuinus BOERHAAVIUS, in *Aphorism. de Cognosc. & Cur. Morbis*, §. 1406 seq.) ad Aëris in afficiendo corpore potestatem refertur: Adeoque haec nostra interpretatio quam proxime accedit ad illam GALENI, quem deinde plurimi magno consensu secuti sunt. Vid. b. Io. Alb. FABRICIUS ad Ioh. Stephani *Theologiam Hippocr.* in B. G. Vol. XIII p. 196 not. f) & p. 233 not. i) \*\*. Et plerosque fere omnes de Diuino Hippocratis auctores illud itidem in Aëre vel caelo quaesuisse, docet ipsa Cl. GESNERI in subiecta nota allegata Diff., quamuis adhuc magis proprie designare istud iidem allaborauerint. Haec autem de Aëre explicatio & Hippocratis & aliorum clarorum in arte virorum doctrinis institutisque multis modis consentanea videtur. Primo e-

nim,

\* In allegatis libris etiam saepe commemoratur τὸ θεῖον ea significatione, qua *sulphur* significat, idemque ad diuersa remediorum vterinorum genera adhibendum commendatur: vnde posset fortassis alicui subnasci suspicio, proposita verba de sulphure accipienda esse.

\*\* V. Cl. C. P. GESNER. in *Diff. de Diuino Hippocratis*, excussis aliorum plurimorum sententiis, eo tandem euadit, vt Hippocratem censeat, cum omnia, quae huius vniuersi complexu continentur, nomine τὸ θεῖον comprehendisse, Deum puta ipsum, eiusque opera, deinde preces ad Deum, & morbos o-

mnes, quatenus nimirum omnia ad Deum tanquam causam vltimam referenda sint; speciatim vero loco, qui disputationis argumentum praebuit, morbos extra ordinem euenientes, intellectos voluisse; & Diuinum, extraordinarium. Mr. le FRANÇOIS *Reflex. Crit. sur la Med.* Tom. II p. 352 *La nature des maladies*, inquit, *n'est pas plus connue: & c'est ce qui a fait dire à Hippocrate, que dans les maladies il y a quelque chose de Divin, c'est à dire d'incompréhensible aux hommes.* Conf. infra §. 18 & 19 huius, ibidemque not. \* & \*\*\* it. SCHELHAMMERI interpretationem in *Proleg.* §. XIII not. \*.



nim, in pestilentia aërem accensis ignibus, excitatis fumis, suffitibus, vaporibus acidis, &c. corrigere solitus est Hippocrates, pariter ac recentiores Medici, quemadmodum cognosci potest ex Scriptoribus Historiae Medic. & pestilentium contagionum enarratoribus. Conf. b. BOERHAAVII *Inst. Med.* §. 1120. Adeoque omne contagiorum genus ex aëre arcessi solet. Deinde, principium illud, quod in nobis motus animalis oeconomiae, sine vlla mentis s. rationalis animae conscientia aut arbitrio, peragit & administrat, siue velis hoc cum Hippocrate πνεῦμα, spiritum, appellare, s. naturam, s. spiritus animales, s. sensitivam ac vegetativam animam, s. archeum, s. ignem, aut innatum calidum, s. principium aethereum, &c. hoc igitur quoque ex Aëre, subtilissimo quidem illo, repetitur. Sufficiat Celeb. A. Q. RIVINI auctoritas, qui in *Diss. de Spiritu hominis vitali*, Cap. IV §. 17 not. p. extr. p. 206 Voluminis editi, *Aerem*, inquit, *generationi spirituum animalium praeberem materiam, crediderunt omni tempore non pauci: vid.* Diemerbroeck. *Anat. Lib. 3 c. 11.* Idem *de spiritibus vitalibus se inuenisse primum gaudet* Reald. Columbus in *Lib. 11 de Anat.* p. m. 411. Eodem quoque iure *de spiritibus naturalibus id asserere potuissent.* Adeoque mihi certum est, in genere spiritus ex aere augeri plurimum. Conf. Ill. Frid. HOFMANN. in *Medic. System.* de principio aëreo-aethereo passim, inprimis e. g. Tom. II Proleg. Cap. 3 §. XII p. 34 seq. it. T. III Sect. I Cap. 2 p. 26. Denique satis inter omnes constat, praesentissimos in curandis morbis effectus praestari ab iis medicamentis, quae ad afficiendum illud aëreo-aethereum (sic enim appellare liceat) principium valent; ut sunt opium, narcotica, anodyna, odoris inprimis & gustus sensum percellentia, &c. Nimium vero aëri & spiritui s. spiritibus tribuisse in morborum negotio videtur FLVDDIVS in *Philosophia Moysaica, Morborum Myste-*rio, &c. aliique similes.

§. 17. Ratio, cur, quae ab aëre sunt, Diuina dicta fuerint, verisimilis reddi potest, quod & ad caelum pertinet, vbi proprium quasi Diuinae naturae domicilium vulgo semper statutum fuit: & quanquam effectus suos exserat aër, tamen ipse sese cognoscendum non praebet, nec sensibus comprehendi potest: & quod adeo magna ac velut diuina virtute pollet, ut propterea μέγιστος δυνάτης ab

Hip-



Hippocrate vocatus sit, supra §. 13. Add. §. 12 sub fin. Atque adeo easdem fere nominis rationes afferunt reliqui interpretes, quemadmodum vel ap. C. P. GESNERVM c. l. videri potest. Similiter de Philosophis annotatum est in *Proleg.* §. V not. 1 §. 2, eos aërem animabus, Daemonibus, Heroibusque plenum existimasse, unde quoque forsitan duci possit nominis ratio.

§. 18. Quod si relictâ Hippocratica τοῦ Θεοῦ notionē, aliis ad sententiam quisque suam hoc nomen rebus tribuere velimus: iusta quoque ratione *Diuinum in morbis* vocari posse videtur illa ad certum vitae terminum adstricta moriendi necessitas; quae quidem sine supremo rerum humanarum arbitro non potest intelligi. Atque adeo hanc de fatali cuique praestituto die doctrinam iam ab ipso Hippocrate propositam, clari viri existimant, & quidem his verbis, in *Libro de Septimestri partu*, Sect. X pr. Καί γε ὁ Θάνατος διὰ τὴν μοίρην ἔλαχεν, *Quanquam mors etiam per fatum sit sorte designata.* Quae verba expositurus Prosper MARTIANVS, in *Magno Hippocrate Coo Notationibus suis explicato* p. 59 C, D, exclamat, *O pulcherrimam sententiam & religioso medico, qualem se perpetuo demonstraui Hippocrates, dignam!* Dixerat enim superius, (Sect. VI pr.) Verum euimvero conceptus & abortus & partus mulieribus in eo tempore fiunt, in quo etiam morbi & sanitas & mors omnibus hominibus fiunt. Haec vero omnia partim secundum dies, partim secundum annum significationem sui praebent. In omnibus enim his temporibus insunt ad vnumquemque & vtilia multa & hostilia multa. Ex vtilibus igitur sanitas & augmentum contingit, ex contrariis vero morbi & mors. *His vero enarratis, & praedictis numeris explicatis, praecedentem reassumens sermonem, hoc in loco inquit, Quanquam mors &c. Quasi diceret, quaecunque de virtute dierum decretoriorum explicata sunt, ad sanitatem aut mortem inferendam aegrotantibus, eatenus vera sunt, quatenus naturae progressus sequuntur: quandoquidem saepe mors & sanitas peculiari quodam modo a Deo praedestinata est, ita ut dierum praedictorum vis nullo modo in iis effectum sortiatur.* In quem sensum recepta est a quibusdam Hippocratis sententia lib. *Prognosticorum* registrata, ubi dicebat, Et si quid Diuini est in morbis, etiam huius prouidentiam e-



discere. Conf. I. A. SCHMIDT in *Diff. de Theol. Hipp. Natural.* p. 28: qui idem ad doctrinam de Prouidentia numinis applicat illam μοίρην ἢ πεπωμένην μοίρην, quam ponit Hippocrates in lib. I *de Diaeta*, Cap. VIII, 9 it. IX, 11 & 18. Addi potest eiusdem ἀνάγκη θείη, de qua supra §. 10 huius. Nec contrarius est locus ex l. de Nat. Hom. productus §. 9. Inprimis autem mire cum ista Martiani expositione consentit ARISTOTELES *de Gener. Anim.* l. 4 c. 10, & l. 2 c. 10 *Ort. Int.* (ἢ de Generat. & Corrupt.) itemque AVICENNA l. 1 Fen. 1 Doctr. 1 c. 3 (ap. Lauremberg. Port. Aescul. c. IV §. 2.) Liceat autem huic de termino vitae argumento longius insistere, & ex Dissertatione, quam a. 1738 conscriptam seruo, *de prudente Temporis Observatione in curanda valetudine*, sequentia excerpta huc transferre.



DISPUTATIVNCVLA  
DE TERMINO VITAE  
f.

DE NATVRALI MORIENDI NECESSI-  
TATE AD CERTVM TERMINVM  
ADSTRACTA.

§. I.

Ponitur quaestio, Num mortis ineuitabilis necessitas ex successiua, nec plane declinanda, minorum vasorum Obstructione du-



cenda sit. (1) Sic enim fere statuunt, qui ex Mechanicis rationibus de fabrica corporis humani, totaque animali oeconomia philosophantur: Quum corpora animalium, in iisque hominum, ita comparata sint, ut humores vi vasorum per ipsa vasa propellantur, atque in eorundem latera adigantur, ex hoc attritu & compressione canalium compagem non posse non sensim magis magisque indurescere, vasa liquoribus expellendis inepta fieri, iisdem inferciri, coarctari, denique coalescere; sic paullatim, fluidis haerentibus vasisque rigentibus, motum vitalem aboleri, ipsamque vitam naturali morte deficere. (2) Contra alii, qui vitam eiusque functiones ab alia quadam mouente virtute, Anima scilicet vel simili re, ad liberum suae voluntatis arbitrium corpus & corporis actiones efficiente atque gubernante repetunt, illi & mortem, defendunt, accidere, quando principium istud Hylarchicum vel terrore vel taedio vel alia quacunque de causa, corpoream molem amplius agitare nolit, & machinam inertem destituat. (3)

(1) Quum haec obstructio naturalem vitae terminum statuere multis videatur, ut deinde clarius patebit: intelligitur, quam haec disputatio rationem ad medicinalem Temporum doctrinam habeat.

(2) Auctores, duumuiros tantum classicos nominabo, b. BOERHAAVIUM, *Inst. Med. cap. de Nutritione* &c. §. 467 seqq. & *Aphor. de Cognosc. & Cur. Morb.* in capp. ubi de morbis fibrarum viscerumque rigidorum agitur, collato §. 128: & Ill. FRID. HOFMANNVM, *Medic. Rat. System.* tom. I Sect. I Cap. I §. 36 seqq. & Cap. 2 toto; it. Tom. II Part. I Cap. I §. 23 seqq. & Tom. III Sect. I Cap. XVI §. 32, ubi primam sibi huius propositi dogmatis gloriam vindicat. Conf. citati ab Ill. G. G. RICHTERO in *Progr. de Morte sine Morbo* §. 4 not. \* adeoque ipse elegantissime doctus Vir

ibid. §. 5 seqq.

(3) Testimonium afferam ex libro, qui licet non multum auctoritatis mereri videatur, ad rem tamen praesentem idoneus esse potest: est autem D. CHRIST. WEISBACHII *Praxis curandorum humani corporis morborum*, Germanice conscripta, (*Cur aller dem Menschlichen Leibe zustoßenden Krankheiten*) ubi in Proleg. p. 7 edit. Vltae 1729, in hanc sententiam loquitur, *Mors est, quum Anima necessarium iudicat, corpus suum putredini & verae corruptioni permittere; & Classe morborum V Cap. VIII de febre tertiana, p. 486, Intempestiva febris suppressione aliquando accidere tradit, ut Natura languescat, & fastidium concipiat regendi amplius eiusmodi corpus, in quo impedita fuit, ne conatus suos, se-*

CHB



*cundum rationem institutos, perficiat. &c.* Add. ib. p. 511 & 528. In Storchii *Praxi Stahl.* Sect. III. Cap. 1 §. 33 subiecta nota p. 1343 edit. 2 adducuntur verba Celeb. STAHLII, *Paralysin esse mouendi negligentiam in corpore nostro,*

*dum saepius per spasmodicos motus frustra molita est Natura euacuationes aliquas, &c.* Norunt autem omnes, Stahlum & qui eius disciplinam sequuntur, Naturae nomine nihil aliud significare quam Animam, Rationalem dictam.

## §. II.

Iam, quod attinet ad sententiam eam, qua vita eiusque sustentatio, principio alicui animato & spirituali tribuitur: hoc non posse, nec velle adeo, sponte sua corpus deferere, id declarant exempla frequentissima hominum, qui vel miserrimam sine spe vitam trahentes serio sibi mortem exoptant; vel dirissimum, idque certissimum, supplicium expectantes, hoc libenter profecto arbitraria morte praeuerterent; vel denique, quos nescio qua mentis vesania correptos, taedet caeli conuexa tueri, contra iuuat ad inferos descendere: Qui omnes tamen nihilo magis voluntariam mortem, tanto expetitam opere, sibi consciscere possunt, nisi violenta manu indignantem animam aegre tandem emoliantur. \*

\* Ad eiusmodi violentiam quoque refero, quod narrat b. BOERHAAVIUS in *Praelect. in Instit. Med.* Vol. II §. 194

p. 145. seq. de seruis Angolensibus, cohibito spiritu se interimentibus: vbi plura confert Exc. HALLERVS.

## §. III.

At reperiuntur exempla hominum prae terrore exanimatorum. Etiam prae gaudio, si fides historiarum monumentis est habenda; forte etiam prae ira, similibusque animi perturbationibus. \* Quae sane nihil aliud efficiunt, quam vehementem, admodum esse vim illorum affectuum ad disturbandum atque destruendum vitae commercium.

\* Exempla dabunt LOTICH. *Obs.* p. 284. VAL. MAX. 9, 12, 3. RHOD. LIN. *Hist.* Cent. 4, 76. ZVINGER. *Theat.*

Vit.



*Vit. Hum.* quos omnes allegat RIVIN. in *Diff. de Spiritu Hominis Vitali*, Cap. I §. 7 p. 167 editi Voluminis.

## §. IV.

Sed nec rationi satisfacit illud Hylarchicorum commentum. Nam, quum duplicis generis actiones obseruentur in homine, voluntariae & non voluntariae: illas quidem, quibus vita sustentatur, voluntati minime parere, manifestum est. Porro animam, vel spiritum quemcunque, quicquid agat, voluntate praecipiente agere, non minus clarum est, certe quantum de ea re mens nostra cognoscit. Sed vereor, vt hoc persuadeam omnibus: siquidem reperiuntur nonnulli, qui sibi persuadere laborant, animam posse agere aliquid, quod se velle, vel vnquam voluisse, omnino ipsa ignoret. Verum eiusmodi hypothesin aut omnino negare aut simpliciter condonare oportet: quandoquidem ita rationi nulla relinquitur potestas inuestigandi naturales rerum causas.

Loquimur iam non de alio quocunque in animatis mouente vel agente, vitamue sustentante principio, quod hominis voluntati & imperio non sit subiectum,

f. a Natura rerum, f. ab Angelis Daemonibusue, f. ab ipso Deo illud repetendum sit. Tale enim non accurate dici posset ad hominis pertinere Naturam.

## §. V.

Nunc de Mechanicis mortis rationibus vt nostrum quoque iudicium interponamus: quum ipsa rei natura loquatur, ita vascula corporis nostri esse constructa, & iugi liquorum permeantium appulsu ita, molli humore expresso, (1) solidis adauctis compactisque densari, vt, nisi nouus continuo succedat humor, fibrosam texturam (2) indurari atque rigescere necesse sit, postquam semel in iustam omne corpus mensuram adoleuit: (3) Sane putandum est, sapientissimum mundi hominumque fabricatorem, qui minus e re nostra esse prouiderit, hoc corpus immortalitate donare, admirabili consilio cum ipsa automati motrice vi coniunxisse necessitatem illam se-



se suis sensim viribus destruendi, praesertim si accedant eiusmodi causae aliae, quae humectans illud liquidum vel arceant vel exsiccant; quales variae deprehenduntur. (4) Atque ipsa profecto nobis experientia passim & frequenter obiicit exsuccos, vel ante diem, mortales, & in decrepitis senibus nunquam non ille marcor rugosaeque pellis observatur. Quandoquidem igitur isto modo complures canaliculi liquori vehendo inepti facti sunt, reliqui inundantem, nisi ipsa quoque deminuat, humorum copiam aegre admittunt, eoque fortius renituntur, quo rigidiores dictis ex causis fuerint redditi. Alueis autem iam non amplius humores capientibus, & aestuante quasi mari microcosmico, proximum est, ut urgente impulsu vascula alicubi rumpantur, & liquida effundantur: quae perruptio profusioque si necessariis locis contingat, cito mortem infert; (5) ac forte non alia ratione mors naturaliter accidit. (6) Videtur tamen vita persistere posse, si modo illa sola vascula pro fluidis circumagendis aperta seruentur, ex quibus primorum animalis staminum compages componitur. (7) Sed eadem haec quoque compressionem & coalitum, addo rupturam, non declinabunt, si reliqua iam crassiora propius incumbant, vel etiam effusa liquida circumfluant, aut nimia copia irruant.

(1) Quemadmodum accidit in perspiratione vel insensibili, vel sensibili, pro varia motus externique caloris conditione graduque, nunc intensiore nunc remissiore; quae si largius succedit, sudor appellatur: quam sequitur desiderium novi liquoris affundendi, s. sitis.

(2) Constat, in analysi corporum, ex certa structurae ratione ad suos motus aptorum, ut sunt animalium & vegetabilium, ultimo reperiri solida quasi filamenta, ope interpositi cuiusdam glutinis cohaerentia, ex quibus deinde reliqua solida contexuntur. Vid. BOERHAAV. *Elem. Chem.* Tom. I Cap. de Terra, it. Tom. II in aliquot primorum Processibus; & *Inst. Med.* §. 434-479 & §. 700 seq. it. *Aphorism.* §. 21 seqq. Prout

illa cohaerentia se habet, compages aut axior aut strictior est; & hinc simpliciora illa morborum genera, de quibus in Pathologia generali & Aphorismis idem laudatissimus Vir, ad quem iure transferri posse videtur illud M. Fabii de Cicerone iudicium, *Ille se profecisse in medicina sciat, cui Boerhaavius valde placebit.*

(3) Antequam ἀκμὴν attigit corpus, quaquaversum explicantur & producuntur illae partes, quibus compages illius continetur: postea vero stat profectus in permanente fibrarum contextu; deinde etiam decrementum occipit; nisi quod dilatata nonnunquam caua plus fluidotum recipiant, ut in obesitas: quae reple-



pletio est, a nutritione & incremento solidorum longe diuersa. Vid. BOERHAAV. *Inst.* Cap. de Nutritione &c.

(4) Vbi liber humorum accessus est, *materies, praeparatio, applicatio, vis motus, semper manent eadem: ergo accurate, quod perditur, restituitur; manent igitur, ut fuerant, solida, hoc est, nutriuntur, conseruantur perpetuo* BOERH. *Inst.* 463. Sed eadem humorum propulsione, dum *vasa maiora a liquore suo magis extensa sunt, simul vascula minima, quae contexta maiorum membranas faciunt, compressa, exsucca, concrefcentia, redduntur; unde firmitas fibris, iactura autem eius vasculi.* Id. ib. 466. Conf. ib. §. 1053 & *Aphor.* §. 39. Causa ergo est compressio, neque ea magis externa quam interna: conferunt eodem validus motus, omnisque nimia contentio, alimenta fortia, similia medicamenta, &c. v. BOERH. *Aphor.* de morbis fibrae rigidae &c. §. 32. 39. 51. Has causas augent varia morborum genera: ut polypi, &c. Post morbos tamen sanatos saepe in integritatem restitui solida, & ratiocinium & experientia docere videntur: vid. infra §. VII not. (11). Sic quotidie attrita motu solida, exhausta liquida, alimentis, quiete, somno, &c. reparantur.

(5) Vt circa Oblongatam, quae dicitur, Medullam & Cor: praesertim si maius vas disrumpatur, qua de re conf. *Anatomes Practicae, vel Observationum scriptores; & succurrit memorabile exemplum apud LANCIS. de Subitaneis Mortib.* Paracelsus dixit, Guttam ex medio cerebro delapsam, efficere apoplexiam: v. Greg. NYMMANN. *de Apoplexia* Cap. I p. 8 & Cap. XXIX p. 161 seqq. Morientem vidi feminam, quae inflammatorio morbo, cum purpura erumpente, decubuerat, aderantque signa haut obscura vehementis pri-

marum viarum inflammationis. Tranquillatis, ut videbatur, rebus, quum inflammatio in putrem corruptionem fatisceret, validissime sanguis ad caput ruebat, & vera apoplexia, qua primum maximo impetu ferebatur sanguis, deinde de vehementia remittebat, nodum vitae soluebat; haut vana suspicione, sublato sanguinis profluxu in abdomine, versus superiora iusto maiorem eius vim propulsam fuisse.

(6) Mortem naturalem sic concipere videntur Auctores, ut, solidis fluidisque ad motum iam ineptis factis, plenaria vitalium actionum quies subsequatur. Verum, quum humorum copia non exacte ad rationem collabascantium aut rigescentium aut obstructorum canalium imminuatur; cordis autem, omnem humorum massam circumagentis, & maxime necessariorum vasorum, robur per continuam membranarum fibrarumque suarum obdurationem augeatur; neque credibile sit, nervos, cordis motui ministrantes, ante deficientem aut praepeditum sanguinis ad cerebrum affluxum, vel non accipere liquidum suum; vel hoc ad cor non transmittere: verisimile videtur, illum itum reditumque vitalis liquidi non ante aboleri, quam commectus vel disruptione, vel effusi compressione, vel putredine interrumpatur. Quales destructio necessariorum ad vitam canalium quum in Syncope, grauiore suffocatione Hysterica; vel quae suffocatio ab intercluso per aquarum inundationem spiritu oritur, similibusque motus ad sensum deliquis, non contingat: inde est, quod in eiusmodi mortis simulacris tamen vita reuocari ad sensuum quoque perceptionem potest, quae in minimis quidem adhuc restitit.

(7) Sunt ea, quae nervorum & cordis commercium efficiunt. Nec pulmonalia iis accensenda in vitae minimae

con-



conceptu: si tamen post huius aëris v- ftere nequit. Conf. BOERH. *Inst. de Nu-*  
furam canalis arteriosus occlusus sit, v- tritione, & §. 695.  
tique sine pulmonum actione vita perfici-

## §. VI.

Ita concipiendam esse mortalitatem nostram, ratio suadet: Videamus nunc porro, quatenus hanc de destructione vitae meditationem declaret, aut confirmet, aut circumscribat, aut amplificet experientia. Primum, in tanta passim morientium strage vix quenquam reperire licet, de quo vel suspicari possimus, illum sine vlla praecipiti violentia, iam matura morte, debitum naturae persoluisse, sed omnes fere legitimam vitae terminum praeuerrere; (1) exiguum quoque, si caeteris conferantur, eorum esse numerum deprehendimus, qui illud vitae spacium transmittant, quod a multo iam tempore in plurimis longissimum observatur: (2) aliquos tamen, vel beneficio naturae, vel salubri victu caeterarumque rerum corpus mutantium usu, vel denique singulari Dei consilio ac fauore, communem aetatis metam longius excedere. (3) Deinde, si diuersitatem corporum animorumque, tum vitae generis, victus, caeli solique, exercitationum, etiam valetudinis per aetatem a morbis illae-fae aut nonnunquam ab iis labefactatae, similiumque rerum reputamus: videmus, diuersissimarum classium homines aetatis spatio sibi fere aequari, (4) modo naturae suae ac consuetudini conuenienter viuunt, nec vis fati aut casus manum iniiciant. Tum, si humanae vitae quasi annales a prima rerum origine repetimus: cognoscimus, quae principio longissima mortalibus concessa fuerat, eam cum crescente hominum multitudine paulatim arctioribus circumscriptam fuisse limitibus, donec ad eum annorum numerum redacta est, in quo adhuc haerere ut plurimum solet. [5] Qua quidem in re & illud consideratione quam maxime dignum est, quod; quum eodem fere numero homines moriuntur ac nascuntur, tum marium feminarumque numerus circiter aequalis est. [6] Postremo, tamen nec corporum humanorum naturam mutatam esse, verisimile videtur;

nec



nec res, quae corpus alunt, mutant, aut quocunque modo afficiunt, deteriorem indolem acquisuisse. [7]

(1) Vid. Ill. G. G. RICHTERI *Progr. de Morte sine Morbo* §. 7 p. 23.

(2) LX, LXX, vel LXXX annorum.

(3) Nostris etiam temporibus commemorantur interdum exempla, de quibus dubitari non potest, hominum, qui ultra C, CXX, adeoque CXXX annos vitam produxerunt. Conf. DERHAM. *Physicotheol.* Lib. IV Cap. 10.

(4) Vt inter sanguineae cholericaeque aut melancholicae compositionis homines, literarum studiis & militiae deditos; tenui certisque legibus adstricto, & lauto varioque victu utentes; in frigidis, temperatis, & calidis caeli regionibus degentes; integra perpetuo valetudine gauisos, & morbis aliquando vexatos, &c. complures reperiuntur, qui idem aevi spatium emetiantur.

5) Meminerimus ex Bibliis supputationem annorum, quos Patriarchae & ante & post Diluuium viuendo expleuerunt. Iacobus adhuc CXLVII vixit: idem tamen conquestus est, suam aetatem non ad illum vitae terminum ascendere ad quem maiores sui pertigerant. Moses [an Dauid?] docet, suo tempore communiter homines LXX; summum LXXX annos vixisse: quod & hodie obtinet. Circa eadem tempora hominis aetatem C annorum spatio s. saeculo definitam fuisse, cum ex facris, tum ex profanis monumentis constat: vid. *Genes.* 15, 13. 16 coll. *Exod.* 12, 40. Quaeiri posset, Cur, hominum genere aquarum inundatione deleta, tamen, qui supererant, non tanta longaeuitate ad propagandum genus donati fuerint, qua protoplastus, & ei propiores? Sed considerandum etiam est, su-

peruisse non vnum, sed quatuor cum vxoribus homines. &c. Sunt, qui opinentur, annos istos antiquissimorum mortalium multo breuiore spatio fuisse circumscriptos, quam posterioribus temporibus: verum non persuadent. Eiusdem longaeuitatis causam aliqui adscribunt ferac veneri: putant enim, Patriarchas circa eundem demum aetatis annum vxores duxisse, quo filios eos, qui seriem successionis continuarunt ac primogeniti existimantur, generasse memoratum legitur, quoque serius hoc factum est, eo longiore fere vita gauisos esse. Sed, cum, quae prius posita sunt, non magnam verisimilitudinis speciem habent, quandoquidem Adam anno demum CXXX Sethum suscepisse dicitur, simul autem certum est, diu ante Sethum Cainum atque Abelem ipsi natos fuisse, licet in serie non connumerentur; Noacho post annos 10 exactos, tres pueri tribuuntur, quasi trigemini fuerint, quod tamen secus fuisse, aliunde constat; & quae fortassis alia dubitandi argumenta proferri possent: tum, etiam si in hoc consentiretur, tamen alterum illud non satis recte subductis rationibus assumtum videtur. Nam, vt exempla quaedam in medium afferam, Enos annos nonaginta natus genuisse filium memoratur, Kenan vero LXX: nihilo tamen minus hic DCCCCX annos vixit, ille autem V minus. Vtroque multo serius, C nimirum & LXXXII aetatis anno, genus propagauit Lamech, neque tamen ultra DCC & LXXVII annos vita prouectus est. Post diluuium, μακροβιωτάτος Heber, quum annos LXIV supra CD impleuerit, iam



XXXIV pater fuit: contra, Isaacus anno demum XL matrimonium iniit, sed C iam & LXXX mortuus est; huius autem filius, licet, secundum Vsserii Chronotaxin, aliquot demum post LXXX exactis annis vxores sibi iunxit, obiit natus CXLVII. Mox post Cataclysmum, produnt diuini libri, patriarchas consueuisse circa XXX aetatis annum liberos suscipere: idemque aetatis terminus etiam hodie coniugio contrahendo aptissimus a multis censetur, & a longa iam saeculorum memoria sic existimatum fuit & mos obtinuit. Etenim vetustissimus auctor HESIODVS, *Ἐργ. κ) Ἡμέρ* v. 695 seqq. *Mature uxorem ad domum tuam ducito, neque triginta annis valde multum inferior, neque superans multum: nuptiae tibi tempestinae hae.* Neque tamen interea cuiusquam vita ad tot annos durauit. DERHAM. l. statim citando, refert de muliere, cui nomen Mariae Honywood, quae XVI aetatis anno nupsit, XVI liberos

peperit, & ad XCII vitam produxit. Similis est narratio ZVINGERI in *Theatro Vit. Hum.* de matrona ex gente Dalburgiorum, cuius longaeuitatem hi versus testantur,

*Mater ait Natae, dic Natae, Filia  
Natam*

*Vt moneat, Natae plangere Filio-  
lam;*

f. Teutonice, *Meine Tochter, saget er-  
rer Tochter, ihrer Tochter zu hinterbrin-  
gen, daß ihr Tochter Kind weine.*

(6) Planissime haec confirmat, pro-  
positis natorum denatorumque indicibus,  
Guil. DERHAM. in *Physicotheol.* Lib. IV,  
Cap. 10.

(7) Historiarum monumenta satis de-  
clarant, ab vltima hominum memoria  
mundi eiusque incolarum naturam eo-  
dem semper modo comparatam fuisse.  
Vid. *Ecclesiastes* Cap. 1.

## §. VII.

His propositis, liceat nonnulla, quae meditando consequi ex istis videntur, subtexere, & in vsum prudentiae transferre. I Certum huius vitae terminum, eumque vel communem plurimis, vel singulis proprium, hominibus praefixum esse liquet. [1] II Naturaliter hic terminus pendet a textura fibrarum, & humorum per canales impulsu. [2] III Impigrum animalium functionum exercitium maxime conducit ad legitimum vitae terminum consequendum. [3] IV Quum nec in humani corporis nec mentis natura, nec in rerum non naturalium, vt vocant, vsu ratio reperiatur, cur inde a mundi nascentis incunabulis ad aliquot saeculorum decursum vsque, paullatim breuiore spatio aetas mortalium terminata sit, & postquam ad certum annorum numerum decreuit, in illo, a longa iam



iam saeculorum successione fixus communiter vitae terminus haereat: reliquum est, [4] vt statuamus, DEVM, summum vitae ac necis arbitrum, qui mortem ab humana natura primitus alienam, post lapsum demum ei superaddidit, quique adeo vniuerso mundo certum suo tempore finem constituit, Deum igitur hoc sibi ius seruasse integrum vt ex aeternae prouidentiae rationibus, atque in veram humani generis, adamati operis, felicitatem, vitae terminum praestituat vel longiorem vel breuiorem, adeoque nunc proroget vitam, nunc arctiore spatio definiat; quod cum mens non obscuris notis intelligit, [5] tum libri diuino dictamine conscripti plane confirmant, nec ququam verae religionis sensu imbutum de eo dubitare sinunt. [6] V Non igitur in hominum ipsorummet arbitrio, neque in rerum externarum efficacia, adeoque nec in artis medicinalis potestate est, spatium vitae producere: sed hoc tantum praestare posse, & vnumquemque hominem, etiam Medicum, curare debere, ne iusto celerius corporis machina destruat & corruat. [7] VI Eo maiore cum animi tranquillitate munia vitae obire licet, quod confidere possumus, Deum ex suo arbitrio suspendisse filum vitae nostrae. [8] VII Sanum hominem, qui vitam suam & sanitatem tueri cupit, diligenter quidem oportet animaduvertere, quid sit, quod suae peculiariter naturae conueniat atque conducat, quod minus, quemque sibi natura aut consuetudo modum alimentorum atque exercitationum praescribat: caeterum nullis obligare se legibus debet, neque ciborum, neque vitae generis, neque laboris, & quae sunt alia eiusmodi. [9] VIII Laboriosa vita adeo non accelerat mortem, vt potius, si iustus modus adhibeatur, summum, certe post commissum a protoplastis peccatum, sanitatis, adeoque vitae conseruandae sit praesidium. [10] IX Immoderata humorum repletio in morborum mortisque periculum coniicit, idque eo magis, quo calidiores acrioresque humores fuerint. [11] X Quo longius aetate prouehuntur, qui sanguinis missionibus opus habent, eo magis necessariam esse hanc humorum deminutionem, [12] caeteris paribus. XI In senibus ex fibrarum habitu & sanguinis abundantia morbi mortisque periculum praesentiri potest. [13] XII Quod quis morbis aliquando laborauerit, ea de causa mors non maturatur, si morborum ea fuerit natura, eaque sanatio, vt in pri-



stinum statum redierint solida. [14] XIII Quo longius homo abest a consistente aetate, eo maior spes est, post aliquem morbum superatum, damna forte inflicta reparatum iri. [15] &c. &c.

(1) Communis nomine, in praesenti quidem rerum humanarum statu, comprehendo spatium a LXX annis ad LXXX protensum: proprium dico, quem quisque mortalium, naturae, quoad licet, conuenienter viuendo, attingit, siue ante illud tempus, siue intra idem, siue postea vivere desinat.

(2) Inducta est haec ad mortem *Sic* *Deois* post lapsum demum: antea enim immortalis natura praeditus erat homo. Vid. Ill. RICHTER. c. l. Deinde, quamquam a principio rerum eodem semper modo propagatum fuit humanum genus, & liberi ad parentum similitudinem efformati; quum tamen spatium viuendi non iisdem semper limitibus circumscriptum fuerit, oportet cum tempore posthac etiam in canalium contextu liquidorumque per eos impulsu, mutationem factam esse: id quod solus Naturae Dominus efficere potuit. Credibile tamen est, ad eam rem Prouidentiam usam fuisse, tanquam caussis secundis, nouo aut mutato variarum rerum naturalium (quae in Medicorum scholis non naturales appellari solent) usu, veluti introducto Carnium esu, Vinique potu, Aromatum condimentis, omnique calidioris victus genere. Quarum quidem rerum efficientiam in circumscribendo vitae spatio, plerique omnes, qui de caussis breuioris aut longioris vitae scripserunt, fere solam & tanquam unicam perscrutati sunt: quorum admodum magnus est numerus. Fuere tamen, & adhuc forte sunt, gentes aut singulares homines, qui simplicissimum maximeque naturale genus victus diutius seruarunt, quos, vt ita dicam,

*Glans alit, & prisco more bibuntur aquae:*

sed non adeo magnam, quaeque ad summam faciat, diuersitatem in vitae spatio peperisse exclusum vel admissum & moderatum aliarum rerum usum, obseruatum est. Dixit aliquis, Postquam homines nouum alimentorum viuendique genus instituerunt habitumque quasi morbosum contraxerunt, prima futurorum hominum rudimenta vi talium rerum aliter contexta fuisse, morbos parentum in sobolem propagatos & hoc modo deteriore fibrarum texturam per succedentes generationes ad omnem posteritatem propagatam esse. Verum, vt nihil opponam ex ea sententia, quae stamina hominum a rerum iam primordio repetit, tum quoque esse debet, qui limitem certum constituerit, ultra quam ea mutatio aut deprauatio non progrediatur. Quare superioris fati vis agnoscenda est.

(3) Sic enim expedite liquores vasa permeant. Quam quidem in omnibus vitae negotiis alacritatem praestant motus animi quidem, bene compositi; corporis autem, usque ad sensum incipientis lassitudinis continuati, subsequente passu & quiete usque ad sensum refectionis. Vid. HIPPOCRATES de Vet. Medic. Sect. XVI. Idem subinde inculcat sacer Ecclesiastes; nimirum, Optimum esse, vt homo in omnibus, quae agit, laetus sit, & cibum potumque hilariter capiat. Porro, non potest animus ad solidam & perpetuam componi laetitiam, nisi verae religionis sensu quemadmodum demonstrant Theologi. Hinc patet aliqua ratio Di-



Diuini promissi, quod piis longaeuam vitam spondet, nisi quando melius consultum Deus prouiderit, dilectos post breuem huius lucis vsuram praematurem fato ad aliam vitam traducere. Plurimum vicissim ad animum moderandum confert vsus & exercitatio, &c. Caeterum hoc, quod proposui, confectarium summam arbitror diaeteticorum ad longaeuitatem praeceptorum: de quibus BOERH. *Inst.* §. 1053 seqq. Inde quoque fit, vt Desiderium & Spes adeo salubria corpori deprehendantur, id. §. 1048.

(4) Qui coniecturis vellet indulgere, posset aliquam comminisci incognitam potestatem, Spiritum naturae aut mundi, Angelos, Daemonas, &c. quorum arbitrio vita nostra subiecta sit. Sed quum eiusmodi in rebus nihil certo sciri possit, tum nihilominus ad arbitrium Prouidentiae Diuinae omnia referenda sunt: quanquam Deum ministris spiritibus vti, suadent ipsius oracula.

(5) Rite haec persequitur sapientissimus Will. DERHAM. in *Physicotheol.* Lib. IV Cap. 10: ita quidem, vt eadem caelestis Prouidentiae vestigia in reliquis animantibus ostendat.

(6) De termino in vniuersum *Act. Apost.* XVII, 26 de immobili, *Iob.* XIV, 5. *Psal.* CXXXIX, 16. de mobili, exemplum Hiskiae regis *Iesai.* XXXVIII. &c. Huc pertinent multa oracula de vita vel producenda vel contrahenda.

(7) Conf. Viri Exp. Io. Frid. SOTHEN, *Physici Gotting. Diss. Inaug. de Fundamentis breuioris vitae, quae in plerisque huius aevi hominibus obseruatur*, §. 1. Qui vitae terminum ope diaetae aut medicamentorum prolongari posse statuunt, tum prolongari vitam existimant, quando, mea quidem sententia, tantummodo propius ad terminum a Deo praestitutum vita perducitur. Vid.

e. c. PRIMEROS. de *Vulgi Errorib. in Medic.* L. II Cap. 9. P. LAVREMBERG. in *Porticu Aesculap.* Cap. IV. Mr. le FRANÇOIS dans les *Reflex. Crit. sur la Medic.* Tom. I Chap. I p. 16 seqq. Quamobrem cum cautione quadam admittenda videtur sententia S. AVGVSTINI in *Epist.* XXVIII *Temporalis vita breuius productiusque non tenditur, quam Deus, dispositor temporum, nouit vniuersitatis moderamini consonare.*

(8) Hac neglecta consideratione, dubio semper animo metuendum est, ne aliquid committatur aut accadat, quo vitae terminus praeuertatur. Neque tamen hac fiducia in incuriam salutis probabi decet.

(9) Sic enim eum corpori suo habitum eamque firmitatem comparabit, quae ab alimentorum & negotiorum, omniumque rerum humanarum varietate, vicissitudine, & inconstantia, quibus tota omnium vita obnoxia est, non facile detrimentum patiatur, & Confectarii nostri III. postulata praestare possit.

(10) Musculorum omniumque solidarum partium reciproca agitatione humores optime per canales propelluntur, secretiones excretionisque perficiuntur, ab obstructione immunia seruantur vasa, ab humorum decubitu receptacula, &c. HIPPOC. *Epid.* VI Sect. IV, 41 Lind. Ἀσκησις ὀφείλει, ἀκρίβη, τροφὴς ἀκρίβη πόνων. & ib. Sect. V, 16 Πόνος τοῦ σιν ἀρδρῶσι καὶ σαρκὶ σίτος ὕπνος δὲ σπλάγχνοισι. Add. de *Diaeta* I, 1 extr. & 2.

(11) Metuendum enim est, ne decubitus humorum alicubi fiat, aut vascula rumpantur. Vnde quoque necessitas missionum sanguinis declaratur, magisque adhuc conseruationis spontaneorum euacuationum, vt haemorrhoidalis, menstruae, per nares, &c.



(12) Nam, per quae liquores vehuntur, vasa paullatim ad angustiores rediguntur numerum, minoremque capacitatem: quare sanguinis copiam eo magis detrahare opus est, si abundet. Conf. §. V not. 6. Plerumque tamen cum aetate quoque appetentia alimentorum imminuitur, nec tantum sanguinis generatur.

(13) Ita fenes lacertosi habitus succique pleni ad apoplexiam, suffocationem, subitamque mortem proclives sunt contra ea, debiliores, cachexiae, hydropi,

phthisi, similibusque malis magis obnoxii sunt.

(14) Conf. §. V not. 4 extr. Ita febres intermittentes corpus ad longaeuitatem disponunt, BOERH. *Aphor.* 754. Add. Frid. SCHRADERI *Diff. de Salubritate Morborum*, alique. Sic in Diapedesi, Anastomosi, leuioribus Haemorrhagiis narium, dentium, post vomitus, purgationes &c. in pristinum integritatis statum utique redire videntur solida.

(15) Dum enim adhuc crescit homo, fibrae ad mutationes subeundas aptiores sunt. Vid. BOERH. *de Nutrit.* &c.



§. 19. Vt iam ad propositum redeamus, sunt praeterea & alia praesentis in morbis eorumque symptomatis & curatione Numinis argumenta: vbi nimirum accidit, quod saepenumero fit, ut aegri praeter omnem, etiam prudentissimorum medicorum, expectationem aut moriantur, aut conualescant, aut symptomatum mira perturbatione conflictentur, aut aliquid daemoniaci magiciue subesse appareat; &c. Narrantur enim ab Observationum scriptoribus & fide dignissimis testibus, complures istiusmodi cum mirabiles in morbis effectus euentusque, tum nulli alii causae rectius quam incognitae Daemonum potestati tribuendi: vid. e. g. Fernelius, Sennertus, Camerarius, &c. ap. S. R. OPORINVM *de Angelis*, Cap. VI §. 10 p. 322 seqq. Qui idem honoris causa appellandus Vir, ib. p. 321 asserit, *Non sese dubitare, quin inter antiquos, nec reprobandos, de malorum Daemonum effectis testes, referri possit Hippocrates, quod ἐγγαστριμύθων meminert.* Conf. FOES. *Oecon.* h. v. Quare nec adeo improbabilis videtur opinio, quae morbos etiam Magicos ad *Diuinum* refert. Verum hisce de rebus longiorem instituere sermonem nunc non licet. Vnum suffecerit Celeberrimi quondam Practici, G. W. WEDELII,

te-



testimonium, ex *Epistola* ad Frideric. Käseberg, sub illius praesidio disputantem de *Morbis a fascino*, cum eadem hac Diss. excusa, p. 38. *Decumbit studiosus maligna febre: adsunt conuulsiui motus grauissimi, pulsus frequens, inordinatus, & debilissimus; feces inuite prodeunt; oculi feroces; natura prostrata: euadit tamen.* Alius, febre maligna itidem laborans, ad oblata bene habet, vires constant, pulsus bonus, urina bona: moritur tamen. *Vtrobique Dei digitum venerari fas est, omnia ex artis legibus facienti.* \* Add. Ill. Frid. HOFMANN. in *Fundam. Medic.* p. 194 §. 49; it. D. CRAVSIVS ap. Storch. *Prax. Stahl.* p. 21 Edit. 2. Atque haec tot ac tanta argumenta praebet Medicina, ὅτι πολλὰ ἐν αὐτῇ κεκράτῃται αὐτῷ τῷ Θεῷ δι' ἑαυτοῦ adeoque potenter admodum & efficaciter ars sua compellit Medicos πρὸς τὸ, τῷ Θεῷ παραχωρῆσαι, & πρὸς Θεοῦ ἐντίμως κείσθαι. \*\* Nos quidem caelestioris doctrinae sacris imbutos, adhuc fortioribus argumentis hac de re persuasos esse oportet: quandoquidem in Bibliis Deus ipse saepe legitur morbos hominibus, ex suae rectoris sapientiae rationibus immisisse, idemque vicissim saepius curasse morbos, sicut inprimis in sanctissimo Sotere & eius Apostolis, diuinae medicationis efficacia quam clarissime exstitit \*\*\*.

## §. 20.

\* Si huiusmodi quidpiam citra regulam illam (proportionem inter morbum & naturam, & vires vtriusque inter se comparatas) eueniat, Diuinum in morbis esse ex Hippocratis mente, (in l. Prognostic.) WEDELIVS existimat: Idque, addit, toto euenit die, cum primis in morbis epidemics; unde alterum, iuxta Hippocratem, κριτήριον est Diuini in morbis, cum plures indifferenter morbo eodem corripiuntur, - l. de morbo sacro c. 5 t. 13 & 4. Exemplo sit pestis, ubi Diuini huius innumera contingunt exempla. - Addi quinimo possunt huc alia quoque: quae in morbis contingunt omnia saepe, - sane & illa Diuina saepe sunt monita, & ad Diuinum in morbis referri debent.

\*\* I. A. SCHMIDT de Theol. Hipp. Nat. p. 13 §. 3 Non ergo nude, ut sciamus Deum scientia aliqua Metaphysica, quae nihil agendum praescribit: sed ut εἰδέναι περὶ Θεῶν in cultu Deo conuenienti exhibito demum subsistat, clara Hippocratis est sententia.

\*\*\* Valent. Henr. VOGLERVS, in Progr. cum eiusdem Commentario de Rebus Naturalibus ac Medicis, quarum in Scripturis S. fit mentio, excuso, versus finem, Ex historia Evangelica comprimis expendendi venient insanabiles illi morbi, quorum curationes, aliorumque mirabilium factorum frequentia Christum reddiderunt omnium hominum θαυμασπύτατος. Qui iidem affectus quam maxime quoque docent, saepius iis inesse Θεῶν



§. 20. Quum igitur haec argumenta ex ipsis exercitatrix medicinae rationibus deprompta sint, apparet, quam recte Hippocrates dicere potuerit, religiosum animi de Deo sensum esse in ipsa artis medicinalis exercitatione implicitum, h. e. adeo arcte cohaerere cum Medicina, ut a recta huius professione artisque usu separari nequeat, & quisquis in ea discenda facitandaque rite versetur, cum Diuinam naturam, virtutem, ac potestatem ex iis ipsis, quae in curationibus morborum fieri obseruat, agnoscere necesse sit. \* Simul apparet, quo iure Medicinam accusent aliqui, quod nescio quem impietatis characterem cultoribus suis imprimat. \*\* Quod qui faciunt, hac in re naturae suae prauitati velificari videntur, qua procliues sunt homines ad male de aliis existimandum, immemores & octauī in Decalogo praecepti, & oraculi Matth. VII, 14: denique de sese parum honesta confitentes, quum de sui similibus omnia mala suspicentur.

§. 21.

Δεῖόν τι quod iam olim Hippocrati memoratum, varias deinde reperit interpretationes; nemo autem melius exposuit Hier. Iordano, ipsiusmet illius vi postea surrepto.

\* Conf. ZACCHIUS Quæst. Med. Leg. lib. VI tit. 3 qu. 4 §. 22 p. 1553 SYLV. Prax. Append. p. 816. SCHMIDT c. l. p. 17 §. 2 Nos, verbo ἐμπλέκειν moti, τὴν περὶ θεῶν εἰδῶσιν ἐν νόῳ, de notitia insita interpretamur, atque ex hac notitia eam, quae acquiritur a Medico, facilitari potius, statuere Hippocratem, quam ipsam acquisitam esse, contextu non repugnante, arbitramur.

\*\* Renat. MOREAU, in Vita Bartholom. Perdulcis, huius Vniuersae Medicinae praemissa, a4b Hoc loco mirari subit magnam mortalium partem de Medicis omnibus tam sinistre & inique augurantem, ut eos sensum religionis exuisse, lutum & spumam impietatis ebibisse, & succum omnem deposuisse virtutum temere profiteantur. Quasi vero ii, qui Naturam quotidie perscrutantur, Naturae Deum

& parentem non agnoscerent? non viderent rerum Architectum, qui effectus rerum, in lapidum & stirpium naturis delitescens, inuestigant? non admirarentur Astrorum conditorem, quiastrorum coruscationes, congressus, reuolutiones, occultationes, ortus, & occasus quotidie suspiciunt? O improbam nostri saeculi contumeliam!

Νῦν δὲ καχεξία τις ὑποδέδυκε τὰς  
ὄχλους. κρίσεις θ' ἡμῶν νοσῶσι  
Diphil.

Hoc vero tempore mala tabes quaedam subiit plebem, iudiciaque nostra aegrotant. Quod sane dictum volui, ut exemplo ac auctoritate Perdulcis nostri discant Medicorum ofores & obtrectatores, esse ex eorum familia probos & pios, quique Christianis virtutibus soleant Philosophiam suam, Philologiam, Medicinam, artes caeteras condire. Confer. infra Epilegom §. 6 not. \* Atque in libello isthico

al-



allegato, p. 61 sic loquitur DRELINCOVR- *Testament de 'nôtre Père Céleste, avec* TIVS, *J'ay voulu montrer aux Pasteurs, autant de soin que les autres fidèles. Ga-*  
*que les Médecins ne sont pas tels qu'on* lenum, *etiam atheismi postulatam, vin-*  
*les décrie: mais que la piété nous est* dicat CASAVBON *Epist. 258.*  
*comme héréditaire; & que nous lisons le*

§. 21. Quum in Proleg. §. XII tractationem de *Theologia Hippo-*  
*eratis Naturali*, cum Psychologia, Daemonologia, &c. huc reiece-  
rim, nunc eius sciagraphiam aliquam subtexere conabor, ipsismet fe-  
re tantum Hippocratis verbis delineatam. [\*] I Est prima & supre-  
ma omnium rerum causa, a qua, quod sunt & mouentur, habent  
[1]; mente tantum cognoscenda. [2] II Illud ens est immortale,  
intelligens, videns, audiens, sciens omnia cum praesentia tum futu-  
ra, omnipotens, sanctum purumque: [3] homines a maximis etiam  
peccatis aut impuritatibus purificans, tutansque &c. [4] III Voca-  
tur autem Deus, propria & excellenti significatione. [5] IV Sunt  
praeterea DI, & Daemones, & Heroes; summi illius administri.  
[6] V A Deo Diisue &c. omnia. [7] VI Deus certas agendi leges  
imposuit mundo eiusque principiis causisue secundis, [8] secundum  
quas leges quum agunt illa, videntur ipsa per se propria originaria  
virtute agere. [9] VII Aër & caelestia, adeoque omnia naturalia  
& humana, dicuntur ipsa quoque Diuina, quatenus Deorum virtu-  
te impraegnata sunt. [10] VIII Est & primum rerum sub sensus  
cadentium principium, omnia animans mouensque: quod appellatur  
Calidum, Ignis, Aether &c. [11] IX Ab illis causis Natura [12]  
constituta est: quae vel Vniuersalis, vel Singularis cuiusque rei. [13]  
X Anima hominis est a Calido principio, admixto Aqueo: [14]  
omnibus animantibus eadem: [15] augmentum & commixtionem re-  
cipiens: [16] intelligentiam prudentiamque in corde & cerebro ex-  
ferens, motum vero membris praestans: in sanguine residens: [17]  
ex aëre hominem ingrediens. [18] XI Praeter animam Mens quo-  
que in homine inest. [19] XII Sunt Somnia, quae dicuntur Diui-  
na. [20] XIII Et Morbi Sacri s. Diuini. [21] XIV Est Prouiden-  
tia. [22] XV Medicina est a Deo. [23] XVI Non a Fortuna regi-  
tur. [24] XVII Deus in curandis morbis suam exsuperantem po-  
tentiam & praesentem medendi virtutem exserit. [25] XVIII Qua-  
re



re medicinalis ars caste sancteque, [26] & cum religioso numinis cultu exercenda: [27] Dei deorumque auxilium in curationibus implorandum, coniuncta etiam opera humana. [28] XIX Sacrae Purificationes, propter contractas peccatorum impuritates, adhibendae. (29) XX Superstitio & Impietas abominanda. (30] Quae omnia & singula latius diducere nunc quidem non vacat. Caeterum necessaria videtur cautio, ne, nostras harum rerum notiones afferendo, ex propriis dogmatibus sententiisque, tanquam ex hypothefibus, sensum verbis Hippocratis assignemus.

\* Ego nunc, quae maxime clara videntur, loca Hippocratis producam potissimum, reliqua, ex quibus operosiore quodam modo eius sententia demonstratur, videri possunt apud Ioh. STEPHANVM & Io. And. SCHMIDT, cc. ll. Vnde autem haec habuerit Hippocrates, Naturae ne solius ex lumine, an ex Traditione, communis religionis placitis, scriptis maiorum, commercio aliorum populorum, Philosophorum, peregrinantium, &c. id iam in medio relinquamus.

(1) Τὸ πρῶτον δυνασεῖον, i. e. οἱ θεοὶ, οἱ πολλὰ μὲν μεταχειρόντες, πολλὰ δὲ καὶ κρατήσαντες αὐτοὶ δὲ ἑαυτέων, vt dicitur in hac ipsa, quam de manibus nondum deposuimus, Sectione VII. Vocatur autem *exsuperans* potestas propterea, quod, quum omnes causas & vires naturales atque humanas perquisiueris, tamen aliquid adhuc supra esse debere confitearis necesse est in quo subsistat causarum ratio. Vid. §. 3 huius: it. *Comment.* VI §. 25 seqq. Sic τὸ θεῖον, ἡ ἀνάγκη, δαίμωνες, δαίμοσι θεῖαι, τὰ θεῖα ἐνύπνια, Aër Diuinus &c. ex ea ratione appellantur, quatenus Deus causa illarum rerum existimatur: nam, quod Auctor in l. de Morbo Sac. a princ. θεῖον vocauerat, idem ibid. explicat ὁ ὑπὸ θεῶ

γίνεται, I, 11 & 8. θεὸς ἐστὶν αἷτιος, III, 4 & 10 & 53 &c. Conf. §. 10. & 18 it. 19 not. \* Add. b. I. A. FABRICIVS ad Ioh. Stephani Theol. Hippoc. in B. G. Vol. XIII p. 192 not. b. Singularis est sententia Ioh. Franc. GRANDIS in *Diss. Philos. & Crit.* I, ap. MORHOF *Polyh. Philos.* f. Tom. II Lib. II Cap. VII §. 8. p. m. 195. Quod infinitum illud inane (Lucretii cum Epicuro) attinet, hoc impugnat Ioh. Franc. Grandis, atque a Democrito longe aliud quid denotatum fuisse, ipsum scil. Deum; qua ratione Mentem Aetheream illam & Spiritum, de quo adeo multa Platonici, per hoc intelligendum, asserit. Id multis Philosophorum testimoniis confirmat, ipsius praecipue Democriti, ex Clemente, iuxta Eusebium de Praeparatione Evangelica lib. 13. Quocum eadem sensit Hippocrates, coaetaneus Democriti &c.

(2) Vid. §. 4 hui.

(3) περὶ ἀρχῶν I, 14 seqq. Δοκέει δέ μοι, ὃ καλέομεν δερμὸν, ἀθάνατον τε εἶναι, καὶ νοεῖν πάντα καὶ ὁρῆν, καὶ ἀκεῖν, καὶ εἰδέναι πάντα καὶ τὰ ὄντα, καὶ τὰ μέλλοντα ἔσεσθαι. Quibus verbis quanquam Calido principio videatur tribuere, quae Dei sunt: tamen ea tantummodo ratione illi calido tribui, quatenus hoc ex lege a Deo sibi



sibi impofita agit, declarant haec ex l. 1 de *Diaeta* VI, 21 feqq. vbi de duobus principiis, igne & aqua, α' μὲν πρῆσσειν, & κ' οἰδασιν. α' δὲ πρῆσσειν, δ' οἰδασιν εἰδέναι. καὶ δ' α' μὲν ὁρῶσιν, & γινώσκουσιν. ἀλλ' ὁμῶς αὐτοῖσι πάντα γίνεται δι' ἀνάγκην δεῖν. Pertinet huc, quod obseruat Ioh. STEPHANVS c. l. Cap. III §. 4. Caeterum scire licet, Hippocrati fuisse in more positum, instrumentariam causam non raro pro efficiente primaria usurpare. Conf. ZUINGER. ad l. περὶ ἀρχῶν l. c. itemque I. A. SCHMIDT c. l. p. 23. De Potentia, praeter praesentem l. περὶ εὐσχ. textum, vid. locus in *Comm.* IV §. 4 expositus. Et de *Morbo Sac.* III, 12 & 33 τὸ θεῖον ἢ δύναμις affertur, iique redarguuntur, quorum ex erroneis opinionibus consequeretur, ὅτι τὸ θεῖον ἀφανίζεται ἢ δύναμις ib. III, 12 & ὅτι οἱ θεοὶ ἰχέουσιν ἐδέν ib. n. 29. De *Sanctitate & Puritate*, vid. in *Comm.* VI §. 22. De *Iustitia* in remunerando multandoque, longior argumentatio reperitur in l. de *Aëre, Aq. & Loc.* LI, 8 feqq.

(4) Vid. insignis locus in *Comment.* VI §. 22.

(5) Saepe Deum singulari appellatione nominat Hippocrates, vid. e. c. not. 1 huius. Conf. §. 3 huius *Comm.* VII. Et in *Oratione Thessali* n. 134 Lind. p. 946 T. II de Hippocrate narratur, ὅτι ὑπὲρ ἐλλήνων ἰκεσίην ἔθετο τῷ θεῷ, videlicet ad pestilentiam auertendam: quam quidem singularem expressionem admirari se dicit DRELINCOVRT. de *Divinis Hippocrateis* p. 28. not. b vers. Gall.

(6) Hic quoque valent dicta praec. nota 5. De αἰδαισιδαιμονία supra vidimus. τὸ δὲ θεῖον καὶ τὸ δαιμόνιον componuntur de *Morbo S.* III, 21. Add. de *Morb. Virg.* l. 7 & *Epist. ad Philoem.*

Tom. II p. 907 supra *Comm.* VI §. 17 relat. *Heroum* cultus commemoratur de *Morbo S.* III, 43 & de *Insomn.* XI, 6 feqq. & XV, 12; quo quidem viroque in libro cc. II. complures DI nominatim excitantur. Add. *Insiur. pr.* Oratio ad *aram*, n. 3 & sub fin. p. 935 T. II Lind. Conf. *Proleg.* §. V not. 1 §. 1 feqq. SCHMIDT a. l. p. 16.

(7) Θεῖα πάντα, passim Hippocrates, e. c. de *Morbo S.* XVlll, 23. de *Aërib. Aqu. & Loc.* XLIX, 7.

(8) Vid. locus ex l. 1 de *Diaeta* VI, 21 feqq. productus nota 3: it. alius, supra in *Comm.* IV §. 4. Et de *Septimestri*, qui spurius censetur, n. 11 feq. Κατὰ τὴν ἀρχαίαν γένεσιν, ὁπότε ἐκτισθῶ πάντα ζῶα ἐρυσμῆτο· καὶ νῦν γινώσκει διὰ ταῦτα κατὰ νόμους ῥυθμῆσθαι. It. de *Genitura* pr. Νόμος πάντα κρατύνει.

(9) Vid. de *Diaet.* I, VI, 21 feqq. supra not. 3.

(10) Vid. §. 14 versus fin. ex l. de *M. S.* XVlll. & de *Aër. Aqu. & Loc.* XLIX.

(11) Vid. not. 3 pr. quibus ex l. de *Principiis* allatis verbis, addit Hippocrates ibid. καὶ ὀνομῆναι μοι αὐτὸ δ' οἰδασιν ὅτι παλαιὰ ἂν αἰθέρα. Conf. de *Insomn.* IX, 2. it. de *Ignē* l. 1 de *Diaeta* passim, imprimis IV. V. VI &c. Add. GRANDIS supra not. 1.

(12) Vid. l. de *Diaeta* XII, supra *Comment.* IV §. 4: & hoc *Comm.* VII §. 7 & 9.

(13) Vid. ex l. de *Alimento*, *Comment.* IV §. 2.

(14) De *Princip.* l. 5 feqq. De rebus sublimibus in aëre ac caelo, neque opus habeo dicere, nisi quod, quantum ad hominem & reliqua animantia, quae sunt, & nata sunt, pertinet, demonstrabo, & quod *Anima* sunt, &c. l. de *Diaeta* Vlll, 7 ἐσέρπει ἐς ἀνθρώπων



ψυχῇ, πρὸς καὶ ὕδατος ζύγκησιν  
ἔχουσα, μοῖραν σώματος ἀνθρώπου.  
Quae eadem leguntur ib. VII, 5 &  
XVIII pr.

(15) de Diaeta I, XXI, 2 ἡ μὲν ψυχὴ  
τὸ αὐτὸ πᾶσι τοῖσιν ἐμψύχοις τὸ  
δὲ σῶμα διαφέρει ἐκαστοῦ.

(16) de Diaeta I, VIII pr. ἀνθρώπου  
ψυχὴ ἐν ἀνθρώπῳ ἀυξάνεται. Epi-  
dem. VI, 5, 9 ἀνθρώπου ψυχὴ αἰεὶ  
οὐεται μέχρι θανάτου. de Diaeta I,  
XXII, 16 εἰ τις ἀπιστεῖ, ψυχὴν μὴ  
προσμίγεται ψυχῇ. ἄφρονες εἰσι.

(17) De Morbis I, XXVIII, 2 San-  
guis, qui est in homine, maximam  
partem ad prudentiam (συνέσιος) con-  
fert: quidam dicunt totum. De Flat.  
XX, 3 Opinor, inter omnia, quae in  
corpore sunt, nihil magis ad prudenti-  
am (σοφρονισμὸν) conferre, quam Sangui-  
nem. de Morbo S. VIII, 11 Qui ad  
venas peruenit Aër, confert ad Ventricu-  
los ingressus & ad Cerebrum: atque sic  
sapientiam (σοφρονισμὸν) & motum membrorum  
exhibet. de Corde VIII, 9 Mens (γνώ-  
μην) hominis in sinistro Ventriculo insita  
est, & reliquae Animae imperat: nutri-  
tur autem neque cibus neque potibus a  
ventre, sed pura & illustri (φωτοειδεῖ)  
substantia, ex sanguinis discretionem na-  
ta.

(18) De Diaeta I, XVIII pr. ἡ ψυχὴ  
ἐσέρπεται ἐς ἅπαν ζῶον, ὅ,τι ἀναπνέει.  
Conf. de Morbo S. VIII, 11 praec. not.  
16. it. Comment. VII §. 14 post  
med.

(19) Vid. §. 4 huius Comm. VII.  
Conf. DEMOCRITVS ad Hippoc. de Natu-  
ra Hominis, Opp. Hipp. Tom I p.  
281 n. 9.

(20) Vid. §. 14 huius Comm. VII  
not. \*

(21) Comm. VII §. 11 seqq.

(22) Comm. VII §. 18. Πρόνοια  
τόκῃ ibid. §. 9.

(23) De Vet. Medic. XXIV post pr.  
Primi inuentores indicauerunt artem di-  
gnam, quae Deo attribuitur: quemad-  
modum etiam receptum est. Et de In-  
somm. in fine scribit, se rationes diae-  
tae inuenisse, ὡς δυνατόν εὑρεῖν ἀν-  
θρώπου ὄντα ζῶν τοῖσι θεοῖσιν Conf.  
Epist. ad S. P. Q. Abderit. p. 904  
Tom. II. Et in vniuersum de omni-  
bus artibus vid. locus supra Comment.  
IV §. 4.

(24) Vid. supra Comm. IV §. 13 ex de  
Loc. in hom. Add. de Vet. Medic.  
XXI extr. &c.

(25) περὶ εὐχνημοσ. ipso illo, quem  
modo pertractauimus, loco.

[26] Iusiur. II, 9 ἀγνώσκει δὲ καὶ ὁσίως  
διατηρήσω βίον τὸν ἐμὸν, καὶ τέχνην τὴν  
ἐμὴν. DRELINCOVRT d. l. p. 33 not.  
d. St. Ferôme relève avec éclat ce bel  
endroit d'Hippocrate, dans  
son Epître à Nepotianus, Tom. I p.  
17 A.

[27] περὶ εὐχνημ. Sect. VII.

[28] Vid. locus ex l. de Morbo Sacro IV,  
55 seqq. supra in Commentario VI §. 22  
it. de Insomm. in Comm. VII §. 14  
not. \* & supra not. 5 huius.

[29] Vid. locus in Comm. VI §.  
22.

[30] Vid. Comm. VI de ἀδελτοειδαι-  
μονία & de Morbo Sac. supra in  
Comm. II §. 5 & Comm. VI §. 22 &  
Comm. VII §. 14.



## C O M M E N T A R I V S VIII

## A D S E C T I O N E M VIII.

§. 1. Ostenſis adhuc & declaratis ita veris legitimae honeſtaeque Medicinae rationibus, & quatenam Medicinae ſint communia cum Philoſophiae profeſſione, nunc propius accedere parat Auctor ad demonſtrandum particulatim, & propoſitis ſingularium exercitatrix Medicinae partium ſpeciminibus declarandum, quomodo Medicus in iis, quae arti propria ſunt, honeſte verſari, & ſapientiae virtutis-que praecepta ad uſum actionum communis vitae transferre debeat. Igitur & Methodum arti certam, firmam, & ad plura inuenienda comparatam vindicat, & vnde huius demonſtrationis *ὀικειότερα*, vt loquitur in fine libelli *περὶ τέχνης*, argumenta ducenda ſint, ſignificat, videlicet ex iis, quae circa corpora humana in curatione morborum eueniunt.

§. 2. Iam ſupra *Seçt. V* ſignificatum eſt, Medicinam, vt hodie pluribus incrementis adiuuentisque locupletata eſt & locupletabitur, ſic etiam temporibus Hippocratis, multum acceſſionis & additamentorum recipere potuiſſe: ſimulque, §. 4 ipſius verbis Hippocratis comprobatum, eadem ratione, qua medicina conſtituta eſt, etiam in ea ad augenda locupletandaque procedendum eſſe. Idem hic confirmaturus Auctor, ait, Artem Medicam reliqua ſua incrementa, *ἀ κατὰ πλεονεκτεῖ*, ex iisdem fontibus, qui adhuc in praecedente diſputatione declarati ſunt, repetenda habere, *ἐντεῦθεν παρέξει*. Iam, totius prioris ſermonis ſumma haec eſt, *φύσει καὶ θεοῖς* auctoribus, ducibus, atque magiſtris Medicinam totam referri debere acceptam: vid. *Seçt. IV & VII*, & hic in primis §. 9. Hoc autem iſta ſibi volunt, Deum Naturam rerum vniuerſam, & ſingulariter hominis, ita adornari & conſtituiſſe, vt, ſi Homo eo animum diligenter intenderit, quo, quid Deus partim Naturam ſua ſponte, ſ. legibus viribusque inſitis, efficere iubeat, partim per ſemet ipſum peragat, recte cognoſcat perſpiciat atque intelligat, quoque eandem Naturam ducem ac magiſtram ſequendo, cum animum ſuum virtute probe excolat, tum in profeſſionis Medicinalis operibus adminiſtrandis Naturae prae- monſtratis veſtigiis inſiſtat, tum inde poſſit ad liquidam in Medicina veri perſpicientiam, & cum ad cognitionem iam repertorum, tum ad



minus cognitorum inuentionem inuestigationemque peruenire. Et haec est illa ὁδὸς τῆς ἱητρικῆς τῆς ἐν σοφίῃ, Methodus medicinae cum philosophia coniunctae.

§. 3. Nunc quoque criterium veritatis subiicit Auctor, s. principium ex quo in Medicina pateſcat recta methodus s. agendorum ratio. Quemadmodum autem & supra *Sect.* VII & deinceps per omnes *Sect.* IX-XVII vbique ex Medicina proprie sic dicta, i. e. Practica, disſerendi demonſtrandique argumenta petit ac ducit, conf. *Comment.* VII §. 5 itemque *Comment.* IV: ita hoc quoque loco, quo probet, Methodum legitimae honestaeque medicinae ſuis certis ac firmis principiis eſſe ſubnixam, ſiue Demonſtratiuam, vt nunc loquuntur, ait, harum rerum argumenta ſ. demonſtrationis principia deprehendi in iis omnibus, quae fieri & euenire obſeruantur in corporibus humanis circaque eadem, ὁμολογέουσιν ὡδὲ τὰ περὶ σώματα παραγενόμενα: quando morbis eorundemque ſymptomatis affliguntur, & iſti morbi omnibus Artis & Naturae praefidiis tractantur atque curantur; & Naturae quidem, perficiendo Criſios & ſpontanearum mutationum negotio, quod μετασχηματίζεσθαι ἢ μεταποιεῖσθαι appellat Auctor; Artis autem, adhibendo remedia vel Chirurgica, vel Therapeutica, vel Diaetetica, vel omnis ſimul generis. Has enim omnes partes Medici munere & officio tum fuiſſe comprehenſas, in *Prolegomenis* §. IX iam dictum eſt: Therapeuticam vero hic vocari, quae alias Pharmaceutica appellari conſuevit, facile perſpicitur.

§. 4. In quibuslibet humani corporis morbis, tam actione vitae ac naturae quam remediorum, ſpontaneaue humorum mutatione, certae variaequae pro ratione partium, & temporum ipſius morbi, & aetatis, & anni, & reliquae varietatis, accidunt mutationes aut viciffitudines: quemadmodum pluribus exponi poſſet in ſingulari *Diff. de prudenti temporis obſervatione in curanda valetudine*, & pertinet huc totum caput de Cruditae, Coctione, Crifi, Metaſtaſi, & ſi quae ſunt alia huiusmodi. Quae autem inde accidunt mutationes, aut ipſum morbum in ſanitatē aliumue morbum, vel mortem denique conuertunt, ſicut data opera & diligenter annotare ſolet in *Aphorismis practicis* ſolertiſſimus BOERHAAVIUS: & huius generis euentus ſigni-



gnificat Auctor voce μεταποιούμενα. Aut eodem licet manente morbo, varia tamen exteriori specie habituque symptomatum in oculos & sensus incurrit, adeo ut saepe in aliam omnino formam transisse videatur, sicut in febribus praesertim anomalis, aut in quibus exanthemata succedunt, frequenter obseruatur. Hi vero sunt μετασχηματισμοὶ morborum. Conf. *Comment. V §. 5.*

§. 5. Quod si Medicus morborum rationem, naturam, mores, atque symptomata habeat perspecta, sciatque, quas in tota sua forma aut in externa specie, siue signis suis, subeant mutationes ac vicissitudines; & qua ratione Natura, ope inductarum mutationum & euacuationum, negotium curationis administret; quomodoque Artificem hoc Naturae opus auxiliis diaeteticis, pharmaceuticis, chirurgicisque imitari oporteat, verbo, si morborum Historiam perdidicerit, & quibus remediis, quo tempore, quo modo, curatio perficienda, nouerit: eum, apparet, habere quoque simul cognitam veram & demonstratiuam medendi Methodum, quae ordinem, modum, & tempora curandi, siue bonis utendi remediis, praescribit. Quapropter etiam istorum scientiam, summam, τὸ κεφαλαιώδες αὐτῆς, appellat Auctor, totius Methodi medicinalis: siquidem eo omne Medentis studium atque opera referri debet. Ἀυτὴ γὰρ ἀρχὴ ἐν ἰητρικῇ, καὶ μέσα, καὶ τέλος, ut ait infra *Sect. X extr.* Hoc respectu dicere ad discipulos solitus est Hieron. CAPIVACCIVS, *Discite meam methodum, & habebitis arcana mea.*





# EPILEGOMENA.

## §. I.

**Q**uae nunc sequuntur in Hippocrate, quum tantum exemplorum loco, ad illustrandum confirmandumque proprium illud de Philosophiae in Medicina usu argumentum, deducta sint, (vid. *Proleg.* §. XVIII) quamobrem etiam in superioribus *Commentariis* ad eadem iam saepius prouocatum fuit: igitur non videntur vltiori commentandi opera opus habere. Quae tamen ad declarandam sententiam necessaria vel vtilia fore iudicaui, ea statim textui subieci. Praetermisi quoque in recensendo libello ea, quae plane Medicae tractationis erant, Medicis solis nimirum relinquenda.

§. 2. De Auctore libelli iam aliquid certius statui poterit. Certe apparuit, primum, stilum simplicem, incultum, verbisque vel antiquatis vel inusitatis horridum an venerabilem? & breuiloquentiam; & usum vocum σοφία, φιλόσοφος, ἰσόθεος, φύσις &c. & sententiam libelli, qua praesertim Medicinam a Philosophorum scholis separandam esse praecipit, &c. illis notis respondere, quas de statu aevi Hippocratici; deque ipsius Coi rebus & institutis prodidere cum coaeuorum testimonia tum historiarum monumenta. Deinde, doctrinam & praecepta libri reliquis, quae in corpore scriptorum Hippocratis deprehenduntur & Hippocrati nostro tribuuntur, sententiis placitisque admodum esse consentanea: nihil autem quicquam obseruatum fuit, quod caeteris viri decretis repugnet. Quae quidem argumenta satis videntur sufficere, vt quam proxime vero statuam, aut ipsum illum nobilissimum Hippocratem, qui tempore Socratis &c. fuit, eumque valde senem, haec praecepta discipulis suis conscripsisse\*; aut certe aliquem ex eius maioribus\*\*, cuius commentarium noster tamen velut adoptauerit in suorum scriptorum numerum.

\* EROTIANVS GALENVSQVE non recensent hunc libellum in genuinorum

numero. CHARTERIUS in hunc Lib. Hippocr. Tom. II p. 405 nimis confi-



fidenter, *Hunc libellum Hippocratis genuinum esse nemo reluctatur, quanquam ab Erotiano subticetur.* Hier. MERCVRIALIS eundem in Classen IVtam, h. e. eorum, quos aperte spurios iudicat, reiecit; idemque ad ista libri verba, *ἰνὰ τὸς φιλόσοφος ἰσχύει*, haec habet: *Aurea sane sententia, quae doctissimum Galenum aliquando coëgit, ut integrum librum componeret ad demonstrandum, vix fieri posse, ut quis sit optimus Medicus, nisi idem sit quoque Philosophus optimus.* Quo magis miror, in eo libro huiusce sententiae mentionem habitam esse nullam a Galeno: nisi dicamus, hunc librum neque Hippocratis, neque cuiusquam ex eius sequacibus fuisse, siquidem phrasis insueta, importuna prolixitas, rerum vana & confusa tractatio id omnibus persuasum facere possunt. Gunth. Christoph. SCHELHAMMER. in *Additam. ad H. Conringii Introd. in Art. Med. Cap. III §. VIII* \*\* iudicium censorum referens, *Liber de Decenti Habitu & Praeceptiones*, inquit, & dicendi genere & rerum gravitate ab Hippocraticis libris longius absunt, etsi multa non inutilia in iis contineantur. Idem tamen Schelhammerus postea, quum magnam huiusce libelli partem Dissertatione quadam illustraret, (Vid. *Proleg. §. XXII*) eundem pro legitimo foetu agnovit: quemadmodum etiam reliqui interpretes, tum item complures alii eruditi homines fecerunt, e. c. ipse Schelhammeri focer, magnus CONRINGIUS, in eodem libro *Cap. II §. XI*. Atque ea plerumque est censorum ipsorum inconstantia eaque argumentorum, quibus Hippocrati libros abiudicant, fallacia, ut has disputationes audiendo, multo adhuc incertior fias, quam antea: neque id alia de causa fieri existimo, quam quia propriis incertisque hypothesibus innituntur eiusmodi iudicia. Sic Schel-

hammeri argumentis opponatur MARTIANVS in *praefamine Annotationum ad l. I de Morbis Mulierum*; itemque I. H. MEIBOMIUS in *Comment. ad Iusur. Hippoc. Cap. XI n. 17*. Et simile inconstantiae exemplum videri potest in *Introd. Conringiana Cap. II §. XI*, collato item *Celeb. SCHVLZIO in Hist. Med. Per. I Sect. III Cap. I §. XXVI* seqq. & in *Disp. de Medico vehementer laudari digno, §. II & III*. Add. id. *Hist. Med. Per. II Cap. I §. XXII*. Exc. D. W. TRILLER. in *Epistola ad Io. Freind, p. 27* seqq. p. 55 & 78. Denique, placet iudicium Prosp. MARTIANI, viri integerrimi, & ex ipsius Schelhammeri sententia, principis fere commentatorum Hippocratis, *Praef. Verum quoquo modo talis inscriptio ipsis (Libris Hippocratis) contigerit, certum est, omnes ab eadem schola emanasse, & ideo plurimi faciendos esse. Firmitudinem enim sinceritatemque sapiunt omnes antiquissimae illius doctrinae, quam prisci illi summi viri firmissimis multorum saeculorum observationibus, & diuturnis speculationibus, incorruptoque iudicio a naturae penetralibus erutam, singulari Dei beneficio nobis reliquerunt, quae eum perfectionis gradum attulerunt, quem nullus posterorum adscendere huc potuit.* Nos igitur, & communem inscriptionem attendentes, libros hos omnes nomine Hippocratis appellabimus, parum aut nihil facientes, an ab hoc, an ab illo fuerint confecti, dummodo veram doctrinam, & Hippocratis dogmatibus consentientem continere eos pateat.

\*\* Eodem fere modo de libris ad mulieres pertinentibus, ut pote, de *Natura Muliebri, de Morbis Mulierum*, itemque illo de *Internis Affectionibus*, iudicat I. H. SCHVLZ. H. M. Per. I Sect. III Cap. IIII §. XXVIII, *Quum in tanta copia & farragine medicamentorum*



torum, quae in his libris commemorantur, ubi toties commode commendari poterat Aloë; nunquam tamen ad usum proponatur: magnum inde argumentum peti posse existimo ad antiquitatem horum librorum agnoscendam; dixerat enim paullo ante, Aloën non ita mul-

to post Hippocratis tempora in usum vocatamprehendimus quantumvis mihi persuadere non possum, eos Hippocratis genuinos foetus haberi posse; omninoque mallet, eos synchrono, vel plane antiquiori cuidam, Cnidiae scholae doctori, adscribere.

§. 3. Vtrum praesens de *Honestate* libellus connexus sit cum libro *Praeceptionum*, ita ut hic illius pars censeri debeat, quae est sententia mei quondam Praeceptoris iucundissimae memoriae, b. Io. Alb. FABRICII, in *Bibl. Gr.* Vol. XIII. f. Lib. VI Cap. IX, ad Io. Stephani Theol. Hipp. Cap. V, 6 not. g p. 224; quanquam complura ad hanc suspicionem fouendam conueniant: \* tamen in dubio relinquere nunc quidem necesse videtur.

\* In CHARTERIANIS ad Praeceptionum libellum notis, Tom. II p. 404 haec inuenio: Hippocratem iam aetate prouectum, libellum hunc legitimum conscripsisse, Zvingerus auguratur; quod tum dictionum obscuritate, tum sententiarum breuitate, ad artis dignitatem constituendam praecepta veluti oracula tradiderit, &c. Iudice MARTIANO, Hic liber Praeceptionum inscriptus, omnium Hippocratis librorum obscurissi-

mus est. FOESIVS in Nota I ad hunc librum docet, illum eandem apud omnes habere inscriptionem, etsi ab Erotiano in Prooemio tacitus sit praetermissus, ut neque ab eo, neque a Galeno lectus videatur, quum nullas inde dictiones eos attigisse & explicasse, satis constet. MERCVRIALIS & SCHELHAMMERI eadem omnino est censura, atque illa de libro περί ευχημοσύνης.

§. 4. Quandoquidem tam multa tamque manifesta in libello deprehensa sunt vestigia, ubi ad Pythagoricam disciplinam & praecepta respectum videtur, partim illa confirmando, partim usu Medicinali temperando circumscribendoque: verisimile fit, hanc ἀκρόασις praecipue ad Medicos eos directam fuisse, qui ex Pythagorica schola profecti, Medicinam eiusque scita a priori, ut dicitur, ex Philosophia depromenda, discenda, atque demonstranda esse disputarunt. Vnde quoque nouum pro antiquitate libri duci posset argumentum.

§. 5. Quumque GALENVS, in l. ὅτι ἄριστος ἰατρός καὶ φιλόσοφος, eandem fere cum istis Pythagoricis viam sequendam proposuerit,



rit, eatenus illum diuerſas ab huius libelli ſententia rationes iniſſe videmus; quemadmodum & alias ab Hippocratica diſciplina diſceſſiſſe, communi Doctorum conuiſio reprehenditur.

§. 6. Denique ſententia libelli quam breuiſſime his verbis comprehendendi poterit, *Medicum eſſe virum bonum & Dei reuerentem, medicinae peritum.* Vtſterius progreſſus eſt Carolus DRELINCOVRTIVS, & ſingulari Oratione Academica, Hippocratis ſententias quam plurimas mirifice cum Sacrorum Bibliorum oraculis conuenire offendit \*.

\* Graeco ſermone dicta eſt: deinde edita, Gallico quidem ab ipſo auctore, Latino vero ab eiſdem filio: ex vtriuſque interpretatione Lugd. Bat. 1689, Inſcriptio Gallica eſt, *Discours Academique ſur quelques penſées d'Hippocrate & de l'Ecriture*: Latina,

*Car. Drel. de Diuinis apud Hippocratem Dogmatis Sermo.* Loca Scripturae magno numero collecta, in inferiore pagina allegata & Hippocrateis ſubiecta ſunt: exemplum dedi in *Comment. VI §. 22 not.* \* Addita quoque approbatio Theologi H. des Marets.

§. 7. Poſtremo, quantumuis laudandum in Ethnico fuerit illud *Honeſtatis* ſtudio: tamen Chriſtiano Medico principium inde actionum capere minus licet, etſi praecepta conuenerint \*.

\* Haſtenus placent, quae de Honeſti inanitate dixit Mr. L'ESPRIT, dans *La Fauſſeté des Vertus Humaines*, Preface, vbi inter alia, *C'eſt ce bien honnête, dont Cicéron & Sénèque parlent toujours avec excez & avec transport, & qu'ils représentent comme l'amour & les délices du Sage; qui a été l'écueil, où, ſi l'on en excepte Platon, tous les Philoſophes ont échoué. C'eſt ce bien honnête, qui a été la cauſe preſque unique de tous les mécontes de leur morale. Enfin, c'eſt ce bien honnête, qui a été l'idole, à laquelle ils ont adreſſé leurs vœux:*

Santiſſima Honeſta, che ſola ſei  
D'alma ben nata inuolabil' nume;

& qu'ils ont enſuite propoſée aux Sages

*de tous les ſiècles, afin qu'elle en fût adorée. Ce qui leur a beaucoup mieux reüſſi, qu'il ne pouvoient eſperer, puis-que non ſeulement les Sages Payens, mais auſſi la plupart des Sages, qui ſont profeſſion de la Religion Chrétienne, ne reconnoiſſent point par leurs actions d'autre divinité que le bien honnête. Add. ib. Tom. I Chap. XXV p. 520 ſeqq. Et hic tamen p. 528, S. Thomae adſtipulatur, qu'il y a certaines perſonnes, qui ont la complexion ſi heureuſe, qu'ils ſe portent aux actions droites par la ſeu- le diſpoſition de leur temperament. Et concludit p. 535 Il n'eſt point de ſolide probité, dit Platon, que celle, qui eſt jointe à la pitié & à la ſainteté. La parfaite probité, dit Ariſtote, eſt celle qu'on pratique dans la ſeu- le vue des choſes diuines & éternelles. Quodſi i-*



gitur Plato & Aristoteles honestatem ex fine studioe religionis s. pietatis in Deum colendam esse docuerunt: quid obstat, quo minus eandem sententiam tribuamus Hippocrati? utpote cuius non vno loco confirmatum vidimus, eum ad leges naturae a Deo insitas atque promulgatas omnia retulisse. Hac autem ratione honestatem in sapientibus ethnicorum verae virtutis, naturalis illius quidem, titulo spoliare velle, minus aequum videtur. Sed Christiana virtus ex alio respectu propositoque proficisci debet. Cauendum

autem, ne, inter tractationem paganorum scriptorum, dediscamus rationem virtutis Christianae ut, quemadmodum ERASMVS Roterod. in *Ciceroniano* scribit, *Titulo duntaxat sumus Christiani; corpus aqua tinctum sit sacra, sed illota mens sit.* De cautione in legendis auctoribus ethnicis vid. Iac. THOMAS. de *Ethnic. Stili* §. ult. Io. Christoph. Ottonis *Diff. de Lektionē auctorum gentilium*, hab. Lips. 1715. Io. Alb. Fabricii *Epistola*, in H. S. Reimari *Commentario de vita illius desideratissimi viri*, p. 340 seqq.





# PARALIPOMENA:

QVIBVS COMPREHENDVNTVR  
RELIQVA LIBELLI

## ΠΕΡΙ ΕΥΣΧΗΜΟΣΥΝΗΣ,

SECUNDVM EDITIONEM LINDENIANAM,  
VARIETAS LECTIONIS

AD H. L.

EX MS. BIBLIOTHECAE REGIAE PARIS.

ITEMQVE

EX EDITIONE ALDINA VENET. 1526,  
SCHOLIA ANTIQVA GRAECA

EX MS. BIBLIOTH. REG. PARIS.

GNOMAE GRAECAE

EX EODEM MS.

DENIQVE

V. EXP. H. C. CRVGERI MED. D.

ET PHYS. LVNEBURG.

NOVA INTERPRETATIO LATINA ET  
ANIMADVERSIONES IN LIBRVM

ΠΕΡΙ ΕΥΣΧΗΜΟΣΥΝΗΣ.



PARALLAX

THE BAZZ

THE BAZZ

THE BAZZ

THE BAZZ

THE BAZZ



# VARIETAS LECTIONIS

ex MSto Codice Bibliothecae Regiae

Parisiensis: itemque ex editione

Aldina Venet. 1526.

I, 1 ταύτην δὲ] δὴ Reg. & Ald.

2 ἀργίη] ἀργείη A.

ἐφειλκύσατό τε] τι R.

3 πεπονημένη] πέπονημένην R. & A.

τέχνην δὲ, πρὸς εὐσχ.] δὲ, τὴν πρ. R.

II, 3 Ἰδοὶ δέ τις ἂν] om. ἂν R. & A.

πολὺ μᾶλ.] πολὺ A.

φευκτέοι καὶ μισητέοι] φευκτέον καὶ μισητέον R. & A.

εἰσι] ἐστὶ R. & A.

IV, 1 προσπορεύονται] προσπορεύονται R. & A.

3 ἀμφοτέροισι λόγοισι] ἀμφ. τοῖσι λόγ. R. & A.

εἰς δειξίν] ἐνδειξίν R.

βαίτιήν] αἰτίη A.

V, 1 εὐοδέα] εὐωδέα R. & A.

2 διὸ δεῖ] δὴ R. & A.

VI pr. οὐ om. R. & A. καὶ γὰρ] om. A.

2 πρὸς βίον χρ.] βίῃς A.

4 ἡ γνῶσις] ἡ om. R. & A. ὥς, καὶ ὁκοίως] καὶ om. A.

VII, 1 νῶ] νόῳ R. & A.

IX, 2 φαίνοντα] φαίνονται R.



IX, 5 Μελετᾶν δὲ χρὴ ἐν ἰητρικῇ ταῦτα μετὰ πάσης κατατολῆς, περὶ ψηλαφίης καὶ ἐγχερίσιος <sup>a</sup> καὶ ἐγκαταντλήσιος, πρὸς τὴν ἐυρυθμίην τῶν χειρέων· περὶ τιλμάτων, περὶ σπηλῶν, περὶ ἐπιδέσμων, περὶ τῶν ἐκ καταστάσιος, περὶ Φαρμάκων ἐς τραύματα, καὶ ὀφθαλμικά.

6 καὶ τουτέων πρὸς γένεα <sup>b</sup>· ἢ <sup>c</sup> σοι προκατηρτισμένα· ὄργανά τε καὶ μηχαναὶ, καὶ σίδηρος ὁ ὀξύς <sup>c</sup>. ἡ γὰρ ἐν τουτέοισιν ἀπορίη, ἀμηχανίη καὶ βλάβη ἐστίν.

X. (VIII. Lind.) Ἔστω δέ σοι ἐτέρη παρέξοδος ἢ λιτοτέρη, πρὸς τὰς ἀποδημίας <sup>d</sup>, ἢ διὰ χειρέων. ἢ δὲ εὐχερ. κ.τ.λ.

1 εὐχερεστάτη] εὐσθενεστάτη R.

2 τοιούτέων] τουτέων R.

XI. Προκατασκευάσθω δέ σοι καὶ μαλαγμάτων γένεα, πρὸς τὰς ἐκάστων χρήσις· ποτήματα τέμνειν δυνάμενα, ἐξ ἀναγραφῆς ἐσκευασμένα, πρὸς τὰ γένεα.

2 Προητοιμάσθω δὲ καὶ τὰ πρὸς Φαρμακίην, ἐς τὰς καθάρσιος εἰλημμένα, ἀπὸ τόπων τῶν καθηκόντων· ἐσκευασμένα εἰς ὃν δεῖ <sup>e</sup> τρόπον, πρὸς τὰ γένεα καὶ τὰ μεγέθη· εἰς παλαίωσιν μεμελετημένα· καὶ <sup>f</sup> τὰ πρόσφατα ὑπὸ τὸν καιρὸν καὶ τᾶλλα κατὰ λόγον.

XII, 2 πρὶν ἐσελθεῖν] πρὶν ἢ ἐς. R. πρὶν ἢ A.

XIII. Ἐπὶ τουτέοισι μέμνησο παρασκευῆς τῆς πρώτης· εἰ δὲ μὴ, τὸ <sup>g</sup> κατ' ἄλλα ἀδιάπτωτον, ἐξ ὧν παραγγέλλεται εἰς ἐτοιμασίην.

2 (X.) Ἐσώδω χρέο πυκνῶς· ἐπισκέπτεο ἐπιμελέστερον, τοῖσιν ἀπατεομένοισιν ἐπὶ τὰς μεταβολὰς ἀπαντῶν· ῥᾶον γὰρ εἶσι· ἅμα δὲ καὶ εὐμαρέστερος ἐσθι.

3" A-

<sup>a</sup> ἐγχερίσιος R. & A.

<sup>b</sup> τὰ πρὸς τὰ γέν. R. & A.

<sup>c</sup> ἐξῆς R. & A.

<sup>d</sup> ἐπιδημίας R. & A.

<sup>e</sup> δὴ R. & A.

<sup>f</sup> τὰ δὲ πρόσφ. R.

<sup>g</sup> τὰ R. & A.



IX, 5 Curam autem gerere in Medicina oportet cum omni submissione, eorum quae spectant ad frictiones, illitiones, perfusiones, cum manuum concinnitate: lintheaminum porro vulforum, spleniorum, vinculorum, eorum quae pro temporis constitutione requiruntur, medicamentorum vulnerariorum & oculariorum, & horum ad singula genera pertinentium:

6 vt sint praeparata: tum instrumenta atque machinae, tum denique ferrum acutum. Horum namque inopia impedimento ac perniciiei est.

X. (VIII) Sit tibi etiam alter apparatus simplicior, ad peregrinationes accommodatus, a te ipso praeparatus.

XI. Praeparata tibi quoque sint malagmatum genera ad singulos usus: potiones item quae incidere possunt, ex descriptione praeparata, secundum genera.

2 In promptu vero etiam sint, quae ad medicamenta purgantia pertinent; sumpta de locis congruis; & parata decentem in modum, secundum genera & formulas; vt vetustatem ferre possint: recentia vero, secundum temporis occasionem: & reliqua ad eandem rationem.

XIII. Praeterea memento primi apparatus: sin minus, in reliquis saltem ne offendas, quae promte parari a te iubebuntur.

2 (X) Ingressu vttere frequenter: inquire diligentius: erroribus, ex mutationibus morbi ortis, occurre. Facilius enim cognosces, simulque expeditior eris.



3 Ἄστατα γὰρ τὰ ἐν ὑγροῖσι. διὸ καὶ ἐυμεταποίητα ὑπὸ Φύσιος καὶ ὑπὸ τύχης.

4 Ἀβλεπτηθέντα γὰρ τὰ κατὰ τὸν καιρὸν τῆς ὑπουργίης ἐφθασαν ὀρμήσαντα καὶ ἀνελόντα. οὐ γὰρ ἦν τὸ ἐπικουρῆσον.

5 Πολλὰ γὰρ ἅμα τὰ ποιέοντά τι χαλεπὸν. τὸ γὰρ καθ' ἐν κατ' ἐπακολουθήσιν ἐυθετώτερον καὶ ἐμπειρότερον.

XIV. Ἐπιτηρεῖν δὲ δεῖ καὶ τὰς ἀμαρτίας α τῶν καμνόντων· δι' ὧν πολλοὶ πολλάκις διεφύσαντο ἐν τοῖσι προσάρμασι τῶν προσφερομένων·

2 ἐπεὶ β τὰ μισητὰ ποτήματα λαμβάνοντες, ἢ φαρμακευόμενοι ἢ θεραπευόμενοι, ἀνιρέθησαν.

3 Καὶ αὐτῶν μὲν οὐχ ὡς ὁμολογίαν τρέπεται τὸ ποιηθὲν· τῷ δὲ ἱητρῷ τὴν αἰτίαν προσῆψαν.

XV. (IX) Ἐσκέφθαι δὲ χρὴ καὶ τὰ περὶ ἀνακλίσεων, α ἢ αὐτέων πρὸς τὴν ὥρην, α δὲ καὶ πρὸς τὰ γένεα

2 Ὅι μὲν γὰρ αὐτέων ἐς θρόνους· c οἱ δὲ ἐς καταγείους καὶ σκοτεινοὺς τόπους.

3 Τάτε ἀπὸ ψόφων, καὶ ὀσμῶν, μάλιστα δὲ ἀπὸ οἴνου· χειριστοτέρη γὰρ αὕτη. Φυγεῖν d δὲ καὶ μετατιθέναι.

XVI, 1 α δὲ] ὧδε R. & A.

3 ἀπεώθησαν] ἀπεώσθησαν R. & A.

ἐπεσομένων] ἐσομένων R.

XVII. (XII) Τῶν δὲ μανθανόντων ἔστω τις ὁ ἐφεστῶς, ὅπως τοῖσι παραγγέλμασιν οὐ πικρῶς χρήσῃται. ποιήσῃ δὲ ὑπουργίην τὸ προσταχθὲν.

2 Ἐκλέγεσθαι δὲ ἀπ' αὐτέων ἤδη τοὺς ἐς τὰ e τέχνης εἰλημένους· προσδοῦναί f τι τῶν ἐς τὸ χρέος, ἢ ἀσφαλέως προσενεγκεῖν. ὅπως τε ἐν διαστήμασι μηδὲν λανθάνῃ σε.

<sup>a</sup> ἐμπειρίας A.

<sup>b</sup> ἐπὶ R. & A.

<sup>c</sup> πόνους R. & A.

<sup>d</sup> φυγεῖν A.

<sup>e</sup> τῆς inf. R. & A.

<sup>f</sup> προσδοῦναί R.



3 Instabilia enim sunt, quae in humidis: quare etiam facile mutantur a natura & fortuitis casibus.

4 Non observatis enim, quae certo tempore administrari oportebat, in peius affectus ruit, hominemque e medio tollit: quum non adfuerit in tempore iustum auxilium ferens.

5 Multa enim si simul irruant, difficile maxime opus reddunt: quod figillatim & alterum post alterum tractando, & facilius & longe certius succedit.

XIV. Notanda etiam sunt aegrotantium delicta: quorum saepe numero multi fallentes Medicum, circa assumptionem eorum, quae exhibita fuerunt;

2 postquam exosas potiones acceperunt, aut purgationibus, aut alia curatione vti, perempti sunt.

3 Quod factum non ad ipsorum confessionem vertitur, sed Medico eius culpa imputatur.

XV. (XI) Considerare autem oportet, quae circa decubitus observanda sunt, respectu habito partim ad anni tempus, partim ad reliqua cautionum genera.

2 Quidam enim in altis, quidam in subterraneis & tenebrosis locis locari amant.

3 Quae a strepitibus, & odoribus, praesertim vini, (nam deterior ille est) contingunt, noxas vitare & emendare oportet.

XVII. (XII) Sit autem e discipulis quidam praesens aegro, qui mandata tua citra amaritudinem exsequatur, &, quae praecepisti, administret.

2 Eligendi autem ex istis sunt, qui iam artis sacris initiati: ut, quae utilia erunt, addant, aut secure offerant. Neve quicquam interea te lateat.



3 Ἐπιτροπὴν δὲ τοῖσιν ιδιώτησι μηδέποτε δίδους περὶ μηδενὸς· εἰ <sup>a</sup> δὲ μὴ, τὸ κακῶς πρηχθὲν <sup>b</sup> εἰς σὲ χωρήσει τοῦ ψόγου. εἰάν <sup>c</sup> μή ποτ' ἀμφιβόλως ἔχη, ἐξ ὧν τὸ μεθοδευθὲν χωρήσει, καὶ οὐ σοί τὸν ψόγον περιάψει, καὶ <sup>d</sup> τευχθὲν δὲ πρὸς τὸ γένος ἔσται.

4 Πρόλεγε οὖν ταῦτα πάντα ἐπὶ τῶν ποιευμένων· οἷς καὶ τὸ ἐπεγνώσθαι πρόκειται.

XVIII, 2 εὐκλεέα) εὐκλέα R. & A.

## SCHOLIA ANTIQVA AD MARGINEM CODICIS MSTI

I, pr. οὐκ ἀλόγως] ἀλλὰ μετὰ λόγου.

III, 1 pr. τὴν δὲ ἐναντίην] τὸ ἐξάλλθαι λιτῶς  
σύγγουν] πάγιον, βεβηκός.

2 & 4 ἔυθετοι] ἔυκολοι.

4 λημματικοὶ] ἐπήβολοι φρόνιμοι.

IV, 1 ἡγεμονικώτατον] κυριώτατον, ἀρχικώτατον.

3 οὐδαμῇ] οὐδαμῶς.

ἐπὴν οὖν τις] ἐπὰν, ὁπηνίκα.

4 παραπλησίην] ὁμοίαν.

6 σημεῖον] παράστασις.

VII, 3 μεταχειρέονται] μεταχειρίζονται, ἐργάζονται.

VIII, 2 διαιτώμενα] λυόμενα διὰ διαίτης.

3 κεφαλαιωδέστατον] κρείττον.

IX, 1 εὐτραπελίην] ἀσκειότητα, χάριν, δύναμιν ἐλκτικήν.

δυσπρόσιτον] δυσέντευκτον.

3 κάρτα] κατὰ πολὺ.

5 ψη-

<sup>a</sup> εἰς A.

<sup>b</sup> προηχθὲν R. & A.

<sup>c</sup> δὲ inf. R.

<sup>d</sup> τὸ inf. R.



3 Idiotis vero nunquam quicquam curandum commiseris: alioquin male administratorum culpa in te redundabit. Nisi forte in ambiguo relinquatur, ex quibus quod recta methodo tractatum est, exsculpi possit, tibi que nullum vituperium afferat; quod vero accidit aegro, ad morbi genus referetur.

4 Praedicito igitur haec omnia inter faciendum opus iis, quorum haec scire interest.

---

GRAECA,  
REGII RVBRICA NOTATA.

- 5 φιλαφίης] ἀφῆς. (leg. ἀφῆς.)  
 XI, 1 μαλαγμάτων γένεα] διάφορα.  
 χρήσις] μεταχειρίσεις.  
 XII, 3 βραχυλογίης] ὀλίγα λέγειν.  
 XIV, 3 αἰτίην προσῆψαν] τὴν μέμψιν ἀνήρτησαν, ἀνέθεντο.  
 XVI, 1 πρήσσειν] ἐνεργεῖν.  
 εὐσταλέως] εὐκόσμως.  
 2 ἀποτρεπόμενον] ἐκφεύγονται.  
 [ἴσ. ἐκφεύγοντα.]  
 3 ἀπεώσθησαν] ἀπεδιώχθησαν.  
 XVII, 3 ἰδιώτησι] τοῖς ἀμαθέσι.  
 κακῶς προηχθὲν] τὸ ἔκβαν, καὶ γεγονὸς ἀτέχνως.  
 περιάψει] περιδείη.  
 τευχθὲν] κατασκευασθὲν μετ' ἐπιτυχίας.  
 XVIII, 1 ἐόντων] τυγχανόντων.



## GNOMAE AD MARGINEM

## EIVSDEM CODICIS NOTATAE.

IV, 5 πᾶν γὰρ τὸ ποιηθὲν τεχν.] τὸ μετὰ τέχνης γεγονὸς λόγος ἦν ὁ ἀποτελέσας.

6 ὁἷσις μάλιστα] ἐνταῦθα δείκνυσιν ὅτι τὸ κομπάζειν τὸν ἰατρὸν ἢ καὶ νομίζον (f. νομίζειν) ἑαυτὸν μέγαν οὐ μόνον μέμφεως ἔστιν ἄξιον, ἀλλὰ καὶ παραίτιον γίνεται τὸ τοιοῦτον ἀπολείας καὶ ὀλέθρου μᾶλλον ἢ θεραπείας τοῖς κάμνουσι.

V, 2 ἰητρὸς γὰρ φιλόσοφος ἰσόθεος] ὁ θεὸς τὰ ὄντα τὲ ἐπίσταται, καὶ δημιουργὸς πάντων τῶν ὄντων ἐστίν. ὁ ἰατρὸς γοῦν, ὡς θεραπεύων τὴν δημιουργικὴν μιμεῖται δύναμιν τοῦ [θεοῦ] ὡς δὲ φιλοσόφος (f. φιλόσοφος) ἐπισκεπτόμενος τὴν δημιουργ...

Ad eadem verba Graeculus forsan notauerat: ἀκούει τοῦτο σὺ κλέος φιλοσόφου· θεῶ [θεὸς.] γὰρ δοκεῖς καὶ τυγχάνεις.





## H. C. C R V G E R I,

MED. D. ET PHYSICI LVNEBURG.

ANIMADVERSIONES IN LIBELLVM HIPPOCRATIS

ΠΕΡΙ ΕΥΣΧΗΜΟΣΥΝΗΣ.

*De Auctore libri.*

**H**ippocratis Coi, Magni, magister fuit Gorgias Leontinus, discipulus Empedoclis \*.

Ad Pyrrhonios a LAERTIO in *vita Pyrrh.* lib. IX referri videtur Hippocrates.

Alius Hippocratis mentionem facit LAERTIUS, in *vita Chilonis*, qui cum Chilone Olymp. LVI vixisse dicitur.

Pace mea fieri potest, ut Magni Hippocratis auo, Gnosidici filio, cui Galenus etiam librum de *Fracturis* tribuit *Comm. I in lib. de rat. vict. in morb. ac.* hic liber acceptus referatur.

I, I περιεργίην] *Inanem curiositatem.* Quod vero sic reddam, mouet me PLUTARCHI auctoritas, qui in extremo libro περι πολυπραγμοσύνης, hac ipsa voce loco πολυπραγμοσύνης utitur, dum de Oedipo, quem inter πολυπράγμονας refert, dicit, τοῦτον τοῖς μεγίστοις κακοῖς ἡ περιεργία περιέβαλε. Latine a CAELIO in *Ep. ad Cicer.* lib. VIII arguta nimium sedulitas eleganter dicitur.

II. Corrigendus MEIBOMIUS in *Formulam Comit. Archiatror.* p. 60, quod nempe de Medicis hoc loco Hippocratem locutum esse dicat: quum tamen de Philosophis sermo sit. Hanc enim Medicorum poenam non fuisse, ex *Leg.* initio apparet. \*\*

3. Huc

\* Quum hic Empedocles Pythagoreus fuerit, intelligitur, qua via ad Hippocratem peruenire potuerint placita Philosophiae Pythagoricae.

\*\* Vid. *Commentar.* II §. 2.



3 Huc & ad sequentia pertinet locus Diog. LAERTII in Zenone Stoico: Δεῖν τε ἔλεγε τοὺς νέους πάσῃ (siue, vt corrigit Casaubonus in Athen. lib. I cap. XVlll, ἐν πᾶσι) κοσμιότητι χρῆσθαι, καὶ πορεία καὶ σχήματι καὶ περιβολῇ. Vid. ATHENAEVS lib. I. it. monitum SIRACIDIS cap. XLX (v. 30) deprehendi hominis interiora ex vestitu, risu, atque incessu. \*

III, 1 οὐ διδακτὴν] Eodem sensu, quo S. PAULVS *ad Corinth.* 1 cap. 2, 13 διδακτοὺς ἀνδρωπίνης σοφίας λόγους nominat, quae paulo ante v. 4 πειθοὺς vocauerat, & τοῖς ἐν ἀποδείξει opposuerat.

περιβολὴν] Vestium distinctio in περιβολὴν & ὑποβολὴν v. ap. IF. CASAVBON. in *Athen. Animadu.* Lib. II c. lX. Latius patet περιβολὴ quam vestitus, & omnia illa denotat, quae ad amictum pertinent. POLYBIVS p. 590 lin. 2 κατὰ μὲν οὖν τὴν ὄψιν ἄγνωστος ἦν διὰ τὸ σκότος· κατὰ δὲ τὴν ἐσθῆτα καὶ τὴν ἄλλην περιβολὴν, ἀνεπισήμαντος.

2 πικροὶ πρὸς τὰς συναντήσιας] Fortē incuria librariorum συναντήσιας scriptum est pro συνεντάσιας, *contentiones*. Sic infra (XVI, 2) μετὰ πικρίας καὶ ἐντάσεων. Quae coniectura nostra si locum habere potest, innuere videtur Hipp. quod in iis rebus, quae suo scopo obstare sibi que obesse videt Medicus, concedendis aut tolerandis admodum difficilis esse debeat, nec unquam adstantium vel aegroti quoque auram turpi assentatione capere, concedendo vel disputantibus secum vel petentibus, ea quae minus conuenire nouit.

5 χάριτι διατιθέμενοι] Medici χαρίεντες vid. CASAVB. *Animadu.* in *Athen.* lib. I cap. I (p. 3).

ἀποτελματιζόμενοι] Ian. CORNAR. legisse videtur, ἀποτολματιζόμενοι dum vertit, *audentes & confisi*.

IV, 4 ἐκείνοισι] istis circulatoribus. \*\*

5 λόγος] ratiocinium: & τὸ διδαχθὲν ἔργον sumi debet de illo ope-

\* Conf. de Pythagoricis Proleg. §. VII.

\*\* Vid. Annot. textui subiectam.



opere, circa quod quis diligenter laborauit, & cuius omnes rationes experimentis variis cognitae & perspectae habet. Conf. *Praecept.* sub init. \*

ἐκ λόγου &c.] Obiter hunc locum inspicienti videri posset, eandem nostrum auctorem cum Platonice sententiam fouisse, & voce τοῦ λόγου summam illam & diuinam Rationem notare voluisse, per quam & ex qua omnia fuisse producta censebant. Neque negandum est, ante Platonem fuisse, qui τὸν λόγον inter principia rerum referrent; quod de Parmenide refert PLOTINVS *Enneade* V Lib. I cap. VIII. Verum, facile perspicitur, nostrum de illis saltem hic loqui operationibus, quae artificem probe ratione valentem & instructum requirunt.

7 Exempla talium simulatorum Medicorum, vniuersalia ratiocinia temere particularibus rebus applicantium, habet noster lib. *de Fractur.* init. vbi sequentia notatu dignissima occurrunt de illis, qui in repositione articulorum ratiocinia sua futilia, magis sequuntur, quam rei naturam; οἱ μὲν μηδὲν προβουλεύσαντες, οὐδὲν ἐξαμαρτάνουσιν, ὥς ἐπὶ τὸ πούλν. & paulo inferius, οἱ δὲ ἰητροὶ σοφίζόμενοι δὴδὲν εἰσιν οἱ ἀμαρτάνουσι. Ad priorem locum notauit PALLADIUS, in *schol.* videri pugnantia loqui Hippocratem, & artificem instruere volentem haec dixisse: perfectum enim non deliberare. Verum enim vero, lapsus hic esse videtur Palladius, eo quod τὸ προβουλεύειν sumsit pro, sedulo deliberare, atque solide & naturae conuenienter ratiocinari; cum tamen potius de futili atque inani ratiocinio & ea consultatione intelligi debeat, quae non certis atque demonstratis principiis, sed opinionibus meris innititur. Conf. HIPPOCR. *de Artic.* c. XVII.

V. Inter ἀκούσματα PYTHAGORAE refertur, Τί σοφώτατον τῶν παρ' ἡμῖν; ἰατρική. IAMBL. *vit. Pyth.* c. XXIIIX.

VI.

\* Vid. nostra *Annot.* & *Proleg.* §. XI not. 1.

E c



VI, 2 καταστολή] IAMBlich. *de vita Pythag.* cap. 2 p. 7 laudat in eo τὴν καταστολὴν σώματος, *corpus ad modestiam compositum*, uti reddidit Vlr. Obrechtus; eamque cum εὐσταθία τῆς ψυχῆς coniungit. Vid. infra XII, 3.

ἀπάντησις] Ἀπαντήσεις vocant Graeci acute dicta, e re nata. CASAVB. *ad Athen.* lib. XIII cap. VI.

καθαριότης] Munditiem antiquissimis Philosophis fuisse commendatissimam testantur *Aurea Pythagorae Carmina*, quae suadent δίαιταν ἔχειν καθάρειον, ἄθρυπτον. Quibus verbis HIEROCLES ad h. l. p. 194 docet iussisse Pythagoram, ἔχειν πᾶν ὁτιοῦν τῶν περὶ τὸ σῶμα καθάρειον, ἄθρυπτον.

γνωμολογίη] Epicharmus Cous, discipulus Pythagorae, clarus γνωμολογία, ref. IAMBlichO *in vita Pythag.* c. XXIX, ὅιτε γνωμολογήσαι τι τῶν κατὰ τὸν βίον βουλόμενοι, τὰς Ἐπιχάρμου διανοίας προφέρονται, καὶ σχεδὸν πάντες αὐτὰς οἱ φιλόσοφοι κατέχουσι.

καθαροίων] Sunt qui de medicamentis purgantibus accipiant. Et Carneadem quidem Academicum, legimus, superiora corporis helleboro purgasse, quum aduersus Zenonem Stoicum esset scripturus, narrante A. GELLIO Lib. XVII cap. XV: & Chrysippum, teste PETRONIO Arbitro, ut ad inuentionem sufficeret, ter helleboro animum deterfisse. Verum enim vero mihi placuit, de καθαρσίῳις s. lustrationibus & expiatoriis sacris haec intelligere: de quibus videatur CLEM. Alexandr. *Strom.* lib. V p. 582. Fuit autem haec κάθαρσις prima pars initiationum, quarum V recenset THEO Smyrnaeus *Exposit. Mathem.* cap. II p. 18. Philosophos vero earum rerum scientiam sibi vendicasse testatur inter alios Pythagoras: vid. LAERT. De variis καθάρσεως speciebus, quae ad mentem, vitam, atque corpus spectant, consulatur omnino HIEROCLES ad ultimos versus *Carm. Aur.* p. m. 293 sequ. & p. 305.

ἀδει-



ἀδαισινδαιμονίη] Auctor Etymologici Magni voce Δαισινδαιμονία Δαισινδαιμονία λέγεται, ἡ πρὸς τοὺς πονηροὺς δαίμονας ἐπιμημέλεια. ἴστέον, ὅτι παρὰ μὲν τοῖς Ἑλλησιν ἐπὶ καλοῦ λαμβάνεται παρὰ δὲ ἡμῖν τοῖς Χριστιανοῖς ἐπὶ τῆς ἀσεβείας λέγεται ἡ δαισινδαιμονία. Priorem significatum ob oculos habuit Nigidius Figulus ap. GEL. lib. IV cap. IX; & Caluus fortasse, qui h. l. legit δαισινδαιμονίη posteriorem PLUTARCHVS singulari libro. Caeterum de ἀδαισινδαιμονία Aretaei, v. le CLERC *Hist. de la Med.* P. II p. 214.

VII, 1 Hic Hippocrates, Deorum notitiam primum σοφίης caput absolueret, fateri videtur, quam sententiam procul dubio ex Pythagoraeorum placitis hauserat. (Vid. *Proleg.* §. V. VI. VIII.) Verus itaque Auctoris nostri sensus ille esse videtur: Medicum genuinum cum plerasque σοφίης partes, tum inprimis illam, quae de Deorum non solum existentia, sed potentia etiam explicat, non posse non habere perspectissimam. Hanc quidem ita ipsius animo insidere, ut velit nolit fateri cogatur, non esse Deos modo, sed eos humana etiam curare: artem exinde ipsam quoque erga eosdem valde reuerenter se habere, & Medicos iis cedere, ad eosque referre, si quid fausti in morborum curatione obtigerit. Non enim deprehendi in Medicina virtutem peculiarem, aut potentiam ullam excellentem, & quae a sublimiori non pendeat.

περιττὸν] Huius adiectiui varia admodum & diuersa est significatio: περιττὸς ἀριθμὸς exponitur *impar numerus*, oppositus τῷ ἀρτίῳ, *pari*, ap. HIPPOCR. de *Septim. Partu* cap. VIII. IAMBLICH. de *vit. Pythag.* cap. XXVIII, ap. Porphyr. n. 38. Exponitur etiam *superfluous, otiosus*: uti hic interpretatus est Zuinger. & in illo egregio praecepto, quod inculcat Simplicius, σιγάσω τὰ περιττά, *taceantur superflua*. v. Not. C. RITTERSHVSI ad Porphyr. n. 18. Deinde etiam est *eximie perfectus, excellens*: & usurpatur cum de personis, uti de Pythago-  
E e 2 vita



vita ipsi. n. 18, tum de rebus, veluti de commentariis Pythagoreorum, quos Iamblich. c. I. cap. XXIX appellat ἐξαιρέτως περὶ σοφῶν *eximie perfectos*: de factis Pythagorae ap. Porphy. l. c. n. 28: & de ipsius doctrina ap. eund. n. 37.

IX, 2 πρόκλησιν] Noster sine dubio ad veterum morem in iudiciis olim observatum respexit, de quo vid. HARPOCRATION in *Lexico X Rhet.* voc. πρόκλησις.

3 μετὰ φαντασίης] *Ostentatione*. Sic saepius occurrere ap. Polybium, observavit H. CASAVB. in *Notis ad Matth.* locum cap. 1. GATAKER. ad *Antonin.* lib. 1 cap. 7. PLIN. *H. N.* lib. XXIX cap. 1. Quo quisque ingenio minus valet, hoc se magis attollere & dilatare conatur. Fab. QUINTILIAN. Exemplum v. ap. HIPPOCR. de *Artic.* cap. XXXIX. ubi quoque sequ. cap. XL extr. eiusmodi leguntur, quae praesentem locum explicant.

4 & 6 Vid. ALBVCAS. II *Method.* cap. LXVII, apud BOHN. de *Offic. Med.* P. I cap. XXIII. Conf. M. ANTONIN. Imp. III εἰς ἑαυτ. §. 13.

X, 2 ἀπλὰ] PLIN. *H. N.* lib. XXII cap. XXIII *Nos simplicia tractamus, quoniam in his naturam esse apparet, in mixtis saepe coniecturam fallacem: nulli satis custodita in mixturis concordia naturae & repugnantia.*

XII, 2 ὃ χρὴ ποιεῖν] Scil. illa, ὅκοντα δὲ προκαταμαθεῖν τὸν ἰητρὸν, μὴ λέγοντος τοῦ κάμνοντος quorum neglectum in medicis Cnidiis taxat HIPPOCR. de *victu Acut.* in init. Studium praedictionum singulari industria a veteribus excultum fuisse, apparet plurimis locis Hippocratis, tum inprimis initio lib. II *Prorrheticon*. Quem librum licet EROTIANVS Hippocratis Magni esse neget, antiqui tamen auctoris foetum esse certum est.

3 βραχυλογίης] PLUTARCH. περὶ ἀδολεσχ. T. II p. 510 Οἱ τρογυλοὶ καὶ βραχυλόγοι, καὶ ὧν πολλοὺς νοῦς ἐν ὀλίγῃ λέξει συ-



συνέσονται. APOLLODORVS, 'Οι κράτιστοι τῶν ἀνθρώπων  
βραχυλογότατοι. De Pythagora vid. IAMBlich. in Vita ipsi.  
cap. XXIX.

ἀταρακτοποιήσις] Vid. de Pythagora IAMBlich. cap. III.

εὐσταθής] Vid. supra ad VI, 2. (Nos Proleg. §. VII not. 7. &  
Comment. VI §. 16).

XIII, 1 παρασκευῆς] Huc referendi libri παρασκευαστικῶν s. ut  
quidam legunt, παρασκευῶν, quorum meminit SCRIB. LARGVS  
in ep. ad Iul. Callist. & vertit, praeparationum. Iidem videntur  
fuisse cum libris Parascenasticis ad Erasistratum, quos allegat  
CAEL. AVRELIANVS Chron. lib. I c. XIII p. 416.

ἀδιάπτωτον] Vid. GATAKER. ad Antonin. lib. III p. 112.

2 ἐπισκέπτεο] Vid. de Hippocrate GALEN. lib. I Prorrheth. cap. II.  
SENECA Epist. XXXII Non potest Medicus per epistolas cibi aut  
balnei tempus eligere: vena tangenda est.

3 Paria occurrunt ap. HIPPOCR. de Locis in Hom. cap. I.

4 Conf. HIPPOCR. de Arte cap. XX. & de Diaeta I cap. 3. 20.

XIV Conf. de Arte cap. XII. Ratio eiusmodi aegrotorum peccata  
deprehendendi, docetur lib. II Prorrheth. sub init. Et ibid. cap.  
VII eum, qui in hoc genere cum laude versari cupit, ὀξύτατον  
καὶ τὸν νόον καὶ τοὺς ὀφθαλμοὺς, esse oportere monet.

3 αἰτίαν] Conf. de Arte cap. X. XI. XII. (vid. ad Sect. IV not. I.)

XV Omnino conf. Epidem. VI Sect. IV, 24 seqq. cum Comment.  
Franc. VALLESII p. m. 626.

XVI, 1. 2 PLIN. H. N. lib. XXIV cap. 1 Una artium Medicina im-  
peratoribus etiam imperat.

2 πικρῆς] HIPPOCR. de Vict. Acut. c. XXI, 12 de deliraturis, περί-  
λυποί τε καὶ πικροὶ γίνονται.



ἐντάσεων] Non dissimili sensu voce ἐπανατάσεως utitur IAMBlich. ex mente Pythagoreorum, *de vita Pythag.* cap. XXX.

ἐπιστροφῆς] Conuersione, ad aegrotos scil. qua certi reddantur, nos utilia ipsis praecipere, atque eorum curam habere. AMMONIVS, Ἐπιστραφῆς ὁ προστακτικὸς καὶ ἐπιμελής.

3 Conf. Auctor *Praecept.* cap. VIII. (vid. *Not. f. ad Sect. XVI.*) SENeca *de Breu. Vit.* cap. XVIII *Multis profecto causa moriendi fuit, quod suum morbum nouerunt.* Male ob hanc regulam neglectam, ap. GALEN. *Comment. IV in VI Epid.* audit Callianax, quod anticipi morbo laboranti, de eiusque exitu sollicito, crudeliter respondit versu Homeri de Patroclo, cit. a Clerico *Hist. de la Med. P. II lib. I c. 7 p. 325.* (*Occidit & Patroclus, vir te praestantior.*) Dantur tamen casus, ubi aegroti magnanimi mortis instantis nuncio minime perturbantur: vid. e. gr. *Ephemer. Nat. Cur. Dec. II Ann. I Obs. XLX.*

XVII, 2 SYMMACH. lib. X ep. I. p. 385 *Solent, qui Medicinam callent, quum iam forti usu in magisterium prouehuntur ac fiunt artis emeriti, proximis imperare, & feriata manu curationem iuuare praecipis.*

3 Ad obscuri loci illustrationem pertinet, quod Hipp. *de Artic.* cap. LXXVIII de articulis digitorum cum vulnere luxatis suadet, nimirum, nisi propter vulgi imperitiam Medico timenda esset accusatio, nullum penitus talem articulum reponi debere. Prognostico tamen sese aduersus calumnias munire, paulo ante suaserat.

XVIII, I παραδίδοντα ποίεσθαι] Sic in *Iureiur.* (I, 14) μετάδοσιν ποίεσθαι.



COMMENTATIO

DE EO IN MEDICINA, QVOD NEC DICI  
NEC SCRIBI POTEST:

SEV

ΠΕΡΙ ΧΡΕΟΥΣ  
ΑΔΙΔΑΚΤΟΥ,

DE VSV IN MEDICINA DOCERI NESCIQ,

AD VBERIOREM DECLARATIONEM

HIPPOCRATIS

ΠΕΡΙ ΕΥΣΧΗΜΟΣΥΝΗΣ

IV, 2 (LIND. III, 4)

CONSCRIPTA.



COMMITTEE

THE BOARD OF MEDICINE, OF THE DISTRICT OF COLUMBIA

AND THE DISTRICT OF COLUMBIA

1904

THE DISTRICT OF COLUMBIA

AND THE DISTRICT OF COLUMBIA

THE DISTRICT OF COLUMBIA

AND THE DISTRICT OF COLUMBIA

THE DISTRICT OF COLUMBIA

THE DISTRICT OF COLUMBIA

AND THE DISTRICT OF COLUMBIA

THE DISTRICT OF COLUMBIA



*De varietate verborum dicti, duplicique eius Auctore & Interpretatione §. 1. α) I De variis modis intelligendi dictum de iis rebus, quae in usu artis consistunt & discuntur. Medicina utrum Ars, an Scientia? Disputatio, cur Virgilius medicinam appellauerit artem mutam? Harpocrates, Sigaleon, Telesphorus &c. apud Medicos. Significatio vocis Σακτάν. Nenteri testimonium de Bagliuii Stahliique scriptis. De Coschwizio narratio. Hippocrati tributus liber περὶ ἀρχαίων ἱητρικῆς an genuinus? Hypothesum in medicina frequentia & remedium. Distinctio inter Medicos nomine tenus & opere. §. 2. 3. Qualis & quanta eruditio requiratur in eo, qui ad faciendam medicinam accedere velit? An praesentis sanitatis conseruatio pertineat ad Medicos? Aegrotos ipsos parum esse idoneos ad declarandos suos morbos. Quenam ex aegrotantibus quaeri iubeat Hippocrates? Quid eidem φύσις; & ἐκ τῶν παινόμενων μεθόδευειν; Ars condensae experientiae. Boerhauii fida morborum descriptio. De nouis morbis diuersae sententiae & exempla. Notatur Sydenham. Quomodo obscuri morbi curatio aggredienda? Hippocratica medicinam amplificandi via. Censura Machiaueli Medici. Usus Mathematices in medicina. Quatenus in addiscenda medicina respiciendum ad utilitatem? De Ingenio Medici. Quomodo in accessu ad aegrum se gerere debeat Medicus? Iuuenes quoque esse posse bonos Medicos. Ab hominibus medicinali arte non initiatis etiam discere aliqua posse Medicum. Varia consilia studium medicinae Academicum dirigendi magis ad praxin. Pragmatica theoriae medicinalis traditio. Quaestio rite proponitur. §. 4-9. Praecipuum, quod praeceptis addisci non potest, est Usus ipse: tum sensualis perceptionis euidencia. Analogica cognoscendi*



*ratio in medicina. Veterum Empiricorum disciplina. Prae-  
 cticos auctores non posse recte intelligi ab iis, qui non ipsi  
 quoque artis opera faciliant. Praeceptorum vniuersalium, &  
 singularium obseruationum ratio. Via ad medicinam hodie  
 eadem est, quae antiquissimis temporibus. Plura, quae in ex-  
 ercitatione artis consequi licet incrementa. Quantum debeant  
 Praeceptoribus discipuli? Elogium I. A. FABRICII, M.  
 RICHEY, I. C. WOLFII, B. MEIBOMII, L. HEI-  
 STERI, P. GERICKE, I. N. FROBESII. Inexpertus Me-  
 dici rerum suarum incerti sunt. Medicina est Prudentia.  
 Hippocratis & Celsi locus, in sententiam adhuc propositam  
 explicatus. Cognitionis per sensus acquisitae gradus. An prae-  
 stet, Medicum esse valetudinarium, & ipsum expertum esse  
 morbos, quos curandos suscipit? §. 10-14. Ill. HOEFMAN-  
 NI applicatio dicti. §. 15.*

*II Alia explicatio dicti, de iis rebus quae humanae, prae-  
 sertim medicae cognitionis limites transcendunt. §. 15. III  
 Alia, de iis quae Medico reuelata, ab eodem silentio tegenda  
 sunt. I. H. MEIBOMII sententia, quare Virgilius medi-  
 cinam appellauerit artem mutam? §. 16.*

*6) De modis, quibus sibi hominum fauorem conciliet  
 Medicus. Medicus Fortunae dominus. I De studio verae  
 virtutis ac pietatis. An male adeo de aliorum hominum ani-  
 mo existimare liceat? Minuti Philosophi, Petits-Philoso-  
 phes, Petits-Maitres, Petits-Prédicateurs. §. 17. 18. Prae-  
 cipuum fauoris adipiscendi praesidium in officiis Amoris si-  
 tum est. Gratia morum in conuersando quibus constet & quo-  
 modo comparatur? Vnicus actionum scopus. §. 19. II Medi-  
 cinalem artem per se esse Gratiolosam. Gratioli Medici qui?  
 §. 20. III De Eloquentiae gratia in Medico, recta eiusdem  
 & peruersa ratione, fontibus, usu. Silentium in admini-  
 stran-*



*strandis artis operibus.* PETRARCHA de mutis artibus Virgilii. Circulatores apud Hippocratem. Eloquentia publica et familiaris. 'Εὐεω'ῖν Hippocratis. Medico utendum Parabolis. Rationibus allatis persuadendum aegrotantibus. Nonnunquam sola auctoritate utendum. Momentum, quod ad curationem aegritudinum affert animi in aegroto confirmatio, iustumque moderamen. Quo veterum ἐπαοιδαί, melodiae, incantationes, &c. pertinent. Oratio, quae persuadeat, cum virtutis studio coniuncta sit oportet. Studium bene loquendi scribendique coniunctum cum virtutis ac sapientiae studiis. Oratio sensu tincta esse debet, & pectore prolata. Hippocratis & sequacium qualis oratio? Trium Homericorum dicendi generum quodnam Medicis conveniat? §. 21. 22. Affabilitas exigi solet in Medico. §. 23. IV Ad fauorem acquirendum facit quaedam naturalium bonorum commendatio. §. 24. V Maxime autem prouida Dei cura. §. 25. Vera artis Fiducia quibus constet? §. 26.





## C O M M E N T A T I O

Π Ε Ρ Ι Χ Ρ Ε Ο Υ Σ Α Δ Ι Δ Α Κ Τ Ο Υ

## §. I.

**E**st aliquod apophthegma, quod inter Medicos fere prouerbii loco vsurpari solet & sic proferri, *Est aliquid in Medico, quod nec dici nec scribi potest.* Quis illud primus protulerit, dubium est. Praeceptor meus summa obseruantia colendus, Laur. HEISTERVS, Vir Illustris, ad Galenum referebat; contra, Ill. Frid. HOFMANNVS, *Medic. Rat. System.* Tom. III Sect. I Cap. XI §. XXXIII, & b. Rosin. LENTILIUS, in *Miscellaneis* Part. I pag. 105, Celso idem adscribunt. Praeterea sunt, interque eos Hofmannus & Heisterus, qui sic allegant, tanquam dictum esset, *Est aliquid in Medicina, quod &c.* item sic, *Multa sunt in Medicina, quae &c.* Porro quum appareat, eiusmodi Aliquid vel Multa significari, quae neque ex institutione Praeceptorum, neque ex Librorum lectione, sed, ipsa Experientia magistra, facitando medicinam demum addisci queant: aliqui illud accipiunt de omnibus rebus, quas vsus artis medicum docet,

*Solus ut, artificem qui facit, vsus erit;*

& ut ait M. TVLLIUS *Offic.* Lib. I, 60 Cap. 18 *Nec medici nec imperatores nec oratores, quamuis artis praecepta perceperint, quicquam magna laude dignum sine usu & exercitatione consequi possunt.* Lentilius autem (1) arctius interpretatur de more modoque, quo medicus versatur inter homines, (*Conduite*, voce Gallica, communiter appellari consuevit) & speciatim de sermocinandi gratia, siue peculiari quadam eloquentia, qua omnium, etiam tenuissimorum hominum, amorem atque fauorem sibi conciliet. (2) Iam, nunc non vacat, sinuosa Galeni volumina excutere, num forte in illis alicubi reperiri hoc dictum possit: sicut nec Celsum perlegere, & inquirere, reuerane ipsius



pius sit & vel in octo eius de Medicina libris, vel in vna alteraue Epistola, (3) quae eidem, sed incerta fide, tribuuntur, consignatum extet; an denique fragmentum eius aliquod sit, aut sola familiari v-  
surpatione posteris traditum. Denique sperabam, in *Adagiorum Me-  
dicinalium Sylloge*, quam praeside Io. Iac. BAIERO disputandam pro-  
posuit a. 1717 Franc. Iac. a Melle, me reperturum aliquid de hoc di-  
cto: sed inquirentem haec quoque spes fefellit. Igitur praetermis-  
sa hac inuestigatione, de vtraque apophthegmatis supra proposita  
sententia breuiter disquiram: eoque magis huc inductus sum, quia  
pertinet haec disputatio ad illam controuersiam, qua quidam praxin  
ipsam ipso demum artis exercitio disci affirmant, non in scholis, a-  
liis contra hoc assertum acriter impugnantibus.

(1) LENTILIUS in hanc sententiam scribit: Medicorum fortuna maxime in iucunditate morum sita est, & in hoc, vt peculiari quadam Eloquentia sese ad omnium, etiam tenuissimorum hominum gratiam componant. Felices cum virtute sunt & laudem merentur, quicunque illud bonis artibus efficere norunt. Sed plerique malas ad eam rem adhibent artes, iactantiam, strophas, aliorum medicorum cauillationem: qui quidem inauspicato, h. e. cum mala conscientia, felices sunt. Quapropter verissimum est, quod a veteri illo Celso dictum esse traditur, *Est aliquid in Medico &c.* Et haec est illa morum gratia, de qua dixi: quisquis hanc sibi adiunctam habet, ille optimo Arcano instructus est; in eodem etiam palpabiles errores in laudibus habentur, quum contra in alio, qui ita ad placitum se gerere nescit, etiam illa, quae summa cum ratione administrantur, reprehensione digna censeantur.

(2) Quodsi in hoc effato vocabulum Medicinae adhibeatur, prior explicatio sola locum habere videtur: sin contra vox Medici retineatur, etiam altera.

3) Altera est *Epistola ad Caium Iulium Callistum*, quae etiam in editionibus SCRIBONII LARGI & MARCELLI EMPIRICI comparet; altera, *ad Pul-  
lum Natalem*: de quibus vid. Io. RHODIVS in *Vita Celsi*, & aliis in libris; Ge. WOLFG. VVEDELIUS in *Praefat.* Celso Ienae 1713 edito praemissa; inprimis vero Vir iucundissimae memoriae, Io. Alb. FABRICIUS in *Biblioth. Lat.* II Cap. IV §. IV. Praeter haec exstat Celsi libellus *de Arte di-  
cendi*, quem propter raritatem recu-  
dendum curauit b. Fabricius in *Bibl.* Lat. Vol. III siue Lib. IV Cap. 8 pag. 759 seqq. & genuinum eius foe-  
tum esse censet. Quodsi CELSVS hu-  
ius dicti auctor esset, hoc minus du-  
bitandum foret, cum in ipsa artis ex-  
ercitatione fuisse versatum.



## §. II.

Principio quidem ea in vniuersum est medicinalis artis ratio, vt omnis eius laus in actione consistat, nec disputando aut scribendo medicina morbis fieri possit, sed operam demum ipsam praestando\*. Verum huius respectu rei potius dicendum foret, *omnia in medicina ita comparata esse, vt nec dici nec scribi queant.* Sed hanc considerationem nunc omitto.

\* Apud PLATONEM in *Gorgia*, non longe post principium, pag. 350 H. Steph. Socrates Medicinam inter eas artes refert, ὃν μὲν ἐργασία τὸ πολὺ ἐστὶ, καὶ λόγῳ βραχέῃ δέονται ἐνταῖς δὲ, ὁ δὲ ἐνὸς ἀλλὰ τὸ τῆς τέχνης περαινέσθαι ἐν καὶ διὰ σιγῆς quarum aliquae maximam partem in opere ipso versantur, & parum sermonis requirunt: aliquae autem plane nullius sermonis indigent; sed in quibus, quod ipsius artis est, ad finem perducere propositum etiam cum silentio licet. Disputatur, vtrum Medicina possit etiam recte appellari *Scientia*, an vero tantummodo *Artis* nomen mereatur? Non posse neque simpliciter vocari scientiam, neque partim scientiam partim artem, acriter pugnat Pet. LAVREMBERGIVS in *Porticu Aesculapii* Cap. VII; & concedendum ipsi videtur, si ex Aristotelicis vocabulorum definitionibus diiudicanda res est. Litem pro sua modestia componere curate studet Vir immortalis memoriae b BOERHAAVIUS in *Praelectionibus Academicis in proprias Institutiones rei medicae*, hoc anno 1739 a Viro Excell. Alb. HALLERO, edicoeptis, Vol. I §. XXII p. 53. Quia medicina artis effectum censetur, hinc Empirici apud CELSUM in Praef. p. 11 ed. Ien. 1713 sic argutantur, *Si quis elinguis remedia usu discreta bene norit, hunc aliquanto maiorem medicum futurum, quam si sine usu linguam suam*

*excoluerit.* Huc pertinere videtur, quod medendi munia a Virgilio *mutarum artium* nomine designantur: versus hi sunt Aen. XII, 391 seqq.

Iamque aderat Phoebus ante alios  
dilectus Iapyx

Iasides, acri quondam cui captus  
amore

Ipse suas artes, sua munera, laetus  
Apollo,

Augurium citharamque dabat cele-  
resque sagittas;

Ille, vt depositi proferret fata pa-  
rentis,

Scire potestates herbarum usumque  
medendi

Maluit, & MVTAS agitare inglori-  
us ARTES.

Iac. THOMASIVS, qui in *Programmate* XXIV de *Arte Medica*, inter Dissertationes LXIII a filio Christiano Thomasio recusas, in hosce ipsos versus magno, vt solet, cum reconditoris eruditionis apparatu commentatur, mutas artes explicat, cum pluribus aliis, de Empirica medicinam facitandi ratione, speciatimque de Chirurgica; neque melius putat Graece reddi posse *mutam* artem quam τὴν ἀλογον τέχνην. Aliis argutari placet, quasi de arte tangendi pulsus venarum, ab Herophilo in musicos pedes descripta, intelligenda haec verba forent: vid. Idem THO-



MASIVS c. l. vel SERVIVS ad Virg. vel alii Interpretes. Aliorum explicationes referam infra §. XVI not. & §. XXI not. 4 plurimosque diuersarum de sensu huius loci sententiarum auctores laudatos videre licet apud Dan. VINCKIUM in *Amoenitatibus Philologico-Med.* pag. 453. Io. Henr. SCHVLZE in *Progr. de Artibus Mutis ad illustrandum Virgilium* &c. postquam Ludouici DE LA CERDA explicationem, cum Thomafiana fere conuenientem, itemque alteram SERVIO commemoratam, qua de antiquissima medicinae parte Chirurgia accipitur, (quia, ubi manus agebatur, cessabat oratio) haec postquam ille conuellit, suam proponit interpretationem, ex penitissimis Antiquitatum Medicarum penetralibus depromptam, nimirum, mutam Virgilium dixisse medicinam propterea, quod moris fuit apud Aegyptios quidem, in templis Isidis & Serapidis inter vtrumque deum medium constitutum habere simulacrum, quod digito labiis impresso admonere videretur, vt silentium fieret; cui nomen fuit *Harpocrates*, vel *Sigaleon*; apud Graecos vero aliasque gentes vsu receptum fuit, ad exemplum Aegyptiorum, inter Aesculapii & Hygeae signa ponere exsculptam imaginem pueruli, qui ab aliis *Telesphorus*, ab aliis *Aescius*, ab aliis denique *Eua-merion* vocatus fuit. Conf. Eiusdem

Celeb. Auctoris *Hist. Medic.* Per. I Sect. II Cap. IIII §. VIII & XXI. Alteram Idem addit rationem, quia priscae Asclepiadeae medicinae ea fuit conditio, vt a sacerdotibus intra templorum limina variis ad decipiendum populum comparatis artibus tacito fere modo perageretur. Qua simul occasione literatissime differit de origine & significatione vocis Σακτάν, quomodo veteres Thebani medicum appellarunt, eoque euadit, significare eam idem, quod σιγαλεών, *taciturnum*, ob silentii pertinaciam quasi mutum. Quum Virgilii, poetæ φιλοσοφώτατος, ea laus sit, vt rebus talia verba accommodare existimetur, quae ex ipsarum natura fluant: sane eo non indigna videtur, nec reliquis verbis repugnare, illa quorundam expositio, mutam dici medicinam, quod tota eiusdem vis in operationibus ac remediis potius quam sermonibus atque eloquentia collocatur, quae interpretatio est Fuluii VRSINI, Hier. MERCVRIALIS, aliorumque, apud Thomafium, vel Io. Henr. MEIBOMIUM, *Commentario in Iusur. Hippocratis* c. 19 p. 192. Conuenit hoc cum PLATONIS sententia, superius allata. HIPPOCRATIS aliqua de tacita medicorum disciplina, postea producam §. XXI not. 2. Vnum eius indico locum de ingloria vetustissimorum medicorum (vita, in Νόμῳ pr.

### §. III.

*Aliquid* autem siue potius *Mutum* reperiri in medicina, quod *usus demum artis medicum doceat*, vario intellectu dici potest. Primum enim potuit aliquis hanc artem peruerfa ratione didicisse, vt, quando manum operi adhibere velit, falsa se scientiae opinione destitutum videat, & aliter sibi rem aggrediendam esse: (1) quemadmodum, qui hypothese aliqua precario assumpta, vel magnorum viro-

rum



rum auctoritate perculsus, huic theoriam artis superstruat; cui quidem non potest non euenire, vt, quod nonnunquam exprobrari medicis solet, confidentia suae persuasionis omnes inter discendum ratiocinandumque sanabiles sibi fingat morbos, sed deinde, in exercitio disciplinae, fere nullos tales deprehendat; & si suum nihilominus ita belle constructum systema diruere vel deferere nolit, bonus quidem Theoreticus, (quanquam nec hoc satis recte) malus autem Practicus vulgo audiat. Deinde, fieri potest, vt aliquis studia audiendi, lectitandi, meditandique ante relinquat, quam necessariis ad exercendam artem praesidiis instructus sit: cuiusmodi praecox curandorum morborum artifex, in ipso opere dum versatur, sine dubio quam plurima sibi deesse experietur, quibus ad eius muneris partes probabiliter saltem peragendas carere nequeat. Tum, nonnulli in Medicorum numero nomen suum profitentes, ad ipsam morborum curationem animum adiacere nolunt, & contemplandi ratiocinandique voluptate aut gloria sibi met ipsi placentes, in eius tantummodo generis studia incumbunt, quae Theoretica appellari solent. Et hos quidem HIPPOCRATES intellexisse videatur, quum in libello περὶ τέχνης post medium, §. XIV. fin. Linden. τοὺς τῷ ὀνόματι ἰητροῦς distinguit ἀπὸ τῶν καὶ τέχνη & in Lege conqueritur, ὅτι οἱ ἰητροὶ φήμῃ μὲν πολλοὶ εἰσὶ, ἔργῳ δὲ πᾶγχυ βαιοί. Qui quum ipsi sese eas medicinalis doctrinae partes omittere non negent, quae medicorum propriae sunt, non mirum est, si medendi facultate nihil valeant, nec proprie titulum Medicorum mereantur. Nam quidam homines in ea sunt sententia, vt talem medicum, qui vel nolit vel non possit facere medicinam, quasi σιδηρόξυλον esse dicant, nec decere, quin omnino non posse medicum

*fungi vice cotis, acutum*  
*Reddere quae ferrum valet, exsors ipsa secandi.*

Denique, nemini mortalium sperandum est, se vnquam, seu viua doctorum institutione, seu bonorum lectione librorum, siue propria coniuncta meditatione, siue accedente ipso medendi usu, tam perfecte medicinae gnarum, aut in arte sua peritum prudentemque futu-



futurum, ut non semper quamplurima, ad ultimum usque quam longissimae vitae terminum, discenda restent: (3) quemadmodum in omni vitae genere res, aetas, usus semper aliquid apportant noui; nec in rebus humani quicquam est ab omni parte perfectum.

(1) Ge. Phil. NENTERVS in *Theoria Hominis sani s. Physiologia Medica*, Introd. p. 35 seqq. proficitur, Quum medicinae faciendae manum admouerit, principio inteliciter sibi negotium illud cessisse; postquam autem in Opera Baglii incidit, multoque adhuc magis postquam Celeb. Stahl's nonnulla, antehac quidem prae obscuritate neglecta, tandem legerit, multo rem aliter euenisse. Multa ibidem narrat de sua medicinam addiscendi ratione. Contra, b. COSCHWIZIVM mirari solitum audiui ex aliis, quid esset, quod, quum discipuli sui suis ipsius praeceptis feliciter ad morbos curandos vterentur, ipsi tamen minus prospere artis opera succederent. Caeterum nimis facile hac in re fallacia causae committi potest. Conf. Eiusdem COSCHWIZII *Diff. de Adynamia Artis Med.* prooem.

(2) Hypothesium studium damnatur iam in libello *περί ἀρχαίων ἰατρικῆς*, statim ab initio & per totum; speciatim illa quatuor primarum qualitatum, calidi, frigidi, humidi, & sicci. Comprehenditur hic libellus sub numero scriptorum HIPPOCRATIS Coi: cui MERCVRIALIS quidem eum fidenter abiudicat, contra Celeb. SCHVLZE in *Diff. de Medico vehementer laudari digno* §. II & III Mercurialem iniquae censurae coarguit, & libellum maxime probum, venustum, atque genuinum iudicat. Aliquid etiam pro genuina indole valeat hoc, quod, quae in hoc libro contra peruersum philosophiae usum in medicina disputantur, conueniunt cum

iis, quae in libro, inter legitimos principe, de *Natura Humana* leguntur statim ab initio. Conf. infra §. VI not. 5. Hypothesium autem in medicina plena & sunt & fuerunt omnia, sicut ex historia huiusce artis & eius sectarum notum est: & ut exemplum afferam, tali modo nonnulli semper in quibuslibet morbis *Acrimoniam* aut *Salsedinem* humorum accusant; quo pertinet Celeb. STAHLII *Programma de Pathologia Salsa*; alii similiter *Acidum*; v. Frid. SCHRADERI *Prog. de Curiositate Medica*. Nimirum adeo procliuus homines sunt ad amplectendas hypotheses, ut verissimum deprehendatur, quod Excell. HALLERVS, nuper pronunciauit in *Annotat. ad Boerhaauii Praelectiones in Institut. Med.* Vol. I §. XIX not. 1 pag. 42 *Liberam ab hypothesis medicinam nemo mortalium coluit, gradu solo differunt: ubi simul vnicum aduersus hos errores remedium indicat, Sed possent artem ab hypothesis liberam seruare medici, si artem breuem, (addo simplicem) hiulcam, neque connexam, non despicerent.* Transferre huc liceat Hippocraticum illud ex libro de *Veteri Medicina* num XVI Linden. *Καὶ ἐγὼ τῶτον τὸν ἱντρὸν ἰχθυῶς ἐπαινέοιμι. τὸν σμικρὰ ἀμαρτάνοντα.* Caeterum, iucunda res est, videre nonnunquam medicos in ratiocinandi modo quantumuis licet dissentientes, tamen in praxi, quam vocant, non dissentire; siue, ut CELSUS de *Medic.* Praefat. p. m. 9 verbis utar, *qui diuersa de causis obscuris & natura-*



libus actionibus sentiant, ad eandem tamen sanitatem homines perducere. Conf. HIPPOCRATES de Vet. Med. circa med. num. XXVI seq. Linden.

(3) HIPPOCRATES ad Democritum Epist. Ἐγὼ μὲν ἰντρικῆς ἐς τέλος οὐκ ἀφίγμαι, καίπερ ἤδη γηραλέος κα-

θεώας. Equidem quamvis iam senex factus sum, tamen ad finem artis medicinalis non perueni. Caeterum quam γνησιότητος fidem haec epistola mereatur, nunc non curo. Nam a pluribus eiusdem notae libri nomine Hippocratis laudari solent.

#### §. IV.

Haec & talia plura reputanti, necessario utique constituendum ante omnia videtur, qualem & quantam medicinae (1) cognitionem quisque afferre ad exordium praxeos debeat, si perniciales errores euitare, ac iustam reprehensionem effugere velit. Hoc enim scientiae gradu modoue definito, & quasi ad certam mensuram redacto, clarius faciliusque perspicui poterit, quousque discendum sit futuro medico, antequam curam aegrorum suscipiat, quidue postea incrementi ad scientiam suam ab ipso artis exercitio expectandum habeat. (2) Sed nec illud intelligi satis bene poterit, nisi vniuersum medici officium simul quodammodo declaratum fuerit, & sub vno quasi conspectu positum, quo totum simul oculis lustrari queat. De hoc ergo vna videamus.

(1) Medicinae vocabulo comprehendendo nunc quidem omnes illas eruditionis partes, quae sub Ordinis aut Facultatis Medicae nomine hodie censentur.

(2) Intelligo candidatum artis, qui praecepta quidem faciendae medicinae,

cum necessariis ad eam rem instrumentis scientiisque, a praeceptoribus, siue viuis siue mortuis, accepit; sed praxeos quasi tirocinium sub magistris non posuit, sola tantum artis theoria imbutus.

#### §. V.

Medicum, valetudinis humanae custodem, moderatorem, atque instauratorem, (de tali enim solo loquor, & potissimum nunc quidem de eo, cui internorum morborum cura, aut externorum tantum eatenus committitur, quatenus interna quoque medicatione opus habent; neque particularis alicuius morborum generis cura, sed cuiuslibet generis) (1) hunc



hunc igitur eum in finem consilium rogant homines, ut molestum sibi aliquem corporis sensum tollat, aut aliquo se praeuisi mali metu liberet. (2) Quam ad rem quum necesse sit ut aegritudinis notitiam habeat opem laturus, significant ei quidem vel ipsimet aegri vel alii, quid secum actum sit, & quid molestiarum percipere sibi videantur. Verum quum hae notae & indicia plerumque vel obscura nimis, vel admodum manca, vel opinionationibus ac praeiudiciis peruersisque studiis narrantium corrupta sint, certiore aliqua ad morbi cognitionem perueniendi via medicus uti debet. (3) Quo conducunt variae quaestiones aegrotantibus aut iis, qui circa illos versantur, propositae: ac peruulgatae sunt hoc in genere illa momenta, de quibus aegrum in accessu interrogare iubet HIPPOCRATES. (4) Sed omnis haec interrogandi ars non multum iuuerit medentem, si fontes siue rationes istarum quaestionum ignoret, & indicationes ex quaesitis elicere nesciat: (5) quin nec omnino poterit in interrogationibus recte versari, nisi valetudinis deprauatae historiam animo comprehensam teneat, unde reminiscatur, quae signa quale morbi genus, mores, causas, mutationes &c. prodant; & ad eiusmodi praeformatae notitiae ductum in inquirendo progrediatur: (6) quemadmodum, qui in exterarum regiones iter intendunt, aut homines adhuc sibi ignotos adire volunt, descriptione quadam anticipata se praemunire solent. Qua quidem in re maxima cautio est, ut veram morborum historiam, naturaeque in iis producendis, sequendis, abigendisque mores, curaturus edoctus sit: ne falso ducere usus, omnia alia, quam putarat, inueniat, & in deuia inductus inexplicabili errorum serie conturbetur, aut non minus vana, quam ipsius aegri sunt, somnia de morbo foueat. Nec videtur alia ad hanc cognitionem recta via ducere quam fida enarratio quorumlibet in morbis euentuum, sicut ab idoneis Observatoribus per omnem seculorum, a principio usque morborum & medicinae ad nostra tempora, memoriam conseruata est. (7) Difficultatem quidem sane magnam hoc in negotio parit, non tam quod noua (8) interdum oriuntur morborum genera, quam quod nullus fere morbus eundem, vel omnino similem, in omnibus morem seruat. (9) Verum propterea necesse est nosse varietatem tum corporum ipsorum,



tum rerum naturalium, a quibus ista mutantur, aut quacunque ratione afficiuntur: (10) nosse etiam singularia bonorum auctorum doctorumque monita de prudenti quarundam rerum administratione. (11) Adhaec, qui veris morborum historiis instructus, curam eorum suscipit, & simul cum hac praemonitione rem aggreditur, ut suspicetur, & nouum morbi genus incidere posse, & differentiam aliquam in typo habere, & varias quoque res, quae circa sunt, in eo peruestigando curandoque spectari debere; denique, qui sic animo comparatus est, ut omnes ingenii neruos in opus propositum intendat: illi haec iam tantum adest praesidiorum ad prudentem etiam noui morbi, aut nouo habitu vestiti, tractationem, quantum in principio habere debet ac potest. Tali modo si morbi indolem ac naturam peruiderit medicus, & indicationem indagauerit, hoc est, illum finem ad quem omnis curatio dirigenda sit: superest, ut simili studio remedium, eoque utendi modum, totumque medicationis ordinem ac rationem inueniat. Neque hic alia via suppetit, quam illa superius demonstrata, nimirum ut ea cuiuslibet generis medicamenta, & ea medendi methodus cognoscantur, quae longo perpetuoque tot seculorum ab vltima vsque medicinae origine, vel & nouiter introducto, sed fidis experimentis probato satis usu, legitima deprehensa sunt. (12) Quocirca magna profecto illis habenda est gratia, qui aut sua nobis inuenta & obseruata relinquentes, aut eadem libris consignata colligentes, aut in iustam artis formam, ut dicitur, redigentes, nos magno isto beneficio affecerunt, ut & ipsorum experientia quodammodo pro nostra uti possimus, & viam certam habeamus, qua procedentibus etiam reliqua inuenire licet (13).

(1) Alia est tractatio de officio medici Forensis: quod, ut notissimum est, simul explicuit laudatissimus Io. BONNIVS in libro *de Officio Medici duplici, Clinici & Forensis*. Similiter propria Physicorum, Castrensis, Nosocomica, &c. medicorum munera nunc quidem non attendo; multoque adhuc minus Professoria. De Physicatu agit Ros.

LENTILIUS in *Iatromnematis Theoretico-Practici* Part. I Cap. LXXVIII pag. 314 seqq. qui idem in huiusce libri Praefatione promittit, sese *peculiarem aliquando librum de Officio Physicatus, Germanice scripturum & prelo commissurum esse*. Conf. Ludou. von HORNIGK *Politia Medica* infra §. VI not. 4. I. H. SCHVLZII *Diss. de Medico Physico*.



(2) Conseruationem sanitatis, quae adest, non pertinere ad medicinalis artis munia, pluribus argumentis fortiter persuadere contendit Pet. LAVREMBERGIUS in *Porticu Aesculapii* Cap. XIII. Et effecit quidem, vt Gunth. Christoph. SCHELHAMMERVM in *Additam. ad Conring. Introd. in Artem Med.* Cap. I §. X & Cap. XIII §. I in eandem aliquatenus pertraxerit sententiam. Contra quorum opinionem ex instituto scripta est *Exercitatio Academica, qua & reuera sanitatis conseruandae doctrinam existere, & illam ad neminem propius quam Medicos pertinere, ostenditur* a Io. Gerardo WAGNERO Helmst. 1729, 8 libellus auctoris venustatem referens. Quantum huic medicinae parti tribuat Ill. Frid. HOFMANNVS, pluribus scriptis abunde testatus est. Ros. LENTILIUS in *Iatromnematis* Part. I Cap. LXII pag. 274 ita distinguit, vt Medicinam stricte sic dictam, solis morbis depellendis datam putet; contra, Munus sanitatis conseruandae, diaetaeque constituendae, Physicis, certo salario conductis, adiudicet. conf. ibid. pag. 314.

(3) HIPPOCRATES ὅτι τέχνης non longe a fine (supra in *Comm V ad Hipp. de Honest.* §. 5.) num. XIX seq. Lind.

4 Locum sese primum indicasse gloriatur Iul. Caes. CLAUDINVS de *Ingressu ad Infirmos* Lib. I Cap. I: exstat autem in I. περὶ παθῶν s. de *Affectionibus*, textu 36 sec. Claudinum & Linden. Cap. X. pr. ex Charterii diuisione; apud Foesium ed. 1595 Sect. V p. 85 edit. 1657 p. 325. his verbis, Ὅταν δὲ ὅτι νοσήσῃ αἰσίκη, ἐπαυερῶται ἡ χρὴ, ἀπάσχει, καὶ ἐξ ὅτε, καὶ ποσῶς, καὶ τὴν κοιλίαν εἰ διαχωρεῖ, καὶ διαίταν ἥτινα διαίταται. Quum ad aegrotum veneris, interrogare oportet, quid patiatur? & qua

ex re ortum sit malum? & quoto iam die decumbat? & num alius libere descendat? & quomodo victum institutum habeat? Pluribus hunc locum exponit Claudinus l. c. Easdem Hippocraticas quaestiones Celeb. Io. Dan. MAIOR in *Diff. de Interrogandis aegris*, prolixè explanauit, & auxit, vid. G. C. SCHELHAMMER. in *Via Regia ad Artem Medicam* Stadio X §. XLIV p. 201. conf. Frid. SCHRADERI *Exercitat. I de Signis Med.* §. XV. Alias interrogationes aegro proponendas, habet HIPPOCRATES *Prognostico* s. *Praenotionibus*, non longe ab initio, num. II, 13 seqq. Lind. item *Epidem.* VI sect. 2 non longe a fine, n. 33 Foef. 78 Lind. haec leguntur, ex versione Foefiana, *Ad diligentem aegrorum procuracionem medico videndum est, quaenam de morbo interrogationes fieri debeant; quae narrat aeger qualia haberi debeant; vt accipienda sermones; quae ad aegrum, quae ad affidentes, & quae ad ea quae extra spectantur attinent.* Praecipuus item locus est in *Libro de Ratione Victus in morbis acutis* t. 47 Sect. IV pag. 70 Foef. item *Lib. I de Morbis* ab initio. Late hoc argumentum explicatum est in spissa, nec minus vtili *Dissertatione de Aegrorum Examinis methodo & cautelis*, praeside Mich. ALBERTI ab auctore Christ. Sigism. RICHTERO habita Halae Magdeb. 1731. Huc quoque pertinet examini Practici, Rosini LENTILII Τέχνημα πρᾶκτικόν, id est, *Tabula Consultatoria Medica*, exhibens quaestiones maxime necessarias aegrotis consilium exquirentibus a Medico, proponendas, per quarum responsiones in morbi genium certius & ἀνευ ὑποπόδων penetrare, indicantium & contraindicantium momenta inuenire, atque in medendi methodo tutius commodiusque procedere liceat.

(5) Tum etiam praesentia animi, atque



que unum ex altero inferendi facultate instructus esse debet Medicus, dicit Io. Melch. VERDRIES in *Vera ad veram Medicinam Via* pag. 22; & subiectâ nota, *Haec facultas est illa decantata Aristotelis ἀγχινοια, quam Hippocrates hinc inde sub nomine φύσεως comprehendit. Eodem pertinet, quod legitur in libello Παραγγελιών non longe post principium, l. 21 Linden. Medicum debere ἐκ τῶν φαινομένων μεθοδεύειν.*

(6) De Arte condendae experientiae eximia sunt quae habet VERDRIES c. l. p. 33 seq. & similia tere iam veteres Empirici, v. infra §. X not. 4.

(7) Pro talibus commentariis se dudum aequis aestimatoribus approbarunt auctoris integerrimi H. BOERHAAVE *Aphorismi de cognoscendis & curandis morbis*: in quibus candide simpliciterque exposuit illa, quae veris experimentorum successuumque euentis firma in Arte cognoscuntur, ut ipse scribit in Praefatione Libelli de Materia Medica. Pergit ibidem, Sane eo quidem proposito perscrutabar relicta nobis hodie ex iis, quae sapienti industria explorata sibi satisque spectata tradidere Veteres. Illa vero ubi composui rebus, quas medicinam faciendo deprehendebam, inueni obseruatae solite naturae vestigia ubique pressa; neque adeo certius quid sperari posse, neque aliunde colligi meliora. Quod dicit, suas in experiendo obseruationes respondisse antiquorum descriptionibus; id de Boerhaauiano libro re ipsa deprehendere mihi contigit: Denique, catenus Boerhaauium intelligere mihi visum; quatenus ipse profeceram. Idem quam praeclare describendae morborum Historiae exemplum geminum dederit, notum est: neque minus egregium est illud Io. Mar. LANCISI, haud quaquam futilis auctoris, in *Dissertatione Decima, in qua proponitur forma ac metho-*

*describendae morborum historiae, in gratiam Medicinae tironum*, Opp. Tomo II pag. 360 seqq. edit. Geneu. 1718. Sapientissime de eodem proposito differit Ill. HOFMANNVS in *Medic. Rat. System.* Tom. III S. I C. II.

8. Empiricos veteres nouorum morborum prouentum negasse, testatur CELSVS pag. 10 seq. Sed eosdem ipse postea pag. 14 redarguit. SYDENHAMVS, in *Obseruationibus circa morborum acutorum historiam & curationem*, Sect. V Cap. IV sub finem, singularem suam proponit de certismorborum exolescentium sibi que inuicem succedentium periodis coniecturam: Eademque fere ad verbum leguntur apud Frid. SCHRADERVM in *Progr. praemisso IV Disputationibus de Signis Medicis*. Sed contra Sydenhamium, praesertim ubi dicit, *Febres continuas ita toto, quod aiunt, caelo differre, ut, qua methodo, currente anno aegrotos liberaueris, eadem ipsa anno iam vergente forsitan e medio tollas*; contra hanc, inquam, assertionem aliqua monet Ioh. FREINDVS in *Commentariis Nouem de Febribus ad Hippocratis de Morbis Popularibus libros I & III accommodatis*, Comm. I. Aliqua autem noua morborum genera quidam obseruasse sibi visi sunt, eademque literarum monumentis tradiderunt. sic de *Ceraſte s. Basilisco, morbo nouo, medicis incognito*, scripsit Hieron CRASSVS; de *morbo nouo, prolapsu scilicet mucronatae cartilaginis*, Baptista CODRONCHVS, de aliis nouis Ioh. Bapt. de CAVIGIOLIS, Ioh. HEVRNIVS Ludou. SEPTALIVS. In vniuersum pronunciat Frid. SCHRADERVS in *Progr. de Curiositate Medica*, circa finem, *Morbi quidam hodieque medicinam facientibus occurrunt nondum descripti*. Diuersa ratione, morborum, qui nouiter exorti putantur ut venereae luis, variolarum, purpurae.



rearum febrium, rhachitidis, scorbuti &c. vestigia apud veteres requiruntur: quomodo inter VV. Excell. Paul. Gottlieb WERLHOFIVM & Io. Gothofr. HAHNVIVM disputatum est, An Variolae veteribus iam sub Anthracum nomine fuerint cognitae? Hahnii liber prior prodiit, & inscriptus est, *Variolarum Antiquitates nunc primum ex Graecis erutae*; Werlhofianus labor dictus est, *Disquisitio de Variolis & Anthracibus*: in cuius Praefatione quaedam egregia huc pertinentia reperio, item ex Annotatione vltima, LEONICENVIVM, disco, in Hippocratis aliquo loco luem veneream, mirabili coniectura, inuenire sibi visum esse. Vicissim, quaeritur etiam de eiusmodi aegritudinibus, quarum praeter memoriam nihil adhuc superesse [quod quidem vehementer foret optabile] putatur: quo in genere exstant disquisitiones de Morbo Nigro Hippocratis, de eiusdem vinctuoso morbo, de aluo Haemorrhousa, de morbo Lazari, &c. Praeterea simili studio, docte diligenterque commentati sunt. Carolus PISO de praeteriitis hactenus morbis affectibusque praeter naturam; Arnold. BOOTIVS de affectibus omissis: quemadmodum BOERHAAVIVS, primus forsitan, praeteriitos adhuc vel non bene cognitos, morbos laxae rigidaeque fibrae animaduertit, qua de re idem in *Aphorismis de Cognosc. & Cur. Morbis* §. 23.

(9) Nulla quippe vnquam, in quacunque tempestate apparuit febris, ubi ita constanter sibi inuicem responderint notae, ut, quas in uno homine simul colligatas inueneris, eadem pariter in altero quoque conuenirent: nec tamen ideo non eodem illos morbo affici dixeris. Ioh. FREIND. l. c. Quamobrem, Curioso exploratori patefcet, facilius saepe esse curare morbum, quam cognoscere: prout dicit Frid. SCHRADER. in Progr. de Curio-

itate Medica. Proinde maximum hoc in negotio artis opus est, ne diuersis morborum formis dicipiatur medicus, & impediatur, quo minus veram morbi distinctionem & differentiam deprehendat, & ita porro ad generales multarum aegritudinum causas & remedia perueniat. *Paucae quippe sunt & simplicissimae morborum causae, ideoque iis etiam remouendis pauca sufficiunt adminicula*: secundum Ill. HofmannVM in *Medic. Rat. System.* T. III. Sect. II. Cap. II §. XVIII. Conf. ibid. S. I. C. III. Ita, quanquam Exanthematicorum magna varietas est, tamen easdem paene curandi rationes habent: ex sententia BOERHAAVII *Aphor. Pract.* §. 723 seqq.

(10) Pro diuersitate sexus, aetatis, habitus, regionum, caeli, temporum anni, consuetudinis, idiosyncrasiae, &c.

(11) Huc refero prudentissimi SYDENHAMII institutum atque consilium, de quo scribit libro allegato pag. 26 edit. Geneu. 1723 *Nihil mihi prius est, quam, quando nouae febres grassari incipiunt, cunctari paullisper, & ad magna praesertim remedia non nisi suspensopedae ac tardius procedere &c.* Add. Sect. V in fine. BAGLIVVS de *Praxi Med.* Lib. II C. VIII §. I. conf. Frid. SCHRADERVS de *Signis Med.* Exerc. I §. VII. Ros. LENTILIVS in *Methodiis Practicis* num. V. (Iatromnem. Part. II Cap. XXX P. 591.)

(12) Sic enim prudenti selectu & applicatione solutu non adeo difficile fuerit palmarium illud Medicorum problema: *INVENIRE MORBO REMEDIUM.* VERDRIES c. I. pag. 22.

(13) HIPPOCRATES περί ἀρχαίων ἰν-  
τρικῆς, post pr. §. III Lind. (supra  
Commentar. V §. 4) it. Παράγγελ.  
§. II fin.

§. VI.



## §. VI.

Apparet autem facile, qui ad talem morborum remediorumque cognitionem adspirauerit, ei complurium aliarum rerum scientiam necessario ante comparandam esse: quales sunt Oeconomia corporis sani, & ex qua illa debet explicari, Fabrica singularum eius partium, omniumque compages; deinde Herbarum, & cuiusque generis prouentuum Naturae, proprietates, vires, mutatio in medicamenta, compositio, vsus, & similia. Et rursus, qui has doctrinae partes, totamque adeo disciplinam institutionemque medicam intelligere velit, generalibus discendi instrumentis adiutus accedere debet, vt Linguarum cognitione, Logica, Mathesi, Physica &c. (1) Inprimis autem magnopere laudandum est, quod boni doctores consueuerunt, vel institutionibus suis adspargere monita cautelasque ad praxin prudenter aggrediendam valde profuturas, vel sigillatim eiusmodi de rebus praecipere, e. c. de primo ad aegrotantem accessu, de ratione consultandi, &c. tum in libris quoque talia reperire licet. (2) Maximum autem discentibus vsum praestat illud institutum, quo propositis morborum exemplis illi a praeceptoribus interrogantur de morbi natura & curatione; si quid errent, aut minus intelligant, aut aliqua curationis momenta praetermittant, meliora doceantur, &c. (3) Praeterea, in toto medicinalis artis exercitio obseruari solent singularia quaedam instituta, mores, & consuetudines, pro populorum locorumque varietate diuersae: adhaec, Politica quaedam est medicinalis, siue ratio bene ac sapienter versandi cum hominibus quibuscunque; quod vtrumque prudentiae genus medico cogniti vtile est. (4) Haec tamen omnia, quum partim ab ipso artis proposito longius remota sint, partim solo vsu discantur, partim etiam ex singulari cuiusque natura ingenii solertia pendeant, partim denique multis mutationibus subiecta sint, postremo plurima cum reliquis recte sapienterque viuendi praeceptis habeant communia; propterea propria de eis traditio non adeo necessaria ad faciendum medicum videtur: nos autem nunc praecipua tantum confectamur. Adhuc minus hunc in censum veniunt nonnulla bonarum artium ac scientiarum genera, egregia illa quidem per se, sed ad curandam valetudinem;



dinem non multum allatura adiumenti, veluti studium eleganter siue prosa siue versibus scribendi, disputandi, historia omnis generis, sublimior mathesis, &c. (5) quae penes quem sunt, eum ornant; sed in sequendo aliquo vitae genere semper cauendum, quod SENECA monet, *ne necessaria ignoremus, quia non necessaria didicerimus*; & speciatim in medicina, *ne scholae, sed vitae discamus*. (6) Maxime autem, sicut ad omnia vitae negotia recte, prudenter, & feliciter administranda, sic in Medicina quoque necesse est, ut eam facturum verae virtutis ac pietatis sensu studioque probe excultus sit. (7) Denique nihil laude dignum omnibus istis efficietur, nisi ingenium cultui aptum, & naturalis ad huius artis munia dispositio adfuerit. (8) Summam omnium, quae adhuc dicta sunt, comprehendisse videtur HIPPOCRATES in libro *περί τέχνης*, post med. XVI, 12 Lind. hisce verbis, *Ἐξεύρηται γέ μὴν αἱ ἀκέραιαι οὐ τοῖσι βουλευθεῖσιν, ἀλλὰ τούτων τοῖσι δυνήθεσι Δύνανται δὲ, οἷσι τά τε τῆς παιδείης μὴ ἐμπόδων\**, *τά τε τῆς φύσιος μὴ ταλαίπωρα*. Similiter ibidem, paullo post initium scribit, *λόγον medici esse δυνάμενον διὰ σοφίην, ἢ πεπαίδευται*.

\* Alii ἐκποδών.

(1) De rebus futuro Medico cognitu necessariis quam plurimi praeceperunt, omnes scilicet qui discendae medicinae rationem tradere aggressi sunt: tres egregios auctores nominare sufficiat, Io. Mariam LANCISIVM, de *recta Medicorum studiorum ratione instituenda*, in Operum Tomo altero pag. 206 seqq. Io. Melch. VERDRIES in Oratione cui titulus, *vera ad veram Medicinam Via*, Giesae 1714 edita, & ni fallor, postea recusa; denique Virum Excell. Pet. GERIKE, quem Praeceptorem habuisse gaudeo, in Oratione *de Optima Medicinam docendi & discendi ratione*, Helmstadii 1730 habita & excusa. Pertinet huc, ut cum CONRINGIO *Introd. in Art. Med.* Cap. I §. XVI loquar, iure merito optimum illud monitum, quod Phil.

SCHERBIUS Hofmanno in *Italiam discedenti, viatici loco dedit*, Non immergeret se nimis profunde controuersis, quas vocamus, Theoreticis, sed exerceret se potius in Practicis, ibique laudem aliquam quaereret.

(2) Cuius generis libri sunt, praeter BOHNIVM aliosque vniuersales, e.g. Iul. Caes. CLAUDINI de *Ingressu ad Infirmos*; Franc. RANCHINI *Tractatus de Consultandi ratione seu de Collegiandi modo*, cum Eiusdem Opusculis Medicis impressus; Rosini LENTILII *Methodiae Practicae*, quae constituunt Caput XXX Partis II Iatromnematum eiusdem auctoris, pag. 588 seqq. Frid. DE KERI *Exercitationes Practicae*, primum in 8 editae, postea auctius in 4. Add. STORCH. *Prax. Stahl.* p. 91.

H h

(3)



(3) De hac re & similibus, plura videbimus infra §. IX not. 3

4) Scripto viam ad hanc prudentiam tradiderunt varii, vt, D. Sempronius Gracchus Massiliensis, siue vero nomine Samuel Gotthilf MANRTVS in *Medico huius seculi* s. *Herma Tironi Medico viam monstrante* Ill. Vir Frid. HOFMANNVS in *Medico Politico*, qui liber tamen non ab ipso typis traditus est, sed ex Collegio MSto anno superiore euulgatus. Eodem omnino titulo librum edidit Rodericus de CASTRO. Et iam huc pertinet Ludouici von HORNIGK *Politia Medica, oder Beschreibung dessen, was die Medici, so wohl insgemein, als auch verordnete Hof - Stadt - Feld - Hospital - und Pest - Medici, Apotheker &c. desgleichen die oberste geschworne Frauen, Hebammen &c. wie nicht weniger allerhand unbefugte, betriegliche, und angemaste Aerzte, darunter Alte Weiber &c. so dann endlich die Patienten selbst zu thun haben*, Francof. ad M. 1638, 4. Exstat etiam Machiauellus *Medicus* s. *Ratio Status Medicorum*, libellus, si quid ego iudico, ad traducendos malos artifices compositus, quandoquidem varias & leuiiores quaerendae fortunae artes simpliciter proponit, nulla commonitione addita, quibus respectibus bonae eadem esse possint aut malae. Quapropter conferre ad eum librum oportet Animadversiones D. VALENTINI.

5 Io. Henr. SCHVLZE in *Hist. Medic. Period. I Sect. II Cap. I §. XXVII* Videntur veteres, Minervam medicinae praesidem cum Apolline constituentes, admonere voluisse, vt salutari arti dediti reliquas elegantiores ne aspernentur, sed cum sua coniungant. De Mathefi Io. Mar. LANCISIUS in *Diff. I siue de recta Medicorum Studiorum ratione instituenda*, §. XVI, Opp. Tomo II pag. 213 seq.

Sedulo, inquit, cauendum, ne, vt saepe contingit, specie ac praestantia harum Mathematicarum disciplinarum ultra metas iuuenes abripiantur. Non pauci enim, dum earundem pulchritudinem euidentiamque sectantur, in abstractas & omnino obscuras Metaphysicae, Analysis, Algebraeque inquisitiones & problemata sese abdunt penitus & immergunt. Et sane, qui Geometriam diu tractauerint, ingenium utique acre, viuendumque efficiunt: veruntamen imaginandi facultatem ita laedunt atque enervant, vt ineptam paene reddant tot tantisque, genere variis, natura diuersis, immo saepe contrariis, noscendis tractandisque naturalibus rebus, quas Medicus experiundo magis quam meditando consequitur; deterius procul dubio facturi, si confusis Algebrae exercitationibus longo tempore mentem detrinerint. Hae siquidem, vt sapienter animaduertit Cartesius in sua methodo ingenium etiam quodammodo turbant & obscurant. Quamobrem eiusmodi Medici nec veras morborum causas dilucide persequi, nec modum, quo iidem texuntur & complicantur, multoque minus quo retexi ac depelli debent, perspicue possunt intelligere. Mathematici circa medicinalem artem studii vestigia iam deprehendi videntur in libro, qui corpore librorum HIPPOCRATIS comprehenditur, de *prisca medicina*, ubi §. XVI Lind. sic loquitur auctor, Δε μέτρε τινός σοχάσασθαι. Μέτρον δὲ ἔσθ' ἐσαθμόν, ἔσθ' ἀριθμόν ἔσθ' ἐνα ἄλλον, πρὸς δ' ἀναφέρων εἴη τὸ ἀκριβές, ἢ ἀν' εὐροίης ἄλλο, ἢ τὸ σώματος τὴν αἰσθησιν. Διὸ ἔργον ἔτι κατὰ μαθεῖν ἀκριβῶς, ὥς ἐ μικρὰ ἀμαρτάνειν ἔνθα ἢ ἐνθα. Καὶ ἐγὼ τῆτον τὸν ἱππκρὸν ἰσχυρῶς ἐπαινέοιμι, τὸν σμικρὰ ἀμαρτάνοντα· τὸ δὲ ἀκριβές ὀλιγάκις ἐστὶ κατὰ δειν. Similiter eodem in libro num. XXXVI Linden. ii, qui



qui, ad mentem auctoris, in perscrutanda corporis fabrica longius euagabantur, quam ad usum artis decebat, illis verbis coarguuntur, in quibus Theoretici quidam vehementer solent offendere, λέγουσι δὲ τινες καὶ ἰατροὶ καὶ σοφισταί, ὡς ἔκ ἐνι διανοῶν ἰατρικὴν εἰδέναι, ὅσις μὴ οἶδεν, ὅ, τί ἐστὶν ἀνδρῶπος, καὶ ὅπως ἐγένετο πρῶτον, καὶ ὅπως συνεπαύη. Ἐγὼ δὲ τέτλεον μὲν ὅσα τινὶ εἰρηται σοφιστῇ ἢ ἰατρῷ, ἢ γεγραπται περὶ φύσιος, ἢ σπον νομίζω τῇ ἰατρικῇ τέχνῃ προσήκειν ἢ τῇ γραφικῇ. Νομίζω δὲ, ὅτι περὶ φύσιος γνῶναι τί σαφές, ἐδαμόθεν ἀλλοθεν ἔσαι ἢ ἐξ ἰατρικῆς. Τέτο δὲ οἶόν τε καταμαθεῖν, ὅταν αὐτὴν τις τὴν ἰατρικὴν ὁρῶς πᾶσαν περιλάβῃ. His & similibus commotus MERCVRIALIS, librum hunc absurda continere pronunciat, & Hippocrate indignum iudicat; itemque CONRINGIVS de *Hermetica Medicina* L. II c. 2 p. 180 & *Introd. in Artem Med.* Cap. II §. XI ex Empiricorum schola profectum censet. Verum nitiis hunc locum interpretati sunt & cum recta de istiusmodi rebus sententia conciliarunt, Prosper MARTIANVS in *Commentario*, SCHEHAMMER. ad *Conring.* a. l. Io. Henr. SCHVLZE in *Hist. Med.* Periodo I Sect. III Cap. I §. XXVI seqq. & Cap. II §. X, Idemque in *Diff. de Medico* vehementer laudari digno § II & III; ipse SYDENHAMIVS in *Tract. de Hydrope* pag. 495 seqq. Caeterum, mathematices vtilitatem, quam medico praestat, magnopere commendat *Epistola Hippocrati tributa ad Thessalum filium*, Geometriae & Arithmetices cognitioni studium adhibeto, mi fili. Neque enim solum vitam tuam gloriosam & ad multa in rebus humanis utilem, verum etiam mentem acutiorē & longe splendidiorē, (per-

spicaciorem) ad fructum eorum omnium, quae in arte medica vsui sunt, consequendum reddet. Deinde subiungit, Geometriam tum ad ossium positus, & articulos suis sedibus emotos, tum etiam ad reliquam membrorum compositionem, utilem futuram esse &c. Conf. I. de Veteri Medicina num. XXXIX, XL, XLI Lind. non longe ante finem. De Physicarum rerum studio CELSVS in *Praefat.* pag. 17 *Contemplationem rerum naturae*, inquit, non temere Medici sibi vindicant; & de eadem aliisque scientiarum partibus, pag. 14. Quamquam multa sint ad ipsas artes proprie non pertinentia, tamen eos adiuvant, excitando artificis ingenium. Itaque ista quoque naturae rerum contemplatio, quamvis non faciat medicum, aptiorem tamen medicinae reddit. Contra, illi puri puti quibus conuiciis proscindi soleant, notum est.

(6 Qui de discrimine rerum vtilium, minus vtilium, superfluarum (περὶ ἐπερ-  
γίας voce Hippocratica) immo detrimentosarum in arte medica scripserunt prudenterque commonefecerunt, laudandos habeo Herm. CONRINGIVM *Introd. in Art. Med.* Cap. I praesertim §. XV seqq. Eliam CAMERARIUM in *Systemate Cautelarum Medicarum*, Ge. Ern. STAHLIVM in *Disp. de Medicina Medicinae Curiosae*, &c. Frid. SCHRADERVM in *Progr. de Curiositate Medica*. Conf. Exper. Io. STORCH. in *Praxi Stahlina*, Prooem. pag. 26 seqq. Apprime placet iudicium Exc. HALLERI in *Annot. ad Boerhaavii Praelectiones in Institutiones Med.* ad §. XX not. 2 pag. 52 seqq. atque Herm. CONRINGII *Introd. in Art. Med.* Cap. I §. XVII. Denique, cynosuram, in praesenti quidem negotio, praebeant illa HIPPOCRATIS περὶ εὐχνη-  
μοσύνης VIII, 6 seqq. Lind.

(7. De habitu religionis ad medicinam,  
H h 2 nam,



nam, vt ita dicam, multis agit Ros. LENTILIUS in *Iatromnem.* P. I C. LXII cui titulus, *Medica Praxis Diuinum Charisma.* Add. Eiusdem *Methodiae Pract.* it. Io. STORCHIVS *Prax.* Stahl. p. 27. Pluribus hanc materiam infra pertractabimus.

(8) De Natura Hippocrates in Νόμος I extr. & II pr. Vid. etiam LANCISIUS de *recta Medicorum Studiorum ratione* §. VII in *Opp.* T. II pag. 209. Quomodo VERDRIESIVS hanc naturam interpretetur, supra §. V not. 5 significatum est. Quanquam autem nulla ingenii specie carere possit medicus, & optimum sit omnes excellentiore gradu possidere: quia tamen in rerum sensualium obseruatione, perspicientia, & administratione omnis medici cura versatur, inprimisque multum ipsi ex comparatione rerum similium colligendum est, sicut postea magis elucescet; abstractam mentis inquisitionem potius impedimento fore credibile est, quam praesidio: contra, potissimas ingenii medici dotes habendas esse Perspicacitatem, Phantasiam, Ingeniositatem, Sagacitatem. Clarius & explicatius haec intelligi poterunt ex V. Cl. Ioh. Nic.

FROBESII, Praeceptoris mei non vno nomine aestimatissimi, *Prolusione Academica de Ingenio Physico & Mathematico.* Et sic fere conuenit cum ingenio Physico & Mathematico Medicum: adeoque qui ad res Physicas atque Mathematicas excolendas a natura quasi facti sunt: iidem quoque ad medicinalem artem perquam idonei censendi sunt, modo in ea se exerceant. Atque hinc ratio patet, quare multi inter medicos, iique eximii magnam quoque laudem in eiusmodi studiis consecuti sunt, ad quae singularis εὐφραυσία requiritur veluti in literis quae ab Humanitate nomen habent, Poësi, Mechanicis, &c. Sed haec materia peculiari tractatui sufficeret: in quo quidem opinor discrimen aliquod inter huius artis professores attendendum foret, quum non omnes artifices eiusdem sint generis, & v. c. Chirurgorum, Pharmacopoeorum, ministrorum &c. diuersa sit conditio. De Ingenio & Temperamento Medico nonnulla quoque habet *Diff. de Fortuna Medica*, praefide V. Ill. HEISTERO, Praeceptore meo venerando, habita 1722 a M. Io. Christi. Rabe, §. VII.

## §. VII.

Ita primis quasi lineis adumbratae essent officii medici partes, & quae ad easdem rite peragendas necessaria sunt. Vt omnia breuiter repetamus, requiritur in Candidato Praxeos medicae, praeter ea quae ipsi cum aliarum disciplinarum cultoribus communia sunt, scientia Pathologica & Therapeutica, generalis & specialis; tum, ad haec rite addiscenda, quantum ex Anatome, Physiologia, Botanica, Dietetica, Pharmaceutica, Chirurgicis, Chemicis, Physicis, ac Mathematicis necessaria sunt; postremo, sic instructum eiusmodi hominem esse



esse oportet, ut in curatione morborum aggredienda sine cortice, quod dicitur, nare possit. Quae dum cuncta quasi simul intuemur, magnus utique campus apparet, nec paruo temporis aut aetatis spatio percurrendus. \* Verum, utrum sigillatim aliquis medicinam professurus, satis sibi istorum praesidiorum comparauerit necne, id aliis peritioribus artificibus exquirendum relinqui debet; & de eorundem rectitudine iudicii atque integritate, nulla iusta ratione dubitari.

\* Et sic tamen etiam verum esse potest *Helmontianum* illud, *Pauca sunt, quae medicum nobilitant*: nimirum si interpreteris de remediorum delectu, quorum angustissimis terminis omnis in morbis curandis ars circumscribitur, & ex quorum effectu solo censetur medicus, Caeterum, quibus rebus medicus orna-

tus esse debeat, eleganter exponit Aug. Quirin. RIVINVS in *Disp. de Medico Inculpato*: quam tanti aestimavit Celeb. STORCHIVS, ut totam Germanice redditam inferuerit *Praxi Stahlinae* inde a pag. 3, additis amplissimis annotationibus.

## §. VIII.

Iam habemus Nouum Medicum, sed neutiquam talem, cui Nouum quoque parandum sit Coemeterium. Primo enim noster perspectum habet, quanam sit legitima naturaeque conueniens sanandi morbos ratio, & quanta opus sit circumspeditione, quanta mentis intentione ad rectam medendi methodum peruidendam atque seruandam. Quamobrem, necessariam ad aegrotum curam affert, & lente festinando, nec nisi probe perpensis omnibus & singulis momentis ad praescribendum totius medicationis modum atque ordinem procedit. (1) Deinde, si quidem reuera virtutis probitatisque studiosus est, non plus promittit, quam, Deo iuuante, praestare se posse, certa cum ratione confidit; & a prauis cupiditatibus alienus, atque in sola religiosa officii cura spem prosperae fortunae collocans, non vanis strophis & incertis medendi rationibus, festinata opera, inutili *περιεργία*, aliisue malis artibus, famam aucupari studet, (2) sed, cognitis in salutem aegrotantium vtendo, atque, etiam si semper prodesse non possit,



tamen solícite cauendo ne noceat, (3) acquisitam augere scientiam experientia contendit; neque minus, si cum senioribus peritioribusque versandi medicis occasio sit, libenter eam arripit, & in incrementum suae cognitionis atque prudentiae conuertit; (4) nec libros sibi in posterum clausos habet, postquam semel in conferenda Medici dignitate librum claudi viderit (5).

(1) Frid. SCHRADERVS de Curiositate Med. grauitèr coarguit eos, qui circa aegros suos id agunt, quod canis ad Nilum; qui obiter audito vno vel altero symptomate, non explorato cum cura morbo ipso, sed praeiudicio quodam concepto formulam medicamenti in chartam illico coniiciunt, actutum quid agendum sit determinant, non raro cum aegri vitae, nec minori famae suae & conscientiae periculo. Conf. LENTILII Methodiae Pract. §. IV & XXVI seq. Quae res in suscipienda alicuius morbi curatione obseruandae sint, paucis verbis e-

legantissime complexus est HIPPOCRATES περὶ εὐσχημοσύνης §. IX Lind.

(2) HIPPOCRATES in Παραγγελίαις II, 16. III, 4. VI tot. IX, 25 seq. Conf. supra §. VI not. 6. it. infra §. XIX not. 2.

(3) HIPPOCRATES Epidem. I Sect. 2. 92 Lind. ἀσκεῖν περὶ τὰ νοσήματα δύο ὠφελεῖν, ἢ μὴ βλάπτειν.

(4) Io. STORCH. in Praxi Stahl. Praecognit. §. 5 Not. c] fin. p. 169 edit. 2.

(5) Io. BOHNIVS de Officio Med. Part. I Cap. I pag. 7 seq. edit. Lips. 1704.

### §. IX.

Conuenit igitur, praxin auspicari, antequam omnia omnino doctrinae praecepta, omnesque prudentiae regulas plane perdidiceris: *non differendum est tirocinium in senectutem.* (1) Vidimus itaque, a multis retro seculis, solertissimorum hominum studio atque opera, cuiuslibet generis praecepta & exempla curandi, vna cum egregiis monitis practicis, literarum monumentis mandata exstare. Vidimus etiam, institutionem doctorum, & salutaria ab iisdem consilia, regulasque prudentiae, nobis praesto esse. Ea nunc oritur quaestio, Quum in tot libris Obseruationum Curationumque medicarum, tam multa, & tantum non omnia legitimae praxeos praecepta, monita, consiliaque cognosci possint; quum praeterea viua doctorum institutione frui liceat: quid illud tandem sit, quod neque ex libris, neque

ex



ex praeceptoribus (2) conferri possit ad medicinam aegrotis facien-  
dam? Ponamus enim, aliquem hoc sibi proposuisse, ut omnia, quae  
hanc in rem aut scripta sunt aut audiri possunt, legat & audiat, &  
hoc effici posse: putandum est, eum hoc modo curandis morbis suf-  
fecturum, perinde ac si eosdem re ipsa tractasset? an nihilominus sic  
quoque, experiendo artis opera, nonnihil, immo plurima, nullis li-  
teris consignata, neque ab ullo praeceptore dicta, disci sentiet? Nam  
nisi hoc demonstretur, iure reprehendi posse videatur, quisquis pri-  
mus dixerit, *Esse aliquid in medicina, quod nec dici nec scribi possit*; &  
hoc ei vitio verti, quasi homo fuerit in statu confusarum obscurarum-  
que mentis notionum constitutus, quique propterea mentem suam  
explicare nequiverit. Et huius quidem rei nonnunquam haud vana  
est suspicio, si qui semper simpliciter experientiam crepent, neque  
experientiae suae rationem reddere possint. Quandoquidem autem  
singimus talem artis cultorem, qui praeter propriam experientiam,  
omnia sibi comparare studeat praesidia, quoad ab ingenio aut indu-  
stria, quam longissimo aetatis spatio, sperari ea possint: manifestum  
est, non iam de expeditiore, breuiore, aut meliore fortassis ad me-  
dicinam via sermonem institui; longe enim felicius procedere hoc  
negotium, quando necessariis praeceptis ipsa statim artis opera, & eo-  
rundem exercitatio, praesertim sub oculis & manu ductione praece-  
ptorum, qui & vera casuum suorum exempla communicent, coniun-  
guntur, aut certe breui sequuntur, nemo, credo, dubitabit. (3) Ne-  
que hoc nunc quaeritur, quid in perficienda medicinali scientia aut  
prudencia tribuendum aetati sit, quatenus scilicet ab intellectus o-  
mniumque mentis virium pleno vigore, cum aetate demum termi-  
num attingente, virtus illa pendet. Verum, his & aliis eiusdem ge-  
neris missis, ad quaestionem ipsam explicandam progrediamur.

(1) QVINCTILIANVS. *Inst. Orat.* Lib.  
XII. 6, 3. Erid. SCHRADER. in *Progr.*  
quo Hippocratica de Prognosticis Signis  
doctrina commendatur, Minime soli su-  
perciliofi & rugosi senes, aetatis vitio lan-  
guentes, nomine Medici digni sunt exi-  
stimandi. Non opus est, ut artis periti

& prognosticorum doctrina instructi soli  
illi habeantur, qui morti propiores sunt,  
in quibus animi corporisque vigor frangi  
solet, & defatigatione longaue exerci-  
tatione ingrauescere incipit: non aptior  
ad medendum semper ille habendus, qui  
aetate declinui, habitu exsiccato & ex-  
san-



sanguis, promissiore barba venerabilis est, & Aesculapium repraesentat, quem illa de causa barbatum veteres pinxerunt. Sed Medici munus & iuvenes praeclare implent, non annis, sed mente senes, qui medicis praeceptis possunt esse exercitissimi. Et Rodericus a CASTRO in Medico Politico Lib. II Cap. 10 Fieri etiam potest, inquit, ut iuuenis in medicis praeceptis scientissimus, & in operibus mediocriter exercitatus, tam in medendo quam in docendo reip. sit utilissimus, si modo mente canescat, quamvis non mento: nam cani hominis sapientia, eius qui in breui aetate tempora multa compleuit.

(2) Ne arctior huius vocabuli significatio iusto angustiores cognitioni medicae limites ponere videatur, bona legitimorum Artis Magistrorum venia comprehendamus eodem etiam Idiotas, Aniculas, Pharmacopolas, Carnifices, Arcanorum pollicitatores, & quotquot aliquid de morbis eorumque curandorum rationibus aut remediis cognitum habere & referre possunt. Nam & HIPPOCRATES in Praeceptionibus §. II Lind. iubet, μὴ δυνέειν καὶ ἀπὸ ἰδιωτέων ἰσότηειν, ἢν τι δοκέει εὐμπερον εἰς καὶ πὸν θεωρεῖν ne pigeat vel ab idiotis aliquid addiscere, si quid putent utile ad opportunitatem curationis futurum. Et alii non spernendi auctores similia suadent: vid. STORCH. pag. 54 seq.

(3) G. C. SCHELHAMMERVS in Via Regia ad Artem Medendi, Stad. X §. LI pag. 207 seq. Vnum superest, quod ad exercitationem pertinet, & praxin auspicaturis maxime omnium e re futurum esse arbitror: sub fido magistro institui Consultatorias exercitationes singulorum morborum, ubi tanquam ad lectum aegrotantis cuiusdam adstanti, proponi solent cuiusvis generis historiae, ex quibus

qui sint morbi, quae causae eorum, & quomodo curandi, iudicium suum descriptum afferat. Huiusmodi Consultationum paradigmata multis quidem magnisque voluminibus descripta plurima exstant, ex quibus ego propter facilitatem maximam Rolfinii Consultatoriam Methodum, ut vocat, omnibus in hoc genere, primis istis temporibus praetulerim. Qua in re maxime videtur opus esse, ut vera morborum curationumque exempla proponantur, non ludibrio mentis efficta, sicut audio nonnunquam fieri; deinde, ut ab ipsismet Praeceptoribus iidem, qui proponuntur, morborum Casus tractati sint aut tractentur, aut certe ex fidelissimis, luculentis, & quoad eius fieri potest, omni contingentium historia apparatuque instructis exactisque bonorum Observatorum descriptionibus petiti; tum ut ita proponantur, tanquam in re praesenti versarentur auditores. Neque enim ab artis nostrae rationibus alienum videtur, statuere Pragmaticam, uti ita dicam, ipsius theoriae medicae tractationem, qua, quum ad futurum in ipsis artis exercitationibus usum omnia referantur, talia morborum, omniumque eorum operum, quae inter medendum ipsi Medico facienda sunt, exempla sic exponantur, et ita viuis quasi coloribus depingantur, tanquam praesentia coram intuerentur discipuli, & inter medios aegros versarentur. Ita enim institui, quando postea ad aegrotos accederent, non plane sese quasi in novum delatos orbem arbitrantur. Adhuc praestantius consilium suggerit sapientissimus Frid. SCHRADERVS, de Curiositate Medica; Male faciunt, inquit, qui omnia, quae ad Therapeutices studium spectant, in ultimum studiorum Academicorum tempus differunt; qui Anatomicis & Physiologi-



cis exercitiis vacantes, quaecunque occurrunt vel ad Medendi methodum vel Diaetam vel Pharmaciam vel Chirurgiam spectantia, altiora esse, ad se nondum pertinere, & haecenus sibi esse inaccessibleia arbitantes, negligunt; curiosa prius sectanda esse, utilibus & praxin respuentibus tantisper omnino sepositis. Hi obuia illa, quae vel circa adultorum vel infantum pulsum, sanorum respirationem, actiones organicas, excreta naturalia quotidie observari possunt, nunquam accurate attenderunt. Haec medica Curiositas est, quae felices olim reddere potest Artifices & Practicos. - - - Serio ergo vos moneo, o Optimi, ut omnem observandi occasionem captetis, nullamque omnino

praetermittatis. In auditoriis Doctorum institutione sedulo & attente fruimini: Libros vestros, solida artis principia explicantes, & quae vsui aliquando in praxi esse possunt, dilucide tradentes, euoluite; diurna nocturnaue manu tractate in museis vestris: Sed credite, & Aegrotantium, qui vos admittere non recusant, cubicula, & Pharmacopoeorum officinas, & Chirurgorum conclauia, & Chymicorum hypocausta, vera musea vestra esse: Observationum venatores, ac solertes estote Singularium scrutatores, quae futurum artificem instruunt, & iudicium practicum mature formant. &c. Quid hoc in genere moneat Exp. STORCHIVS, videri potest in Praxi Stahl. p. 54 & 169 edit. 2.

## §. X.

a) Primo, quum morbi, eorumque phaenomena, accidunt in corporibus, & nihil aliud sint, quam mutationes corporum in sensum incurrentes, quatenus eae mutationes sanitatis munia laedunt atque peruertunt; quicquid autem in corporibus accidit, non nisi sensuum ope percipi possit: perspicuum est, qui morborum, & quae circa morbos observantur, phaenomenorum veros & ipsorum naturae respondentes conceptus animo comprehendere velit, ei sensuum ipsorum ministerio ad hanc rem opus esse; neque per naturam rerum hoc aliter obtineri posse. (1) Nec valet oppositio, Posse ab aliis, qui ipsi morbos tractauerint, veras observatorum notiones explicari, communicari, & in animum discipulorum quasi transfundi. Primo enim, licet quam maxime genuinas, claras, distinctas, & plenas illarum rerum imagines aliquis mente conceperit: tamen earundem corporearum imaginum ea est indoles, ut non possint pro sua natura satis declarari verbis, neque ipsa adeo pictura, neque ullo alio modo, nisi res ipsae repraesententur. (2) Deinde, quamlibet natium colorem descriptionibus suis inducere studeat praeceptor,



& easdem, quas ipse tenet, ideas in auditorum mentibus excitare & restituere: nihilominus hi, quaecunque de rebus sensuum perceptioni subiectis audiuerint, haec eatenus tantum intelligent, quatenus cum suis ipsorum conceptibus, ex aliarum rerum sensibilibus tractatione sibi natis & haerentibus, componi possint; nam huc omnia referent. (3) Et ipsa haec Analogica cognoscendi ratio per omnem artem patet & diffunditur; eadem, vnicum, vt in omni vitae practicae genere, sic in medicina quoque, remedium prudentiae, quam multum confert ad artem bene ac feliciter exercendam, si recte utaris, tam erroribus implicat, si peruerse. (4) Sed de hac pluribus agendi nunc non est locus. Alia ratione contra dici posset, post inuentas eorum, quae corporibus humanis accidunt, rationes & principia, & constitutam sic artis, vel, si mauis, scientiae formam, praecceptis vniuersalibus disciplinam medicinalem contineri, quae si quis probe teneat, eadem illum in singularibus deinde propositis exemplis, ad praescriptam methodum, in vsum vocare posse, nec necesse esse, vt ad cognoscenda medicinae theoreticae principia, axiomata, & cuiusquemodi generalia pronunciata, sensuum ministerium adhibeatur, quum intelligendi, imaginandi, ratiocinandique facultate rem transigere liceat. Verum enim vero, quanquam isto vniuersalis cognitionis beneficio me spoliari plane nolim, & magnas pro inuestigatis medendi rationibus, & connexa artis forma gratias auctoribus deberi existimem; quanquam multum inde commodi ad artem facilius, citius, certiusque percipiendam redundasse largiar, si rite tractetur: tamen vniuersalia illa nec satis sufficienterque mente comprehendendi posse arbitror, nisi singularibus rerum exemplis declarentur, quin adeo sic proponantur, vt vna modus & ratio appareat, qua ex singularibus vniuersalia praeccepta condita sint atque condenda; (5) & cognoscendi methodum ante perspectas medicinalis artis rationes, & post legitimam eius ad principia reductionem, in hoc fere tantum hactenus differre, quod nunc breuiore tempore eandem viam, sed planiorem expeditioremque factam, transire licet. (6) Perfectio methodi consistere videtur in apta praeceptorum vniuersalium, & singularium obseruatorum combinatione.



(1) In hanc sententiam interpreta-  
tus sum egregium locum apud Hippo-  
cratem *ἐπὶ εὐσχυμῶς*. III seqq. Lind.  
Reuocemus in memoriam, quam ma-  
le v. c. Physica doctrina quondam tra-  
ctata, fuerit ab iis, qui inconsultis i-  
psum rerum naturalium, prout acci-  
dunt & experimentis imitari licet, phae-  
nomenis, effectibusque, ac mutatio-  
nibus, sola propemodum mentis per-  
spicacia naturam rimati sunt, eamque  
ad arbitrium suum fingentes, ratioci-  
niorum quidem seriem satis apte con-  
struxerunt, sed a ruina immunem prae-  
stare non potuerunt. *Opinionum enim  
commenta delet dies; naturae iudicia con-  
firmat*: inquit CICERO *de Nat. Deor.*  
II, 5 c. 2.

(2) Apparet, quam parum prospere  
rem gerere putandi sint, qui e. g. Bo-  
tanica aut Anatomia sine ipsius na-  
turae contemplatione, ex libris & vel  
exactissime pictis imaginibus, aut ma-  
chinulis, addiscere velint.

(3) Hinc perspicua est ratio, cur  
adeo sit difficile, Aegrotantibus quidem,  
declarare quid apud sese vere sentiant;  
Medicis vero, illorum narrationes recte  
intelligere: item, HIPPOCRATIS in pra-  
cticis libris, aliorumque Practicorum  
sententiam non posse satis euidenterque  
perspici, nisi ab hominibus ipso simi-  
lium vel earundem rerum usu exerci-  
tatis. SYDENHAM. in *Tract. de Hydrope*,  
versus fin. *Ista quod spectat, quae ha-  
ctenus in publicum dedi, si quis ea semel  
tantum perlegere dignetur, est quod do-  
leam, me huic eam perdendi temporis  
ansam praebuisse. Quod si eadem saepius  
relegere voluerit, & alta mente reponere:  
nullus dubito, quin eum fructum ex iis  
capiat, qui voto & magnis laboribus,  
quos ego in istis observationibus faciendis  
componendisque locui, aliquatenus re-  
spondeat. Quae quidem quam bona*

*fide fuerint traditae, haud aliter sciet,  
quam si in earum Praxi fuerit versatus,  
ac perinde in observando diligens ac curio-  
sus Explorer, atque ego prius fueram.*

(4) Πρὸς τὰς ὁμοιότητας εὐσχοί, sunt boni artifices apud HIPPOCRATEM  
*περὶ εὐσχυμῶσιν* §. II. Reperio,  
hanc Analogicam cognoscendi ratio-  
nem a veteribus Empiricis vocatam  
esse *ἐπιλογισμὸν*, aut *ἀπὸ τῶν ὁμοίων με-  
τάβασιν*. Illis enim ἡ τριπλῆς τῆς ἱ-  
στορίας dicebantur *αὐτοψία*, *ἱστορία*,  
& *ἐπιλογισμὸς*, id est, observationes  
propriae, alienae, & similitudinum.  
Vid. Io. Henr. SCHVLZE *Hist. Med.*  
Per. II. Cap. IV. §. XVI seqq. qui  
ibidem §. XXIV sic de iisdem existi-  
mat, *Certe, si, quod res, dicere licet,  
Empirici illi veteres fuerunt cordati &  
probi viri, qui bene intellexerunt, ibi  
medicum desinere, ubi philosophus incipit;  
quique pro eo statu, qui tunc erat, non  
poterant non cogitare de obice disputandi  
libidini obtrudendo, ne omnem omnino  
medicinam amitterent.* Cautiones in  
hac methodo praescribit Ge. BAGLIVVS  
*de Praxi Medica* Lib. I Cap. VI.

(5) Tale quid in recta tractandae  
Geometriae, vel & Arithmetices ratione  
observari potest: qua de re, praeter  
alios qui Mathematicam methodum  
explicarunt, luculenter exposuit V. Cl.  
Io. Nic. FROBESIVS in *Commentatione,  
de Matheseos Natura & Constitutione*,  
§. VI & subiectis Illustrationibus; qui  
idem in adhibenda hac methodo felici-  
ter suo exemplo praeire solet.

(6) HIPPOCRATIS exemplum vnice  
sequendum est: cuius viam postquam  
deseruerunt GALENUM secuti, alique,  
cur tam parum medicinam vera &  
utili doctrina locupletarint, obscurum  
esse non potest: sed & in vniuersum,  
difficile admodum esse, Hippocratis  
observatis in praxi multum addere,  
I i 2 quan-



quandoquidem ille, longissimae aetatis beneficio aliisque subdiis adiutus, tantum singularium observationum ap-

paratum collegerat, quantum aliis vix licet sperare.

### §. XI.

β) Et haec quidem valent de praeceptis & institutis artis, quatenus intra cognitionis fines subsistunt: adhuc autem magis apparebunt valere, si ad ipsam operum exercitationem respiciamus. Quomodo enim actio quaecunque instituenda sit, hoc non posse aliter cognosci, nisi ipsi actioni interfueris, rei natura docet: v. supra *Commentar. I §. 5.* Hanc igitur euidenciam sensualis observationis eiusmodi *aliquid esse in medicina vel in medico, quod nec dici nec scribi possit*, in tantum demonstratum videtur, quantum rei natura permittit. Eadem rei natura vix sinit sperare, fore, ut illi, qui artis theoria imbuti, aut soli contemplandi studio dediti, nullum adhuc eius periculum fecerunt, haec sibi persuaderi patiantur. Contra, de usu peritis simile quid iis, qui ex sola theoria de curatione morborum disputare satagunt, promitto, quod de Hannibale, belli gerendi peritissimo duce, relatum legitur apud Ciceronem de Oratore II c. 18 *Quum Ephesum venisset exsul, & inuitatus esset ab hospitibus suis, ut Phormionem Peripateticum, si vellet, audiret: quumque se non nolle dixisset, locutus esse dicitur homo copiosus aliquot horas de imperatoris officio & de omni re militari: Graecus homo, qui nunquam hostem, nunquam castra vidisset, nunquam denique minimam partem ullius publici muneris attigisset. Tum, quum caeteri, qui illum audierant, vehementer essent delectati, quaerebant ab Hannibale, quidnam ipse de illo philosopho iudicaret? Heic Poenus, non optime Graece, sed tamen libere respondisse fertur, Multos se deliros senes saepe vidisse, sed qui magis quam Phormio, deliraret, vidisse neminem \**.

\* Simili ratione GALENVS *Commentario II in Lib. Hippocratis de Natura Hominis*, prope fin. pag. 29 Tom. V edit. Graec. Basil. 1538 coarguit Alexandrinos Vates, qui quum nullum

unquam aegrotum viderint, in schola tamen nihil sani deblaterantes consenscunt, & ne illa quidem norunt. quae Empiricus quivis apud aegrotos versando certissime addiscit.

### §. XII.



## §. XII.

Porro, isto posito principio, sequitur, si cui, qui plenam perfectamque, quoad eius fieri possit, morbi alicuius teneat historiam, cum recta eidem medendi methodo probatisque remediis, quique idem hanc scientiam per exempla vera, quam proxime ad viuum, quasi in imagine proposita, a praeceptore consecutus sit, si igitur huic aegrotus aliquis, eodem morbo laborans, curandus detur: sane, si in praesente aegro, totoque morbi decursu & curatione, phaenomena, vel oblata vel inuestigata, sensuum suorum ope recte perspiciat, sentiet, multo nunc se clarius & euidentius & plenius & certius, ipso illo sensuum beneficio ea cognoscere, quorum antea qualemcunque formam mente conceperat. Tum, systematis sui veritate rite perspecta, magnam intimamque, cum summae cuiusdam voluptatis sensu, gratiam habere incipiet praeceptoribus, qui ea fide vsi sint in suis institutionibus admonitionibusque. Maior adhuc succedet eorundem veneratio, si eiusmodi res obuenerint, (obuenient autem plurimae) quas quondam auditas aut lectas non satis intelligere potuit, immo vel minus recte se habere suspicatus fuit, nunc autem experiendo veras deprehendit. Cum tempore etiam, si solers sit & industrius, eam sibi facultatem comparabit, quam indoctoribus suis saepe miratus fuit, nimirum, vt ad aegrum vocatus, ex paucis tantum expositis animaduersisque phaenomenis breui totius morbi ingenium, causas, decursum, curationem, aliaque similia peruidere possit \*.

\* Certe, plurima Parentum, Praeceptorum, Amicorum praecepta, monita, atque consilia, quam bene ac sapienter nobis data sint, saepe non ante intelligimus, quam per ipsum demum rerum usum experientiamque manifesta fiant. Iucundissima hic mihi meorum Praeceptorum redit memoria: quorum de praestantibus virtutibus quae meo animo sedeat sententia, & quanti illo-

rum erga me merita faciam, breuibus significare liceat versibus, simplicibus quidem illis, sed quibus multa paucis complecti velim; & quicumque Celebratissimos Viros aliqua tantum ratione norunt, bene versiculos hosce interpretaturos esse, & mihi non immemoris saltem discipuli titulum non denegaturos, spero atque confido; eoque solo nomine ipsismet etiam, qui adhuc  
vivunt



vivunt, hanc testatorem observantiae  
meae declarationem placituram esse,  
mihi certo promitto.

In b. Io. Alb. FABRICIVM, quondam  
Professorem in Gymnasio  
Hamburgenfi:

Pax animi, Pietas, hominumque  
Amor atque laboris  
Condere sat poterant tot monu-  
menta sibi,  
Augere immensam famam prae-  
sentis amore,  
Iamque homines inter gaudia  
ferre poli.

In Mich. RICHEY, Prof. in Gymn.  
Hamburgenfi:

Carminis, & prosae, morumque  
exculpta Venustas,  
Orandique Decor, Historiaeque  
penus,  
Et Patriae † manifestus amor stu-  
diumque colendae,  
Hamburgo hoc addunt nobile  
Ciue decus.

In Io. Christian. WOLFIVM, Prof. in  
Gymn. Hamb.

Candor, Amorque scholae, stu-  
diumque Fidele sequendi  
Officii, & Sophies, cultaque  
Cura stili,  
Et prolem pariunt numerosam in  
coelibe vita,  
Et muliebri † † genus laude de-  
cente vehit.

In Brandan. MEIBOMIVM, D. & Prof.  
Med. in Acad. Iulia:

Meibomius seriem magnorum m  
iungit Auorum:

Os Latium & dotes Carminis,  
artis honos:

Multa Quies animi, multumque  
Experta medendi  
Ars, aegris faciunt commoda  
iussa Viri.

In Laur. HEISTERVM, D. & Prof. in  
Acad. Iulia:

Sic Bonus, ut Grauis est: Her-  
barum indagine, Secto  
Corpore, & Externa nixa me-  
dela rata est:  
Praeceptis Brevis, & paucis per-  
multa reuelat;  
Quam docet, experta stat me-  
dicina Fide.

In Pet. GERIKE, D. & Prof. in Acad.  
Iulia:

Menti Robur inest, rationisque  
Altior usus:  
Scrutinium medicum certa Ma-  
thesis alit,  
Atque feuerorum meditata profun-  
da Sophorum:  
Hinc edicta suis fert bene structa  
scholis.

In Io. Nic. FROBESIVM, Phil. D. &  
Prof. in Acad. Iulia:

Ingenio Celer, & felici Profluus  
ore,  
Perspicit, & simili Lumine  
quaeque docet;  
Alta Mathematices atque abdita  
scita Sophorum,  
Nexa apte, reteggit: sic &  
Apertus agit.

---

† Id quod praesertim edito *Patriota*  
declaravit.

Edi.



++ Edidit *Fragmenta Sapphus, it. aliarum VIII Poëtriarum Graecarum*; deinde, *Mulierum Graecarum, quae oratione prosa vsae sunt, Fragmenta & Elogia*;

editurus quoque *Commentarium de Vitis Heroinarum, Reginarum, & Augustarum, ex numis & scriptoribus antiquis expositum.*

## §. XIII.

Haec enim singularis quoque laus est experientiae, quod *certitudinem* scientiae praestat, utpote quae in rebus facti aliter obtineri nequit: deinde promptam quandam & certam & confirmatam & bene compositam agendi facilitatem, quam *habitus* appellant, (1) artificii inducit: tum, laetam sui *fiduciam*, prosperorum successuum conscientia nixam, conciliat: (2) praeterea, cautam consilii *prudentiam*, ex singularium obseruatorum copia pendentem; (3) item, alius generis prudentiam, & quasi *politicam*, quae ex consuetudine cum hominibus omnis generis, indolis, aetatis, morum, institutorum, populorum &c. acquiritur. Quae omnia ad classem eorum pertinent, quae in medicina nec dici nec scribi possunt, & ad quae comparanda si modo rectam ostendant viam praeceptores, suas expleuisse partes censendi sunt. Atque haec, quae adhuc proposita sunt, omnia breuissime complexus esse videtur HIPPOCRATES περὶ εὐσχημοσ. III, 4 seqq. Lind. his verbis, Ἀδίδακτον τὸ χρέος ἔντε σοφίῃ καὶ ἐν τῇ τέχνῃ προσδεμένη, διδαχθῆναι εἰς τὸ ἀρχὴν λαβεῖν· ἢ δὲ φύσις κατεργάη καὶ κέχυται τῇδε σοφίῃ, ἐς τὸ εἰδῆσαι τὰ ἀπ' αὐτῆς τῆς φύσεως ποιούμενα. Idemque sine dubio significare quadamtenus voluerunt illi Rationalis medicinae professores apud CELSUM, p. 5 Almelou. Neque vero inficiantur, experimenta quoque esse necessaria; sed ne ad haec quidem aditum fieri potuisse, nisi ab aliqua ratione contendunt. Nam illud, aditum fieri, plane respondet isti, ἀρχὴν λαβεῖν.

(1) Vniuersim ea, quae sunt, explorata & comperta esse debent, & circa eadem sigillatim non tenuiter exerceri, si quis comparare sibi cupiat πνίδιν καὶ

ἀναμάρτητον ἔξιν, ἣν δὲ ἰντροικὴν προσαγορεύομεν. HIPPOCRATES in Παιεγγυελ. §. II Lind.

(2) Quam multi hodie arrogantes scioli



scioli, sterilibus curiositatibus inflati, peritia vero illa, quae ad medendi & morbos ex corporibus hominum secure depellendi artem requiritur, destituuntur, operi tanti momenti se accingunt, & dum, quod ait Plinius, ex commentariis nau-tae sunt, quando ad lectum aegri perue-niunt, in ipsa curandi methodo adhuc fluctuant & incertissimi sunt, animoque in diuersum tracto, nunc hoc nunc illud suadent, ex aequo morbo oppositum re-medium nequeunt inuenire vel componere, sed ignotis rebus fatigantes naturam, nescii vitam an mortem procurent, su-perflua, aliena, contraria utilibus mi-scent & coniungunt. Quae sunt verba F. SCHRADERI in Progr. de Curiositate Medica. Quocum conspirat Ill. F. HOFMANNVS Medic. Rat. System. T. III Sect. II Cap. II §. XVIII sub fin. Qui artem speculando tantum agitant & experientia destituuntur, hi certe fluctuant & hallucinantur, nec firmum, so-lidum, & euentu comprobandum inter-ponere possunt consilium; multo minus, quam diu vsui insistendum, quando desistendum, qua dosi offerendum, & quae alia sigillatim circumstantiis ac-

commodanda, ex vero praecipere. Optime huc conuenire videntur verba HIPPOCRATIS in Lege, versus finem, Ἡ δὲ ἀπειρία, κακὸς θησαυρὸς καὶ κακὸν κειμήλιον τοῖσιν ἔχουσιν αὐτήν, καὶ ὄναρ καὶ ὕπαρ, ἐνδυμίνης τὲ καὶ εὐφροσύνης ἀμοιβή, δειλίνης τὲ καὶ δρασύτητος τιθήνη. δειλὴν μὲν γὰρ ἀδυναμίην σημαίνει, δρασύτης δὲ ἀτεχνίην.

(3) Immortalis SCHERBIVS, quem inter Germaniae nostrae Philosophos vix parem habuisse, non iniuria dixeris) dicere solebat: Medicina aut est prudentia, aut certe non sine prudentia, vt loquitur H. CONRINGIVS Introd. in Art. Med. Cap. I §. III. Quibus planissime respondent verba LANCISII de subitaneis Mortibus Lib. I Cap. XVII §. I, Opp. Tomo I pag. 52 Proinde etiam ad rem medicam pertinere putauerim, quod in Iuris doctrina passim usurpatur, nempe vel totam esse Prudentiam, vel sine prudentia exerceri non posse. Quae repetit Idem in Diss. de studiis Medicis §. XII, Opp. Tomo II pag. 212. Semper autem obseruatur, quo quis in pluri-um rerum singularium tractatione versatus est, eo prudentiorem esse.

#### §. XIV.

Caeterum, varios cognitionis medicinalis, quatenus experientia sensuumque claritate constat, gradus paullum adhuc considerare iu-uat. Primum, quum veras & fidas rerum medicarum omnis gene-ris enarrationes vel legendo vel audiendo cognoscimus, narrata ad exstantes in mente nostra de aliis rebus sensibilibus ideas referendo, cum iisdemque componendo, tenuissimam quasi rerum ipsarum umbram consequimur. Si res eius sit naturae, vt pictura exprimi possit, ex contemplatione depictae tabulae iam multo clarior in ani-mis nostris oritur repraesentatio. At si accedat ipsius rei, sicut est, per



per sensus tractatio, tum demum, adhibita cura, veras & rerum ipsarum naturae conuenientes notiones adipisci licet. Denique speciatim, in cognoscendis morbis, summus sensualis perceptionis gradus censendus est, si quis eundem, quem in aliis curaturus est, morbum in suo ipsius corpore fuerit expertus, & non ignarus mali miseris succurrere didicerit. \* Atat! haec quidem πείρα nimis σφαλερὴ foret, multoque magis quam ipsa illa Hippocratica: & si cum caeteris artis molestiis haec quoque necessario subeunda foret, ut medicus, quos curaturum se profiteretur, morbos ipsemet apud sese prius persenserit, tum & vereor, ne plurimi, intra grauissimae disciplinae annos, mortalitatis suae potius documenta darent, quam acquisitae experientiae; & nescio an cuiquam vitio verti posset, si durissimam ita medendi prouinciam plane defugeret. Interim, quum nemo fere mortalium a morborum labe plane immunis sit, ii, qui feliciter emerferunt, ex his malis hunc in vicem fructum capere debent, ut, quod inde nacti sunt experientiae lumen, ad similes postea morbos peritius debellandos transferant atque conuertant.

\* Inter eas res, quibus medicina originem & incrementa debet, fuit, quod pro aegrotis valde laborantibus consilium ex praetereuntibus quaerebatur, qui eodem aut simili morbo se decubuisse meminerant, & remedii quo valetudinem receperant. Moris etiam fuit, ut, qui morbum feliciter superassent, tabulam vel aliud monimenti genus in templis ponerent, quo, quid secum actum esset in aegritudine & medicamentorum administratione, notatum erat. Tum quoque lex apud Assyrios diu valuit, qua sua experientia quicuique ciui languenti aperiebat: sicut ex HERODOTO refert b. BOERHAAVIUS in Praelectionibus ad Institutiones Medic. Vol. I. §. VII pag. 8 seq. Quin adeo PLATO de Rep. Lib. III pag. 441 D. Laemar. Medici, inquit, praestantissimi euaderent, si ab ineunte aetate,

praeter discendae artis studium, inter plurimos corpore male affectos conuersarentur, ipsique omni morborum genere laborarent, naturaque imbecilla essent. Itemque Bernardin. RAMAZZINVS in postrema Orationum posthumarum hoc argumentum serio probandum sumit, Medicum valetudinarium aptiorem esse ad medicinam faciendam, quam alterum inculcata valetudine degentem. Vid. I. H. SCHVLZII Hist. Med. Period. I Sect. III Cap. VI §. XXXXVI in Nota. Verum credo, quemlibet multo libentius HIPPOCRATIS amplexurum esse sententiam, qui praecipit in libello περὶ ἰντροῦ, statim post pr. Ἰντροῦ μὲν εἶναι προσασίην, ὁρῆν ὡς εὐχρως τε καὶ εὐσταρκος εἶναι πρὸς τὴν ὑπαρχούσαν αὐτῷ φύσιν· ἀξιένται γὰρ ὑπὸ τῶν πολλῶν οἱ μὴ εὖ διακείμενοι τὸ σῶμα οὕτως, ὡς οὐδ' ἂν ἐτέρων ἐπιμεληθῆναι.



δῆναι καλῶς. Conf idem *ἐπὶ τέχνῃς* circa med. XI Lind. Quodsi Platoni respublicae ordinandae committerentur, non omnium morborum tractatio ad vnum aliquem deferretur; sed in plures particulatim diuidenda foret medicorum prouincia: sicut e. g. mares proprie muliebrium morborum curam gerere plane non deberent, quum nec eos in suo corpore experiri possint, & inter mulieres v. c. nemo parturienti operam praestare posset, nisi quae ipsa antea partu defuncta sit. &c. At hoc faceret contra singularem Atheniensium legem, qua cautum erat, *ne femina medicinae operam daret*, ita, *ut ne qui-*

*dem parturientibus obstetrices manus adhibere potuerint mulieres.* Vid. Mr. BAYLE dans le *Dictionn. Hist. & Crit.* v. Hierophile. Dan. le CLERC dans *l'Hist. de la Medic.* Part. II Lib. III Chap. XIII & Part. III Liv. I Chap. II. Interim tamen cuique suadendum, ut sedulo ad proprii corporis, siue sani siue aegri, mutationes attendat: hoc enim valde ipsi utile futurum arbitror ad ea, quae in aliis accidunt, melius intelligenda; quemadmodum animos aliorum hominum optime perspicere potest, qui suum prius bene explorauerit animum.

#### §. XV,

Sed iam opus est priori dissertatiunculae parti finem imponere, & ad reliqua consideranda transire. (1) Praeterquam autem, quod plurima in facienda medicina requiruntur, quae nec voce nec scriptis tradi discipulis possunt, sed experientia demum magistra discuntur; non minus multa sunt in hoc studiorum genere, eaque per totum eius, quam late patet, ambitum fusa, de quibus praeter incertas coniecturas aliquid proferre, humanae menti negatum est. (2) Ut de dubiis controuersisque, quae inter medicos agitatae sunt & agitantur, nihil dicam; (illas enim magna ex parte vel ad logomachias recidere putauerint alii, vel a peruersis quorundam cupiditatibus, aut mentis imbecillitate, torpore, deprauatione &c. ortum ducere) ut taceam de istis theoreticorum speculationibus, quas practici vanitatis (3) arguunt; (hic enim vehementer obstrepet acris confidentium ratiocinatorum manus) ut omittam illa falso pro miraculis venditata, qualia frequenter occurrunt, aut impostorum fraudes, strophas, omnesque ad ostentationem comparatas artes, quas stupet profanum vulgus: certe, si quis oculos per campum medicinae circumferat, quo diutius hoc faciet, eo plura deprehendet, de quorum explicatione perspicacissima quaelibet omnium seculorum ingenia despera-

ue-



uerint, & limites humanae cognitioni positos agnouerint, compererintque, *quantum id est, quod scitur in medicina, tantum esse, quod nescitur.* Inprimis nobilis hic est quaestio de *Diuino illo, quod iam inde ab Hippocratis temporibus quaesitum est in morbis & medicina.* Sed hoc argumentum iam supra in *Commentario VII* tactum est. Adeoque, quum omne huius generis argumentum ita comparatum sit, ut humanae cognitionis modum superet, proprie non pertinet ad nostram tractationem, qua scilicet de illis solum commentamur, quae cognosci quidem possunt, sed non cum aliis ore aut stilo communicari.

(1) Vnum addo, Ill. HORMANNVM illam Celso tributam sententiam, Plura esse in medicina, quae nec dici possint nec scribi, ad explorationem Pulsum accommodare: Haec enim doctrina, scribit *Med. Rat. System. T. III S. I C. XI §. ult. pag. 274*, quia ita comparata est, ut apprime in eandem quadret, quod Celsus de Medicina generatim edixit, Plura esse &c. monendi utique sunt artem exercituri, ut experientia duce eandem mature addiscere laborent, & exquisito studio in cognoscendis ac diiudicandis pulsibus versentur.

(2) Id vero demum est recte sapere, suo se quemque pede ac modulo metiri. At si quis fucum sibi faciens, aliis se praeditum esse facultatibus existimauerit, quam quae inseruiunt percipiendae vel Naturali Theologiae, vel Philosophiae Morali, vel denique Arti Medicae, Mathematicae, & Mechanicae, hic primum hypothesin aliquam e schola Naturalis Philosophiae depromat, qua vel vnicam differentiam specificam rerum in natura possit enodare, e. g. rationem reddat, quare Gramen omne viridi ubicunque colore, nusquam alio, cernitur in-

fectum &c. SYDENHAM. *Epist. Responsoria I p. 187.*

(3) Neque Medicus, cui non alia, quam curandorum morborum provincia decernitur, quantumlibet ingenio caeterisque animi dotibus valeat, in Arte vere Medica proficiet, qui non tam in occulta & tortuosa illa methodo, qua Natura morbos parit alitque (a qua etiam eorundem historia pendet) indaganda, atque in remediis eidem adaptandis omnes animi vires intendat, quam in curiosis & ταπεινῶς speculationibus cerebrum fatiget, ad homines orco eripiendos, quod spondet medicina, ne hilum facientibus. Quae quidem praeuaticatio

effecit tandem, ut, quae Medica appellatur, reuera Confabulandi Garriendique potius sit Ars, quam Mendendi. Quamuis, si mentem serio applicuerimus, quid de facto agat natura, & quibus in operatione sua utatur organis, deprehendere valeamus; modus tamen, quo illa operatur, mortales (aut ego fallor) semper latebit. SYDENHAM. in *Diss. Epistolari ad Guil. Cole*, pag. m. 407. Idem in *Tract. de Hydrope*, sub fin. Est genus hominum, qui prae animi leuitate, ingenii ac sapientiae haud vulgaris titulum



*affectantes, Speculationes ad morborum curationem ne hilum facientes, moleste ingerunt, Medicis non tam viam prae-monstrantes, quam ignibus suis fatuis denios in errorem agentes. His natura eum ingenii modum largita est, quo de illa docte nugariqueant; at prudentiam non dedit, qua intelligant, se eam haud aliter scire posse, nisi experientia indice, atque eius peplum reuelante; quando abiectior humanae naturae conditio ad scientiam Intuitiuam nullatenus assurgens, intra angustos cognitionis, quam a quinque sensibus haurire potest, limites coarctetur. &c. Add. ibid. pag. 495 seqq. Admodum false nouellos medicos perstringit Raymundus MINDERERVS in Medicina Militari, Cap. 3. Es gehören an diesen Ort wohlgeübte Medici, so nicht also warm erst aus der kixigen Philosophischen Esse mit einem*

*rothen Haublein daher laufen, und noch voller Argumenten, so sie in einer vielleicht unnöthigen Disputation über-gelassen, und in sich selbst geschluckt, stecken; dannenhero sie den Enthymematischen Indruck immer im Kopf ruminiren und ihre Ungulas dividiren müssen. Nein, es ist hie anders beschaffen; dann der Kriegsmannische Scindapsus seine Argumenta nicht allezeit in modo & figura machet, wie die Dialectici; da er auch in modo & figura bleibt, so formiret er doch seine Syllogismos nicht allezeit über das Celarent, Darisi, oder über das Darii, so dem Herrn Baralip-ton befreundet, und dem Herrn Baroco nahe verwandt: sondern er gebraucht sich gern des Festino, Ferio, Ferison, und dergleichen; da hat denn der Kuttelwa-scher Krieg ein Ende.*

## §. XVI.

Caeterum, illum iocari putarem, si qui forte de iis hoc dictum rebus interpretari vellet, quae medico secreto reuelantur, neque ab eo propalanda sunt, sed silentii peplo inuoluenda: vt is haecenus Harpocratem referat, & mutas artes se agitare meminerit \*.

\* HIPPOCRATES in Ὀρκῷ "Α δ' ἂν ἐν θέρει πέν ἢ ἰδῶ ἢ ἀκίστω, ἢ χ' ἂν νευθέρει πέν κατὰ βίον ἀνδρώπων, ἀμὴν χρὴ πότε ἐκλαλέεσθαι ἔξω, σιγῆσομαι. ἀρρήτα ἡγεύμεν & εἶναι τὰ τοιαῦτα Io. Henr. MEIBOMIUS in Commentario in Iusur. Hipp. Cap. XIX §. 19 & 21 de hac silentii virtute in Medico, explicat Virgilianam mutarum artium appellationem: Ego, inquiens,

quod pace aliorum interpretum dixerim, non ineptum putauerim, si quis artem nostram, etiam hanc ob causam a Poëta mutam vocari censeat, quod taciturnum Medicum esse oporteat, & cum primis silentio ea premere, quae ab aegris ipse concreduntur, quaeque secreta hi esse cupiunt, & aliis aut in vulgus esse nota, minus conducit.

## §. XVII.



## §. XVII.

Veniamus nunc ad alteram de sensu propositi apophthegmatis sententiam, quae non tam de facienda medicina, quam de ipso Medico, eiusdemque a natura, studio, fortuna tributis dotibus, illud explicat. Tota haec explicatio ad ea restringitur, quibus medicus sibi secundam fortunam \* conciliare aut polliceri possit; &, quum inter homines nulla prospera fortuna speranda sit, nisi amorem hominum, qualemcumque & quacunque ex re consequamur, quomodo is amor comparandus sit. Equidem cum b. LENTILIO nullam aliam prosperam fortunam intelligo, quam quae hominem, per omnem usque vitam constanter & perpetuo, solido gaudio beatum ex praesenti felicitatis tenuiore conditione ad maiorem eius gradum transmittit. Quam ad rem quum omnia praesidia circumspicio, cunctis aut infirmis, aut fallacibus, aut minus plenis, aut inconstantibus, aut plane aduersis, vna remanet religiosa, summoque rerum omnium gubernatore confisa, quorumlibet officiorum cura, eademque in aeternae prouidentiae sapientissimis arbitriis cum certa animi persuasione acquiescens: Nec permittendum est, tantum veri rectique studio probrum fieri, vt illud colendo minus felices nos fore credamus, quam prauis cupiditatibus morem gerendo, & malas artes sequendo. Quo magis igitur hanc regulam seruamus, id est, in omni verae virtutis studio consuescimus, eo feliciores erimus: quo magis contra inde deflectimus aut cynosuram virtutis ac pietatis ex oculis amittimus, eo grauioribus periculis, malis, calamitatibus expositi sumus. Inprimisque cauendum, ne vitia aliis emendare vitiis studeamus, vt saepe fit, &, quemadmodum ait HORATIUS,

*Dum vitant stulti vitia, in contraria currunt.*

Quae quum de omni hominum vita valeant, ad Medicos quoque pertinent: & iam HIPPOCRATES multum hac in re vidit, vt homo scilicet caelestissimi luminis haud particeps; neque vllum eius exstat nobilius effatum, quam quum dicit περί ευσχημοσύνης IV, 13, seqq.



Lind. Δεῖ μετάγειν τὴν σοφίην ἐς τὴν ἱητρικὴν, καὶ τὴν ἱητρικὴν ἐς τὴν σοφίην. Ἱητρός γὰρ φιλόσοφος, ἰσόθεος κ. τ. λ.

\* Exstat erudita *Dissertatio de Fortuna Medica, ad Hippocrat. de Loc. in Hom. Text. LVIII sub fin.* praeside V. Ill. L. HEISTERO habita 1722 a M. Io. Christi. Rabe. Σὺν Θεῷ κ' Φύσει fortunam in potestate habere potest Medicus.

Foedere enim mundum certo fabricaque stupenda

Composuit (*Deus*) firmisque potens moderatur habenis,

Indidit & fixas leges, & iussa veneranda

Addidit, vt, faciles haec qui moderamina vellent

Obsequio spectare pio, prosperissima vitae

Tempora continent, & caeli pace fruuntur.

Hi laeti peragunt, ratio quod muneris atque

Sors sua quemque iubet; tum, sint quaecunque (sed esse

Cuncta sciunt) documenta Dei patrisque fauentis,

Accipiunt animo grato: nam comoda iustis

Magna ferunt, reliquis quae deploranda videntur.

Et quamuis animi, potior, sedare tumultus,

Cura sit, & patriae luis insita semina cautâ

Suffocare manu: aut pravae contagia turbae

Pellere mente procul castâ; veterisque repente

Si qua mali labes haesit, mox fonte salutis

Eluere infectum scelus; & solatia lenis

Placatique Dei laeto comprehendere sensu;

Atque piatorum iura, & dulcissima longe

Gaudia propitii caeli contingere; quamuis

Terrenas illi nec opes, titulosue requirant

Deliciasue leues: vltro tamen ista sequuntur,

Quodque sibi satis est, obtingit, quodque benigno

In tenues animo possint transfundere laeti.

At licet aut fortuna minas intetet iniqua,

Aut fera bella mali moueant. Immobile pectus

Excipit hos fluctus tanquam Marpesia cautes.

#### §. XVIII.

Erunt fortassis, qui studium virtutis conuersantibus cum prauis plerumque hominibus obesse potius ad procurandam felicitatem putabunt, quam prodesse; idque propter hanc quoque causam, quod mo-



molestē ferant homines, in aliis virtutem inesse, quam ipsi sibi induere nolint. Verum, ut praetermittam, haud adeo malos fore reliquos, nostri similes, mortales, nisi nosmet ipsi, suspicionibus nimium indulgendo, culpam eorum, quae contra voluntatem nostram accidunt, semper aliis potius, quam nobis, imputando, nihil imbecillitati humanae aut innocenti libertati remittendo, delicta acerbe & impotenter increpando, quaevis in malam interpretando partem, similibusque rebus, peiores eos efficeremus ipsi: certe non adeo deleta in animis hominum, etiam pessimorum, est virtutis existimatio, ut non adament eam & laudent in aliis multoque libentius cum probis, munerisque sui satagentibus versari, agere, & quaelibet vitae commercia inire velint, quam cum caeteris, modo peruersa singularitas & ostentatio absit, nec pravae cupiditates simulata virtutis specie tegantur; quae tamen diuturnitatem minime spondere potest. Si quis autem est *minutus philosophus* \*, qui nimiam mihi hac in re tribuat simplicitatem, & irrideat, qua corruptissimos hominum animos non perspiciam: illum quidem hoc modo de sese confiteri doleo; & nihilo tamen magis hunc meum errorem dimittam, ut qui tam multum conferat ad vitam iucunde beateque transigendam. Sed maximum hic habet pondus, quod hoc de aliis hominibus iudicium conuenit cum praecepto CHRISTI, Matth. VII, 12 qua *omnia quaecunque nobis ab aliis fieri velimus, ipsis vicissim praestare iubemur.*

\* *Minuti Philosophi dicuntur CICERONI, qui illa sapientum decreta, quibus publica priuataque generis humani felicitas continetur, impugnant. Sic de Diuinatione I, 62 c. 30. pr. Epicurum igitur, inquit, audiemus potius? namque Carneades concertationis studio, modo ait hoc, modo illud. At ille quid sentit? sentit autem nihil unquam elegans, nihil decorum. Hunc ergo antepones Platoni & Socrati? qui ut rationem non redderent, auctoritate tamen hos minutos philosophos vincerent. Et de Senectute, prope finem, Quod si in hoc erro, quod animos hominum immortales esse*

*credam, lubenter erro; nec mihi hunc errorem, quo delector dum vivo, extorqueri volo: sin mortuus, ut quidam minuti philosophi censent, nihil sentiam; non vereor, ne hunc errorem meum mortui philosophi irrideant. Ex Cicerone hanc appellationem mutuatus est Celebrerrimus Anglus, D. BERKLEY: pulcherrimum enim librum edidit, VII Dialogis constantem, contra similes veri rectique oppugnatores nostris temporibus; qui liber inscribitur, Alciphron, or the Minut Philosopher. Idem mox in Gallicam translatus linguam, sub hoc titulo 2 tomis prodiit a. 1734, Alciphron,*



ou le Petit Philosophe, en sept Dialogues; contenant une Apologie contre ceux, qu'on nomme Esprits - Forts. (Eadem fere nominis ratione, qua falsae peruersaeque affectatores elegantiae morum appellari consueuerunt *Petits - Maitres*: similiter, apud RAPIN. in *Reflexions sur*

*l'Eloquence de la Chaire*, §. 26 *Petits Predicateurs*, qui font les zéles contre les mouches, les garnitures, la coiffure, & les autres vanitez des femmes.) A. 1737. Teutonica quoque versio prodiit, à Wig. KAHLERO concinnata. Nominis ratio redditur in Dialogo I §. X.

## §. XIX.

Caeterum, in hoc negotio quaedam adhuc monenda videntur. Primum, quum maximum ad prosperam fortunam momentum in aliorum hominum amore situm sit; hic autem solo simili amore obtineri possit, quemadmodum illo vulgatissimo monemur, *Si vis amari, ama*: propterea, quatenus aliorum hominum beneuolentia demerenda est ad constituendam prosperam fortunam, quae huc faciunt officii partes, vno omnes Amoris praecepto continentur. Deinde notandum, illam dexteritatem iucunde cum quibuslibet hominibus versandi, & ita sese gerendi, vt, quae facimus aut dicimus, grata sint aliis & accepta, contineri, (si recte rem reputamus, nec vanitates admiscemus) habitu quodam virtutis, per ipsam frequentem cum hominibus consuetudinem, & crebram officiorum cuiusque generis exercitationem acquisito; proinde solo rerum vsu addisci, neque eatenus dici aliquid aut scribi de ea posse. Tum obseruatur, potissimum in hac re esse, vt amor appareat & studium sincerum aliorum commodis inseruiendi obsequendique, & huc omnia referendi; tum facile, si quid in aliis rebus minus bene sapienterque fiat, id condonari; nec magnopere requiri eruditionem, aut aliam quandam quacunque in re praestantiam, quin haec odio haberi, si primum illud defuerit: optimum tamen esse, si vtrumque coniungatur. Generatim autem illa morum in conuersando suauitas ex pluribus censeri debet virtutis speciebus, vt affabilitate, comitate, modestia, candore, honestate, tranquillitate, &c. de quibus omnibus multa praeclara habet HIPPOCRATES, praesertim in libro *περί ευσχημοσύνης*, & *περί ἡτρωῦ* post pr. eademque vt veris radicibus nixae sint, necesse est. Sed tamen vna virtus est, vnumque omnibus actionibus tenorem



norem inducit, licet pro rerum negotiorumque varietate vario habitu apparere soleat. Denique stabiliamus hoc principium, Nul- lum alium in quacunque re agenda scopum prae oculis habendum esse praeter officii exsequendi rationem: (1) item alterum, Graui- ores officii partes prius curandas esse, deinde quae sunt leuiiores, & illis prioribus faciliorem modo successum, maioremque gratiam conciliant (2).

(1) Actionum enim integritas atque virtus censetur conuenientiâ cum illis regulis ad quarum praescriptum eae per- agenda sunt: Neque has sibi quemque regulas pro arbitrio fingere licitum esse arbitror; sed sumi debent, prout ex aeternae veritatis legibus, reuelatione & ratione magistris, cognoscuntur. Ast hoc opus, hic labor est: & eum ego

magna laude dignum existimo, qui parum aberret.

(2) Quo referrem e. c. ea, quae per- tinent ad externum cultum corporis. Praecipit hac de re etiam HIPPOCRATES, vt in libro *περὶ ἰντροῦ*, paullo post initium (supra *Proleg.* §. XXIV.) it. *περὶ εὐσχημ.* II Lind. & *Παραγγελ.* IX, 14 seqq.

## §. XX.

Non tamen praetereundum est, ipsam Medicinalem artem ita comparatam esse, vt, qui eam profitentur, iis gratiam aliquam apud homines propter se conciliet. Quid enim magis desiderent homines, quam bene valere & diu viuere? quos pluris facerent, quam eos, qui ipsis ad vtrumque auxilio fore promittunt, & prae- stant? quos familiarius amarent, quam eos, quorum fidei ea, quae carissima & secretissima habent, vitam ac valetudinem eiusque ratio- nes credunt atque permittunt? Quapropter vere dixit HIPPOCRATES, aut quisquis auctor est libri *Praeceptionum*, §. IX 30 ὅτι ἐν ἑαυτῇ μόνῃ ἀπείσῃς Medicinae ἐστὶ χάριςσα. *Medicinalem professionem ipsam per se solam gratiae plenam esse* \*.

\* Probi Medici, secundum HIPPO- CRATEM *περὶ εὐσχημ.* textu II Lind. sunt *χάριτι δατιδόμενοι*, ita instituti com- positique, vt gratia comitetur ipsorum ope- ra. Vid. supra *Commentar.* I §. 12. it.

*Proleg.* §. XXII not. 1 & §. XXIV. ARISTOTELES alique Graeci hanc vocem ita de Medicis Dogmaticam medendi rationem secutis vsurpant, vt appareat, eius sectae medicos hoc nomine com- mu-



munitur appellatos, ab aliisque, praefertim Empiricis, discretos fuisse. ARISTOTELES quidem, I Nicom. 13 sic loquitur, Τῶν ἰατρῶν ΧΑΡΙΕΝΤΕΣ πολλὰ πραγματεύονται περὶ τὴν τῶ σώματι γνῶσιν· θεωρητέον δὲ καὶ τῶ πολιτικῷ περὶ ψυχῆς. Ad quem textum EVSTRATIUS haec notat, Ἐἰς μὲν καὶ τῶν ἰατρῶν πολλοὶ, καταφρονεῖντες τῆς τῶ σώματος γνῶσεως, ἀλλ' οἱ τυγχόντες ἑτοί καὶ φαύλως ἔχοντες· οἱ δὲ ΧΑΡΙΕΝΤΕΣ, καὶ ὡς περὶ τερπνὸν τι καὶ καθεστῶτικόν ἐν ἰατρικῇ ἔχοντες, ἔχ' ἔτως. Plura videri possunt apud Iac THOMASIVM in Programmate XXIV de Arte Medica; qui, hac in voce elegantioris culturae, supraque vulgum enitentis, & honestissimis rationibus gratiam sibi & amorem quaerentis, ingenii laudem esse, docet. Conferre iuvat locum ARISTOTELIS ex fragmento libelli de Sanitate & Morbo, in libro de Respiratione cap. ult. extr. pag. 732 Tom. I edit. Guil. du Val, Τῶν ἰατρῶν ὅσοι κομφοὶ ἢ ὑπὲρ τοιοῦτοι λέγουσι τὰ περὶ φύσεως, καὶ τὰς ἀρχὰς ἐκείθεν ἀξιούσι λαμβάνειν· καὶ τῶν περὶ φύσεως πραγματευδέντων οἱ ΧΑΡΙΕΣΤΑΤΟΙ σχεδὸν τελευτῶσιν εἰς τὰς ἀρχὰς τὰς ἰατρικὰς. Quae ipse clarius explicat in I. de Sensu & Sensili, cap. I pag. 638 Σχεδὸν τῶν τε περὶ φύσεως οἱ πλείστοι, καὶ τῶν ἰατρῶν οἱ φιλοσοφώτεροι τὴν τέχνην μετιόντες, οἱ μὲν τελευτῶσιν εἰς τὰ περὶ ἰατρικῆς, οἱ δ' ἐκ τῶν περὶ φύσεως ἀρχόνται περὶ ἰατρικῆς. Scripsit idem THOMASIVS singularem dissertationem ea de re, quare Facultas Medica appelletur Gratiola, quae dissertatio ante paucos annos 1734 Schnebergae in 4 recusa est. Add. Io. Henr. MEIBOMIVS in Insurr. Hippocratis, cap. 4 sub finem. Ex Thomasio Programmate adhuc pauca subiungam. Pet. BLESSENSIS in Epistola 43 eadem

appellandi ratione sequentem in modum vitur, Frequenter equidem ex aptitudine medici gratiosa, & ex quadam confidentia, quam aegrotus inde concipit, natura iam deficiens conualefcit. THOMASIVS mallet legere, gratiosi. ARNOLD. VILLANOVANVS Parabol. Medicat. doct. 7 cap. 3 Opp. fol. 1038 edit. Basil. 1585 & ex hoc TIRAQUELLVS de Nobilitate c. 31 n. 418 Doctor gratiosus & efficax parabolis vitur ad occulta per sensibilia declaranda. Aliquatenus etiam huc pertinent verba Platonis infra §.XXII not. 2 proferenda. Insigne Medicorum gratiae & venustati testimonium perhibet Io. CASELIVS, in Epistola ad Henn Arnisaem, qua ipsi gratulatur de summo in Medicina honore: ubi inter alia, Medici, inquit, pluribus familiares sunt, ipsosque multis familiares cum benevolentia & comi alloquio esse necesse est, ut vel hac de causa medicorum familiaritas & amicitia expetenda aliis hominibus doctis esse videatur. Et, Sunt medici iurati veritatis cultores, & perpetui indagatores causarum: etenim sine ratione nemo vestrum latum digitum processerit. Hinc natum est, & in perpetuum celebrabitur, eundem & philosophum & medicum esse. Divinum profecto studium, quod sui cultorem in tuto ut plurimum collocat, nec uspiam gentium necessariis egere permittit. Et de Archiatris, Multum apud reges possunt, & faciunt, quod in ipsis est, boni: possunt, ut qui quotidie in prima, ut merentur gratia sint, & aditum habeant ad heros, & uti tempore etiam norint. Per totam autem epistolam complures Medicos χαριεῖς, quibuscum sibi consuetudo & amicitia intercesserat, eximiis condecorat laudibus, & ita amoena suauisque sermonis copia, ut appareat, quam grata sibi illorum fuerit memoria.



## §. XXI.

Iam de *Eloquentia Medici* nonnihil afferemus in medium. Posset quidem alienum videri, a Medico postulare eloquentiam: utpote quum tralatitium sit, *morbos non eloquentia, sed remediis curari*; (1) quum summus auctor HIPPOCRATES persaepe silentium potius in administrandis artis operibus commendat; (2) quum a Philosophis inter eas artes referatur medicina, quarum tota fere ratio in operando consistit; (3) quum denique ab acerrimi iudicii auctore P. VIRGILIO *mutae* vocentur *artes medicorum*. (4) Et sane illa orandi praestantia, quae proprie vocatur *Eloquentia*, siue a natura adsit, siue studio quaesita, nocere potius veris artis operationibus videtur, quam easdem adiuuare: quamobrem praecipuum aliquod praesidium, quod medico comparandum sit, habendum non est; ut ea ratione medico illa tantum *in Tacendo Eloquentia* (5) commendari debeat. Attamen, multum ad commendationem medici conferre eloquentiam, negari non potest. *Est enim, ut ait QVINCTILIANVS Inst. Orator. Lib. XII, 10, 74 iucunda auri* (6) *ac fauorabilis qualiscunque eloquentia, & ducit animos naturali voluptate vox omnis; neque aliunde illi per fora atque aggerem circuli: quo minus mirum est, quod nulli non agentium parata vulgi corona est.* Et de Medicis speciatim PLINIVS Maior Hist. Nat. Lib. XXIX Cap. I *ut quisque inter medicos loquendo pollet, illico fit imperator vitae nostrae necisque.* Adeoque nimium quam saepe videmus, circulatores, aliosque perperam medicinae faciendae se ingerentes, orationis lenociniis blanditiisque, verbosis strophis, magnificis pollicitationibus, & similibus rebus, popularem captare auram & aegros venari. (7) Sed illa peruersa dicendi siue potius nugandi ratio neque nomen eloquentiae meretur, & in oratore suo *circulatoriam iactationem & volubilitatem* damnat FABIVS, (8) & in medico frequenter HIPPOCRATES (9).

(1) CELSVS de Medicina, Praefat. p. 10, 33. Almelou. Similiter CICERO de Oratore I, 62 c. 14 Neque vero, inquit, Asclepiades is, quo nos medico amiceque usi sumus, tum, quum eloquentia

vincebat caeteros medicos, in eo ipso, quod ornate dicebat, medicinae facultate utebatur, non eloquentiae. Conf. Id. de Orat. 2, 38 c. 9.

(2) Ex. gr. de Medico I, 13. *πρῶτον ἐν*



ευσχημοσ. II, 25 seq. Παραγγελίαις  
III in. Contra, prouerbii loco vsurpa-  
ri solet MENANDRI sententia, Ἰατρὸς  
ἂν δόλεται ὅσοι ἔντι πάλιν νόσῳ.

[3] Supra §. II. not. Quapropter et-  
iam HIPPOCRATES subinde monet, vt  
ipso nos opere medicos ostendamus,  
non verbis aut ratiocinando disputan-  
dum: vid. Νόμ. I extr. & III, 4.  
περι ευσχημοσ. pr. & III. IV. Παγγε-  
λ. II. III pr XI pr. praecipuus item  
locus est περὶ τέχνης extr.

[4] De hoc iam supra §. II not.  
Addo Franc, PETRARCHAE de Maronia-  
na appellatione sententiam, ex Inuecti-  
ua III contra Medicum quendam, Nec  
a casu medicinam Virgilius mutam vo-  
cat, sed quoniam muta debet esse, non  
loquax: Vos autem eo rem deduxistis  
impudentia vestra, vt de mutis parabo-  
lani dici merueritis.

[5] De qua non sine singulari volu-  
ptate fructuque legi potest Dan. Ge.  
MORHOEII peculiaris Dissertatio.

[6] Proposui verba, prout eadem  
reconcinnauit Celeb. GESNERVS: quum  
in vulgari lectione prorsus non possint  
intelligi.

[7] Nihil enim tam facile, quam vi-  
lem plebeculam & indoctam concionem  
linguae volubilitate decipere, quae, quic-  
quid non intelligit, plus miratur: ait  
HIERONYMVS in Epistola ad Nepotia-  
num de vita Clericorum, fol. 16 B  
Erasmi. Hanc autem circumforaneo-  
rum & praestigiatorum peruersitatem  
grauiter coarguit Christi. Mich. A-  
DOLPHI in Diff. de aegrotantium Con-  
clau pag. 84, prouocatque ad Accvr-  
sivm, his eisdem castigantem verbis,  
Loquacissimi sunt & ita doctissimi vulgi  
sententia habentur; re vero & opere  
sunt ineptissimi, & artem inter omnes  
summe honorandam & a summo Deo  
hominibus concessam dedecorant.

[8] Instit. Orat. 2, 4, 15 & 10;  
1, 8.

[9] Vid. supra Commentar. II.

## §. XXII.

Si qua tamen eloquentia medico tribui debet, ea, simpliciore vo-  
cabuli acceptione, non illa exquisitiore & splendidior, (1) consi-  
stet fere in tali dicendi facultate, qua medicus ea, quae ad curan-  
dum morbum agenda videt, aegrotantibus aut horum necessariis,  
addo & medicis vna secum consultantibus, perspicuo sermone de-  
clarare, rationibus intellectu facilibus astruere, aut nonnunquam  
sola sua vel aliorum auctoritate firmare, denique homines ad ea,  
quae facere debent, exsequenda permouere, similiterque ab iis, quae  
non sunt facienda, auertere; & hunc in finem praesertim fiduciam  
sui & amorem aegro, & bonam in eo spem excitare valet, (2) quan-  
tum haec oratione effici possunt. Multum profecto talis facundia  
conferet ad morbum feliciter superandum. (3) Eadem porro cen-  
setur partim naturali solertia, & bene celeriterque cogitandi loquen-  
di-



aliquae facultate; partim exercitatione apte distincteque cogitandi, eademque cohaerentiae suauitate sensus animi promendi; partim, artis peritia, & eruditionis experientiaeque copia, pectore recondita; partim animo ad omnem virtutem, studio & exercitatione, composito. (4) Vt igitur ab inani circulatoriaque garrulitate sermoneat medicus *Χαρίεις*, omnis eius eloquentia, sicut caeterae etiam eloquentiae species, ex animi diuitiis redundare debet, ut, quae loquitur, *sensu tincta* sint. (5) Quanquam autem illa dicendi facultas proprie medicum non faciat, & vel elinguis medicinam exhibere possit; quia tamen multa magnaue commoda praestat ad sanationem morborum melius, facilius, & iucundius consequendam: ideo meliorem maioremque facere medicum censenda est. Et haec quidem propius ad artis exercitium faciunt.

(1) Vir Celeb. C. A. HEVMANNVS in Progr. de Eloquentia Medici, a. 1731 edito, Duo statuit eloquentiae genera, aliamque publicam dici oportere, aliam familiarem; & de posteriori genere se loqui profitetur, quum eloquentiam laudat medicorum: eosque eloquentes medicos habendos esse docet, qui emineant facultate sermonem effundendi perspicuum, iucundum ac sapientiae humanitatisque plenum. Talem facundiam ab HIPPOCRATE significatam existimo, quando *ὅρι' εὐσχημισ.* II 3<sup>a</sup> probis medicis ΕΥΕΠΙΗΝ tribuit. Quocirca etiam in Παρὰ γ' ελ α' XII ad emendandam in discipulis Medicis (de his enim interpretor *ἀσαφὲς γλῶσσης* eiusdem causam explicat, in quibus praecipue est, *τὴν περὶ περὶ ἑξάγγελται, ἑτέρα ἐπιλαβεῖν ἢ περὶ τὸ διανενονμένον εἰπεῖν, ἑτέρα ἐπιδιανοεῖσθαι.*

(2) Parabolis utendum esse medico ad occulta per sensibilia declaranda, sententia est Arnoldi VILLANOVANI, vid. §. XX not. & add. §. X not. 4. Sed

de hoc, & caeteris hic propositis Medici virtutibus passim iam in pertractatione libri de Honestate plura dicta sunt. Postulant autem plerique omnes, praesertim eruditiores, a medico suo, ut rationem eorum, quae imperat, reddat; idque iure suo postulare videntur, quum de ipsorummet ludatur corio. Ita PLATO de Legibus l. IV non longe ante fin. pag. 602 Lacinar. *iber medicus*, inquit, *ut plurimum morbos curat atque considerat ita, ut a principio morbi naturam perquirat, communiterque cum aegrotante atque eius amicis versetur, tum discendo ab illis nonnihil, tum, quoad fieri potest, docendo; nec ante imperat quicquam, quam persuaserit. Atque ita persuadendo semper mansuete ad sanitatem perducere aegrotantes conatur.* Et de ARISTOTELE refert AELIANVS in Varia Historia, IX, 23 *Ἀριστοτέλης ἐνόσει ποτὲ περὶ ταξὶς δὲ αὐτῷ ὁ ἰατρὸς περὶ ἰαγμάτι καὶ ἐκεῖν' αὖ, Μήτε ὡς βοηλάτην με, ἔφη, θεράπευε. μήτε ὡς σκαπανέα, ἀλλὰ διδάξας περὶ τὴν αἰτίαν, ὥτως ἕξεις ἐτοιμον πρὸς τὸ*



παίδεσθαι διδάσκων ἐκ τέτων, μὴ δὲν χωρὶς αἰτίας δευτοερεῖν. Verum non semper aegrotis sciscitantibus satis a medicis fieri posse, suo demonstrat exemplo Io. CASELIVS, in allegata Epistola, Quod neque haec, inquit, omnia intelligerem, & hoc pacto plus me affecuturum considerem, reieci me in respectum praesidium humanae valetudinis. De Fiducia aegri conf. Diss. de Fortuna Medica, praef. L. HEISTERO habita, §. XIII.

(3) Oraculum quasi hac in quaestione pronunciauit grauiissimus auctor Io. Mar. LANCISIUS in Diss. de Studiis Medicis §. XI, Opp. Tomo II pag. 210 seq. Eloquentiae emolumentum in Medico praeterire non possum: praesertim, quum multos videam Celsi auctoritate hanc facultatem in re medica parui pendere, existimantes, non verbis, nec eloquentia morbos curari: quod certe in acutissimis, qui omnem plerumque mentis usum aegrotis auferunt, locum habet, & ubi quidem artis demonstrationes iucundius est operibus, ut Hippocratis phrasim usurpem, quam sermonibus ostendere. Verum in caeteris tractandis malis, praeterquam quod disertus Medicus splendorem, dignitatem, immo saepe admirationem sibi conciliat; dicendi vis summopere prodest. Sunt non pauca insuper morborum genera, quae quum ne curari quidem debeant, id tantummodo in iisdem praestare Medicus utiliter potest, ut aegris maximo conatu persuadeat, ne medicam opem ad aegritudines suas depellendas implorent, satiusque illas tolerare ducant quam tollere, quum iis ablatis mors pro foribus adsit. Praeterea, quaecunque corporis incommoda ab animi pathematibus oriuntur, profecto incassum Medicus profligare conabitur, nisi aegrotantes dicendi quo decet robore flectat & moueat; praesertim, ubi vel

a voluptatibus eos abducere, vel ad doloris plena remedia debet impellere. Quamobrem istud eloquentiae genus, medens eloquentia dicitur Celeb. HEVMANNO, c. I. qui & memorabilia quorundam medicorum exempla refert. Sic Augerium Ferrerium SAMMARTHANVS in Elogiis L. III Cap. 30 narrat, hilaritatem quandam & festiuitatem in vultu, in sermonibus, in omni actione praetulisse, idque ad leuandos aegros non mediocriter conducere iudicat. Et L. I C. 10, Iac. Hollerium aegrorum mentes non minus quam corpora, iucunda sermonis comitate & hilaritate recreare solitum fuisse. Adeoque Franc. Rabelais sic statuit, Quum sanitati conseruandae nihil magis officiat, quam moeror & aegrimonia, prudentis medici partes esse non minus in mentibus hominum exhibendis, quam in corporibus curandis laborare: vid. Sammarthanus Elog. L. I Cap. 14. Quicum consentit Ioh. WOODWARD in Medicinae & Morborum statu. V pag. 53 seq. Omnis medico & prima impendenda cura, ut excitetur phantasia, dirigantur rite passiones animi, & spe continua erigatur aeger. Versatur in hoc maximum artis momentum, necessarium adeo, ut, hoc neglecto optima quaeque remedia, summo licet studio excogitata, in variolis aliisque morbis magnis, acutis generatim, sint frustranea. Persuassissimus sum, multo plures vita excedere anomaliis inductis ex terrore, metu, impressione quam caussatur vel conspectus vel relatio imprudens amicorum aut adstantium, quam ipsa morbi malignitate. Certum est, in metu claudi ordinarie pylorum, & sic pro tempore communicationis viam ventriculum inter & sanguinem intercipi. Quandoquidem vero ventriculus fons est materiae variolosae, latere nequit ratio, quanto & quam sub-



bitaneo sit variolis praeiudicio hic animi affectus, & quam saepe perniciosus atque fatalis. Sic GALENVS de Sanitate tuenda Lib. I c. 8 pag. 131 Tom. II edit. 1561 Frob. scribit, Nos aegros quotannis non paucos persanauimus, solis animi motibus ad debitum modum reuocatis. Addit ibid. Aesculapium, ad motus animosae partis moderandos, adhibuisse cantilenas, melodias, &c. Hinc Io. Henr. SCHVLZE Hist. Medic. Per. I Sect. II Cap. II §. XI & XVII rationem reddit τῶν μαλακῶν ἐπασιδῶν, quas Aesculapio tribuit Pindarus Pyth. III stroph. 3. quae alias de magicis incantamentis accipi solent. Similiter de Musices viribus explicari forte posset dictum Zamolxidis apud PLATONEM in Charmide non longe post pr. pag. 236 seq. Laemar. Quemadmodum non est curandum oculos sanare sine capite, neque caput sine corpore: ita neque corpus sine animo. Et illam esse causam cur Graecorum plurimi morborum curationem ignorarent, quod totum ipsum, cuius maxima cura erat habenda, negligerent. Curari autem nimium incantationibus. Quantum Pythagorica disciplina tribuerit Musicae, notum est.

(4) Constat experientia, homines fere nolle persuaderi sibi aliquid ab iis, quorum de prauis animi cupiditatibus vitiisque siue certi sunt, siue opinio, siue suspicio mentibus ipsorum sedet: certe multo procliuiiores ad auscultandum obsequendumque sunt, si de dicentis probitate voluntatisque integritate antea persuasi sint; & id quoque quam maxime operam dare solent oratores, vt boni viri, si non sint, tamen esse videantur, qua de re QVINTILIANVS passim. Sed nec hac in re simulatum potest esse diuturnum: & nisi animus vera virtutis cultura probe

subactus sit, non potest eum natium, non adscitum, affectus, candoris, integritatis, recti verique colorem habere oratio, aut vultus, aut omnis gestus corporis, qui color in afficiendis, flectendis, tractandis animis plurimum potest, eosque occulta vi parat, mouet, ducit, trahit. Eo autem magis necessarium in dicente est hoc studium, quo plura dicenda sunt, quae sine proprii penitiorisque sensus claritate non satis intelligi, nedum sermone recte explicari possunt: qua de re iam ante monui. Et quomodo credibile est, posse aliquem aliquid, inprimis de propria virtute, persuadere aliis, de quo ne ipse quidem persuasus est? Accedit in medicis, quod hi in medio rerum actu loqui coguntur, nec permissum est orationem domi compositam & omnibus persuadendi artificiis instructam afferre. Denique longe facilius, expeditiorque, certior, & constantior ad eloquentiam via est in studio probitatis veraeque sapientiae habituque virtutis, quam in leuibus, perplexis, & alienis superficialiae orationis artibus: vt haecenus quoque cum M. FABIO Lib. XII, 11, 12 vere intuenti mirum sit illud magis, malos esse tam multos. Sed de toto isthoc argumento propria est traditio magistrorum dicendi vbi de ἡδεσ oratoris tractant. Hoc apparet, quo in nostram sententiam perducantur homines, duo requiri, alterum, vt persuasi sint, posse nos ea quae promittimus, efficere, alterum, hoc etiam velle, & praesertim ipsis bene cupere. Vt de facultate nostra bonam spem concipiant, conducit, praeter alia, etiam consilium HIPPOCRATIS §. XLV. not. prolatum. Ipse autem Medicus artis suae fiduciam habere debet, si aliis eam facere velit. Caeterum, quid inter studium virtutis rectique



rectique dicendi generis intercedat commercii, pulchre docet Io. CASELIVS a. l. vbi de Cratone narrat, *Eum valde dilexisse, qui hoc studium pure eleganterque eloquendi scribendique colerent, iudicantem, qui bene prudenterque scriberent, eosdem perpetuum item studium in rectae vitae cultu ponere.* Ac sane, pergit Caselius, qui sermonem negligunt, unam de praecipuis vitae partibus negligunt: etiam vidi, qui quum initio commodae scriptioni minus studuissent, postquam serio animum virtute & mentem scientia perpolire coepissent, se quoque convertisse ad scribendi rationem accuratorem. Quod eo minus mirum, quia, qui sapientiam ad scribendum affert, quod est absque fuce ornamentum in lucubrando primum, abstergere sordes verborum nullo fere negotio potest.

(5) Zeno apud QVINCTILIANVM Inst. Orat. Lib. IV. 2, 117 vbi de Aristotele similia affert Celeb. GESNERVS. Sic item STOBAEVS in Sermone XXXVI med. refert, Τῶν τις ἐν Ἀκαδημία νεανίσκων περὶ ἐπιτηδεύματων διαλέγετο ἀφ' ὧν ὁ δὲ Ζήνων, Ἐὰν μὴ τὴν γλῶσσαν, ἔρη, εἰς νῦν ἀποβρέξας διαλέγη, πολὺ πλείω ἔτι καὶ ἐν τοῖς λόγοις πλημμελήσεις. Qui idem esse Zeno videtur cum eo, quem Quinctilianus commemorat. Sic in Medentibus quoque, *Pectus est, quod disertos facit, & vis mentis*; quod FABIVS generatim pronunciauit. Nam sine hac quidem conscientia, ipsa illa ex tempore dicendi facultas inanem modo loquacitatem dabit, & verba in labris nascentia, Lib. X, 7, 15 & 3, 2. Quapropter etiam HOMERVS aliique heroibus suis verba tribuunt pectore prolata. Sed de his plenior est rhetorum tractatio. Ethatenus quidem verum est, quod Socrates dicere solebat, omnes in eo, quod scirent, satis esse eloquentes, vt prodit

CICERO de Oratore I c. 14 extr. HIPPOCRATES in suis sequacibus talem dicendi formam saepe exigit: vid. supra περὶ εὐσχημοῦ. IV, 5 III, 3 & 5; VI, 2 cum Comment. & add. Proleg. §. XVI. Hinc mirum non est, Medicorum quorundam orationem rotundis acutisque dictis constare, & solis veluti nervis, ossibus, tendinibusque contineri atque adstringi, tanquam firmum ac stabile sceleton, quod molliore succo & carne fere careat, nisi in vestienda quoque oratione singulare studium & industriam ponere voluerint. Est ipsorum oratio quum maxime sobria & naturalis, aliunde arcessitum & peregrinum cultum negligit, aliturque non lautiori & exquisito dapum genere, sed tanquam caseo & pane cum aqua pura, siue, quemadmodum est in veteri versu,

*Glans alit & prisco more bibuntur aquae.*

Rationem III. HOFMANNVS in Diff. de peruersis iudiciis de Medicis & Medicina §. III hanc affert, Quod in viro profundi iudicii, quale in medicina facienda necessarium est, haud facile reperitur loquacitas, vtpote quae ex memoria ortum ducat, felix autem memoria raro cum acri iudicio coniuncta sit. Hinc etiam CASELIVS c. l. Pet. Memmium, medicum, dilaudat, quod disertus fuerit supra conditionem vitae generis. Denique, vt concludam, Eloquentia Medici, trium dicendi generum proxime conuenire mihi videtur illi Menelae, cui Homerus breuem quidem cum animi incunditate & propriam & carentem superuacuis eloquentiam dedit, maiorem etiam mereri laudem, si cuius ex ore dulcior melle profluit sermo



*sermo, qualis fuit Nestoris: sed summam illam, quam Vlyssi tribuit, facundiam, procellam eloquentiae, orationem niuibus hibernis & copia verborum*

*atque impetu parem, in medico non desiderari: vid. QVINCTILIANVS Lib. XI, 3, 158 & XII, 10, 64.*

## §. XXIII.

Plerumque tamen in medentibus requiri solet, vt fermocinationibus & narratiunculis, quae ad morbum praesentem nihil quidem aut parum pertinent, aegrotantibus praesto sint, & nonnunquam otiosum cum illis tempus confabulando fallant. Et, quum ad utilitatem aegrorum omnis medici vita accommodari debeat; non utique improbandum est, si in hac quoque re morem laboranti gerere, modo per temporis sui rationes possit, studeat, sed multo potius talis affabilitas magnopere laudanda est. Herm. CONRINGIO iudice, *Introd. in Art. Med. Cap. I §. XVIII, Cum primis ciuilem scientiae notitia tantam gratiam medico conciliare potest, quantam ex reliquis disciplinis pene nulla.*

## §. XXIV.

Praeter haec autem sunt nonnulla naturae bona, quibus medicus vnus prae alio placere recte potest: quanquam vnusquisque aliquid saltem boni, etiam a natura, benigna omnium matre, accepit, quo placere aliis possit, si bene ac sapienter naturae commendatione uti velit. Tali modo quosdam iocandi praestantia & salium leporumque gratia commendat; alios candida & exporrecta frons, liberalis facies, laetus hilarisque vultus: alios singularis modestia, vel etiam fiducia, &c. \* Nonnunquam accidit, vt primo quorundam hominum adspectu ad singularem eorundem amorem pertrahamur, nec tamen rationem eius rei reddere possimus: sicut e contrario nonnullis quidam displicent, de quibus nihil fere aliud dicere possunt, quam quod MARTIALIS I, 33

*Non amo te, Sabidi, nec possum dicere, quare:*

*Hoc tantum possum dicere, Non amo te.*

M m

Quem



\* Quemadmodum Ioach. VADIANVS ingenio festino, moribus & cultu perhistratus fuit, ut nemo non illius consuetudine delectaretur: apud Melch. ADAMVM

in *Vitis Medicorum*, pag. 23 b. edit. 3 fol. Francof. ad M. 1705 Conf. supra §. XXII not. 3. HIPPOCRAT. Praeception. text. V, 10 seqq. Lind.

## §. XXV.

Praecipuam autem acquirendae *χάριτος* prosperaeque fortunae spem medicus ponat in favore prouidentiaeque Eius, qui cuncta sapientissime moderatur, & cuius beniuolae gubernationis vestigia per suae vitae varietatem facile deprehendet, quisquis illam curatius repetere memoria voluerit. Ille & ingenii, naturae, studiique bona, rerumque omnium contingentium seriem ad veram nostram felicitatem arcano consilio dirigit; & aliquibus peculiari modo amorem, beneuolentiam, ac fauorem hominum conciliat: quemadmodum passim legimus in Diuinis Oraculis, ut Genes. XXXIX, 4. 1 Samuel. II, 26. Luc. II, 40. Daniel. I, 9. Et singularem quidem curam agere apparet Deum vitae ac valetudinis humanae: nam & terminum vitae ex suo arbitrio suspendit, qua de re latius alibi; & ipse morbos saepe hominibus, ex suae rectoris sapientiae rationibus, immisisse, & idem vicissim saepius curasse morbos legitur, sicut inprimis in sanctissimo Sotere & eius Apostolis diuinae medicationis efficacia quam clarissime exstitit \*.

\* Conf. Ill. HEISTERI *Diff. de Fortuna Medica*, §. XVI. vel supra *Comment. VII §. 11.*

## §. XXVI.

Quodsi in Medico necessaria doctrinarum experientiaeque praesidia, consilii maturitas, prosperorum successuum conscientia, constans veri rectique studium, bona de hominum erga se affectu existimatio, denique spes certa diuinae prouidentiae, coniunctae sint: tum demum vera suae artis surgit Fiducia, quae inter grauissimas morborum turbas & moestissimas miserrimorum aegrotantium lamentationes, compositae mentis aequabilitatem & prudentis consilii constantiam



tiam seruet, medico diuinam concilians auctoritatem, aegrotos vero iucunda spe recreans atque reficiens.

## ADDENDA.

*Proleg.* §. XII not. \* p. 31, Locus libri *Praeceptionum* mire conuenit cum verbis EPICURI in Epist. ad Herod. (ap. Laërt. X, 75) quae propterea egregie contulit Exc. TRILLER. in *Hippocrate Atheismi falso accusato* §. XXIII.

Pag. 62 not. <sup>a</sup>, Gesneriana correctio etiam in mentem venerat GVNDLINGIO, in *Gundlingian.* Part. XXIII §. X, ubi omnino eandem proponit: item alteram explicationem, nimirum abundantem esse posse voculam αὐτῇ, quemadmodum de illa αὐτῶ ostendit Iens. Lect. Lucian. I, 6. TRILLER. c. I. §. XXIV emendat, ἐννοία αὐτῇ. Verum ita deesset vox, quae ad τὴν ἰντερικὴν referatur, de qua sermo.

Pag. 143 seqq. De hoc ex l. de Morbo Sacro proposito loco ita iudicat Cel. GVNDLING. in Ot. P. 2 C. 3, *Hic locus ita est comparatus, ut ex veris Christianorum ideis, Deum ceu purissimum & sanctissimum ens delinearet: sed, quia Hippocrates id ait, loquitur, scribitur, ideo est suspectum, Quapropter etiam vehementer pugnat, librum esse supposititium.* Add. Id. in *Gundlingian.* Part. XXIII §. XXIII seqq.

Pag. 168 not. \* \* Add. *Dissertatio Inaug. de Diuino in Medicina*, a MOLLERO quodam Altdorffi 1696 ventilata: docte satis & ingeniose conscripta, iudice TRILLERO l. c. §. XXIV extr.





## INDEX.

- A**ccursus 268.  
 Acesius 231.  
 Acroamatica Philosophia 24.  
 Actionum humanarum propositus finis  
 vnus, ratio, consequentia, &c. 125  
 seqq. 261 seqq. alacritas, vnde? 188.  
 v. Vfus.  
 Acusmatica Philosophia 24.  
 Adamus, M. 274.  
 Ἀδίαχυτοι 50.  
 Adolphi, C. M. 268.  
 Ἀδοξία 81.  
 Aegrotantium relationes de suis mor-  
 bis 119. 251.  
 Aelianus, 269.  
 Aenigmata 24.  
 Aequabilitas vitae 22. v. Perturbationes.  
 Aëris vis in animali oeconomia & in  
 morbis generandis 169 seqq. 175  
 seqq. Id, quod ab aëris effectū est  
 in morbis, Diuinum dicitur Hippo-  
 crati 173 seqq. Aërio-aetherium  
 principium, v. Spiritus.  
 Affabilitas in Medico 268 seqq.  
 Affectus, v. Perturbationes.  
 Ἀγχινοια Aristotelis 238.  
 Agyrtae, v. Circulator.  
 Ἀιματα 146.  
 Αἰδητὸν 16.  
 Αἰτίνη 48. 57.  
 Ἀλάστορας ἔχοντες 146.  
 Alberti, M. 237.  
 Alciphron 87. 263.  
 Amicitia Pythagorica 23 n. 9. Me-  
 dicorum 159.  
 Amoris principium 264.  
 Ἀμφέννυδαι 56.  
 Ἀμφοτεροι. λόγοι 55.  
 Ἀναιδέν 61.  
 Ἀναιτίνη 48.  
 Ἀνακνείωσις 68.  
 Ἀναλαμβάνειν 59.  
 Analogica cognitio 249 seqq.  
 Ἀνάστασις 52.  
 Anatome ex libris 251.  
 Angeli, ap. veteres Philosophos DI &  
 Daemones 9. conf. 149 seqq. it.  
 Spiritus.  
 Anima, v. Θυμός. Animae vis 151.  
 an in corpus agat 164 seq. sua  
 sponte corpus deferere non potest  
 180 seq. an possit absque volun-  
 tatis suae conscientia agere 181. v.  
 Spiritus animalis.  
 Animi moderatio in aegris 270 seq.  
 Ἀνοδος Philosophica 20.  
 Ἀντίπρωσις 51. 90.  
 Ἀπάντησις 60. 218.  
 Ἀπεμπόλησις 60.  
 Ἀσορμαί 59. 117.  
 Apoplexiae exemplum 183.  
 Ἀποσίγησις 52.  
 Ἀποτελμ. αὐτ. Ἀποτερματίζεσθαι 153.  
 Ἀποτολματίζόμενοι 216.  
 Ἀρχὴν λαβεῖν 255.  
 Aristoteles 84. 151. 161. 178. 238.  
 265 seq. 269.  
 Arithmeica 24. 26. 76.  
 Arnoldus Villan. 51. 266. 269.  
 Artis opera quae praestantiora? 120.  
 127. ingenuae in Medico 242.  
 244.  
 Ascensus, v. Ἀνοδος.  
 Ἀσκησις Philosophica 12.  
 Ἀταρακτοποίησις 68.  
 Athei Philosophi 161 seq. nulli ante  
 Democritum 3.  
 Auaritia, fons omnium malorum 13.  
 127 seqq.  
 Auctorum inprimis veterum praestantia  
 100.



# I N D E X

Augustinus, S. 189.  
 Avicenna 178.  
 Ἀυτάρκεια 53.  
 Axiomata 138.  
 Bagliuus, G. 233. 239. 251.  
 Baierus, I. I. 229.  
 Βάναυσος 10.  
 Βαναυσία 77. 132.  
 Bayle, P. 151. 258.  
 Berckley 87. 263.  
 Biblia, v. Scriptura S.  
 Blesensis, P. 266.  
 Boerhaave, H. 138. 168. 175. 179.  
 180. 182 seq. 189. 190. 198. 236.  
 238. 239. 257.  
 Bohnius, 236. 241. 246.  
 Bona omnia quibus 152 seq.  
 Bootius, A. 239.  
 Botanica ex libris 251.  
 Βροχυλογία 65. 220 seq.  
 Buddeus, I. F. 12.  
 Κακία 12. 46.  
 Callianax 222.  
 Camerarius, E. 243.  
 Capiuaccius, H. 199.  
 Carmen Aureum Pythagoricum 6.  
 218.  
 Casaubonus, I. 65. 193.  
 Caselius, I. 266. 270. 272.  
 Castro, R. 242. 248.  
 Καταβολή 228.  
 Καθάρσις 146.  
 Καθάρσις 18. v. Lustratio.  
 Καθάρσις dl 10.  
 Καθάρται 10.  
 Καθεδρῆν 69.  
 de Cauigiolis, I. B. 238.  
 Caussae secundae quomodo a Prima  
 pendeant 151 seq.  
 Celsus, A. C. 29 seq. 33. 44. 65. 68.  
 69. 76. 171. 228. 229. 230. 233.  
 238. 243. 255. 267. an medicinam  
 ipse fecerit 229 extr.  
 Censores librorum Hippocratis 201.  
 de la Cerda, L. 231.  
 Χάρις, v. Gratia.

Χάρις, v. Gratiofus.  
 Charterius, R. 200 seq. 202.  
 Chirurgis necessaria decori praeceptio  
 84. de mercede curationis cum  
 aegris conuenire licet 133.  
 Χρῆς 46. 255. ἀδιδαντον, δίδα-  
 χῃ 54.  
 Χρῆσις ἐδῆς 87.  
 Cicero M. T. 64. 77. 104 & seqq 139.  
 215. 228. 250. 252. 263. 267.  
 Circulatores, Circumforanei &c. ap.  
 Hipp. 79. seqq. 267.  
 Civilis scientia, v. Politica.  
 Claudinus, I. C. 237. 241.  
 le Clerc, D. 145. 160. 258.  
 Codronchius, B. 238.  
 Coenobium Pythagoreorum & Mona-  
 steriorum 23.  
 Cognitio sui 7 seq. 258. Medicae  
 angustia 258 seq. gradus 256  
 seq. v. Sensualis.  
 Colores vestium quem quique habitum  
 animi indicent? 85.  
 Communio rerum Platonica 23.  
 Conduite 83. 228.  
 Coniugio opportuna aetas 186. conf.  
 Matrimonium.  
 Conring, H. 201. 241. 243. 256.  
 Conuersio in semet ipsum 18.  
 Corpus animale duplex 10. huma-  
 na omnia an principio rerum  
 iam efficta fuerint in flaminibus par-  
 tium 164. an post lapsum & de-  
 inde paulatim fuerit immutatum  
 178. Corporearum rerum ideae  
 quomodo oriantur 249 seq.  
 Coschwiz, G. D. 233.  
 Crassus, H. 238.  
 Κρετεῖν 63.  
 Crato a Cratheim, I. 40. 272.  
 Crausius, R. W. 191.  
 Κρσις 60. 139. 140.  
 Critici dies 76.  
 Cudworth R. 3.  
 Cultus corporis in Medico 265.  
 Κύρις ἐλέησον 10. 161.  
 M 203



# I N D E X.

- Dacérius, A. 40 seq. 145. 160.  
 Daemones veterum Philosophorum 7  
 seqq. 149 seqq. an tantum bo-  
 ni antiquissimis? 7. mali 8.  
 v. Angeli. Genius.  
 v. Dale, A. 7. 153.  
 Damascenus, I. 142.  
 Decorum 12. 39.  
 Δεισιδαιμονία 149. 219.  
 Dekker, F. 241.  
 Demonstrandi ratio in facienda medi-  
 cina 138.  
 Derham, W. 185. 186. 189.  
 Desiderium cur salubre 189.  
 Deus vnus ethnicorum 9 §. 5. 16 seq.  
 an numero plurium dicere liceat?  
 62. di veterum Philosophorum  
 6 seqq. 161 seqq. sunt Angeli  
 nobis dicti 9 seqq. 161 seqq. Dei  
 sequela 10. inuocatio 20.  
 Deo similem fieri 13.  
 Διακείδαι, v. Εαυτές.  
 Diaetae ad longaeuitatem summa 189.  
 v. Hygiene.  
 Διαλαμβάνειν τὰ μέρεα 70.  
 Διαλέξεις 45. 47. 143.  
 Dialectica 143.  
 Dicere bene, sapientis est 272.  
 Διδάκτορ 49. 216.  
 Διδασκάλος 53.  
 Δικαιοσύνη 132.  
 Disputandi ratio antiqua 143.  
 Discere quamdiu oporteat futurum ar-  
 tificem? 107.  
 Diuinitas, triplicis generis potentiis tri-  
 buta ab antiquis 6 seq.  
 Diuinum in morbis 163. 169 171 seqq.  
 175. 190 seqq. vulgare alterum,  
 alterum Hippocraticum, cum Philo-  
 sophicum tum Medicum 172 seqq.  
 v. Aër.  
 Docendi praecepta disciplinarum ratio  
 74. 108.  
 Δόξα i. e. φιλοτιμία, bonae existi-  
 mationis cura 13. 21. gloria  
 &c. 47. 53. 139. sententia,  
 axioma 60. 137 seqq. κρίσις 139  
 Δόξα δὲ 16.  
 Drelincourt, C. 130. 148. 193. 195.  
 196. 203.  
 Dyas 27.  
 Δυναστεῖον τὸ περιττόν 194.  
 πρὸς ἑαυτὲς ἐν νῶ διακείδαι 50.  
 Echemythia Pythagorica 18. 22.  
 Ἐγγαστήριμοι Hippocratis 190.  
 Ἐιδήσεις περὶ θεῶν sec. Hippocratem  
 191. 192.  
 Eloquentia mascula 93. Medici  
 267 seqq. duplex 269. vsus in  
 medicina 270. cum morum  
 probitate coniuncta sit oportet 271.  
 Empirici vet. 238 251.  
 Ἐμπειρία 67.  
 Empiricus Marc 229.  
 Ἐμπλέκεται ἡ εἰδήσις 192.  
 Ἐντροπή, ἐντροπία 48.  
 Ἐπαιδεία 271.  
 Ἐφ' ἐκάτερον ἀπεωθῆναι 70.  
 Epicharmus 218.  
 Epicurus 100 pr. 105. 275.  
 Epidemica aëris constitutio 168. 169.  
 Ἐπιλογισμός 20. 51.  
 Ἐπιμέλεια 69.  
 Ἐπιστροφή 222. v. Conuersio.  
 Erasmus Roter. 204.  
 Erotianus 36. 200.  
 Ἐρύμα 148.  
 Esoterica Philosophia 24.  
 Esprit, Mr. 23.  
 Ethnicus, v. Gentiles.  
 Euamerion 231.  
 Ἐυδοξία 88.  
 Ἐυεπία 269.  
 Ἐυκρητος 52. 91.  
 Ἐυσαδία 50. 69. 140 seqq. 221.  
 Ἐυσαλέως 69.  
 Ἐυσοχ. 50.  
 Eustratius 266.  
 Ἐυσχημοσύνη 38. 39.  
 Ἐυτραπεία 64.  
 Examen nocturnum Pythagoricum 19.  
 seqq. aegrotantium, v. Interroga-  
 tiones.  
 Exanthematici morbi 239.  
 Exercitatio, v. Labor. artis quid  
 doceat 252 seqq.



# I N D E X

Exoterica Philosophia 24.  
 Experientia, v. Ratio. propria 256 seq.  
 aliorum pro nostra 236. magistra  
 253. 255. 256 seqq.  
 Expiationes, v. Lustrationes.  
 Expectatione curandi ars 95.  
 Exsuperans 194.  
 Fabricius, I. A. 175. 194. 202. 204.  
 229. 254.  
 Fauchard, P. 82.  
 Fautor, v. Gratia.  
 Ferrerius, A. 270.  
 Fiducia Medici 271. 274.  
 Filii Medicorum 159.  
 Fludd, Rob. 176.  
 Foësius, A. 50. 138. 202.  
 Fortunae munera consequens virtutum  
 merces 80. 261 seqq.  
 le François 162 seq. 167. 175. 189.  
 Freind, I. 238. 239.  
 Frobesius, I. N. 244. 251. 254.  
 Frugalitas Pythagorica 22. 25.  
 Galenus, C. 36. 145. 175. 193. 200.  
 228. 251. 252. 271. de Carmine  
 Aureo 6. 145. liber de Medico  
 Philosopho 41. 128 seq. 202. qua-  
 nam ex parte reprehendatur 202  
 seq.  
 Genius hominibus additus 20.  
 Gentilium virtus 203 seq. cautio in  
 legendis auctoribus ethnicis 204.  
 Geometria 24.  
 Gerike, P. 241. 254.  
 Gesnerus, C. 40.  
 - I. M. 33. 40. 49. 52. 55. 56.  
 146. 268.  
 - C. P. 62. 146. 169. 175. 177.  
 Ἰνῶδι σεαυτὸν 17 seq.  
 Ἰνῶμαι, v. Sententiae.  
 Ἰνῶσις 116.  
 Gracchus, Sempron. 242.  
 Grammatica quomodo constructa? 76.  
 123.  
 Grandis, I. F. 194.  
 Gratia in Medicinali professione 78. 69.  
 265 seq. 273. morum 264.

Gratiolus Medicus 39. 216. 265 seq.  
 Gundling, N. H. 275.  
 Hahn, I. G. 239.  
 Haller, A. 33. 139. 165. 167. 180.  
 230. 233. 243.  
 Harpocrates 231.  
 Harueus, G. 95.  
 Heisterus, L. 84. 228. 244. 254. 262.  
 270. 274.  
 Helmontius, I. B. 245.  
 Heraclitus, unde sua habuerit 33. Me-  
 dicis infensus ib.  
 Hesiodus 186.  
 Heumannus, C. A. 269. 270.  
 Heuristica 32.  
 Heurnius, I. 40 seq. 238.  
 Hieronymus, S. 268.  
 Hippocrates Cous, Magnus 261. 264.  
 studiosus antiquitatis 3. & Ho-  
 meri 36. non fuit Heracliteus  
 33. quomodo notitiam discipli-  
 nae Pythagoricae potuerit habere 215.  
 aliorum libris usus 33. eius Ma-  
 gister 215. Theologia Nat.  
 193 seq. consensus cum S. Scri-  
 ptura 148. quatenus Lustratio-  
 num caerimonias approbauerit? 145  
 seqq. eius mores 32. 84. 128.  
 seqq. - virtus 204. 264. con-  
 temtor pecuniae 128 seq. eius  
 auctoritas 97. dicendi genus 36.  
 56. 272. breuiloquentia 36. de  
 Silentio 267. de Circulatoribus, v. v.  
 artifex ethologiae 84. eius Scri-  
 ptorum clavis 99. conf. 100. 251.  
 methodus 35. 165. 251. praestan-  
 tia 251 seq. quatenus Rationalis  
 Medicus? 112. non Systematicus  
 75. cautio, ne plus sibi scientiae  
 arrogaret 166. de quibus interro-  
 gari aegrum velit 235. 237. eius  
 reprehensores scuticis digni 35 extr.  
 v. Medicina Practica. Ἐγγασίμυδοι.  
 Librorum eius loci laudati, expositi,  
 emendati, vindicati &c. de Aëre Aq.  
 & Loc. argumentum, ex Galeno  
 129.



# I N D E X

129. *de Affect.* 237. *de A-*  
*lim.* 99. *Aphor.* 140. *de Ar-*  
*te* 116. 118 seqq. 127. 138. 167.  
 232. 241. 237. *de Diaeta*  
 102 seqq. 168. 189. 165. *de*  
*Artic.* 217. 220. 222. *Epi-*  
*dem.* 168. 169. 189. 237. 246. *E-*  
*pist.* *ad Damaget.* 88. 130. *- ad*  
*Democr.* 234. *- ad Philopem.*  
 142. *- ad S. P. Q. Abderit.*  
 129 seqq. 131. *- ad Thessal.*  
 243. *de Fract.* 217. *de Flat.*  
 170 seqq. *de Insomn.* 172 seqq.  
*Iusur.* 136. 159. 196. 260. *Lex*  
 81. 139. 231. 244. 256. *de Loc.*  
*in Hom.* 94. 112. *de Medico* 42.  
 87. 257. *de Morbo Sac.* 82 seqq.  
 145 seqq. 171 seqq. *de Morbis*  
 237. *de Morb. Mul.* 175. *de*  
*Nat. Hom.* 167. 233. *de Nat.*  
*Mul.* 174. *de Princip.* 194. *O-*  
*rat. Thess.* 195. *Praeception.* 30  
 seqq. 70 f. 81. 90. 95. 115. 132.  
 133. 202. 238. 239. 265. *Pro-*  
*gnost.* 168 seqq. 175. 191. 237. *de*  
*Rat. Viet. in Ac.* 237. 220. *De*  
*Septim. Partu* 177. *Prothet.*  
 220. 221. 246. 248. 255. *de*  
*Vet. Medic.* 116. 117. 188. 233. 234.  
 239. 242 seqq. *cautiones ad in-*  
*terpretandum Hippocratem* 194.  
 195. *- alius* 200. 201 seqq. 215.  
 Hofmannus, F. 140. 176. 179. 191.  
 228. 237. 238. 239. 242. 256.  
 259.  
 Hollerius, I. 270.  
 Homerus 92. 272.  
 Hominis aetas, saeculi spatium 185.  
 Honestum, Honestas 39. 203 seqq. *in*  
*vestitu* 84 seq. *in honestate prin-*  
*cipium actionum ponere non licet*  
*Christiano* 203 seqq.  
 Honnêteté 39.  
 Hornigk L. 236. 242.  
 Humanitatis studia in Medico 242.  
 244. 271 seq.  
 Hygiene an pertineat ad Medicum 237.  
 Hypothesibus quomodo libera fiat Me-  
 dicina? 112. 233.  
 Ideae Platonis 16.  
 Ἰδιώται 65.  
 Ignis Hippocratis 120.  
 ignorantia Medica 258 seq.  
 Incantationes 271.  
 Ingenium Medici 244.  
 Instituire, v. Docere.  
 Institutum, v. Νόμος.  
 Interrogationes aegro proponendae 235.  
 237.  
 Iordanus, H. 192.  
 Ἰσίδης 59. v. Deo similis.  
 Iudicare de scriptis 32.  
 Iupiter 10. 161 seqq.  
 Iuvenes Medici 247 seqq.  
 Kahler, W. 264.  
 Laboris & exercitationis vis in tuenda  
 sanitate 189.  
 Lancisius, I. M. 140. 183. 238. 241.  
 242. 244. 256. 270.  
 Largus Scribonius 229.  
 Λάδε βλώσας 18.  
 Laurembergius, P. 189. 236. 237.  
 Λημματινός 5.  
 Lentilius, R. 134. 228. 229. 36.  
 237. 239. 241. 244. 246. 261.  
 Leonicens, N. 239.  
 Lex, v. Νόμος.  
 Liberi, v. Medicorum filii.  
 Lithotomi veteres 28.  
 Logica Hippocratis 31. 35. v. Medici-  
 na.  
 Λογισμῶν περιήκοντι ζήτησιν 116.  
 Logomachiae Medicorum 258.  
 Λόγος 56. 216. 217.  
 Lomeierus, I. 11. 146.  
 Longaeuitas, v. Vita.  
 Loquendi virtus, unde? 268 seq. 271 seq.  
 Lucretius 149. 150.  
 Lustrationes veterum 10 seqq. 144 seqq.  
 218.  
 Machiauellus Medicus 242.  
 Maior, I. D. 237.



# I N D E X

Maius, I. B. 122.

Mala 152. mali an adeo homines 263

Manitius, S. G. 242.

Marcellus Empir. 229.

Martialis, M. Val. 273.

Martianus, P. 177. 201. 202. 243.

Mathematica Philosophia 24. 25 seqq.  
disciplina an in Medicina vltum ha-  
beat 242 seq. methodus 251.

Matrimonium ocius aut serius initum  
numquid ad vitam contrahendam,  
aut producendam faciat 185 seqq.  
conf. Coniugium.

Medicina est prudentia 140. 256. quo-  
modo inuenta 257. vtrum  
Ars an Scientia 230. v. Mu-  
ta ars. per se gratiosa 265 seqq.  
Deo commendata 274. via ad eam  
hodie eadem quae olim 250 seq.  
methodi perfectio 250. officium  
amoris 91. olim cum Phi-  
losophia coniuncta 29. quis  
separauerit? & qua ratione? ib. &  
seq. Logica 32. Pra-  
ctica tantum Hippocrati, & exerci-  
tatrix 162 seq. Theoreticae  
medicinae studiosi libenter in se-  
cundis tantum causis subsistunt 163.  
quomodo in docenda medicina for-  
mandus futurus Practicus 240 seq.  
248 seq.

Medicus legitimus 28. ἐλευθέ-  
ριος, κομψός, χαρίεις, εὐσχήμων  
89. τῷ φιλοσοφεῖν ἐγγύς ib.  
v. Eloquentia. Gratia. Grauius. In-  
genium. Systematici, Theoretici,  
Practici, Nominetenus 231 seq.  
258 seqq. σιδηρόξυλον 232.

quantum scientiae ad praxin afferre  
debeat 234 seqq. 240 seq. rati-  
ones reddere debet aegrotis 269 seq.  
Naturae minister 165 seq. 168. pro  
Medicorum religione apologia 192  
seq. Iuuenes 247 seqq.  
Inexpertus 255 seq. Valetudina-  
rii 257. Medici, singula-  
ribus artis partibus addicti 28.  
Medicorum varia munia 234. 236.  
discipuli 28. filii 159. -vel  
liberi vel serui ib. & 77. 269. scri-  
pta 29. §. X. peregrinatio.  
nes 28. n. 9. amicitia 159.  
Pythagorici medici 202.

Medicamenta morbi quomodo inue-  
nienda 236. 239.

Mediocritas affectuum 22.

Meibomius, I. H. 28. 136. 159. 201.  
215. 231. 260. 266.

B. 254.

a Melle, F. I. 229.

Melodiae 271.

Memmius, P. 272.

Menander 208.

Mens, v. Νῆς.

Mercurialis, H. 201. 202. 231. 233.  
243.

Μετὰ γαίην 59.

Μεταχειρῆσθαι 63.

Metaphysica 3. 26.

Μεταποιούμενα 198 seq.

Μετασχηματισμοὶ 199.

N n



# I N D E X

- Μέθοδος* 47. *aliter* 66. metho-  
 di perfectio 250.  
*Μιάσματα* 146.  
 Minderer, R. 260.  
 Minuti Philosophi 263.  
 Miserere mei 10. 161.  
 Moller. 275.  
 Monas 27.  
 Morbi quatenus a dls daemonibusue  
 pendeant? 7 seqq. 190. illustratio-  
 nibus curati 11. 82 seq. 145 seqq.  
 quomodo ad cognitionem morbi per-  
 ueniendum 235 seqq. 249 seqq.  
 curatio quomodo aggredienda 246.  
 post morbos in integrum saepe re-  
 stitui solida 183. 190. morbo-  
 rum mutationes secundum tempora  
 198 seq. historiae 235. 238.  
 noui 238 seq. differentiae & si-  
 militudines 235. 239.  
 Moreau, Ren. 192.  
 Morhofius, D. G. 174. 268.  
 Morinus, I. B. 152.  
 Mors naturalis unde? 178 seq. 181 seq.  
 183. vera, & apparens 183.  
 Mulieri medendi munia interdicta  
 258.  
 Mundus, v. Natura.  
 Musices vsus in medendo 271.  
 Muta ars 141. 230 seq. 260. 267 seq.  
 Natura Hippocratis 34. 54. 55. 98  
 seqq. 119 seqq. 140. 163 seqq. 238.  
 244. Epicuri 105. quae sit eius in-  
 tegritas? 100 seq. quomodo  
 peruertatur? 100. 101. 104. li-  
 ber naturae 101. naturae  
 conuenienter viuere 100. na-  
 turam ducem aut magistram sequi  
 100 seqq. naturae Phaeno-  
 mena, sec. Hippocratem 108.  
 natura & mundi machina non abs-  
 que Dei coniuncta virtute 151 seq.  
 humanae Sensus 165 seq. na-  
 turae bona s. commendatio 273.  
 Nenterus, G. P. 233.  
 Newton, I. 151.  
*Νοητὸν* 16. 162.  
*Νόμος* opponitur τῇ φύσει 101. 102.  
 103.  
 Nosse se ipsum 17 seq.  
 Numeri, v. Arithmetica.  
*Νοῦς* ap. Pythagoram 14. & Hippo-  
 cratem 162.  
 Observationes 249.  
*Ὀδὸς* 47. 63.  
 Officii observatio 125 seqq. 263.  
 Officiorum diuisio antiquissima 12.  
*Ὀικτις*, *Ὀϊσθαι* 64. 113.  
*Ὀλιγόκαιρος* medicina 94.  
*Ὀμιλητικὸς* 51. 91.  
*Ὀμοία*, v. Similitudines. ἀπὸ  
 τῆς ὁμοίας μετάβασις 251.  
*Ὀμοιότης* 51.  
*Ὀμότεχνον* Modicum 20.  
*ὄντα* 15. γνώσις τῶν ὄντων  
 3. 16.  
 Opinio, Opinatio 113.  
 Oporinus, Ioach. 151. 190.  
 Oracula 24.  
 Orationis virtus 263 seqq. Hippocra-  
 tis & similium 272.  
 Otto, I. C. 204.  
 Pagani, v. Gentiles.  
 Palladius 217.  
 Parabolae 2.  
 Paracelsus 183.  
*Παραχρηεῖν* 62.  
 Παρ



# I N D E X.

Παράδειδς 70.  
 Παραγγελία 28.  
 Παρασκευή, Παρασκευαστικά 221.  
 Παρέξοδος 66.  
 Particularia 250.  
 Πάθη 62.  
 Patriarcharum longaeuitas paulatim  
 decrefcens 185.  
 Peregrinatio Philosophorum 3. Me-  
 dicorum 29.  
 Perfectio operum, actionum, &c. vnde?  
 127.  
 Περιβολή 50. 216.  
 Περιεπνύμενος 70.  
 Περιεργία 45. 215.  
 Περιγραφαί 49.  
 Περίπτωσης 108.  
 Περιβολή 68.  
 Περιττόν 63. 194. 219 feq.  
 Persuasio, vnde? 271.  
 Perturbationum iusta moderatio 141  
 feq.  
 Petits - Philosophes, Petits - Predica-  
 teurs, Petits - Maitres 264.  
 Petrarcha, F. 268.  
 Petronius Arbiter, T. 127 feq. 150.  
 Petrus Bles. 266.  
 Phaedrus 89.  
 Φαντασία 220.  
 Φιλανθρωπία Medici 91.  
 Φιλαργυρία, v. Auaritia.  
 Philosophus, Philosophia quando pri-  
 mum dicta 2. vocabuli huius  
 vsus ap. Hippocratem ib. v.  
 Minuti.  
 Philosophiae definitio antiqua 3. 16.  
 17.  
 Φύσις, v. Natura. Νόμος.  
 Physica Philosophia 24. Hip-  
 pocratica 30. peruersa tracta-  
 tio 251.  
 Physici antiquissimi 3. 26. Me-  
 dici 236. 237.  
 Φυσιογνωμία Pythagorae 21. 159.  
 Pietatis studium 241. 243 feq.  
 Πικρός, πικρία 49. 221.  
 Pindarus 271.

Piso, C. 239.  
 Plato 34. 35. 99. 230. 217. 257 feq.  
 269. dialogi 143.  
 Plinius Maior 220. 221. 267.  
 Plotinus 217.  
 Plutarchus 8. 149.  
 Poëseos an in Medicina vsus? 36.  
 Politica scientia Medici 240. 242  
 273.  
 Politici Pythagorei 14.  
 Πολυπραγμοσύνη 215.  
 Πορεία 50.  
 Practici Pythagorei 14.  
 Practicos auctores intelligendi ratio  
 251.  
 Praeceptoribus quid debeant discipuli  
 253.  
 Praxis & Theoria qua ratione differant?  
 73 feq. 253.  
 Primerosius, I. 189.  
 Problemata 24.  
 Prognosis quam ενδοξος in Medico?  
 67.  
 Πρόνοια τόκx 167.  
 Πρόσκλησις θεραπευτικής 65. 220.  
 Προσεδείη 69.  
 Προσωποληψία excluditur a Medicina  
 facienda 91.  
 Prouidentia Dei 150 feq. 274.  
 Pulmonum actio quatenus ad vitam ne-  
 cessaria 183 feq.  
 Pulsuum exploratio 259.  
 Purgationes, v. Lustrationes.  
 Pythagoras primus se dixit Philoso-  
 phum 2. ethicen introdu-  
 xit 4. eius existimatio & au-  
 thoritas 5. Add. 215 feqq.  
 Pythagoricae disciplinae principatus  
 inter Graecas 4. 5. eius  
 delineatio 6 feqq. causae  
 cur delineetur 4. eadem sa-  
 cros ritus assumsit 5 feq. 11. me-  
 dicinam quoque prae caeteris coluit  
 4. 202. Conf. 215 feqq.  
 Quintilianus, M. Fab. 44. 89. 134.  
 143. 161. 182. 247. 267. 268. 271.  
 272.  
 N n 2 Ra-



# I N D E X.

Rabe, I. C. 33. 244. 262.  
 Rabelais, F. 270.  
 Ramazzinus, B. 257.  
 Ramus, P. 41. 139.  
 Ranchinus, F. 241.  
 Rapin, R. 264.  
 Ratio & Experientia quomodo sese ad  
 se mutuo habeant 110 seqq.  
 Ratiocinatio in Medicina, sec. Hippo-  
 cratem 30. 112 pr.  
 Religiosus cultus gentilium 146 seqq.  
 Remedia, v. Medicamenta.  
 Reparatio f. restitutio solidorum 183.  
 190.  
 Rhodius, I. 229.  
 Richey, M. 254.  
 Richter, G. G. 179. 185. 183.  
 - C. S. 237.  
 Riuius, A. Q. 48. 78 seqq. 94. 131.  
 136. 176. 181. 245.  
 Rollin, C. 62.  
 Σαυτάν 231.  
 Samius Comatus 5.  
 Sammarthanus, S. 270.  
 Sanguinis euacuationum necessitas 189  
 seqq.  
 Sapientia pro Philosophia 44.  
 Scheffelius, C. S. 122.  
 Scheffer, I. 15. 24.  
 Schelhammer, G. C. 32. 33. 40 seqq.  
 54. 55. 58. 60. 108. 122. 125. 140  
 seqq. 162. 175. 201. 202. 237. 243.  
 248.  
 Σχημα 50.  
 Scherbius, 140. 241. 256.  
 Schmidt, I. A. 32. 62. 160. 178.  
 191. 194.  
 Schraderus, F. 190. 233. 237. 238. 239.  
 243. 246. 247. 248. 256.  
 Schulze, I. H. 65. 81. 140. 201. 202.  
 231. 233. 236. 242. 243. 251. 257.  
 Scribendi virtus, vnde? 272.  
 Scribonius Largus 229.  
 Scriptura S. liber Scripturae 101.  
 Genes. de aetate Patriarcharum 185.

Genes. 1. extr. 101. Iob. V.  
 13: 86. - XIV, 5: 189. Psalm.  
 I & XV: 127. - XC: 185.  
 - CXXXIX, 16: 189. Ecclesia-  
 stes 126. 188. - I: 186. - VII, 30:  
 86. 100 seqq. Ies. XXXVIII:  
 189. Sirac. XIX, 30: 216.  
 Matth. VII, 14: 192. 263. - X,  
 16: 86. Act. Ap. XVII, 26:  
 189. Rom. II, 14: 101. 1 Cor.  
 II, 4 & 13: 215. - III, 19:  
 86. Ephes. V, 4: 64. Hebr.  
 VI, 18. 19.: 148. Decalogi  
 praec. VIII: 192. plurium  
 dictorum aceruus 143.  
 Sectam non sunt secuti maximi viri 4.  
 Graecarum sectarum origines ib.  
 Seneca, L. A. 222. 241.  
 Senes pro diuersitate corporum diuer-  
 sis morbis expositi 190.  
 Sensu tincta verba 92. 269. 272.  
 Sensualis cognitio 249 seqq. 252. 256  
 seqq.  
 Sententiae, γυνώμαι 24. 26. 143. 144.  
 Septalius, L. 238.  
 Seruius 231.  
 Sigaleon 231.  
 Silentium, v. Echemythia. Tacitur-  
 nitas.  
 Similitudines 24. 26. 266.  
 Simplicitas, generatim 85 seqq. in  
 vestitu 86 seqq.  
 Singularia 250.  
 Socrates 4. 143. 272.  
 Socratica methodus 143.  
 Solidae partes corporis, v. Reparatio.  
 Σοφία, σοφοί 2. 44.  
 Sophista 80.  
 Sostrium Medici 133 seqq.  
 Sothen, I. F. 189.  
 Spes, cur salubris? 189.



# I N D E X.

Σφέτερα 69.  
 Σοφιστικὰ ἀπολογισμῶν 82.  
 Spiritus ap. Hippocratem 120. 170 seq.  
     animalis 176.      spiritus sedantia  
     medicamenta 176.      Spiritibus ex-  
     tra nos positis an vita nostra subiecta  
     sit 181. 189.  
 Stateram ne transilias 23.  
 Stablius, G. E. 180. 233. 243.  
 Stephanus, I. 194. 195.  
 Storch, I. 180. 191. 241. 243. 244.  
     245. 246. 248. 249.  
 Suidas 162.  
 Sulphur in lustrationibus 146.      in  
     medicina 175.  
 Sydenham T. 238. 239. 243. 251. 259  
     seq.  
 Syluius, F. de le B. 192.  
 Symbola 24.  
 Symmachus, Q. A. 222.  
 Συμπτώματα 62.  
 Συναντήσεις 50. 216.  
 Συνεντάσεις 216.  
 τὸ Σύννοον 50. 88.  
 Systematum κειμήριον 76.  
 Taciturnitas, Silentium, in Medico  
     136. 141. 267.  
 Telesphorus 231.  
 Τέλμα 53.  
 Τεχνικῶς 111.  
 Temperantia, v. Frugalitas.  
 Tetractys 27.  
 τὸ Θεῖον 11. 83. 146. 162. 164. v.  
     Diuinitas. Diuinum. pro sulphure  
     175.  
 Theologia Philosophica 24. 26.  
 Theophrastus 84. 149.  
 Theoria, v. Praxis.  
 Therapeutica 198.  
 Thessali Oratio, v. Hippocrates.  
 Thomasius, I. 3. 62. 204. 230.  
     seq. 266.  
 Θυμὸς, ap. Pythagoram 14.  
 Tiraquellus, A. 266.  
 Trias 27.

Τριῖς ἡ μετὰ λόγῳ 163.  
 Triller, D. W. 29. 36. 49. 261. 273.  
 Τρίπαις τῆς ἰντρικῆς 251.  
 Vadianus, I. 274.  
 Valentini, M. B. 242.  
 Valetudinis constans firmitas unde?  
     189.  
 Verba pectore prolata 93.      sensu  
     tincta 92. 269. 272.  
 Verdries, I. M. 238. 244.  
 Veritatis inueniendae methodus 97.  
 Verulamius, F. B. 79.  
 Vestitus 5. 10. 23. 216. quomodo habi-  
     tum animi ostendat 85. 87.      ve-  
     terum 65. 87.      fluitans 89.      eius  
     cura in Medicis & Philosophis 84.  
 Veteres, v. Auctores.  
 Vexatio discipulorum ap. Pythagori-  
     cos 21.  
 Villanouanus, Arn. 51. 266. 269.  
 Vinckius, D. 231.  
 Virgilius Maro, P. 141. 149. 230 seq.  
     260. 268.  
 Virtus 12.      in moribus 261 seqq.  
     vna ib. eius quatuor genera 12.      -vis  
     in rebus humanis 88 pr. 96 seq. 261  
     seqq. Christiana, & Ethnica 203  
     seqq.  
 Vitae terminus 177 &c.      -commu-  
     nis, proprius; naturalis, diuinus 186  
     seq.      longae in piis ratio 189.  
     qua ratione vita dici possit prolon-  
     gari 189.      minimus gradus 182.  
     183 fin.  
 Vniuersalia 250.  
 Voglerus, V. H. 191.  
 Vossius, G. I. 3. 9. 162.  
 Vrsinus, F. 231.  
 Vtus in Medicina 252. 255.  
 Vtiles omnes veritatum contemplatio-  
     nes, & qua ratione? 73.  
 Wagner I. G. 237.  
 Wedelius, G. W. 190 seq.  
 Weisbach, C. 179.  
 Werlhof, P. G. 239.



# I N D E X

Wolfius, C. 138.

- I. C. 254. 255.

Woodward, I. 270.

Xenophon 143. ]

Ἐποδειχθὲν 53.

Ἐπομονή 53.

Ἐποβολή 219.

Ἐπεργίη 69.

Zacchias, P. 192.

Zeno 92. 272.

Zuinger. T. 35. 39. 40. 64 seq. 95. 98.

145. 160. 168. 186.

# F I N I S.

















